



1.7.395

1-7-395

A

1-7-395

A



81

FRANCISCI ANTONII
DE SIMEONIBUS
De Bello Transylvanico,
& Pannonico
LIBRI SEX.
Ad Sanctissimum Patrem
CLEMENTEM
UNDECIMUM
PONTIFICEM MAXIMUM.



ROMÆ, MDCCXIII.
Ex Typographia Antonii de Rubeis in Platea Cerenfi.
SUPERIORUM FACULTATE.

In Libr. Sig. Rubeis Magnifici

1.7.395

Sanctissimo Domino Nostro
CLEMENTI XI.
PONT. OPT. MAX.

FRANCISCUS ANTONIUS DE SIMEONIBUS
FELICITATEM.



*UAM bene, sapienterque
institutum a majoribus sit,
ut summi alicujus viri nomine liber de-
coretur, certe ex eo cognoscere licet, quod,
per manus traditum morem, nemo fuit,
a 2 qui*

qui factò non comprobaret : nam, ut alia
omittam , experientia compertum est ,
eo majorem quemquam sibi conciliavisse
laudem , quo majoris authoritatis vir
ipsius suscepit patrociniũ . Quamob-
rem multo nos veteribus feliciores esse
constat , quando nobis , quod eis non li-
cuit, Te implorandi copia est . Sunt enim
SANCTITATI TUÆ quum naturæ , tum
virtutis bona omnia, quæ vix singula in
omnibus prædicantur . Quæ hic nec re-
censere , nec laudibus celebrare consilium
est , quia conscius mei ingenii tenuitatis
tam nobile argumentum , quod doctissi-
mus , ac ex omnibus eloquentissimus pro
dignitate tractare se non posse cognoscit ,
nequaquam sumere audeo. Quod si pудо-
rem hunc cupido meum in Te summum
obsequium , egregiamque observantiam
demonstrandi vinceret , tamen hoc loco
rem non aggrederer , quum , quam pau-
cissimis omnia ea perstringere , quæ vix
comprehendi volumine possunt , Tuæ non
esse

esse dignitatis existimarem. Jam constat,
majora ea videri, quæ integra hominum
cogitationibus reservantur, quam quæ
satis pro dignitate non exponuntur. Jam
scio res ipsas optime loqui, adeo ut Tua-
rum virtutum documenta semper homi-
num animis contineantur oporteat, quan-
do non cito sunt peritura beneficia, quæ
in Christianam Rempublicam contulisti,
sed perpetuo sunt permansura. Quod
nisi res ita se haberet, nescio, an histori-
cis, qui vera de Te scribent, fides esset fu-
tura, quum Tua rerum gestarum glo-
ria plus quam hominis esse videatur,
adeo ut dubitare prope quidam possent,
utrum maxima re vera ea sit, an lit-
teratis, quos omnes perpetuis beneficiis
obstrinxisti, placuisset, ut maxima vi-
deretur. Sed provisum huic rei est,
quum ea ratione, quam demonstravi,
tum quia nemini occulta Tua moderatio
est, quando authoritate, & quibus aliis
rebus vales, eniteris, ut de Tuis laudi-

bus præclara ingenia fileant . Proinde
ut pro explorato omnes habent , Te ma-
gis præclare facere , quam præclare lau-
dari cupere , ita nemo dubitat , quin ex
virtute non tam libenter laudis fructum
percipias , quam alia digna SANCTITA-
TE TUA audendi nanciscaris occasionem .
Jure igitur merito Tibi longe omnium
Sapientissimo has meas lucubrationes
committere optimum duxi , quum quod
maxime decet tot virorum fortia facta
Tibi , qui tantam suggeris materiam
historicis , proponere , tum quia pulcher-
rimum fore existimaui Tibi Christiano-
rum Parenti Optimo historiam dicare ,
ex qua , quomodo paulatim Turcarum
potentia imminui cæperit , apparet .
Munusculum ergo hoc & his de causis ,
& maxime ob ingenitam SANCTITATI
TUÆ humanitatem non injucundum fo-
re confido . Quod ubi me affecutum esse
cognoscam , certe maximum mei laboris
fructum tulisse lætabor .

LE-



LECTORI.



U A M difficile sit historiam scribere, hic demonstrare supervacaneum videtur, quum nemo sit, qui ignoret, quantam diligentiam adhibere, quantaque eruditione, doctrinaque ornatus esse historicus debeat. Quæ cogitatio si doctissimos viros a tali re suscipienda detineat, quanto magis me deterrere a proposito debuerit, ne ego quidem ignoro. Et ingenue fateor, hoc apud me ita potuisse, ut solum autoritate quorundam adductus, historiam, quam me exercendi causa scribere cœperam, & absolverem, & ederem. Summæ enim pertinaciæ me accusandum esse existimabam, nisi eorum iudicium, quorum & doctrinæ, sapientiæque opinio apud cunctos est singularis, & optimam in me perspexeram voluntatem, tanti facere demonstrarem, ut eis morem gerere summo decori, gloriæque mihi esse existimarem; maxime quod non injucundum litteratis meum laborem fore mihi persuasi, quando tot, tantique viri illum probassent. Accedit, quod rei difficultas, quæ me ab incepto deterebat, ea, quum excusationem ad omnes paret, ut illud perficerem, hortabatur. Nam quum hominis sit errare, eo magis excusatione dignus est, qui in re difficillima, quam qui in facillima offendit. Redarguitur ab veteribus, ut alios omittam, Sallustius, ab recentioribus etiam Livius, & Tacitus; plura reprehendit in Cæsare Lipsius, etsi historicorum principes destinati sunt. Quid ergo expectare possem ego, nisi plura operis difficultati con-

concedantur , aliqua adolescentiæ condonentur , alia aliis dimittantur ? Hæc quum ita sint , tamen læticia afficior , quum cogito , me , si diligentiam omnem non præstiti , quam materiæ dignitas requirere videtur , saltem eam adhibuisse , quam ingenii tenuitas permittit . Non enim contentus fui primo verborum , sententiarumque delectu , aut primo historiæ filo , sed , ut Horatii verbis utar , sæpe stylum verti ; & iterum scripsi , quæ digna legi sunt . Et quod pro explorato habebam , non minus cura , meditatione , exercitatione , & tempore , quam optimorum scriptorum lectione fieri , ut unus sit operis sonus , atque ut optimis sententiis , verbisque distinguatur , & illustretur historia , eo historicos & Græcos , & Latinos legi omnes , Cæsaris vero commentarios , Sallustii , Liviique , quæ extant , sæpe perlegi , propterea quod hos imprimis mihi imitandos proposui , utpote illos , qui quum aliis rebus , tum maxime Latina puritate cæteros antecellunt . Confido ergo pro tua humanitate , lector , te æqui , bonique esse consulturum , si quid non eliminatum lapsum sit . Quæ quum multa esse arbitrarer , ne tua patientia abuti viderer , nihil ab operis principio quæsitum in medium evocare volui , solum ab rerum ordine declinavi , quando locorum situs , gentium , de quibus agitur , mores , instituta , leges paucis demonstravi , & rerum causas altius repetii , ut omnia magis magisque in aperto essent . Nec pulcherrimum duxi otiosas coacervare sententias , & ab Philosophiæ fontibus sæpe sæpius præcepta aliqua , quod difficile non est , mutuari , quamvis ab aliquibus in hoc reprehensum iri non ignoravissem . Nam , si veteres in hac parte imitatus ero , quorum in historiis , præter quam in concionibus , perraræ sunt sententiæ , nihil aliorum iudicium extimeo . Eadem de causa neque illorum cupidini non satisfecisse me poenitet , qui eos ab historiæ regula aberrare existimant , quorum cura in onerandum , ut ita dicam ,

re-

rerum ordinem ingeniosis interpretationibus, licet puerilibus, commentitiis, & malignis, intenta non est. At si quis concionum directarum, vel indirectarum frequentiam non probet, persuasum sibi habeat, velim, me acriter enisum esse, ne earum opportunitas desideraretur. Et si in libris de bello Transylvanico historię modum eadem de causā excessisse videbor, scire iuvat, tum magis dissensionibus in conciliis, quam armis in campis, magis ab legatis, & Consiliariis in aulis, quam ab militibus, Ducibusque in acie esse pugnatum: proinde non aliam a me iniri potuisse viam apparuit, qua omnia breviter, & nitide pro viribus exponerem, quam eam, qua quorundam orationes, ac consilia quam paucissimis referrem. Pręterea non minus laboravi, ut latinis solum verbis uterer, quam ut latina, & ut ita dicam, historica elocutio esset, contendi: qua in re si me erravisse contigerit, apud eruditos excusatum fore non difficile duco, qui, quantum hęc res difficultatis habeat, probe cognoscunt. Et hęc de stylo, atque aliis hujuscemodi dicta sufficiant, nunc, quia non magis harum rerum, quam vřitatis rationem habere debet historicus, me libenter in margine libri locum annotaturum fuisse profiteor, unde rem sumpsi, ut fert laudabilis recentiorum mos, si multa narrare necesse non fuisset, quę vel aliis historicis incognita, vel consulto ab eis pręterita fuerunt. Nam excusatione digni ii sunt, si res subtiliter non exequuntur, qui historiam de aliquo bello proprie condere noluerunt, sed nihil aliud in se receperunt, quam omnia ea innuere, quę in tota Europa aliquo tempore quid novitatis habere visa sunt. Meam igitur historiam in omnibus fere cum aliis congruere arbitror, & si quid non conveniat, causam, quę me movit, adjeci. Nam pręter litteras publicas, Consiliarium sententias, legatorum postulata, & quidquid de belli ratione exercituum Duces ad Reges scripserunt, alia etiam, quę memorię ii prodide-

derunt, qui bello interfuerunt, perlegi, ex quibus omnia ab amicitia, ab odio, ab invidia vacuus excerpti. Hæc præfatus, nihil relinquitur, nisi ut dicam, me dedita opera scripsisse, uti res eo tempore erant, quo bellum gerebatur. Scio enim non modo nunc Pannoniæ formam esse mutatam, verum etiam Turcas multum virtutis, & potentiæ opinionis deperdidisse non ignoro.



71

IMPRIMATUR

Si videbitur Reverendissimo Patri Magistro Sac. Pal.
Apostolici.

N. Caracciolus Archiep. Capuæ Vicefg.

Historiam belli Transylvanici & Pannonici a Francisco Antonio de Simeonibus conscriptam, mandante Reverendiss. P. F. Gregorio Selleri S. P. A. Magistro perlegi; neque in ea quidquam bonis moribus absonum offendi: cuncta enim, ut ad veterum scriptorum imitationem, ita ad Christianæ Religionis normam exacta sunt. Quamobrem dignum publica luce opus censeo, quod iis, qui de historico scribendi genere & latini sermonis castitate judicare possunt, probatum iri confido. Quo scriptor studiosissimus, qui optimis artibus literisque colendis juventutem suam feliciter dicavit, eruditorum hominum judicio & commendatione ad uberiores studiorum ac diligentia fructus edendos vehementius inflammetur.

E Vaticana Bibliotheca XIII. Kal. Majas MDCCXIII.

Carolus Majellus ejusdem Bibliothecæ Præfectus.

IMPRIMATUR

Fr. Gregorius Selleri Ord. Præd. Sac. Apost. Pal.
Magister.

DE

Digitized by Google





DE BELLO TRANSYLVANICO

Liber Primus.



BELLUM paulo minus quinquaginta ante annis confectum scripturus, satis causæ est, ut credatur, incorruptam profiteri fidem: quippe qui neque beneficiis obstrictus Reges, Ducesque immeritis onerabit laudibus, neque injuria permotus in iis vel laudabilia reprehendet. Nam qui apud eum hæc studia posse cogitandum est, quum ii vita functi una rerum gestarum fama, velut pro mortalibus æterni facti, cogniti sint? Tempus sane tanti operis aggrediendi vix hoc opportunius est, quod neque memoriæ exoletæ, aut vetustate jam obscuras res memorando, quid fictum narretur, oportet, neque bellum nuper confectum exponentem florescentes Principes, ne quid veri audeat, detertere possunt. Assiduissime enim accidere solet, ut suppressere suæ ignaviæ famam exoptantes in Scriptores magna cum infamia tanquam in hostes sæviant, vel laudis nimium cupidi eosdem præmiis, pollicitationibusque corrumpant. Ea enim hominum natura est, ut suas laudes libenter prædicari audiant, de alienis dici iniquo animo ferant, quasi sibi debitæ gloriæ detrahatur. Quum igitur mihi non odium, non amicitia, non alia officiant, quam verissime potero de bello Transylvanico, ac Pannonico dicere statui: ut quam iniure ab lectoribus gratiam latini sermonis puritate, sententiarum gravitate, atque dicendi venustate nequeo, eam tum ingenuitate,

A

tum

tum varietate, tum denique ipsa operis magnitudine incam. Bellum sane injustitia causæ, magnitudine periculi, & varietate casuum dignum, quod memoriæ prodatur. Nam gentes maxime mobiles, atque in una mobilitate constantes. Milites seditiosi. Viri imperii cupidissimi, non minus libenter propter timorem Principatu abeuntes, quam denuo oblata occasione illum occipientes. Eorum hac de causa per insidias alii, alii in prælio interfecti. Prævalens consilia. Invidia res magnæ expectationis impeditæ. Oppidorum defectiones. Assiduæ conjurationes. Atrocius non modo in seditionis principes, verum etiam in novi sermonis authores vindictum. Circumventi infantes. Criminosi ad honores evocati. Fortissimi viri ob virtutem invisi per dolum interempti. Milites perpeffi rerum inopiam. Incendiis, rapinisque deletæ urbes. Modo irrita, modo perfecta incepta. Urbes per vim expugnatae aliæ, aliæ consilio, vel fraude captæ, nonnullæ voluntate receptæ. Nobilitatæ exercituum strage obscura loca. Modo Ducum temeritate, ac imperitia, aut militum ignavia adversæ res, modo eorundem diligentia, ac alacritate prosperæ. Tot, tantisque exemplis, quis documentum harum rerum cupiendarum, illarum denique vitandarum omnibus dari neget? Nam sicuti nulla facultas, nisi historia, exemplis docet, ita haud dubie nihil historia aptius ad instituendos ad bonos mores mortales invenitur. Nec alia de causa sapientissimi homines magistrum vitæ eam appellarunt. De historiæ laude nunc dicere & locus, & tempus posceret, nisi jactatam, & ab optimo quoque scriptore agitatam rem præterire etiam illud moneret, quod quibusdam videri possem per ambitionem munus meum extollere velle. Meliore igitur consilio priusquam initium dicendi faciam, aliqua supra repetam: nam posteriorum rerum causas cum prioribus ita conjunctas esse constat, ut haud facile illæ sine his cognoscantur. Amurate ejus nominis Turcarum Rege quarto, qui domi, militiæque clarus habebatur, vita functo, Turcæ Hibraimum fratrem Regem salutarunt. Hic amore mulierum nonnullarum captus, unisque corporis voluptatibus deditus vitam, veluti pecora, transigebat. Item omnia cruciatuum exempla in innoxios juxta, ac noxios edebat; & profunda avaritia vir eo consilio pessimum quemque ad magistratus evocabat, ut rapinis locupletes, aliqua illata causa, interfici jubens pecuniam publicaret. His artibus bonis, quod se spernos dolebant, malisque invisus, quod impunitos se non relinqui videbant, Validæ matri minime acceptus, quia nihil ejus gratiæ dabat, huc rem duxit, ut nemo tam injusta imperia ultra ferre vellet. Inter se conjurantibus, ac rationem negotii perficiendi quæ-

quærentibus occasionem defectionis ad maturandæ ipse præbuit, quod bellum Venetis illatum ducere sine dedecore non valeret. Optimates igitur, ubi plebem quoque a proposito non alienam acceperunt, primo nefarium hominem Regno expulerunt, ad extremum etiam interfecerunt. Sic crudelis Rex dignum anteaſta vita exitium invenit. Regnum Mehemeti filio ſeditionis principes tradunt, quem octo annos natum quum per ſe Rempublicam adminiſtrare non poſſe cognoscerent, Validam in Regni procuratoreſſe ea lege juſſerunt, ut de Zaimæ Regis matris, ac duodecim aliorum conſilio omnia adminiſtraret. Valida, ut maxime imperii cupida erat, & ea ſpe naturalem clementiam projecerat, Amurati filio inſidias tendens, ne Zaimæ authoritas creſceret, anxia erat. Propterea ſecum volvere cœpit, quemadmodum etiam Mehemetem, Zaimamque interficeret. Compoſitus dolus certo proceſſiſſet, niſi parvo temporis ſpatio multis de cauſis, amplius decem Preſectis mutatis, (quos ſumma cum authoritate Turcarum more paci, belloque præpoſitos Primos Viſirios appellant) Siauium, utpote ſibi fidum, ac tanto muneri non imparcem, ad ſummum Magiſtratum Zaima evocandum curaviſſet, quando nondum in Validæ ſuſpicionem venerat. Nam de ejus conſilio omnium animos lenius tractans, cunctos alliciens, optimatum, juxta, ac plebis favorem ita ſibi Zaima conciliavit, ut Valida ſolum illos ſceleris, quod moliebatur, ſocios inveniret, quos vel mali mores ad Rempublicam perturbandam incitabant, vel conſuetudo ad rerum novarum ſtudium impellebat. Valida tamen temporis ſpatio complures partim gratia, partim ſua authoritate conſpiraturos ſperabat. Dum hac ſpe rem in longiorem diem conſert, diutius, ut accidere neceſſe erat, conjuratio tegi non potuit. Nam quidam conſilii particeps, incertum præmiorum, ſpe, an metu, rem ad Siauium perſert. Qui, re cognita, tantum moratus, dum conjurationem Zaimæ, Mehemetiſque Regi aperiret, juſſis equitibus omnibus arma capere, maturat tantæ rei occurrere. Equites tum vetere adverſus Prætorianos odio, tum, Siauii pollicitationibus inflati rem libenter ſuſcipiunt, inopinantesque Prætorianos obſident. Prætoriani ubi vim procedere non poſſe viderunt, ad preces verſi, traditis ſeditionis principibus, ab Siauiſio veniam impetrant. De his tamen omnibus, & de Valida quoque ſupplicium ſumptum eſt. Horum morte quietas res factas nonnulli arbitrabantur, ſed Zaima nunquam ſe ab timore vacuam eſſe rata, niſi Prætorianorum nomine deleto, quod eos qua vetere inſtituto, qua Regis imbecillitate novis rebus ſtudere ſciebat, Mehemetem

An. 1656

metem Chiuperlium, qui summum magistratum gerebat, ad se vocat; atque, ut Prætorianos omnes dimitteret, orat, ne sibi in reliquum tempus timere cogerentur. At Mehemetes Chiuperlius, *Quo*, inquit, *consilio nobis tantam invidiam constabimus? Aut quos equitibus moderaturos, his deletis, speras? An hos seditiosiores Prætorianis esse non constat? Non ne præstat utrumque ordinem in Republica esse, ut alter alterius pravis consiliis sit impedimento?* Solimanus Magnus horum virtute gloriam sibi peperit, eorum præsidio parta retineamus, oportet. Utinam Reges, qui post Solimanum fuerunt, plus æquo eorum virtuti non concessissent; non esset nunc eorum temeritas nobis ferenda. Nam, nisi impune primo in humiles se gessissent, moxque bonis neminibus inimicitias exercentes invisos Præfectos sine periculo interfecissent, nunquam tantam arrogantiam sibi nunc sumerent, ut stipendii augendi gratia in Reges supplicia componerent. Qui nequicquam remedium tanto malo dare conati sunt, quum neque occulta vi, neque aperte obviam ire eorum temeritati possent, qui vires ad resistendum habent. Præterea militum animos molliendo, virtutem, non temeritatem, eis minuerunt. Elatius se gerunt desides Asiatici paucorum mensium tyrocinio, quam pueri illi ab ineunte ætate optima disciplina instituti, vel alii, qui postquam quinque annis egregiam Regi probassent operam, ad honorem evocabantur. Fuga potius ad salutem contendere cupiunt, ut integri manuum mercede inopiam tolerent, quam se fortunæ committere, quum cicatrices sibi fructui non esse intelligant. Et licet non nisi nomen, atque opinionem veteris ferociae retineant, (nam virtutem penitus projecerunt) tamen tumultus excire, velut consuetudine, non dubitant. Unum igitur remedium huic rei mei consilii est dare, ut non modo ex industria torpescere militum animos non sinamus, sed præmiis omnibus ad virtutem excitemus, ne in posterum tantum dedecus admittatur, ut plurimum annorum spatio militum ignavia ne Cretam quidem recipere possimus. Deinde optime publicæ quieti prospicietur, quum veteranos seditiosos periculis obiectem; quod, illis interemptis, alii in eorum locum succedent, qui illa vitæ licentia non assuesciti in officio facile contineantur. Hoc consilium non ingratum Zaimæ fuit, utpote ea, quæ sine invidia rem consequi posse cognoscebat; quoniam ad corporis formam, aliaque fortunæ bona altitudo ingenii, non ut est sceminarum caput, acceperat. Quo inito consilio, belli causa adversus Moldavos, Valacos, Transylvanosque esse Chiuperlio videbatur; sed in aliud tempus rem conferre ei placuit, quo omnia ad bellum summa vi trahendum parata essent, ne, re male gesta, in contemptum hostibus, suisque veniret. Nam quum Moldaviæ Stephanus

Geor-

Georgitia, Valachiae Constantinus Serbanus, Transylvaniam Georgius Ragotius Imperium obtinerent, hi pro gloria belli, animique magnitudine, se Turcarum Regi vestigiales esse dolore afficiebantur: indignum esse Christianam religionem profitentibus Christiani nominis hostium servitutem perpeti dicebant. Fœdere, atque amicitia se conjungere pulcherrimum esse, ut recuperata libertatis gloria ad se perveniat. Pare occasionem negotii conficiendi daturam esse fortunam frustra sperandum, quum urbano motu, & Cretense bello Chiuperlius detentus officere suis consiliis non posset. Initium defectionis ab aliquo ex his jam factum esset, nisi Chiuperlii diligentiam tranquilla omnia fecisse fama perlata inopportunius tempus consilium transferre coegisset. Hoc ubi per indicium ad Chiuperlium allatum est, quum præter consuetudinem familiari amicitia conjunctos eos videret, quos novis rebus studere suspicabatur, ad eos in hanc sententiam scribere voluit. *Se non fugere, quod vestigiales Principes neque bellum suscipere, neque fœdera inconsulto Rege inire possent. Quid igitur sibi vellet, amicitiam ostentando? Errare eos, qui terrorem invictissimis Turcis inferre velint, quibus eos Principatu expellendi facultas sit.* Ad hæc omnes respondent, se nullo fœdere conjunctos esse; minusque contra Regem conjurasse. Ejus rei testimonium esse, quod de stipendio non recusarent. Magnam injuriam illum facere, qui finitimos Principes paci studere prohibeat. Tandem se in fide mansuros concluscrunt, si ipse injurias non cumlaret. Chiuperlius si ve hoc responso adductus, si ve quia certis authoribus consilium non cognoverat, si ve quod ad bellum necessaria non paraverat, excusationem accepit. Fortuna tamen, quæ ejus consilium comprobare statuerat, effecit, ut Ragotii cupiditas belli occasionem præberet. Nam quum Carolum Sveciæ Regem Gustavi exemplum ad res novas incitaret, bellum Sarmatis intulit. Hic suis viribus Regnum sibi conciliandi spe lapsus, statuit æquis conditionibus socium aliquem sibi asciscere, cujus opibus rem facilius obtineret. Diu secum volventi Georgium Ragotium sibi opportunum esse occurrit; quod eum altiora cupere, eidemque nec vires, nec audaciam ad asperiora etiam aggredienda deesse non ignorabat. Idcirco legatum ad eum mittit, qui diceret, *si Georgius in belli societatem veniat, Regni partem ei se esse traditurum, Sarmatis expugnatis, in præsentia vero recepta oppida ei attributurum.* Legati oratio Ragotium per se Regni maxime cupidum non secus incitat, quam si quis currenti calcar addidisset: nam victoriam animo providens, in societatem belli venire non dubitabat. Sed quum

po-

An. 1656

postea, si Turcarum Regis animum offenderet, totam belli molem in se vertere posse judicaret, de Transylvaniæ Principatu dimicare, ut aliena occuparet, dementiæ videbatur. Consilium ergo omnium, quos sibi fidos cognoverat, habentem Acacius Berciajus his verbis ad rem suscipiendam hortatus est. *Quantum hodie miratus sim, Georgiam Ragotium de hac re nostram sciscitatum esse sententiam, difficile ad fidem est: quippe qui non ignavum hominem, vel adversis rebus fractam, sed virum, cujus alacritatem, ac animi magnitudinem cuncti laudibus effertunt, timoris suspicionem dare cognoscam. Quis te, Georgi, fortuna beneficio uti prohibet? Aut quem belli scientiam tecum exæquari putas? Carolus Rex Sveciæ te Sarmatis Regem constituere in se recipit; quid cunctaris? Primo adventu munita oppida tibi tradere pollicetur; & dubitas fortunam periclitari? Valachia, Moldaviaque Principes te socium orant, ut suis, ac suorum omnium opibus utaris; & tantam opportunitatem e manibus dimittere turpe non ducis? Occasionem potrem reperire te nunquam posse, mihi affirmanti fidem præstes, velim; præcipue quum ad has res accedat, quod Turcæ sive veteres insititio plura bella suscipere nolunt, sive per intestina arma non possunt. Quam Cretense bellum confecerint, quis ignorat ipsi non illaturos esse bellum, nisi plures annos ad omnia paranda consumpserint? & tunc vel tua virtus, vel res prospera eos a proposito deterrere poterunt. Hæc verba, quæ vel mitem hominem accendissent, quam libenti animo audacissimus vir accepisset ex hoc cognoscere libet, quod explendæ libidinis desiderio captus, contradicere conantem magnis verborum contumeliis prohibuit. At ille, ut ejus mens nihil præter publicam quietem videbat, nihil injuria permotus, se continere non potuit, quin diceret, se eum non esse, qui timore, aut invidia adductus illa proposuisset. Nec se mirari ea re, quæ accidere in dies soleat eis, qui Principis auribus servire noliunt. Se tamen ita dicere, ab ira, ab odio vacuum esse, nec sua causa loqui: alii vero, qui contra censuissent, timendum esse, ne privatum gratiam primam babeant. His verbis, quod haud obscure se designari Berciajus sentiebat, mentiri eum respondet, qui, se Principis dignitatem post omnia habere dicat; multa utrinque dicta sunt, sed ultra minas processum non est, quum quod omnes, qui aderant, præcipue Joannes Chiminianus vir Ragotio maxime acceptus, tum quod ipse Ragotius consilium Berciaii probavit. Igitur ad Carolum Regem scribit, se ipsius amicitia confusum contra Turcarum, atque Germanorum voluntatem rem suscipere, & celeriter ad ipsam cum exercitu venire non dubitare. His scriptis Ragotius*

tius illico delectum tota Transylvania habere, auxilia ab Serbano, ac Georgitia sociis accerere, arma disponere, rem frumentariam expedire, ac omnia, quæ ad bellum usui essent, parare. Quæ ubi fama divulgavit, Sarmatæ sibi præmetuentes, ad eum legatum mittunt, qui æquis conditionibus, ac spe Regni ei persuaderet, ne Carolo adesset. Mehemetes Chiuperlius ad eum litteras mittit, ne invito Rege quempiam, præcipue ejus socios bello lacefferet, quum ei sociorum injurias negligendi non sit usus. Eadem ei Ferdinandi ejus nominis tertii Romanorum Imperatoris verbis nuntiatur. Sed Ragotio durum fortunam non periclitari, durum Carolo deesse, durum exploratam victoriam dimittere videtur. Itaque Sarmatarum legato respondet, se neque parte, neque spe esse posse contentum, quum brevi omnia consecuturum confidat. Ad Chiuperlium rescribit, se ab Sarmatis rogatum, ut Regnum susciperet, nullam volentibus, nullam Turcarum Regi injuriam inferre, quum eo contenderet, atque perpetuo in Regis fide mansurum profiteretur. Ad Principem Joannem Veicardum Avesperghium litteras remittit, atque orat, Cæsari renunciet, summam in eum suam voluntatem esse; proinde nunquam passurum, ut ei detrimentum inferatur, quin potius, quoad possit, ejus dignitatis adjutor esse velit. Ragotius, quo facilius Cæsar sibi fidem faceret, legatum ad eum quoque mittit: qui ubi Cæsarem convenit, atque omnia, quæ ad Avesperghium scripta docuimus, confirmavit, orat, ne Sarmatis contra eum, cujus egregiam in se cognovisset voluntatem, auxilia mitteret. Ad quæ Princeps Wincislaus Lubcovitius vir non consilii magis, quam in Cæsarem fidei respondet, non recte Georgium facere, quum de consilio callidorum hominum nimium fortunæ confideret, quod non semel experientia sit compertum, viros nimis alta cupientes puncto temporis & parati, & sperata amisisse. Cogitaret, quid natura non hominibus modo, verum bestiis etiam præscripsisset, ut, quibus rebus possent, injurias propulsarent. Sarmatas non semel demonstravisse, se potius ad extremum vitæ periculum adire velle, quam libertatem amittere. Perpenderet, quid inexpectatum in bello evenire posset, antequam illudsumeret: frustra enim, accepta calamitate, dolere, qui fortunam, quam nonnisi laceffito tentare licet, imperii cupidine periclitatus sit. Hæc tamen Georgio nunciabantur, atque etsi, auxilia Sarmatis mittere velle, non obsecrare Cæsarem inuuisse acceperat, tamen consilium non mutat: immo ad se Moldavorum, ac Valacorum auxiliis receptis, coætoque exercitu, non numero, non virtute militum spernendo, in Sarmatiam castra movet. Et evulgari curat, se ab Sarmatis ac-

cer-

An. 1657 *certitum; eo contendere.* Hoc facit reddendæ sui consilii rationis causa. Ubi pervenit loca parum munita primo impetu occupans, Leopolum, Sarmatis fortiter defendentibus, oppugnare instituit. Quum vero apud præsidium nec periculi denunciatione, nec promissis proficere posset, simulque id plurium mensium esse negotium cognovisset, Carolo adjungi maxime cupiens, re infecta Zomascum petit. In itinere quinque millia hostium nullo negotio fudit. Quæ victoria ubi ad superiorem spem accessit, quidquid intercederet temporis, id Regni præmium morari Ragotius ratus, quantum accelerari potuit, Gracopolim contendit. Oppido tres cohortes ex fœdere recipiuntur. His, oppidoque Ragotius Joannem Bettelenium præficit. Deinde alias urbes tentat, quarum partem vi, partem pollicitationibus ab Joanne Casimiro Rege, avertit. Quibus rebus permoti Sarmatæ, quum infirmi ad resistendum essent, publico consilio ad Cæsarem, rogatum auxilium, legatos Regni nobilissimos mittunt. Sperabant Sarmatæ, Cæsarem partim Svecorum odio, partim spe Regni (legatis enim in mandatis dederant, ut Leopoldum Cæsaris filium se Regem creaturos pollicerentur) ad suum auxilium concitatos. Deliberatur de hac re Viennæ. Communi tandem consensu statuitur, ut Joanni Casimiro Cæsaris verbis gratiæ pro optima in Leopoldum voluntate agerentur. Sciebant enim, omnes Reges hostes Cæsari futuros, quum eum orbis terrarum Imperium affectare arbitrantur. Magna tamen controversia extitit, succurrendum ne Sarmatis esset. Nam, Avesperghius non negligendam esse rem dicere, Lubcovitius contra censere. Horum autoritate in duas partes reliqui discedunt Consiliarii. Sic in illud tempus ducta res est, quo, quum semper Sarmatas in majore periculo esse acciperent, Avesperghius tanta opemissus est, ut mediocres copias subsidio eis mittere Cæsar vellet. Paucis post diebus Ferdinandus morbo implicitus naturæ concedit. In cujus locum Léopoldus succedit. Qui statim, ut par erat, Rempublicam suscipiens, convocato concilio, proponit, utrum mittere auxilia Sarmatis, an copiis ad inferendum terrorem rerum novarum cupidis uti optimum esset. Nam opinio sine auctore, exierat, nonnullos Ludovici Galliæ Regis opibus confisos Imperium se adepturos sperare. Sed egedem rationes Ferdinandum patrem, atque Leopoldum, permoverunt, quod Imperium citius se adepturum speraret, quum lenitatis signa mitteret, qua semper Austriacum genus rem obtinuerat, quam quum diffidentiam Germanorum, exercitus retinendo, demonstraret. Hoc probato consilio, peritissimis Ducibus bis fena millia hominum attribuit, ut Caroli, Georgique

giique consiliis officiant. Quumque Carolus auxiliorum spe Sarmatis belli ducendi alacritatem innatam esse cognosceret, ne unus Leopoldus exploratam victoriam interpellaret, ad Mehemetem Regem legatum mittit, qui eum contra Leopoldum accenderet, ac pro Georgio deprecaretur. Chiuperlius quum diu secum voluisset, quid respondendum Carolo iudicaret, tandem etsi Leopoldum magis in animos Germaniæ Principum sibi conciliandos, quam in bellum insistere posse conjectabat, tamen timens, ne in societatem belli aliis venientibus res non prospere cederet, non esse tempus tanti hostis laceffendi intelligit. Nam nondum seditionis extinctis maximo cum periculo sibi belli dedecora obici posse videbat. Igitur Legato respondere placuit; *nunquam Regem societatem, amicitiamque cum iis instituere consuevisse, qui ab se descendentium patrocinium suscepissent, atque socios vexarent; proinde si quid vellet, prius cum Sarmatis pacem faceret, Ragotiumque desereret, deinde missis legatis de aliis rebus ageret.* Ubi Carolus, se Turcarum Regem incendere non potuisse, Fridericum Danorum Regem a Batavis, Philippoque Hispaniæ Rege ad bellum sibi inferendum impelli, item Fridericum Gulielmum Brandeburgi Ducem, cui maxime confidebat, consilia cum hostibus communicare, accepit, tot difficultatibus circumventus, consilium Fridericum Gulielmum orandi capit, *ne ad hostium amicitiam accederet; atque Friderico Danorum Regi persuaderet, ne Batavis aures præberet.* Nam etiam missis Joanni Calimiro auxiliis victoriam se adepturum Carolus sperabat, ubi illos suspectos non haberet. Sed quum suas preces non audiri cognovisset, quod Fridericus nihil de apparatus remitteret, conatu desistere statuit, ut Dano occurrere posset. Prius tamen ad Georgium scribit, *ne rem in discrimen adventu Germanorum adduceret: sed relictis militibus, qui oppidis præsidio essent, confestim se in Transylvaniam reciperet. Sine periculo rem esse consecuturum, si sua tempora expectare velit.* His litteris perlectis Ragotius concilium cogit. Major pars non expectandum censet, quin in Transylvaniam castra moveret. Nullo enim consilio illum fortunam nunc sine spe periclitari, qui aliquo temporis spatio intermisso sine vulnere negotium confecturum sperat. Pars sive quod ita rem postulare sentiret, sive quod Ragotium segniores castigare cognovisset, non esse rem sui iudicii dicit, tantum dedecus admittere, ut domum reditio fugæ consimilis videatur; & Sarmatis non imparces tot laboribus parta puncto temporis amittant. *Ecquid spei, dicunt, militibus, Præfectisque custodiæ causa in oppidis relictis esse posse, Georgi putas, quam non sine desperatione te disces-*

An. 1657

*sisse cognoscent? An illos tam fortes futuros speras, ut ne tum quidem deditione sibi consulant, quum Ducem, quem secuti sunt, fuga sibi prospexisse animadvertunt? Ragotium ut semper audacius consilium probare natura impellebat, prius se, quemcumque casum fortuna tribueret, subitum confirmat, quam irritum incepto die scedere. Atque hoc temerarium consilium non deponit, nisi ubi Germanos pervenisse cognovit. (Nam prius Sarmatæ neque suorum finium charitate, quos populatû adierant, inde eum detrahare potuerunt.) Tum Sarmatæ rerum commutatione facta Georgium non confectari turpe ducentes, eum inter flumina Bochium, Busechiumque deprehendunt, atque circumfistunt. Ragotius spe fugæ, ac defensionis amissa ab vi ad preces versus pacem iniquis conditionibus impetrat. Sarmatæ Scythæ consequebantur. Hi ubi terrorem fugientium cognoverunt, occasionem rei bene gerendæ prætermittere non esse consilium judicant, etsi Sarmatæ suam fidem lædi querebantur. Hoc consilium statim per Sarmatarum nuncios ad Ragotium perlatum effecit, ut milites hortaretur, *gradum adderent; una celeritate periculum vitari posse*. Sed siue plus prædæ studium apud Scythas, quam salutis spes apud Transylvanos potuisset, siue Scythæ levis armaturæ, ac idoneis equis uli iter accelerare potuissent, certum est, eos tertio die huc rem duxisse, ut passuum millia tria inter extremum Ragotii, & primum ipsorum agmen intercederent. Hoc simulatque Ragotius cognovit, suam salutem paucis equitibus committens, atque per occultos tramites iter agens incolumis in Transylvaniam pervenit. Joannes vero Chiminianus, quem cum imperio reliquerat, etsi per montes, qui ad Valachiam pertinebant, ad salutem contendere conabatur, tamen postquam nullam in armis, quod quatuor suorum millia in acie conciderant, nullam, in fuga spem esse cognovit, necessariam subire deditionem decernit. Vix quatuor impigros pedes tutati sunt, qui tantæ calamitatis nuncium domum attulerunt. Transylvanorum, ut per Ragotium periculum cognoverant, inter spem, & metum expectatione pars erecti stare, alii calamitatem providentes plorare, nonnulli Templum Deum oratum adire, ut se metu liberaret. Cognita deinde tantus eos dolor occupavit, ut aliquandiu silentium haberent: deinde ab mœrore ad furorem versi Ragotii cruciatu suis parentare cupiebant. Hos tamen consilio ab seditione Ragotius continuit; nam in morbum propter dolorem incidisse dixit; fidemque interposuit, sibi, ubi convalescisset, curæ futurum, ut Scythæ pretio captivos redederent. In hanc spem erecti Transylvani, a Deo Ragotii salutem exposculant. Quam rem ubi impetrant, ad Ragotium nobilissimos Civi-*

Civitatis legatos gratulatum mittunt, quod convaluisset, simulque oratum, ut ejus, quod promississet, reminisceretur. Qui responsum ferunt, *Semefariam ad concilium venirent; ibi de his rebus se acturum*. Simulatque ad diem frequentes convenisse legationes Ragotius vidit: *Se non suarum necessitatum causa, sed omnium dignitatis amplificanda gratia negotium suscepisse* exponit. Fortunam, non suam ignaviam prope partam victoriam interpellavisse. Paceque cum Sarmatis facta sibi juxta, ac omnibus consuluisse. *Quid igitur de sua audacia, & non potius de Scytharum perfidia, ac aviditate quererentur? Ad illam explendam suas non sufficere facultates, quod pro uno Cbiminiano centum nummorum aureorum millia sibi dari aequum censeant. Sibi vix quinquaginta nummorum aureorum millia esse, qua in vindicandis in libertatem optime de se meritis militibus profundere non recusaret. Misererentur igitur sui, & rationem optimos Cives in patriam reddendi quaerent*. His verbis auditis, stupor omnes defigit, ut in re solet, quæ præter opinionem accidit. Ubi vero eo ventum est, ut Ragotii fautores pecuniam, vel ab omnibus, vel ab iis tantum, quibus cum captivis necessitudo intercederet, imperandam dicerent, omnes magnum clamorem primo tollunt; postea pars omnibus precibus Ragotium detestari, pars ei gladio minitari, plerique ejus bona publicanda dicere, nonnulli reliquos orare, ut memores libertatis communem causam susciperent. Ulterius ventum foret, nisi Ragotius pro tempore consilium capiens, se omnia experturum promississet, ut optimi viri Civitati restituantur. Igitur muneri aptos, ac sibi opportunos homines legatos ad Scytharum Regem, qui de hac re agerent, mittit. Quos ut Rex vidit, sive Chiuperlii jussu, sive quod explorandi causa venisse arbitratus esset, sive ne domum reversi suis, bellum ab se parari, nunciare possent, in vincula coniici jubet. Chiuperlius item Franciscum Tortaium in vincula coniiciens bellum parare, ut factiosos milites juxta, ac Ragotium ulcisceretur. Hunc etiam sibi infestum Chiuperlius cognoverat, quod se tam apud Hibraimum, quam Mehemetem Reges prodicionis insinulasset. Magna tamen difficultate afficiebatur, quod Leopoldum Ragotium defensurum suspicabatur. Sed quoniam occasionem Ragotii Principatu expellendi dimittere nolebat, pacem cum Venetis facere statuit, ne Leopoldi impetum distentus vereri cogeretur. Igitur Ballarinum, qui in Venetorum legati locum successerat, ad se vocans, hortatur, ut per conditiones Cretam tradens Turcarum amicitiam redimeret. Hoc Venetis expedire, sibi persuaderi, quum bello non composito nulla facultas Turcas ab oppidorum manibus prohibendi esset. Æquissima hæc conditio

AN. 1657 ditio Chiuperlio videbatur. At Senatus iniquissimam conditionem esse illam censuit, quæ Provinciæ jactura pacem sibi pareret, eo magis quod non alium belli finem usque adhuc cognovisset, quam victoriam, in cuius spem se erigere posse non difficile existimabat, quum novum bellum adversus Ragotium, ut vulgo circumferebatur, Turcæ suscepissent. Hoc Veneti Senatus responsum ne commutata quidem facie Chiuperlius accepit; nam ut non minoris animi, quam consilii virerat, bellum adversus Venetos mediocribus copiis gerere statuit. Sic novi belli specie veteranos, quos Cusseinis totos esse sciebat, ex Creta accersens, tyroneſq; eo mittens ejus auctoritatem minuere, & in Ragotium animadvertere posse videbat. Igitur delectum subito edicere, auxilia accersere, arma, omniaque parare. Quæ ubi in Transylvania comperta sunt, tantus omnes terror invasit, ut sibi timentes Ragotium discordiæ semen, execrarentur, quoniam postquam exercitu Civitatem spoliavisset, in maxima mala eam proiiceret. Ragotius quum per suos familiares, ac viros sibi ex privatis negotiis obnoxios motus sedare nequicquam tentasset, item parem se Turcis non esse sentiret, unum remedium huic rei posse dari ratus, si ab Turcis veniam impetraret, de hac re ad Mehemetem Regem Jacobum Nassaronum, Stephanumque Zigaium legatos mittit. His præterea mandat, ut misericordia, pecunia, pollicitationibus, ac quibuscumque rebus possent, Chiuperlium consilium mutare subigerent; ad hoc alios donis aggrederentur, quos sibi opportunos cognoscerent. Nassaronus, Zigaiusque ubi Constantinopolim pervenerunt, quos aliquem gratiæ locum apud Reginam, Chiuperliumque habere intelligebant, hos pecunia corrumpere enituntur. Jam nonnulli, ut venales erant, Ragotii patrocinium susceperant, inter quos Mustafus quidam Zaimæ maxime acceptus, qui omnibus sermonibus referebat, *præstare certa spe susceptum conficere bellum, quam novum cum pericula aggredi*. Hic sermo ad Chiuperlii aures perveniens cum ad legatos ad se vocandos impellit. Legati hac re maxime lætantur, quod jam Mehemetem donorum spe captum rem componere velle arbitrabantur. Ubi ergo in ejus conspectu venerunt, Nassaronus Mehemetem orat, *ut Ragotio parcens locum misericordiæ relictum, esse in supplices demonstraret. Ragotii quum in ipsum, tum in Regem maximum esse studium; eumque negotium suscepisse, quod Regis voluntate Regnum se occupaturum sibi persuaserat, quum stipendiam pendere pollicitus esset*. Hæc ubi audivit Chiuperlius ira accensus eos in carceres duci jubet, et si pleni lacrymarum, atque supinas manus tendentes orabant, *ut sibi, Ragotioque parcat, quum omni-*

omnibus rationibus ei satisfacere parati essent . Parum quoque abfuit, quin Caroli Sveciæ Regis legatus pro Ragotio verba faciens eandem fortunam ferret : ei tamen imperat Chiuperlius , ut Transylvanis renunciaret , sibi nullam cum eis pacem esse posse , nisi Ragotii capite ad se relato . His rebus compositis Sevasio Chenanio Budæ Præfecto mandat , milites uti toti Provinciæ imperet , coactumque exercitum Temesuariam ducat . Hassanem quendam suum familiarem Budam petere jubet , ut consilia Præfecti cognosceret , & Transylvanis pronunciaret , *sibi esse in animo pœnas ab ipsis repetere , nisi Georgium vel vivum , vel necatum traderent . Eidem amplius in mandatis dat , uti ad Præfectos omnes scriberet , nihil gratius sibi facere eos posse , quam si , quo possent studio , ac celeritate , copias contraherent .* Hæc omnia Leopoldo nunciata effecerunt , ut sibi eam rem cogitandam existimaret : nam magnopere timebat , ne Turcæ in Ragotium animadvertendi specie , vel de improvviso se inopinantem aggredirentur , vel (quod non minus periculosum ducebat) Transylvaniam devincerent . Movebatur etiam eo , quod Simeon Reningherius suus ad Mehemetem Regem legatus renunciaverat ; Mehemeti Chiuperlio esse in animo a bello nunquam quiescere , ut hac occupatione milites ab seditionibus contineret , ut sibi suspectos viros sine invidia periculis objectaret , ut Transylvaniam denique occuparet . Ab hac enim gente , quam infirmam ad resistendum Chiuperlius existimabat , gradum in Pannoniam fore , eum non fugiebat . Venetorum quoque calamitas , quos etiam jurejurando Turcæ deceperant , Cæsarem cautiorem esse hortabatur . Facile enim se posse ab iis decipi judicabat , qui fidem lacerare in turpissimis rebus non habent ; huc præsertim accedente , quod majore apparatu , quam contra Georgium necesse esset , omnia expedirent . Igitur placuit ad Reningherium scribere , *sibi gratum futurum , si omnia Turcarum consilia manifesta haberet , & Chiuperlium oraret , ut Georgio ignosceret , ne inscutes pro fontibus pœnas luerent .* Hæc Reningherio exponenti Chiuperlius respondet , *se a majoribus accepisse , uti nunquam longinquam perditis hominibus concederet impunitatem , nec alio suo consilia spectare , nisi ut Ragotio nec seræ , nec leves veniant pœnæ . Si id , inquit , sine contentione Cæsare adiutore consequi potero , libenter ab armis discedam , ut omnia ei tribuisse appareat , erga quem summum est Regis studium .* Exitus vero orationis fuit , *se Joanni Betteleio Principatum adjudicare animo proposuisse , quod eum , utpote Leopoldi Imperio subiectum , non alieuo in illum animo esse judicaret .* Hæc ubi Viennam nunciata sunt , multiplicatus est omnium timor , quia

14 De Bello Transylvanico

An. 1657 quia Bettelenium fœdere obligatum oppida munita Turcis tradendi conjectabant: nam quum eum Imperii cupidum cognovissent, fortius hujusmodi virum cupidinem excœcare potuisse judicabant, quæ vel modicos homines transversos agere solet. Nec minorem terrorem Venetis, Sarmatis, Moscovitis, aliisque finitimis belli apparatus intulit, quam Cæsari incussit. Veneti, quod Chiuperlium ira accensum existimabant, quum ab ipso latam conditionem non accepissent, ne majore conatu contra se uteretur, timebant. Reliqui adeo recenti Turcarum infidelitatis exemplo, quod Venetis de improvviso contra fidem bellum intulissent, admoniti, quoties arma ab eis parari intelligebant, sibi consilium capiendum existimabant. Et ne ea quidem res omnibus terrorem dempsit, quod litteras ad Principem Joannem Ferdinandum Portiam Leopoldi præcipuum consiliarium Chiuperlius misisset, *se, ut paci studere demonstraret, paratum esse ab armis discedere, ubi Leopoldus Ragotiam Principatum deponere cogeret*. Hoc etsi difficile factu existimabatur, quod Ragotium ita amplexum Imperium tenere constabat, ut potius mortem subire, quam eo se abdicare vellet, rem tamen suscipiendam Portia existimat, ut hac spe Turcam, quoad posset, a bello contineret. Portia ergo ad Chiuperlium scribit, *sibi curæ futurum Ragotium ad sanitatem reducere*. Ad Ragotium vero; *potius aequitate, quam vi Turcas ab maleficio temperare consuesse. Si Principatu abiret, optimum esse, ne Transylvani, ne ipse ante omnes coopertas miseriis efficeretur*. Litteris acceptis Ragotius, ut ei Imperii libido summa, ad hoc temeritas maxima inerat, Valachiæ, Moldaviæque societati, Cosacorum amicitie confidit (ii enim ampliora auxilia ei mittere, atque exercitus in Turcarum fines introducere, ut eorum manus distinerent, polliciti erant) milites, Præfectosque, in quos plurima sua beneficia erant, in oppidos custodiæ causa introducit, ut si quid accideret, quam amicissimo præsidio confidere posset. Ad Leopoldum præterea legatum Franciscum Julajum mittit. Hic ubi Viennam pervenit, Lubcovitium conveniens in hunc modum loquitur. *Etsi Georgius Ragotius tantum animi Leopoldo non esse cognoscit, ut barbarorum consiliis obviam ire audeat, tamen inclinandam rem fortuna dare non dubitat, quum ab ea raro audacissimos homines desertos esse constet. Dicam verum, etsi ad fidem difficile, Ragotius non magis imminente periculo, quam Leopoldi timore cruciatur, quum videat, ejus dignitatem pati posse, quod ne ipse quidem ferre valet. O invidendam animi magnitudinem! Tot apparatibus non terretur: tantam vim non timet: tantisque exercitiis animo non deficit*. Quid di-

dici, aut excogitari potest fortius? Quid fugi constantius? Publica salutis causa incommoda non recusat: ne gloria belli penes hostes sit, pericula decorat, quæ alii, quorum officio magis convenit, etiam sua causa subire recusant. Quid igitur dolemus, quum in dies Turcas alacriores fieri videmus? Quid miramur, quum eosdem omnino tanquam sibi debita petere intelligimus? Merito sibi spiritus sumunt, qui se timeri intelligunt. Turcæ (rem compertam refero) belli occasionem quarant, quum finitimos ea re laborare sentiunt, ne eam præbeant, at prætermittunt illam, quam velut dedita opera ab audacibus viris sibi dari existimant. Quum hæc ita se habeant, cur Cæsar Turcarum animum augeat eorum consilium probando? Cur Ragotio spem minuit, ejus constantiam temeritatis nomine appellando? Quare si hoc turpe non ducit, cum Turcis se non conjungit, ut re ipsa eum ad interventionem persequatur, cui gratia agenda essent, tanquam Transylvania, ac Pannonia conservatori? Hoc ne hostes quidem futurum sperant, nec Ragotius, ne accidat, timet, quum devicta Transylvania facilem aditum in Pannoniam Turcis esse constet: tamen me oratum misit, ut si aliqua re eum juvare Leopoldus noluerit, saltem innoxios defendi sineret. Ex hac oratione Lubcovitius maximam esse Ragotii temeritatem cognovit, quum vix legati orationem ferre se potuisse vidisset. Igitur timens, ne ab eo belli initium fieret, Leopoldo consilium dat, ut modis omnibus eum terreat. Qui hac de causa Comitem Buseinum cum exercitu in ulteriorem Pannoniam petere jubet. Sed ne hujus rei quidem fama Ragotium permovet, quin potius omnia majore studio ad bellum pararet, ut utriusque occurrere posset. Non enim dubitabat, Leopoldum in Turcarum societatem venturum, sed magnopere verebatur, ne Zatmaricensem, Zoboliciensemque pagos (comitatus hos appellant) occupare in animo haberet. Igitur quum Zatmariam munitionibus firmasset, nihil aliud sibi ab Cæsare timendum arbitrabatur. His rebus Chiuperlio nunciatis, non magis vi, quam arte rem consequi cupiens, Lippam Mehemetem quandam prætorie cohortis Præfectum petere, alios in alia oppida Transylvania contermina contendere jubet. His mandat, ut non minus Ragotii rationes explorarent, quam ex Optimatibus, quæ Civitatis voluntas in eum reperiatur, cognoscerent. Mehemetes simulatque Transylvanos in duas partes discesisse cognovit, quos alieno in Ragotium animo esse judicabat, in his Acatium Berciaium, Lippam ad se vocat. Acatius hac occasione cum Turcis amicitiam instituendi oblata reliquos hortatur, ut illico Lippam peterent. At illi se injussu Principis ad hostem ituros negant. Tum Berciaius perspecta eorum voluntate co-

etus

An. 1657 Etus consilium ad Mehemetem scribendi probat; *Se invito Principe hostes aivire non posse, ne scelus in eum concepisse viderentur; si expectare vellet, dum ab Ragotio hac potestas fiat, quod futurum sperarent, postquam concilium Albæ Julæ indictum dimississet, libenter se ei satisfacturos.* Responso hoc Mehemetes permovetur; maxima vero iracundia Chiuperlius exardet, quum cum pecunia, corruptum id renunciavisse suspicaretur. Nam in animum inducere non poterat, eo temeritatis Transylvanos processisse, ut omnes sua mandata spernere consensissent. Explorandi causa, simulque Transylvanos docendi legatum Albam Juliam mittit, *se nunquam propter Ragotii perfidiam de sua in Transylvanos benevolentia antea diminuisse, quod coactos eos Ragotio parere arbitrabatur; at nunc quum omnes consentire comperisset, quia in colloquium venire invitati gravati essent, sibi consilium capturum.* Regi tamen clementia locum relictum esse, *si Ragotium vel virum, vel mortuum traderent.* Cogitarent igitur etiam atque etiam, *utrum plus presidii in Ragotio, quam virum Turcis sit.* Quæ dicta ubi legatus dedit, pavidi Transylvani rem ad Concilium deferunt. Nonnulli suo metu aliorum terrore metientes; materiam Turcis Transylvaniam servituti addicendi præbendam non esse censent; *optimum esse si Ragotius pro communi salute se Principatu abdicaret.* Pars id Turcis maxime insitam, dicunt, *ut timidos persequantur, alacresque timeant.* Ejus rei testimonium esse, quod ubi Transylvanos animo non defecere intelligebant, bellum tantummodo apparare ansissent: nunc autem quum timorem perspexissent, bellam inferre eos non dubitare. *Ne ostenderent imminutum esse animum, si pace frui vellent; nec ejus postulatis aures præberent, quoniam eo pertineret Chiuperlii consilium, ut peritissimum Ducem, magni consilii virum, atque magna apud Valachos, Moldavos, Cosacosque authoritatis hominem suo jussu interficiendo, se facilius opprimeret.* Hæc Ragotii partium hominum oratio ex ore ipsius mitti videbatur, quod ipse aderat. Hac de causa reliqui in horum sententiam discedunt. Jam dies instabat, quo legati ad Mehemetem, exponentes, discedere statuerant; Transylvanos, *neque impares rei animos gerere, neque libertatem deferere velle,* quum Scytharum adventus consilium hoc omittere cogit. Nam illi posteaquam in Transylvaniam pervenerunt prædam agitare, agros, castellaque incendere, omnia crudelitatis exempla in obvios statuere incipiunt. Tot, tantisque malis vi occurrere non posse Transylvani rati, Ragotium, majorem in modum orant, *sui periculi rationem habeat; magnam gloriam ad ipsam perventuram, si Turcis satisfaciendo omnibus pro-*
spi-

fpicias . Scytharum excursionibus , & multo magis timore suorum , An.1657
 quos sibi privatim consilium capturos suspicabatur , permotus Ragotius , quum aliam periculi vitandi rationem sibi relictam non esse videret , quam Principatu abire , hoc facere statuit . Nam hanc rem non esse impediendi loco videbat , quominus eum denuo occiperet , vel quum Turcas domum se contulisse , vel quum eos maioribus rebus astrictos esse intelligeret . Hæc cogitanti Franciscum Redaium sibi opportunum esse occurrit , quod eum neque autoritate , neque magnitudine animi , neque divitiis suæ cupiditati obviam ire posse cognoscebat . Antequam Principatu abire sibi In animo esse diceret , optimum esse iudicavit , per suos familiares cum Redaio agere , *quoniam Principatu abire statuisset , & permagni sui referre cognovisset , quam amicissimum Principem , ac suo beneficio obstrictum habere , placere sibi , Transylvanos orare , ut ipsum Principem crearent* . Lætus hoc accipit Redaius ; atque se nunquam in referenda gratia ingratum fore pollicetur . His rebus compositis , Ragotium nequicquam Berciaius orat , ut petitionem suam curæ habeat ; quoniam magni animi , ac rerum novarum studioso homini , qui suis consiliis officeret , favere , summæ dementiæ Ragotio videbatur . In vulgus ergo simul allatum est , Georgium pro civitatis salute Principatum deponere velle , & dejecto Berciaio sibi fido , Franciscum Redajum , utpote Reipublicæ opportuniorem , Principem fieri optare , gratias Deo omnes agunt , quod eam mentem contra omnium opinionem audacissimo viro dedisset , quæ desiderium Principem iterum eum creandi faceret , si facta ab Mehemete Rege potestas esset . In suffragium missi , omnes Franciscum Redajum , Berciaio graviter repulsam ferente , Principem probant , ea tamen lege , ut , Turcarum Rege concedente , Ragotium iterum Principem haberent . Agit gratias omnibus Ragotius , quod optimam in se voluntatem demonstravissent , semperque Civitatis dignitatem primam se habiturum pollicetur . Transylvani post unam libertatem se tanti viri decus habere dicunt ; tantaque fuit lætitia , ut omnibus manarent gaudio lacrymæ . Discedentes in hanc sententiam ad Chiuperlium litteras mittunt ; *quoniam Ragotius sponte Principatum deposuisset , persuasum sibi habere , se sine pudore posse nunc petere , ut Scythas revocaret , ne quidquid illi sibi calamitatis inferrent , Regi fidelissimi patiantur* . Litteras magno gaudio accipit Chiuperlius , utpote qui inimico pœnas venisse intelligebat . Sed quia non hanc unam fuisse armorum causam supra demonstravimus , *ignoscere non posse Transylvanis dixit , nisi oppidum lenum sibi traderent ; ut hoc adeos in officio continendos pignus haberet , qui non voluntate ; sed*

C

per

An. 1657 *per vim se in fide esse demonstravissent*. Ad deliberandum de tanta re quindecim dies, ipso concedente Chiuperlio, Transylvani sibi sumūt. Quorum animos ut sibi conciliaret Chiuperlius, eorum gratia Scythas Transylvaniæ finibus excedere iussisse dicit, (adeo consilium, cum homine stabat, ut gratiam ab aliis inire quæreret etiam pro rebus illis, quas sua causâ faciebat) quum re vera ad consilium descendisset, ut eos contra Constantinum Serbanum, Stephanumque Georgitiam mitteret, quos Ragotio conjunctissimos esse sciebat: nam Principatu expulsos Ragotium confirmare non posse sciebat. Scythis Silistriæ Præfectus cum iis copiis, quas cogere Chiuperlii jussu potuit, sese conjungit. Quorum adventus etsi novus Constantino exitit, tamen ut delectum Ragotio subveniendi causa habuerat, illis copiis paululum restitit; deinde omnes orans, ut libertatis causa arma caperent, ad hominum millia triginta coegit. Confusus ergo virtute, & fidelitate suorum acie congregi statuit. Valachis primo neque virtus, neque consilium defuit: nam subsidia, & ordines ita statuerunt, ut victoriam eos adepturos quis credidisset; sed, quum Turcarum numerus frequentibus submissis auxiliis crederet, de victoria desperantes, quod amplius millia quatuor ex suis cecidisse viderunt, sese fugæ mandant. Sperabant enim regionem hostibus ignotam se esse tutaturam: sed aliter se res habuit, quum eos Turcæ consecrati non paucos interficerent. Serbanus unus ex media suorum cæde profugiens, incolumis in Transylvaniam pervenit. Hunc paucis post diebus Stephanus Georgitia secutus est: nam, quum acie dimicans eandem fortunam tulisset, Ragotii opibus in calamitate tegi necessarium duxit. Ragotio quum Chiuperlii postulata Turcarum aviditatis inculandæ occasionem dedissent, turbari iterum in Transylvania res cœpta est. Nam hic primo occultis sermonibus sensim se libertatis vindicem pollicitus est, deinde, multis in suam sententiam perductis, palam dicere cœpit. *Quid moramini? Agite Deo gratias Transylvani, quod hoc tempore, quo remedium rei esse potest, vera esse experti estis, quæ in concilio de Turcis sunt dicta. Maxima medijs, idius inminerent mala, si res integra non esset. Morem geretis ne eis, quibus alia petendi mōs est, quam prima impetraverint, an milles mori potius pro libertate parati estis? Patiimini ne, vos inultos amittere libertatem, an potius laetuosam hostibus victoriam facere decreveritis? Agitedum sequimini me ducem non modo verbis alacrem, sed etiam re ipsa ferocem. Meis dilectis audientes sitis; mea facta amulemini, oportet, si id liberis tradere cupiatis, quod a majoribus acceperitis. Mea mens nihil præter vestram incolumitatem videt. Mea consilia vos alio*

alio pertinent, nisi ut liberi, ut felices vivatis, sive dominationis expertem me esse, sive fortem animum gerere oporteat. Animo moderato ut fuisse me satis apparuit, quum pro vestra quiete Principatum deposui, ita nunc eadem de causa Imperium occipiendo animi magnitudinem, ac audaciam præbiturum spero. Hæc, atque his similia omnibus referens sermonibus Georgius effecerat, ut qui omnibus carus propter moderationē erat, nunc, quod bonum publicum pro se certans simulabat, omnes in se converteret. Transylvani, nunquam se civitatis conservatori defuturos, ingenti acclamatione profitentur, atque iis insultant, qui persuadere nituntur, ut potius Jenum, quam libertatem amittere velint: timiditatem Redaii execrantur, quod suum ille, non publicum commodum respiceret, orant præterea alios, ut posthabitis privatis similitatibus Ragotio uno libertatis vindici parentes, injurias ab se propellent. Qui ubi majorem Civitatis partem consentire intellexerunt, Ragotii animi magnitudinem ad Cælum servant, unum Georgium clarum, magnumque habendum dicunt. Id dedita opera, vel necessitate cogente simularent, an, quod a sententia discessissent, affirmarent, satis mihi non constat: unum tamen non ignoro, quod Ragotius horum voluntate confusus bellum apparare, litterasque ad Constantinum, Stephanumque mittere, paulisper impetum Turcarum sustinerent, nec acie dimicaret; celeriter se Transylvaniæ rebus compositis subsidio ipsis venturum. Tum inclinandam rem fortunæ dare optimum esse. Sed quum diutius in delectu habendo, Jenoque muniendo moratus esset, prius ex fama, postea ex ipsis de eorum casu cognoscit. Quamobrem tantus terror incessit, ut qui maximam spem in horum subsidio posuerat, & facilius rem sive per vim, sive per metum in concordiam redigi posse sperabat, nunc non dubitandum existimaret, quin Turca recentibus victoriis elatus, atque injuria incitatus rediret. Sed non oblitus ejus, quod sæpe sermonibus referebat, mortem sui contemptores effugere, pavidosque consequi, negotio non desistit, suoque, quorum partem magnam adversarum rerum timor ab se alienaverat, orat, ne se tam perculsos præberent, ut prius quam hostes adesse nunciarentur, libertatem desererent. Sed ubi, ab nonnullis timore præoccupatis neque preces, neque minas audiri, ab aliis vero se confirmari, Ragotius intellexit, consilium inire cupit, quemadmodum unam totius Transylvaniæ efficeret voluntatem. Hæc secum volvente nova dissensionis causa orta est. Nam quum Redajus, Ragotii causam ab Transylvanis probari videns, vim non facere constituisset, tamen confirmatus ab aliqui-

AN. 1657 bus ad publicam suscipiendam causam ad Georgium scribere constituit, sibi mirum videri, cur ipse Turcis occasionem Civitati perniciem machinandi daret, præcipue quum id contra jurisjurandi religionem efficeret. Ad quæ Georgius, se Sacramento illo non teneri respondet, quod ipse prius non respexisset. Suum in Civitatem studium pati non posse, ut timidus, ac mollis homo eam moderetur, qui ne Jenum quidem munitissimum oppidum defendere conetur. His litteris ad Redajum perlatis, quum nihil de audacia Ragotium remisisset, cognosceret, concilium Megii indicit: omnes enim Ragotium deserturos confidebat, quum eos ipse edocuisset, quid mali immineret, si obsequiis ejus audaciam auferent. Redajum tamen opinio fecerit, et si multitudini exposuit, se certis authoribus comperisset, Tarcas ampliore, quam antea exercitum coegisse, ut injurias ulciscantur: non esse rem eorum judicii eis hanc dare occasionem, quum ab armato iniquissimas accipere conditiones inermes necesse haberent: dementes ipsos esse, si eis obsiti posse sperarent, quum suarum, & hostium virium ignari non essent. Ragotii socios victos esse; eundemque divitias profusisse, ipsum testem haberent, quod in concilio vix quinquaginta nummorum aureorum millia sibi esse professus esset. Quid hæc contra tantum hostem? Vix hæc dixerat, atque ingenti gaudio afficiebatur, quod cum assensu, se legatos audivisse perspexerat, quum Haidones, gens maxime bellicosa, & Ragotio cupiens, ab eo sollicitati, ut in suffragium irent, frequentes armati Megium veniunt, sic animo parati, ut armis, nisi jure rem assequerentur. Percussit res inexpectata omnes, propterea legatum ad eos mittunt, qui concilii verbis interrogaret, quid sibi vellent, quum armati venissent. Tunc unus qui reliquos dignitate excellabat pro omnibus respondet. *Proh impudentiam! Tam se Redajus, reliquique rerum imperitos simulant, ut ex eis querere optimum ducant, quid sibi ii vellent, qui libertatem recuperare exoptant. An semper nos cæcos futuros sperabant, adeo ut servorum loco perpetuo haberi pateremur? Illuxit illuxit dies, quo nihil aliud ex omnibus fortissimi petimus, quam ut id nobis liceat, quod Transylvanorum ignavissimo licere constat. Utinam ita hi essent de libertate solliciti, uti in nos dominari desiderant, quorum virtute, & sanguine patria in libertate permanet.* Hæc verba ex Georgii ore missa, haud dubie visa sunt, nam quomodo huic tantum facundie, agrestibusque consilii tantum esse posse, quis crederet, ut ad concilium adhiberi nunc cuperent, quum ab hominum memoria nunquam, eorum suffragium observatum fuisse constaret? Igitur ab Ragotio sibi eam injuriam irrogari arbitrabantur, quæ ab Haidonibus infer-

re-

rebat. Hac de causa, & multo magis, quod illi, quos in clientelam se Ragotio dicavisse constabat, armati venissent, dubii ab ejus amicitia se avertunt. Jam enim pro certo habebant, Georgium libertatis specie Civitati perpetuam injungere velle servitutem. *Jam merito ab audacissimo homine Turcas penas expetere dicitabant: summę se dementiæ accusandos esse, quod ejus honoris summo cum suo periculo adjutores esse vellet. Cur Turcarum dictis audientes non essent, quum satis, superque apparuisset, eos nihil in Transylvaniam gravius decernere velle, si Ragotius deferatur? Cur libertati non prospicerent, quæ baud dubie in discrimen Ragotio imperante ventura esset? Alii vero, qui in Ragotii amicorum numero erant, dicebant; Considerarent etiam, atque etiam, quo procederetur, quid grave in Ragotium decernendo, quum liberi, conjuges passuri essent, quidquid Ragotius pateretur. Ragotium Turcis invisum esse, quod fidei sibi commissa Civitatis libertatem defendat, amicis ejus futurum, si eam prodiderit. His in utranque partem disputatis Ragotii litteræ recitantur, se publicæ salutis non semel suam dignitatem condonavisse, & nunc millies si opus esset omnia ei condonare paratum esse, si id ex usu Transylvaniæ esse cognoverit. Hæc epistolam ostentans Redajus ab Haidonibus obtinuit, ut nunc domum sine molestis redirent, & deinde potius jure apud se, quam armis de re uisceptarent, quam a majoribus non acceperant. Ad Ragotium omnibus approbantibus Dionysium Bamphium legatum mittit, qui doceret, concilii sententiam esse, ut Principatus abeat, hocque non ex usu Civitatis modo, sed necessarium esse. Bamphii vero Megium reductus eo majorem attulit dolorem, quo de certiore spe dejecti sunt. Persuaserant enim sibi, Ragotium in autoritate concilii, ut pollicitus erat, futurum. Mihi autem credere juvat, concilii decretis non stare decrevisse eum, qui legato respondet, Transylvanos sive per vim, sive voluntate se Principem habituros. Igitur ut cuncti unam salutis spem in Ragotii moderatione verti non ignorabant, perspecto nunc ejus proposito tantus eis incidit terror, ut non modo mentibus conciperent, sed jam Scythas suis in finibus versari, prædam agitare, agros vastare, conjuges, liberos, parentes, semetipsos in servitutem abstrahere, præterea flammæ sonitum, & ruentium tectorum fragorem audire, arbitrantur. Omnes enim non dubitabant, quin in se innoxios Turca suam erumperet iracundiam, velut per se stetisset, quominus Georgius imperio non paruisset. Augetur non immerito terror, quum Georgius exercitum coegisset, & Megium castra movisse nunciaretur, quod dilacerari oportere non ignorarent, qui medi-*

dus

An. 1658

dius inter duos non ira minus, quam cupiditoe excæcatus esset. In tanta tamen rerum desperatione momentum spei apparuit, quod Acatius Berciajus, se ad Ragotium iturum, atque ei persuasurum pollicitus erat, ne sua pertinacia in Transylvaniam potentissimum, ac sævissimum armaret hostem. Hujus affirmatione in spem compositionis perveniunt, quia eum Ragotium carissimum habere cognoscebant. Hortantur ergo, discedere maturet. Berciajus notem, diemque iter agens ad Ragotium pervenit. Quid ei proposuisset in incerto est, quoniam nec suspicio absuit, quin ejus opera ad maturatum Ragotii consilium esset. Expediebat enim Berciajo, qui ad Imperium vel malis artibus enitebatur, Ragotium ad furorem impellere, ut Principatu Redajum Ragotius, & ipse Turcarum ope cum expelleret; & hac de causa eum apud Ragotium remansisse nonnulli dixerunt. At alii eum dicentem, se coactum remansisse, inque eam rem jusjurandum interponentem, audierunt. Hoc, quod nihil certo constat, audum mihi proponendum videtur. His rebus cognitis, alius alium orat, ut sibi consulant, cum animo suo reputant, utrum Ragotio, an Turcis morem gerant; tandem præstare videtur, quid ab Ragotio nunc pati, quum Turcarum auxiliis se defendere possent, quam Turcam exagitare, cui nulla ratione obsistere valerent. De his rebus legatos ad Turcas mittere decreverant, quum legatus ab Chiuperlio venit, qui Regis verbis gratias omnibus egit, quod Ragotium Principatu abire coegissent; dicit, quare in Regis fide ipsis manendum esset. Orationis vero exitus fuit, *Regem excusationem accipere paratum esse; sed documentum diutius non immorandi, quin jussa exequerentur, dare velle; propterea stipendium duplicare, & quingentis nummorum aureorum millibus, necnon Jeno oppido Transylvanos multare constituisse.* Impossibile memoratu est, quanta ira hæc verba Transylvanos implevissent, quum subito dicerent. *Ventum ad finem est. Ultra tanta ambitio ferri non potest. Quid pejus viclis accidere potest? Cur militiam detreclamus? Cur barbaris divini, atque humani juris expertibus obsistendi consilia non inimus? Præstat simul cum vita oppida, libertatem amittere, quam adempta libertate animam hostis beneficio retinere. Satis superque usque adeo erratum nobis est Ragotium conservatorem nostrum deferendo. Dubitari certe desit, tantam Imperii libidinem nisi cum nostra servitute extinguere non posse. Igitur voluntatum commutatione facta Ragotius ex magna invidia in eorum favorem venit, eumque magna lætitia Megio appropinquare accipiunt. Georgius quum propius urbem venisset, legatum ad eos mittit, qui in hunc modum locutus est.*

Nec

Nec mihi, nec aliis mirum visum est, vos ab Ragotio summis precibus non petere, ut vobis adsit, quum vobis persuasum habeatis, expulso eo, perpetuam Transylvanis cum Turcis amicitiam futuram. Sed hanc opinionem vos falsos habere si primo non constabat, nunc certe exploratum est, quumiu dies eorum temeritatem eo procedere intelligatis, ut semper asperiora, atque libertati noxia imprent. Quid igitur vobis vultis, aut quid expectatis, si eos quotidie insidias in libertatem parare juxta mecum intelligitis? Quin eorum fraudi non occurritis? An servitutis conditionem non abnuistis? Hoc, utpote fortissimis viris indignum, ne affirmantibus quidem vobis crederem. Agitedum publicam causam suscipite: uno animo bellum gerere parate: ab Ragotio auxilium implorate, qui fortunam, quacumque accidat, experiri paratus est. Publicam causam ipse nunquam prodet, qualicumque in ipsum animo futuri estis. Hoc de causa inimicitias cum Turcis gerit. Ejus virtus, ac in vos fides ipsius invisa: ejus magnitudo animi formidolosa Chiuperlio est. Non alio consilio vos hortantur, illum ut prodatis, cui libertatem debetis, quam ut vos nefario scelere obstringant, & sibi faciliorem aditum ad exequendum, quod animo proposuerint, parent? Oratio non majore silentio, quam assensu audita fuit; magnoque cum dolore suam infidelitatem ferre nunc dicebant Transylvani, præcipue quum Simeon Antonius Noitica pertulisset, Mehemetem Regem primo satis jam factum ad Ragotii audaciam infringendam existimantem consilium Chiuperlii gratia mutavisse. Venienti ergo Ragotio honoris causa Michaellem Soldalughium, Comitemque Nicolaum Zoloimium obviam procedere jubent omnes, qui concilio intererant: Redajumque hortantur, ut Principatum deponens Georgii opibus in calamitate tegi patriam sineret. Qui sive desperatis suis rebus, quod neque suis, neque clientium viribus totius civitatis consensui occurrere posset, sive quod placido ingenio erat, sive denique quod non sua, sed publica causa honorem ingressus erat, de hoc non queritur; immo antequam domum discederet, Ragotium monuit, ut modis omnibus vel pecunia, vel alia re cum Chiuperlio in gratiam redire studeret, ne in dubium bello devocaret, quod conditionibus haud dubie obtenturus esset. Hoc etiam cuncti ab Ragotio petunt, nihilo secius arma, omniaque appararet, ut illatum defendat bellum. Hoc se diligenter facturum Georgius promittens, omnibus precibus orat, ne compositionis spe quidquam de bello apparando remitterent: se certis autoribus comperisse, Chiuperlium ferre non posse, Transylvaniam in sua ditione non teneri: ipsum præterea turpe

An. 1658

pe sibi ducere, suo magistratus tempore inceptum non perficere. Sibi tamen vires ad resistendum esse, præcipue si Georgitium, Serbanumque sui ad Imperium evocarent, ut polliciti sint, quod ultra Turcarum Imperia ferre non possent. Multa in eandem sententiam ab Michaelē Michesio dicta sunt, quæ omnia bona spe Transylvanos compleverunt. Ragotius brevi Turcas affore providens exercitum amplioribus augere copiis, frumentum conquerere, tormenta bellica, atque omnia, quæ ad bellum usui sunt, parare. Quibus rebus expeditis, persuadet Transylvanis, ut legatum ad Mehemetem Regem cum his mandatis mittant: quoniam Redajus sponte se Principatu abdicavisset, atque Respublica sine optimo Moderatore esse nequirit, Ragotium iterum ad honorem ab ipsis evocatum esse, quum propter singularem ejus prudentiam, tum quod Regi satisfactum existimavissent. Simeon Antonius Noitica ad hanc rem idoneus visus est, quia, quum paucis ante mensibus Constantinopolim petiisset, plurimos ex Turcarum primoribus, præcipue Chiuperlium, familiari amicitia sibi conjunxerat. At Noitica legationis munus pro se recusans, quod rem prospere non cessuram judicabat, omnes ab munere suscipiendo deterruit. Hac spe lapsus Ragotius, legatum ad Leopoldum auxilium oratum mittit. Cui responsum est, Georgium specie jura civitatis tuendi suam cupidinem explere; ejus consilio Jenum non defendi, sed amitti, quia, quum Turca ultimum injurias veniat, eum arcendi facultatem non habeat. Ragotius Principatu abeat, sibi curæ futurum, Turcas Jenum non petituros. Tum legatus, desperatis auxiliis, ut domo mandatum attulerat, Joannem Sagredum Venetorum legatum adit, atque orat, ut sui periculi rationem habeat Senatus: unum Georgium Turcarum victoriam distingere, quo devictio, sibi timere omnes cogerentur. Oraret Leopoldum, senatumque, in belli societatem veniant: per facile esse Turcas harum rerum opinione a bello detertere. Sagredo Veneti Senatus jussu Ragotium confirmare, ne se desereret, & Leopoldum monere opus erat, ne tantum Turcarum viribus accedere pateretur, ut ab Pannonia postea eos arcendi facultas non sit. Eadem tamen Sagredus responsa tulit, atque Ragotii legatus; quæ quidem Veneto Senatui ingrata fuere, quum, quieti Ragotio studente, omnem belli vim in se transferri oportere intelligerent. Sagredus igitur spe, quæ una nunc poterat, Ragotium confirmare, brevique rei pecuniariæ subsidia Senatum ipsi missurum polliceri, monere, ut ad Pontificem Maximum legatum mitteret: per facile enim esse eum passionē Catholicæ veritatis amplectendæ ad sibi auxilia mittenda impellere. Hujus rei spes eodem tempore, atque Cæsaris responsum, ad Ragotium allat-

allata dolorem ex eo conceptum lenivit: nam Pontificis Maximi, atque Venetorum auxiliis expleturum omnia confidebat. Sic magna spe ad Alexandrum ejus nominis septimum litteras mittit, *se Divino Spiritu tactum cum Calvino amplius errare nolle, sed in reliquum tempus cum Dei in terris Vicario sapere paratum esse; idemque, ut alii faciant, se enisurum.* Litteræ ab Veneti Senatus legato Alexandro redditæ sunt, qui etiam Senatus verbis eum obsecrat, *ut Ragotium auxiliis confirmet, ne in desperationem perveniens, conditionibus Christiano nomine indignis pacem cum Turcis faciat.* Permoveatur Venetorum exemplo, qui etsi multis ab hinc annis bellum sustineant, & auxiliis egeant, subsidia tamen ei decrevisse. Consideraret, Turcarum temeritatem nunquam parvam fuisse, at nunc, Mehemete Chiuperlio summum magistratum majore cum auctoritate gerente, maximam esse. Ei tam vastum animum inesse, ut nondum Creta, atque Transylvania perdomita, in spem Pannoniam, Italiamque velut jam consummatum suam belli decus spectandi venisset. Leopoldo, Philippoque Hispaniæ Regi, persuaderet, ut quam ocyssime possent, malo occurrant. Sera auxilia impedimento esse non posse, quominus Turcæ in Pannoniam arma vertant, atque in Italiam exercitum traiciant. Alexander vir non minoris consilii, quam doctrinæ, ad quæ ut vitæ integritas accesserat, religionis propagandæ occasionem omittere turpe ducebat: quamobrem quum diu cum animo suo volvisset, atque consilium Cardinalium habuisset, tandem respondet, *non iniquiore in Catholicos animo Turcas esse, quam Hæreticos, quod minori scilicet illi, quam hi Catholicos insectentur: dubitandum esse, Ragotium necessitate auxiliorum permotum litteras misisse, non veritate Religionis adductum.* Si modo Catholicum se esse profiteatur, ac pœnitentiæ signa mittat, ampliora auxilia etiam in tanta ararii inopia misurum, reliquosque Reges ad ejus auxilium concitaturum. Dum hæc Romæ geruntur, Chenanius Sevasius Budæ Præfectus ad Transylvanos legatum, questum, mittit, *quod iterum Ragotium Principatum adipisci passi essent. Si bellum suscipere nollent, Ragotium interficerent.* Legatum, qui hæc mandata pertulit, tantavis denientiæ verius, quam temeritatis ei inerat) in carceres coniici Ragotius jubet. De hac re ut omnes edoceat, concilium Albæ Julæ indicit. In concilio Portiæ litteræ recitantur, Leopoldum in se suscepisse, ut omnia ab Turcis remittantur ipsis; at Turcas non esse mutatuos consilium constare, nisi ubi audaciam Ragotium deposuisse perspexerint. Hortarentur igitur Georgium de hac re ipsi. Litteris perlectis Ragotium omnes circumstant, atque orant,

An. 1658

*ut, quoniam omnium Transylvanorum in se excellens studium cognovisset, bene de se meritum libertati suum decus aequo animo gratificaretur hoc tempore, quo alia ratio sibi, ac omnibus consulendi non esset. Plura dicere cupientes interpellat Ragotius, atque levitatem increpat, quum libenter mortem quoque esset subiturus, si hac re Turcatum voluntatem se redempturum confideret. Multa præterea de Venetorum pollicitationibus, ac Pontificis Maximi voluntate addens, postremo orationem concludit, se bonoris iacturam libenter esse laturum, si optime de se meritis Transylvanis expedire cognoverit. Cognitis rebus omnibus in Transylvania gestis quanta ira exarsisset Chiuperlius, explicatu difficillimum existimo: conjectari solum libet, hominem omnium, quos sustinet terra, superbissimum maxime ad ulciscendum eum ardere, qui suo imperio subiectus, tantum abest, ut ad sanitatem reverti vellet, ut potius legationis jus violavisset. Et perinde ac sibi uni legatorum nomen sanctum non habere liceret, de hoc queritur cum Reningherio: cui neque obiectare ei visum est, Ragotium ejus exemplo id fecisse, quoniam, antequam loqueretur, mandaverat, ne pro Ragotio verba faceret. Reningherius tamen, non pro Ragotio, inquit, in quem alieniore animo Leopoldus, aut Mehemetes sit, in incerto est, sed pro miserrimis Transylvanis sume deprecaturus. Illi vi Ragotii causam probant. Hæc durior eorum conditio est, ut unusquisque in eos doloris iracundiam erumpere velit, si quid ad suam voluntatem non faciant. Animadvertite in Ragotium, non ab infontibus Transylvanis penas repete, quum eos tibi morem gessisse satis mihi constet. Quomodo enim quid gravius in Ragotium decernent, quum ille semper devotorum, ac equitatus numerum circum se habeat, oppidumque in potestate ejus sint? Diutius enim non immoratus esset audacissimus vir, quin de illis supplicium sumpsisset, quos ad imperatum non venire cognovisset. Hæc ubi Chiuperlius vultu ad iracundiam composito audit, se non ignorare dicit, ipsum hanc inlatusse orationem, ut perditum hominem, cujus patrocini-um suscepisset Leopoldus, defenderet: sed se neque Ragotium, neque Christianos Reges vereri; tantum fidem frangere dubitare, quoniam, nisi hac teneretur, omnes gentes nullo negotio perdomere valeret. Præbeat Leopoldus occasionem, paret bellum, inquit; nihil hac re gratius mihi faciet, quoniam ea mala nunc ab trecentis hominum millibus feret, quæ alias passus esset, si fide opportunitatem potior-rem habuisssem, quum eo in aliis bellis occupato ab aliquo ex Christianorum Regibus ad bellum ei inferendum incitabar. Alia item ostentat, quæ Reningherio terrorem inferrent. At ille animo non deficiens, respondet, Leopoldum sibi illatum bellum, præcipue inju-
stum*

stum defendere non dubitare, quum Deus scelerum ultor sedeat. Chiuperlio tamen cum animo suo volventi inverisimile videbatur, Ragotium tantos spiritus sibi sumere potuisse, nisi magnis pollicitationibus inflatus esset. Cogitabat etiam, Leopoldo ingratum esse, munitissima Transylvaniæ oppida ab Turcis occupari: & huic rei occurrendi causa, exercitum Principi Annibali Gonzagæ in Pannoniam ducendum dedisse conjectabat. Statuit itaque Chiuperlius, omnia in dubium non revocare, nec bellum aggredi, si Cæsarem ad Ragotio subveniendum paratum esse cognosceret, quum seditiosos milites contra Venetos in Dalmatiam mittere, ibique eos dolo objectare posset. Hoc consilium ut ad extremum reservaverat, Leopoldum nunc alliciendum statuit. Vocat igitur ad se Reningherium: agit cum eo humanius, se conjectari non posse, quæ de causa Ragotio Leopoldum opem ferre velle negaret, quum ejus confirmandi causa exercitus iter in Transylvaniam habeat, atque ei arcem quandam in Pannonia muniendi potestatem factam esse constet, ut si quid adversi accidat, eo se recipere possit. Ad quæ Reningherius respondet, quod de exercitu dixisset, id fieri haud dubium esse, ut Scytbis excursionum in Pannoniam, & Ragotio eodem se recipiendi facultas eripiat. Ne his quidem rationibus persuaderi sibi potuit Chiuperlius, Leopoldum alieno in eum animo non esse; immo ejus augetur suspicio, quum Georgii litteræ ipsi redderentur; se imperata facere paratum esse. Excusationem ergo acciperet, cogitaretque, non semel opulentos, ac potentissimos Reges in catenis ab ignobilibus Lucibus habitos. Ipse licet in banc spem suis opibus venire posset, tamen nonnisi laceffitum ad belli consilium descendere, & nunquam de stipendio recusare statuisse. Chiuperlius intercepta pecunia, nuncium in vincula coniici jubens, Haffanem quendam in Cretam mittit, qui primo Cusseini imperaret, ut tria veteranorum millia sibi tradat, quibus ad imminens bellum uti posset; deinde præmiorum spe ei persuaderet, ut Constantinopolim petat. Ad Scytharum Regem scribit, coactis omnibus, qui arma per ætatem ferre possent, Temesuariam petat. Idem Budæ, Temesuariæque Præfectis imperat. Sollicitudine tamen affectus, quod Leopoldum Ragotio favere pro certo habebat, ad eum Solimanum familiarem suum, qui omnia exploraret, legatum mittit. Qui ubi Viennam pervenit, reperit Leopoldum Francofurtum petiisse; traditis itaque Portiæ Chiuperlii litteris, eodem contendere posset, petit; habere se quid cum eo de communi re ageret. Sed ubi hæc potestas ipsi facta non est, Lubcovitio exponit, Mehemetem Regem suum pacem cum Leopoldo colere velle, ubi, eum Ragotium deseruisse, appareret. Et postquam alia, quæ memoriæ

An. 1658

prodenda non videntur, addidit, unius Ragotii sanguine belli flammam extingui posse conclusit. Litterarum ad Portiam relatarum eadem sententia fuit. Ad quam Portia respondet, *Leopoldum nunquam Ragotio auxilia misisse, neque missurum esse: potius eum per legatos de Mehemeti parendo hortatum esse: utque gaudio ei fuisse nuncium, quod sua consilia ita apud eum valuissent, ut pertinacia desisteret, Franciscum Redaium Principem creandum curavisset, ita maximo dolore famam acceperisse, quæ de apparatus ad eum pervenit. Daturum se operam, ut ad sanitatem revertatur. Quod si nihil apud eum proficiat, summopere placere, si ab Ragotio uno, non ab Transylvanis pœnas expeteret.* Hæc ubi Solimanus Chiuperlio renunciavit, ejus animus ad lætitiâ excitatur: minori enim certamine res omnes, quas animo proposuisset, se obtenturum confidebat. Tamen, quod quandoque naturæ vitio fiat, ut de ea re, quam maxime cupiunt homines, dubitent, quum quæreret ex Solimano, quo vultu Consiliarii ad interrogata respondissent? opulenter ne habitus esset? quid denique exploravisset? alia præterea, quæ manifesta habere hoc rerum statu suspiciosus vir cupivisset; reperit eum regio pene cultu habitum fuisse; in finibus Præfectos quosdam ei obviam processisse; militumque præsidio mediocribus itineribus Viennam pervenisse; eidem cum aliis secreto colloquendi potestatem non fuisse factam: hac de causa nihil explorare potuisse. Chiuperlius hac re ad suam opinionem addita non amplius sibi dubitandum existimat, quin Germani bellum parent, quû ejus rei occultandæ causa officii specie Solimano custodes posuissent. Mihi autem satis constat, Germanos vagandi facultatem Solimano non dedisse, ne ad suos perferens, oppida non satis valido præsidio teneri, nec necessariis abundare rebus, eos ad bellum suscipiendum impelleret. His rebus permotus Chiuperlius Sevasio Chenanio Budæ Præfecto scribit, *superfederet exercitum in Transylvaniam ducere: se imperaturum, quum ex usu esset castra movere; interim circummissis exploratoribus omnia manifesta haberet, & ad se perferret.* Hæc ubi superiora, ut fit, Georgius accipiens, simulque spe auxiliorum Romani Pontificis dejectus, necnon Sarmatarum minis permotus, qui, nisi pecuniam daret, quam ex conditionibus deberet, exercitum in Transylvaniam se introducturos profitebantur, Gabrielem Covarem cum litteris ad Leopoldum mittit. *Se non tam Imperii cupiditate Principatum amplexum tenere, quam quia turpe sibi duceret timoris dare suspicionem, & demonstrare, sibi magis in otio, quam in bello Principatu frui placere: se Transylvanos auxilium omnibus precibus impiorantes deserere ignominiosum putare, præcipue quum nunc Tur-*

cæ

cæ Jenum petant, oppidum eis non minus ad Transylvaniam, quam Pannoniam devincendam opportunum. Hac de causa Leopoldus quoque sui periculi rationem habere deberet, auxilia sibi mittendo; quod si faceret, præsidium Germanorum oppidis se recepturum fide tamen data eos edacendi, quum Turcæ quieti studeant. Petit etiam, ut prolationem ab Sarmatis impetraret: se pace cum Turcis facta pecuniam daturum. Litteris perlectis Leopoldus consilium habet; jam non dubitandum nonnulli dicebant, quin hoc consilio Turcæ Transylvania potiri constituisent, ut postea Pannoniam majoribus exercitiibus invaderent: ideoque Ragotium confirmandum, & hoc modo ei respondendum censebant, ut in spem auxilii veniens, alacriter bellum ducat. Contra alii, quum belli sumendi tempus non esset, tam Ragotio opem ferre, quam id polliceri periculosum existimabant. Verisimiliter id Turcis ab eo enunciari posse, vel uti eorum voluntatem redimat, vel ut novo conflato bello in spe victoriæ sit: posse Turcis persuaderi, ut, quum in Ragotium vindicatum sit, Jenum Transylvanorum esse patiantur. Majori vero parti placuit, ut ei subsidia secreto mittantur, ne Turcarum amicitiam traditis oppidis redimere necesse habeat. Indemnitati prospici satis posse, quum litteras ad eum, quæ testimonio essent, non mittant, sed legatos eum bona spe compleat. Statuunt etiam Turcas facere certiores, se milites mittendo, qui oppida custodirent, non Ragotii, sed publicam causam defendere velle: injuriam nulli facere eum, qui sua custodit. Scribuntur in hanc sententiam litteræ; sed qua de causa statim missæ non fuissent, nondum comperi; maximæ fortunæ id fuisse tantum scio, quia minæ etiam infecta re belli causa fuissent: nam quum Annibali Gonzagæ, qui imperii exercitus summam tenebat, mandatum esset, Jenum ut petens firmum præsidium ibi relinqueret, tamen partim quod frumentum eo anno in Pannonia angustius provenerat, partim quia Pannonii se Germanos oppidis non recepturos esse professi erant, eo non contendit. Nam, quo se recipere, non erat, si quid durius accidisset, idcirco in Cituorum Insula castra locat. Hic locus opportunus visus est, quia flumine munitus, & Turcarum finibus ita proximus erat, ut eos præmetuere finitimis oppidis paucitas defensorum cogeret: milites enim ex Urbibus eduxerant, ut exercitum ampliorem contraherent. Quod posteaquam cognovit Sevasius, eduotos ex oppidis milites confestim eodem mittit. Hæc fuit causa, quare Temesvarix Præfectus Sevasium apud Chiuperlium prodicionis insinulasset, adderetque se negotium confecisse, si sibi dimidia exercitus pars permisa fuisset. Chiuperlius utpote non immemor ejus, quod mandaverat,

ne

An. 1658

ne injussu suo in Transylvaniam contenderet, falso Sevasio obii-
coniectat, quod pecunia ad Ragotii studium perductus esset. Litte-
ras tamen ad eum mittit, *si suspiciones vitare vellet, in Transylva-*
niam advolans, Georgii caput confestim ad se referret. Nam ejus
consilium sibi reprehendendum videri, quod dimidiam exercitus par-
tem domum remississet. Ad hæc Sevastius respondet, *sibi summae de-*
mentia visum esse, de suo dimicare, ut aliena occuparet: milites tan-
tum ex oppidis eductos misisse, ne Germani occasione ad ea occupanda
uti possent; præcipue quum ex excursionibus, quas Pannonii fecissent,
eis pacem colere non placere, cognovisset. Se legatum res repetitum
misisse; quum redierit, responsum ad ipsum perferendum curaturum.
Litteras ubi accepit Chiuperlius summum esse Ducem Sevastium di-
cens, ad Temesuariæ Præfectum scribit, *quoniam mediocribus*
copiis asperiora conficere pollicitus esset, venisse nunc diem, qui judicare
posset, utrum Buda Præfetto virtute, consilio, & fide par esset, vel
ne. His litteris magis Temesuariæ Præfectus permovetur, quam
Sevastius, & veluti proditus ab eo, quem prodiderat ipse, tem-
pus, hominumque perfidiam queri. Sevastius vero, se fere dole-
re posse, dicere. Itaque ex querimoniis primo ad contumelias, de-
inde ad arma descendissent, nisi Temesuariæ Præfectus, credo i-
gnominia adductus, cum suis copiis discessisset. Sevastius quum
Chiuperlii iussa quamprimum efficere statuisset, atque de Scytharum
adventu quidquam non perferretur, suis copiis inclinandam rem fortunæ dare periculofum ratus, scribit ei. *Communi glo-*
ria, ac publica saluti daret, ut controversiarum oblivisceretur, at-
que Regis dignitatem privatam sibi potiore esse, demonstraret. At
ille quum neque pertinacia, neque itinere desisteret, tamen Sevas-
tius precibus finem non facere paratus, nisi de sententia hominem,
dimovisset, ad eum quatuor Præfectos, orantes, mittit, *ne eam ma-*
culam Turcis vellet, ut quum ipse cum copiis discederet, Sevastius quo-
que domum repetere cogeretur. Discessum a timore natum hostem,
ferociorem, suos perculsoi facere. Propterea in manu sua victoriam
esse, atque ab ipso rationem reposcendam esse, si quid adversi accideret,
quum potius causa adversi praelii, quam victoriæ comes esse vellet. Alia
quum addidissent Præfecti pervicerunt, ut partem copiarum Lippam
mitteret. Quarum adventus lætas res Lippæ fecit, maxime quod
eodem die missus ab Sevasio Viennam rediisset, qui renunciavit,
Cæsari excursionem a Pannoniis in Turcarum fines factam maxi-
mam attulisse molestiam; eumque tanti facinoris auctores manife-
stos habere velle, ut suppliciiis discordiarum seminum tranquillas
res faceret. Hic etiam Sevastium docet, Metigerem Jurisconsultum

ab Gonzaga cum mandatis ad ipsum missum, & minoribus itineribus subsequi. Hæc expectatio cum intra castra tenuit. Metiger posteaquam in conspectu Sevastii venit, *Annibalem Gonzagam se ad ipsum misisse dicit, ut renunciaret, ipsum non maleficii causa exercitum in Pannonia habere, sed tantum, ut ab injuria militum, quos occasio sæpe ad prædam invitat, Pannonios prohibeat.* Ad quæ respondet Sevastius, *se neque Leopoldi gratiam repudiare velle: exercitum in Ragotii perniciem ducere, quam ejus amentia jam longius processisset; Jenum vero recipere velle, quia legibus sancitum habeant, Turcas pati non debere, ut Christiani ea oppida in potestate habeant, ubi templum Mehemeti inauguratum esset. Quum ergo id Bettelema Gobore regnante evenisset, se salva Religione Christianis Jenum relinquere non posse.* Metigerem donatum ab se dimittens Sevastius, militibus pronunciat, uti in posterum ad proficiscendum parati essent. Nocte vero seditionis causa orta profectionis consilium in longiorem diem transferre coegit. Nam quum equites illi, quos Spakios vocant, mercatorem quendam, ut ajunt Armenum, per vim domo expulissent, hic timens, ne avidi milites omnia diriperent, ut eum non fugiebat, perpetuo adversus equites odio Prætorianos esse, eos adit, magnoque sublato clamore omnes in se convertit. Qui quum ex ipso quærerent, quid revesset, ille tamen in eodem dolore permanens, atque vocem diu non exprimens, tandem inquit. *Quid gravius hostibus, quam amicis ab equitibus accidere potest? Quid magis a perditis hominibus mihi timendum erat, quam ab Turcis hodie patior? Coopertum miseriis me domo expulerunt avidissimi; nihil reliqui mihi fecerunt; omnia diripuerunt; vitam eo consilio non eripuerunt, ut in maxima mala, amissis omnibus, precipitatus vitam morte graviolem exigam. Nisi quid in Prætorianis adversus tantam sevitiam præsidii sit, tantam aviditatem divitiæ explere nequibunt, quin ipsi navis eorum effugiamus. Agitedum date operam, ut Orbis terrarum intelligat, vos Imperii spem unam esse, quum miserrorum injurias curetis, & merito inimicitias cum pessimis omnium geratis.* Hæc dicta adeo Prætorianos accendant, ut cohortati inter se, ne tantum facinus impunitum relinquerent, contra illos procederent. Ubi pervenere, de improvviso in incautos impetum facere, obtruncare alios, alios vulnerare, gladiis rem gerere. Equites etsi improvisa re perculsi rei non deesse, impetus excipere, & in eos facere, pro viribus se ab vi defendere. Plures utrinque interfecti essent, nisi ad ululatum Sevastius conveniens, reliquos arma capere, & ad sedandum motum contendere jussisset. Ipse inter eos versans. *Quid armis, inquit, inter commilitones opus est? Ferociam ad-*

An. 1658

adversus adventantem hostem, non adversus Cives ostendatis, oportet. In illos, non in hos viros esse decet. Sed ubi preces non audiri animadvertit, ab eis ad minas nequicquam primo vertitur, postremo iustis militibus, quos secum duxerat, in seditiones se eiicere, atque repugnantes interficere, arma vero abiicientes non violare, prælium dirimit. Sedato tumultu castra movere proposuerat, quod otio controversias alii rebatur; sed quum in mentem venisset, perculsos hostibus obiiicere periculosum esse, spatium ad eorum sanandas mentes interponendum decernit. Incommoda Turcarum pleniora etiam, ut solet, per mercatorem, qui ex fuga se in Transylvaniam receperat, ad Ragotium perlata, impulerunt eum, ad secum reputandum, utrum rei bene gerendæ occasionem dimitteret. Cogitabat, se facilius Carolo Rege deprecatore cum Turca in gratiam redire posse. Cur igitur fortunam periclitaretur? Carolum omni studio suscepturum negotium, quod sua causa in maxima mala præcipitatus esset: Turcas ejus preces spernere non posse, quia a bello vacuus injurias neglecturus non esset. Præterea, quum victoriam adeptus esset, nihil tamen ad summam rerum profici, quoniam Turcæ infamiae sarcindæ studio majorem vim essent præstituri. His omnibus de causis ad Chiuperlium scribere placuit; se ejus benignitate, ac humanitate confisum, beneficio fortunæ ad opprimendos discordes, incautosque uti nolle. His expeditis rebus Albam Juliam, ubi concilium habebatur, magnis itineribus petit, ibi Transylvanis proponit, etsi Turcas, quoniam ad vim descendissent, nullo negotio pellere se posse cognosceret, tamen compositionis spe captum tantam opportunitatem corrumpere, quum incolumibus Transylvanis rem obtinere statuisset. At si Turcæ satisfactionem non accipientes bellum inferrent, libenter ipsi quoque consilia in bellum converterent, præcipue quum Leopoldi, atque Caroli auxiliis in magna victoriæ spe essent. Transylvani etsi omnia hæc uberiora ab eo commemorari sciebant, ut se ad bellum impelleret, tamen libenter bellum se suscepturos responderunt, quum libertatem in dubio esse constaret. Horum, atque Leopoldi pollicitationibus inflato Georgio Caroli litteræ redduntur, tantam iracundiam in ipsum esse Chiuperlium, ut parum absuisset, quin legatus, qui de compositione mandata pertulerat, violatus esset. Nunc cunctandum non existimat Ragotius, quin contra Sevasium iret, antequam cum Scythiis se conjungeret: sperabat fortunam, si victoriam nunc daret, ut animo providebat, alios casus postea allaturam. Quantum igitur accelerari potest, cum equitum millibus quinque ad Lipnam contendit. Quumque unius diei iter abesset, quingentos ex-
plo-

plorandi gratia mittit; qui inopinantes centum ex hostium exploratoribus nacti, in eos impetum faciunt. Illi, nonnullis interfecis, quum sibi neque fugæ facultatem relictam viderent, sine mora sese eis dederunt; inter quos nonnulli erant Præfecti, quorum maxima erat inter suos autoritas. Qui ad Georgium perducti, quæ in castris gererentur, enunciant. Adduntque ex decem Turcarum millibus quatuor millium virtutem maximi haberi, reliquos modo conscriptos, atque per vim ad bellum evocatos plus de se domum recipiendo, quam de bello cogitare. His rebus cognitis veluti explorata victoria, milites adderent gradum, Georgius orat: *quam ocysime possent, non adipisci victoriam, quæ libertatem pareret, summa dementia esse.* Tantum igitur fuit in equitibus studium, ut tertia hora hostem in conspectum daret. Ragotius quum æquo loco pugnandi facultatem non esse videret, quod Sevasius prope Lippam, veluti pro oppido, copias collocatas habebat, tormentaque opportune in quibusdam collibus non procul Marisio flumine collocaverat, consilium capit Aradium, id erat castelli nomen, ad Marisium flumen positum oppugnare. Hac enim ratione, vel hostem ad pugnam se eliciturum, vel suos alacriores effecturum sperabat, quum hostes obviam ire incepto non auderent. Unum ergo elocutus, ut milites ad virtutem arrigeret, minora tormenta, quæ secum duxerat, in murorum perniciem disponit. Tum Mustafus Posegæ Præfectus maximam ad omnes infamiam pervenire cognoscens, quum, ne prælio dimicaret, Oppida expugnari paterentur, Sevasium convenit, oratque, *ne desides tempus tenerent, timorisque darent suspensionem, quum ipsi equitatu abundent, & hostes neque numero, neque virtute sibi pares sint: suis animum minui, hostibusque augeri periculosum juxta, ac ignominiosum esse.* Sevasius, quia nondum exercitui concordiam restitutam videbat, pugnam detrectat. At Mustafus clariore voce. *Hodie sane, inquit, meam operam communi Turcarum gloria præstare si ingenium meum non cogeret, certe necessitas, ad Georgium descendendum, impellit, Turcas non modo hostes non timere, sed contemnere, quum omnibus copiis dimicare valentes, dimidia exercitus parte congregari non dubitent. Permite mihi tria millia equitum, quæ ubi mille equitibus, totidemque peditibus, quibus præsum ipse, adjunxero, prælium certa victoriæ spe inibo.* Sevasius hujus autoritate adductus, simulque omnium militum vocibus prælii signum expositum permotus, omnibus copiis dimicare statuerat. Sed Mustafus, quum suam alacritatem ad Cælum ferri ab omnibus vidisset, ne Sevasii quoque virtus laudari posset, petit, *ut copiarum par-*

An. 1658

tem sibi traderet, partem in subsidiis collocaret, atque, si auxilio opas esse cognosceret, eas secum duceret; sin minus, gloriam partæ exiguis copiis victoriæ facere suam sineret. Hoc non ingratum Sevatio consilium fuit, sive quod maximam rei bene gerendæ fiduciam habebat, sive quia aliorum periculo suum decus facere optimum ducebat. Mustafus igitur, fortissimis quibusque militibus lectis, magno animo quingentos passus ex eo loco procedit: in itinere milites hortatur, ne suæ virtutis opinionem fallerent: nihil aliud se ab ipsis omnibus precitus petere, quam ut tales se præberent, qualem se ipse gessisset. Sibi esse in animo, non modo consultorem, sed periculi socium esse, asperiora aggredi, & viam aliis ferro aperire. Neque se commissurum, ut, quum non magis pro salute, quam pro communi gloria dimicaretur, victus in castra redeat. Venum in ipsorum virtute positum esse, vel opinionem, quam sanguine, & laboribus majores peperissent, retinere, vel immutatum esse animum demonstrare. Ragotius ubi ad se veniri vidit, statim oppugnationem dimittit: quod quum essent admirati nonnulli, Quid admiratione, inquit, opus est, ubi nova audacia ex usu est? Tantumne otii est vobis, ut hæc respiciatis? En pugnandi, quam semper petiistis, facultatem. Agitedum arma capite, & nilulatum vestræ alacritatis iudicem tollite. Et si quis vestrum pro qua re laborem sumit, adhuc ignoret, scire iuravit, pro liberis, pro conjugibus, pro sociis, ac denique pro libertate, pro Religione se pugnare, quas nemo, qui virum se præbere studeat, (si eorum rerum iactura facienda erit) nisi cum vita amittere vult. His dictis, subito duplicem aciem, ducere cœpit. Mustafus, quod longum venire certaminis tempus videbatur, ei occurrit. Prælium inceptum tale fuit, quale inter ambos sibi fidentes milites, quos gloria, quos libertas ad virtutem excitaret, atque inter fortissimos, audacissimosque Duces esse debuit. Nam pars clamorem tollere, ut suos confirmaret, hostesque terreret, pars id minus facere, ut magis ad prælium intenti essent, alii modo acrius instare, modo impetum sustinere, plerique gladiis rem gerere, omnes egregiam virtutem præstare. Duces apud primos agere, in confertissimam aciem se conferre, recentes pro defessis accersere, omnibus prospicere. Dubia victoria quum diu pugnaretur, Ragotius ultima experiri decernens, suos ut ampliorem animum præstent, orat. Turcæ quoque visæ, alacritate Transylvanorum rei non deesse cupiebant. Tanta, utrinque alacritate pugnatur, ut in neutram partem inclinavisset acies, nisi fortuna Mustafum in prima acie versantem vulnerari passa esset. Nam Ducis casu perterriti Turcæ prælium remittunt.

Hoc

Hoc æcius instant Transylvani, atque uno tempore in omnes partes ita impressionem faciunt, & in fugam dant, ut Sevasio ad suis succurrendum tempus defuerit. Turcarum plures in fuga, quam in pugna interficiuntur. Omnium summa ad duo millia fuerunt, in his Hassan Præfectus ob fidem, virtutemque Chiuperlio carus: qui cognita suorum fuga potius mortem sibi honestum exitum esse voluit, quam ante partum militiæ decus incolumis amittere. Quingenti vivi capiuntur. Ragotius impedimentis, tormentisque potitur. Ex cujus exercitu minus quinquaginta occidisse fama valuit. Id ex vero Georgius celebrasset, an ostentavisset parum cognovi. Hoc tamen falsum non est, quod, nisi nox adfuisset, pontem occupasset, forsitanque Lippam recepisset: adeo erant Turce perterriti, ut potius fuga periculum vitare, quam virtute victoribus obistere cuperent. Posttridie Aradium delerunt. Ragotius refractis portis sine contentione in Castellum milites introducit: litteris, nuntiisque victoriam apud Lippam partam concelebrat, uberiores prædicat, omnesque finitimos hortatur, ut eam exercentes decoris, & prædæ vellent esse participes. Ad Leopoldum, *venisse tempus*, scribit, quo sine periculo *Turcarum audaciam infringere posset. Turcas omnes perterritos esse: nihil aliud, ut victoria exerceatur, opus esse, quam Gonzaga in Turcarum fines impetum faciendi facultatem tribuere: sin id minus vellet, efflagitata, & promissa auxilia sibi mittat, ut victoria uti possit.* Pannonios præterea monet, *ut per se in Turcas impetum faciant, quum sine periculo amissa recuperare possent: rei bene gerendæ occasionem dimittere non esse consilium, quoniam eam semper reperire nequirent.* Ragotio id consilii erat, ut Pannonios sibi adjungens, occasionem Chiuperlio belli Leopoldo inferendi daret. Secundoque prælio sublati maximos sibi sumit spiritus, partemque Transylvanorum supplicii terret, partem re bene gesta sibi conciliat. Quantam vero audaciam sibi sumpsit, impossibile memoratu est, quum Chiuperlii litteræ ipsi redduntur, *Mehemeti Regi summæ latitiæ adversum prælium ab suis factum, fuisse, quod unam ipsius virtutem rei causam fuisse intellexisset. Summamque gloriam ad se perventuram, eum sperare, quum stipendiarium tanti consilii, ac animi babeat. Si ejus imperium in posterum non spernere demonstraret, atque Constantinopolim, veniam oratum, veniret, fore ut in ejus favorem veniret.* Ex litteris Georgius conjecturam capiens, Mehemetem se artibus eludere statuisse, cujus virtutem in acie invictam esse cognovisset, nimis in eos fiduciæ, quibus simulationem juxta, ac perfidiam innatam esse constabat, pœnas, ad imperatum eundo, reddere noluit. Chiuperlius vulpinam vestem

An. 1658

induere, etiam leonina non deficiente, optimum judicans, vel timorem simulando negligentiorum Ragotium facere, vel dolo interficere, si Constantinopolim veniret, statuerat. Posteaquam vero artem non procedere cognovit, exercitum cogit ingentem; oppidorum Præfectis imperat milites, quos ante certam diem Belgradum ducerent. Professionis in Transylvaniam consilio seditiones ortæ fuerunt impedimento. Nam quum potius stipendia in oppidis, quam in castris cum periculo facere vellent milites, atque Mehemetis auctoritate ad bellum evocari cognoscerent, communi consilio statuunt, quum signa moveri Chiuperlius juberet, dicto audientes non esse. Hoc celeriter ad Chiuperlium perfertur, qui Tassium quondam Silistriæ Præfectum, quod equitibus acceptum, & rerum novarum avidum cognoverat, equites ad furorem impellere suspicatus, eum ad se magnis pollicitationibus vocat. Venientis gulam, frangerent, ministris rerum capitalium imperat. Tantæ rei sensus ubi pervenit ad milites, seditionem excivit. Nam ejus rei sermones sensim ab Tassii fratre sati eo procefferunt, ut tandem ubique locorum, hæc, & his similia audirentur. *Ecquando a suppliciis quiescimus? Ecquando sanguine fortissimorum virorum Chiuperlii aviditas explebitur? Quid desides tempus consumimus, atque taciti quodammodo ejus seviriæ probamus? Cur bornum morte eum ad aliorum supplicia assueseri patimur? Palam obviam cupiditati eundem, antequam jugum accipiat: acceptum enim nequicquam demere cupimus.* Palam igitur concilia fiebant, atque ratio negotii perficiendi quærebatur. Hoc ubi Chiuperlio nunciatum est, Prætorianos appellans, sibi pollicitationibus, ac præmiis eos conciliare studet. At Prætoriani, etsi alieno quoque in eum animo erant, insidiasque ei machinabantur, tamen simulatque insidias Chiuperlio ab equitibus strui intellexerunt, sive ob perpetuum in ipsos odium, sive eo permoti, quod, si equites Chiuperlium interficerent, hominem totum ipsorum ad Magistratum summo cum suo periculo evocarent, paratos sese esse dicunt, Ducis sui injurias defendere: statimque captis armis equitum insidias anteveniunt. Ita experientia compertum fuit, maximo cum periculo Chiuperlium de Zaimæ consilio Prætorianos dimissurum fuisse. Sedato tumultu posteaquam severe in motus auctores vindicatum est, Chiuperlius ut ab cura milites averteret, professionem repræsentavit. In itinere Marinus Giorgoglius ab Transylvanis legatus, orans, venit, *ut misericordia in eos utatur, qui perpetuo in Turcarum Regis fide fuissent. Omnes ab se alienaturum, quum unam imperii cupidinem belli causam esse appareat: ne in suam contumeliam verteret, Georgium, ut se defenderet, Servastii cæcerei.*

*xercitum fuisse . Transylvanis in animo esse , se ab Turcarum amicitia non avertere , quum salva libertate possent . Ad hæc Chiuperlius , sibi nullam cum Transylvanis amicitiam esse posse , nisi interfecto Ragotio , atque Feno trahito . Quum unum libertatis vindicem interfici , atque Jenum hostium imperio adiungi , Transylvanos pati non posse , Giorgoglius respondisset ; Paniottus legati Cæsaris interpres , vel quod hac re inire ab Chiuperlio gratiam cupiebat , vel quod præstare intelligebat , imperata Turcarum fieri , quam libertatem amitti , eum monuit , ne sibi ab Georgio verba , ac voces ingeri sinerent Transylvani , sed potius unius incommodo publicæ quieti mederentur . Hoc iterum ab suis Civibus fieri posse Giorgoglius negat . Tum Chiuperlius . *Ite , renunciate omnibus , me brevi cum exercitu affore . Considerent , sicutum præsidii in Ragotio sibi sit , quantum virium Turcæ habeant .* Aliquibus post diebus Temesvariam perveniens , viginti hominum millia exercitui adjungit . Inde postquam aliquos dies Scytharum , ac Silistriæ Præfecti adventum frustra expectavit , tandem ad eos severius scribens , Lippam petit . Simulatque eo pervenit , nonnulli ex Ragotii exercitu permoti fama ingentis exercitus ad Chiuperlium transeunt . Quidam ex profligis interrogatus , se Germanum esse respondet , permittente Leopoldo apud Georgium sacramentum dixisse : quoniam pluries efflagitatum stipendium sibi propter ærarii inopiam non reddi vidisset , ad Turcas perfugisse , ne ad rerum omnium inopiam omnino adduceretur . Quasdam cohortes ab Leopoldo subsidio Ragotio missas in itinere esse addit . Hæc ad Chiuperlium rerum novarum cupidus perfert , ut auribus serviens , ejus gratiam redimat , non Ragotii jussu , ut nonnulli suspicati sunt : nam etsi belli causam cum Leopoldo Turcis esse cupiebat Georgius , tamen quo consilio metum , & inopiam ostentabat , quum alacriores hostes fieri cognosceret , etiam si rumor ad novum bellum non incitaret Chiuperlium , ut accidit . Nam Chiuperlius sibi eam rem cogitandam ratus , ut omnia manifesta haberet , paululum superfedere statuit . Verisimilius de Leopoldi voluntate dubitandum videbatur , quum fama evulgavisset , Germaniæ Regulos Leopoldum oravisse , ut , quoniam Cæsar creatus esset , Transylvanos subsidii confirmaret . Sed ubi per dubitationem sex dies trivit , nec quidquam de auxiliis fama perferri intellexit , Jenum oppugnare constituit . Scribit ad Portiam , se iter in Transylvaniam habere , quia diuturniorem impunitatem Ragotio concedere animus non ferret : nihil contra Casarem , Transylvanosque suscepturum . Orare , ne cum auxiliis confirmaret : præterea bonorem merito Leopoldo redditum gratulatur , deque ea re legatum missurum . Litteris datis*

An. 1658

datis Mustafa Segeduni Præfecto, atque Halio cuidam hominum, millia quaterna attribuit, qui locum castris deligerent, Jenumque aggredierentur: ipse lentius subsequitur. Sub meridiem oppido appropinquans, optimo consilio eos præmississe cognoscit, quod, quum mille, & septingenti ibi in præsidio essent, atq; septingentos oppidi Præfectus misisset, ut præsidio illis essent, quos per ætatem ad defensionem inutiles oppido excedere coegerat, eos reditu præmissi Turcæ intercluserunt. Maxima ergo lætitia Chiuperlius afficitur, quod facilius, re ad paucitatem defensorum deducta, oppidum recepturum confidebat: non enim ignorabat, rem magni certaminis, ac periculi esse oppidum per vim expugnare, quum perpetuis cingatur paludibus, atque una ex parte, quæ ad meridiem vergit, angustum habeat aditum ponte, quem jam præsidium interruperat. Ad spem oppidi recipiendi propter defensorum paucitatem accedebat, quod muri plurimum in altitudinem, minimum in latitudinem patebant, nec terra adversus tormentorum vim protegebantur, ut recens militiæ ratio postulat: turreſque numero sex certo quoque spatio institutæ minime ad tormentis resistendum erant opportunæ, quum oppugnationis ratione mutata, genera quoque munitionum mutari oportebat: quod factum non erat. Eodem die Chiuperlius exercitum ostentare decernit, ut legatos de deditione mittere, obſeſſos cogcret. Equitatum igitur in quatuor partes diviſum in quatuor angulis collocat. Eam partem, quæ a ſeptentrionibus eſt, Cuſſeinem cum Prætorianorum, ac Pannoniorum parte tenere jubet; illam, quæ ad occaſum ſpeſtat, Chinani concedit; eam, quæ ad orientem pertinet, Acmetem quendam Hiſpanum cum reliqua Prætorianorum parte occupare jubet; eam vero, quæ ad Meridiem vergit, ſibi, ſuiſque relinquit. Statutis tabernaculis omnia implent, ac horribilem ſpeciem ita præbent, ut, quum minus ex millibus quinquaginta exercitus conſtaret, amplius tamen oſtuaginta millia obſidere ſe cuſtodes arbitrarentur. Poſtridie Chiuperlius tormenta prope pontem collocari, opera ab ea parte inſtitui, virgultis, ſarmentis, terra, tabuliſque paludes compleri jubet, ut aditus ad oppidum hoc modo expediretur. Hiſ rebus inſtitutis legatum ad Ladislavum Vilachium, qui oppido præerat mittit, qui pecuniam, præmia, aut minas oſtentando, eum ad ſe dedendum cogcret. Vilachium etſi ſibi fidum Ragotius exiſtimabat, ei tamen familiaritas cum Acatio Berciajo intercedebat, qui eum hortatus erat, *ne Ragotii gratia, occaſionem Turcis diutius in Tranſylvania verſandi daret. Tranſylvania totius commodum unius Ragotii temeritati anteferre optimum eſſe.* Vilachius Berciaii precibus per-

motus

motus, simulque pollicitationibus compulsus pravum consilium conficere cupiebat, sed maximam infamiam ad se perventuram præsumens, si nulla urgente necessitate statim deditione sibi confuleret, præterea timens, ne milites, oppidanique sententiam acciperent, suspicionem nullam dare constituit. Hac de causa legato respondere placuit, *se fidem erga optime de se meritum Principem conservare statuisse: nunquam futurum, ut se vivo urbs amittatur.* Hoc responso accepto tanta ira Chiuperlius exarsit, ut in Berciajum, qui ad se scripserat, *sua opera factum esse, ut Vilachius ne portas quidem ei claudere audeat*, eam evomisset, si illius copia fuisset. Jam se deceptum existimabat, quum tantam audaciam, ac animi præsentiam ostentare non potuisset eum judicaret, qui per se infidelis esset. Hæc secum volventi Berciaii litteræ redduntur, quas confestim ad Ladislavum mitteret, si in suam sententiam eum perducere vellet. In incerto habet Chiuperlius, mitteret ne epistolam. In altera parte erat fraudis timor, in altera spes quam ocysime negotii conficiendi. Suspicionem tamen augebat, quod Berciajum litteris Pannoniis scripserat, ne consilia cognoscerentur. Facilius enim fieri posse conjectabat, ut sua opera Vilachius confirmaretur. At quum in mentem venisset, Acatium Principatum petentem beneficio se obstringere velle, ejus fidei periculum facere statuit; præcipue quum ab interpretibus confirmatum esset, Berciajum scripserat, ne diutius Præfectus deditionem duceret. Epistolam ad Vilachium Chiuperlii familiaris perfert, qui simul eum pecunia aggreditur. Vilachius, remotis impedimentis, animum ab infidelitate continere non potest. Nam se militibus, oppidanisque insinuans, sermonesque aptos ferens, huc rem duxerat, ut se dedere non abnuerent. Qua facultate oblata Vilachius, legato respondet, *se a deditione non adhorrere, quum aequis conditionibus liceat.* Renunciat hæc statim Chiuperlio legatus, qui libenti animo, unicuique oppido excedendi, vel remanendi facultatem tribuens, statim Constantinopolim reversurum pollicetur. Hac conditione quarto die, quo venerat, oppidum recipit. Militibus, oppidanisque fere omnibus, lares, in quibus nati, educatique essent, relinquere satius visum est, quam barbarorum servitutem perpeti. Fama recepti ab Turcis Jeni celeriter ad Ragotium perfertur; novaque res existit ei, qui non parum Præfecti fidei, paludibus fidebat. Unum questus, quod impetum diutius non sustinuisset, ne ad alia oppida expugnanda contendere Turcæ possent, in ea munienda totus insistit. Transylvani solum absente hoste verbis feroces, finem periculis fieri non posse cognoscentes, pri-

An. 1658 primo concilia remotis locis, deinde palam facere cœperunt. Hos nequicquam in fide continere Ragotius, simulando, conatur, Vilachium nihil aliud pactum esse, quam pacem. At quomodo Transylvanis fortis animus esse poterat, quum Ragotii commenta Turcæ factis confutarent? Nam Scythæ Mehemetem Chiuperlium confecti, prædam agitare, vicos incendere, hominum numero potiri, atque (ut quam paucissimis absolvam) cæde, atque incendiis majore sævitia, quam ipforum consuetudo ferret, omnia implere; & quo impunitiores, eo, contra atque solet, crudeliores esse. Spe prædæ omnia loca adeuntes, & ne Turcarum quidem fines intactos relinquentes, tandem cum Siliſtriæ Præfecto sese conjungunt. Hic ut alio itinere venerat, Barca castello expugnato, ne ab infantibus quidem, senibus, mulieribusque abstinuit. Inde alias regiones una cum Scythis adiens, qui in manus veniunt, eos magnis cruciatibus interfici jubet. Transylvani in tanto terrore legatos sui purgandi causa ad Chiuperlium mittere constituunt. Comuni consensu Joannes Luesius, Franciscus Daniel deliguntur. Acatio Berciajo, qui, simulatque legatos mittendos confuerant, se munus non recusare professus erat, gratias agunt. Nullo enim, consilio eum feris hominibus obicere dicebant, qui suo consilio maximo usui Civitati esse posset. Sed Berciajus, ut omnino Mehemetem Transylvanorum jussu adire decreverat, ne suæ cupiditatis suspicionem daret, singulos prehensare, atque orare, *ut publicæ salutis causa se laborem sumere sinerent: tanti patriæ quietem apud se esse, ut pro ea ad extremum vitæ periculum adire non dubitaret.* Publicum bonum simulanti, atque oranti id non denegatum est. Facta potestate Acatius alios legatos hortatur, *ut, quantum accelerari posset, iter haberent: incertum esse quid quodque temporis momentum ferret. Mehemetem cum exercitu Jeni tempus terere; merito timendum esse, ne rem novam suscipiat. Quod si eveniret, difficile esse precibus inde Turcam detrabere. At si pervenire maturarent, pacem accepturos.* His verbis credentes Transylvani, in eum, tanquam libertatis conservatorem oculos coniciunt: Deo agunt gratias, quod in tanta calamitate Civitati summum virum dedisset: legatos hortantur, ne Berciaii studio desint. Igitur continuato noctem, diemque itinere (tanta imperii libido verius, quam boni publici cupiditas Acatium cœperat) Jenum pervenientes, ad Chiuperlium perducuntur. Luesius orateum, *ut Transylvanis, qui nunquam ejus gratiam repudiavissent, ignosceret.* Alia dicere exoptantem Chiuperlius interpellat, trucique aspectu dimittens omnes, Acatium retinet, eique gratias agit, quod egregium in Regem suum

studium videri cupivisset; pro quibus in se meritis, si quingenta nummorum aureorum millia daret, atque oppida Lugam, & Cheresbendum traderet, Georgiique caput ad se referendum curaret, se eum Transylvanis Principem impositurum, pollicetur. Sed ut iniquiores conditiones accepisset vir maxime Imperii cupidus, si ei latæ fuissent, omnia ad diem facturum pollicetur. His rebus compositis Berciajus Luesio, Danielique tradit, *Mehemetem tanta contentione, ut principatum iniret, imperavisse, ut, quum Transylvania imperare non posse respondisset, nisi eum, qui omnium suffragiis crearetur, ira exarsisset usque eo, ut eodem loco alios, qui non obtemperarent, quo Ragctium habiturum minatus esset; contra vero illico finibus excessurum, si sibi mos geratur.* Luesius, & Daniel ut pejora animo providerant, satis habentes quacunque conditione libertatem retinere, quod bonum, faustumque Civitati esset, ipsi honorem reddi a quo animo se esse laturos respondent: Dum hæc ad Jenum geruntur, nuncius ad Chiuperlium perfertur, Hassanem Aleppi Præfectum, quem ab Rege defecisse non ignorabat, Mustafi exercitum fudisse. His rebus nunciatis magna sollicitudine afficitur; quoniam quum graves inimicitias secum Hassanem gere non ignoraret, atque ipsum, nunquam ab armis se discessurum palam professum esse sciret, nisi Cuseini suo consanguineo, aliisque sexcentis fortissimis viris crudelissime interfectis parentavisset, prævertendum huic rei, antequam seditiosi autoritas cresceret, existimabat. Timebat præterea, ne Acatius defectione permotus, quod promississet, non præstaret. Hac de causa obsidum nomine, Transylvaniæ nobilissimos numero quatuor petit. Quod ubi ad diem factum cognovit, litteras ad Adilem Chirayum mittens, *ne Transylvania excedat, nisi ubi omnes Berciaio paruisse cognovisset*, magnis itineribus cum expeditis Constantinopolim petit; impedimenta, aliosque lentius subsequi jubet, ne defessos in Asiam duceret. Ut pervenit, reperit milites omnes contra Regem, ac se conjurare, atque Hassanis adventum expectare, ut se cum illo conjungerent. Dictitabant enim, *nunquam summo cum Imperio sibi præfuisse mulierem consuevisse, quæ imperium, divina, atque humana ob imbecillitatem penes flagitiosissimum ex omnibus esse pateretur. Regem parum ingenio valere, nec illis obsistere audere; præterea nec imperio idoneum esse, quum ne filios quidem ex tot mulieribus suscipere posset.* Hæc simul omnibus sermonibus referebant, simulque Mehemetis Regis fratrem optimæ spei adolescentem ad Regnum evocare studebant. His rebus plebis partem metus invadit, pars rerum novarum avida hæc consilia non improbat, alii

F

Hassa-

42 De Bello Transylvanico

An. 1658. Hassani student, quod ita boni publici specie suam tegebat ambitionem, ut, quum non pauca moderationis signa misisset, omnium animos sibi conciliaret. Inter tot signa unum præcipue memoria dignum videtur, quod continentissimus in regia pecunia intercepta fuit, quum magno præsidio eam Constantinopolim ad Regem misisset. Apud Turcas sicut avaritia consuetudine leve vitium ducitur, ita exemplorum vetustate divina prope virtus vel turpi compendio non servire existimatur. Chiuperlius sibi diffusus, quum suam salutem in hebetis adolescentis, ac fœminæ constantia positam esse videret, Regem adire statuit. In cujus conspectum ubi venit, humi prostratus, ac lacrymarum plenus, *sibi nunquam suam vitam Regis sui dignitate cariorem fuisse dicit. Seditiosorum morte tranquillæ res facere voluisse, etsi in se potentium invidiam cumulari non ignoravisset. Nec minus libenter vitam quietis causa aliis ademisse, quam sibi adimi capere, quum Rex se vivam, & quietem habere non posset: ne communi commodo misericordiam in se præponeret. Potius finem discordiis faceret, se dissensionum semen de medio tollendo.* At Mehemetes Rex, quum ei mater persuasisset, ut potius omnia ab seditiosis perferret, quam id eis daret, ut quid gravius in eum statueret, qui una Imperii spes est, dexteram ejus prehensens, consurgere jubet; *tantique ejus gratiam apud se esse demonstrat, ut ipse ejas injurias ulcisci decrevisset: cogeret itaque exercitum, quoniam inferre moram nullam vellet, quin contra perfidos profisceretur.* Omnia se curaturum Chiuperlius respondens, gratias immortales ei pro innumeris in se beneficiis agit. Chiuperlio Regis consilium non placebat: sed periculosum ejus cupiditati obviam ire ducens, statuit nunc obsecundare, & postea opportunitate data eum ad suam sententiam perducere. Igitur quum exercitus pars major Jeno Constantinopolim pervenisset, protectionem tamen per speciem ampliorum cogendarum copiarum diutius ducit. Interea cum Zaima Regina agit, *periculosum juxta, ac ignominiosum esse, Regem tam unius perfidia moveri, ut ipse contra eum exercitum ducere velit. Nullo consilio seditiosis animam angeri, quum in summa desperatione rerum id factum existiment. Non tantam gloriam suis hostibus, quantum ignominiam ad eum perventurum, si amisso exercitu conditiones ab seditiosis accipere res cogat. Postremo magnopere timendum, ne ejus absentia opportunitate ad seditiones excitandas utantur. Orare, atque obsecrare Reginam, ut quantum auctoritate valeat, ad movendum de sententia Regem nitatur. Zaima, se quoque hæc secum voluisse dicit, sed quum ex omnibus malis minimum esse subeundum non ignoraret, Regis consilium probavisse. Nihil aliud, quam Regis*
pra-

presentium, utpote Solem, Reipublica tenebras sugare confestim possent. Quem igitur Ducem, inquit, contra Hassanem mites, qui magnam sibi sua moderatione auctoritatem comparavit? Hæc res magnam difficultatem Chiuperlio ad consilium ineundum affert, quoniam, quum se onum tantæ auctoritatis esse sciret, ut Hassanem non timeret, tamen, si in Asiam peteret, verebatur, ne in absentem quid gravius coactus ab inimicis Rex decerneret: si Rex eo contenderet, & ipse remaneret, idem sibi timeandum videbat: si una cum eo proficisceretur, nullum sibi fidum, atque idoneum ad seditiones comprimendas in urbe relinquere posse videbat. His difficultatibus circumventus multa cum animo suo reputabat, nec quid ageret constabat, quum certis authoribus comperit, Hassanem tantos sibi sumplisse spiritus secundo prælio facto, ut ab se magnam militum partem alienasset, & Civitates injustum imperium ferre ultra non possent. Multo enim temporis spatio ab avaritia animum continere non potuit, quin pecuniam imperaret ingentem, imperatamque acerbissime exigeret. Igitur non tam difficile vinci posse a se ipso degenerantem Chiuperlius arbitratus, optimum esse duxit, eundem Mustafam cum amplioribus copiis contra Hassanem mittere. Hunc enim rerum militarium peritum, & sibi fidum cognoverat, præterea omnia tentaturum conjectabat, ut amissam belli gloriam recuperaret. Ei tamen pari auctoritate collegam Acmetem filium dare statuit, ut gloriæ socius esset. Consilium non incommode accidit: nam simulatque Chiuperlius adeptus ab Rege est, ut ad eos imperii summa deferretur, magnis itineribus in Asiam contententes, in vulgus efferendum curant, ampliores se copias ducere, alias lentius subsequi: uberiorem victoriam ab Chiuperlio de Transylvanis partam prædicant: Jenum, aliaque oppida eum recepisse: Ragotium vivum ei traditum: deditioe Citæi oppidi Venetos pacem accepisse. Alia ejusmodi addunt, ut nullo alio bello Chiuperlium, distineri arbitantes seditioni sibi diffiderent. Et spes eos non fefellit, quoniam tanta harum rerum opinio ad seditiones perlata est, ut alii desperatis rebus, pars Hassanis arrogantia permoti ad Mustafam transirent, pars belli insolentes timore dilaberentur. Mustafus eos, qui ad se transeunt, magno in honore habere simulans, huc rem duxit, ut impune conjuravisse rati omnes Hassanem deferere cuperent. Transit ad eum Massius ex omnibus Præfæctis Hassani maxime carus, qui millia hominum quatuor secum ducit. Hassan fortunam tentare constituerat, antequam ab aliis defereretur, sed morbo implicitus consilium non efficit. Vix aliquibus post diebus convaluerat, quum dolore propter rerum commutationem in apo-

AN. 1658

plexiam incidit. Hoc tempore ab majore parte deseritur, ut, quum commodiorem in statum pervenisset, vix quinque millia sua fortuna uti velle reperiret. Tum consilium suorum habet, committeret ne exercitum pugne an Regis clementiam experiri placeret? Chinan, quoniam Regis sororem uxorem duxerat, & per ipsam commendationis aditum ad eum se habiturum sperabat, censere, ut priusquam res in certamen veniret, legatos ad Mustafum, Acmetemque mitterent, ut si possent æquis conditionibus rem ad otium deducerent, sin id parum procederet, fortunam, quæcumque accideret, subirent. Hac sententia accepta legati omnia, quæ petierunt, impetrant. Æquissimæ conditiones seditiosos lætitia complent: suum consilium laudibus effert Hassan, quod incommoda texisset: nunquam enim eis non occultatis tam honestam pacem habiturum fuisse arbitratur. Sed aliter se res habuit: nam libenter omnia polliciti sunt, qui nihil præstare decreverant. Omnes Aleppum se recipiunt seditiosi, quod oppido Hassan præerat. Eo præsidii causa sibi fidos Mustafus mittit, ut opportunitate data omnes interficiant. Qui subito iussa effecerunt. Qua re Constantinopolim nunciata, lætitia celebratur. Acmetis vero adventus Chiuperlii gaudium augeat, quod sibi infensissimo pœnas venisse videbat filii opera, qui hac re Regem ex amico amicissimum sibi fecerat. Capita ostentat, ut terrore reliquos in officio contineat. Præterea quum idem Chiuperlius videret seditiosis malum per quietem aliorum semper exoriri, majore vi contra Venetos bellum parare constituit: quoniam certior factus, Transylvanos Ragotium suasisse, ut Principatum deponeret, impositoque a se Principe esse contentos, præterea Berciajum Lugam, Cherebenium oppida ad diem tradidisse, ne speciosam quidem bellirenovandi causam esse existimabat. Adjuvabat ejus opinionem, quod Reningherius Cæsaris verbis nunciavisset, *summa ipsi lætitiæ fuisset, Ragotium Principatu abiisse: sperare Berciajum in officio fore, ne qua esset armorum causa.* Eadem Adil Chirayus suo legato Cæsarem respondisse scribit; dubitare tamen de Cæsaris voluntate addit, quoniam Joannes Medinascius, Michaelque Michesius Georgii legati quotidie colloquia secreto cum Cæsaris Consiliariis haberent. Hac re permotus Chiuperlius, quum nulla alia ex parte periculum se ostenderet, totum animum in Cæsaris voluntatem cognoscendam vertit. Hæc cogitanti Berciaij litteræ redditæ sunt, *Cæsarem Joanni Halleri suis verbis oranti, ut Ragotium in officio contineat, respondisse, se jam Georgio renunciari jussisse, ut sui mali causam non in aliam rem transferret, quam in suam temeritatem, propterea esse jam tempus eam depokendi, Berciaio oppida tradendi,*
nisi

nisi omnes Reges hostes vellet. His litteris Chiuperlius fidem facit, quum quod Acatium Turcarum rebus fuisse cognoverat, tum quod fidem fallere ei non expedire arbitrabatur, quum ipse prius in periculum esset venturus, ubi Cæsar. Ragotio auxilia mitteret. Cæsar re vera ea Michesio nunciari iussit, sed in incerto postea habuit, quid ageret, ubi Michesius in hunc modum ejus consiliarios allocutus fuit. *Non tam bodie improbarem, vos maximam Turcis præbere timoris opinionem, etsi eorum naturam perspectam vos habere non ignoro, eos in alacres timidissimos, in pavidos insolentissimos esse, si tantum Ragotio mala imminerent. At mebercule quam eos in vestris faucibus urgere constet, quomodo linguam ad vestram ignaviam non divertam. Liceat per me, vos injuriis Ragotii non permoveri, nec miserrimi cura tangi, etsi tam deformatus arumnis, ac miseriis coopertus est, ut ad lacrymas vel hostes cogeret, ne dicam Pannonia Regem, qui Transylvaniæ Principis injurias curare sacramento obstrictus est. Semper vero cunctationem detestabor, si vestram causam vos deserere cognoscam. Jam enim Fenum, Lugam, Cberesbenium munitissima oppida receperunt. Jam id parum habent avidissimi, quando Varadinum sive Berciaii voluntate, sive per vim occupare nituntur. Quæ una res indicium facit, eos non modo Transylvania, sed Pannonia etiam imperium petere, quum, utriusque arce ut possint, tendunt. Videte ad quid Georgium hortati estis; ut oppida Berciaio tradens tantum vulnus Patriæ, vobisque inferret. Nunquam id eveniet. Nunquam Transylvanos omnes, nunquam Haidones omnia pro se perpeti paratos proiciet. An non amisso Varadino, Haidones, quod ea loca incolunt, amittantur, oportet? Eo processum esse mihi videtur, ut Transylvania, Pannoniaque aut relinquenda, aut audacia, & virtute retinenda sit. Quod sine ingenium tantam ignominiam vitare vos jubigit, nec indignitas rei omnibus deesse probibet, hoc palam profitemini, quoniam nunquam tantum scelus Ragotius admittet, ut prius mortem non subeat, quam optime de se meritis Cives prodidisse, sua voluntate Acatio oppida tradendo, videatur. Hac oratione mirum in modum permoventur omnes, altiusque in eorum pectus descendit, quod de Varadino Michesius dixerat, propterea eos orant, ne gravarentur scripta Georgii mandata ad Cæsarem perferre. Illi jussa efficiunt, eademque exponunt, solumque addunt, se ex Georgii litteris nuper cognovisse, ipsum ab Turcarum primoribus confirmari, ne se desereret; quoniam, quum ultra ipsi Chiuperlium ferre non possent, si eum ad bellum renovandum impelleret, fore, uti eo absente Regis domum obsideant, ac perfidum hominē interfici cogant. Orare igitur Cæsarem,*

An. 1658

ne committeret, ut Ragotius tantam opportunitatem dimittat, sed potius quina hominum millia ipsi mittat, potestatemque deletur Germania habendi faciat. Cæsari maxime expedire videbatur, seditiones contra hominem summa apud Turcas autoritate alacriores efficere, sed timebat, ne Ragotii figmentis ad bellum cogeretur. Tandem ubi multos dies per dubitationem trivit, omni contentione nunc Turcarum aviditati obviam eundum judicat, quoniam prospere bellum cessurum arbitrabatur, ubi summo Pannoniorum studio uteretur. Propterea Pannoniis renunciari jubet, *cogitarent, quid ipsis evenire posset, si innati Christianorum hostes Transylvania perdomita arma in Pannoniam verterent. Sibi esse in animo ipsorum saluti non deesse, ubi eandem mentem ipsis esse cognoscat.* Pannonii hac de re consilium habent. Erant sententiæ, quæ nulla ratione Ragotio succurrendum censerent, quod ex hac re belli causâ coariri posset. Porro erant, qui auxilia mittenda existimarent, etiam si bellum sumi oporteret, quum quod præstare videretur temporis spatio, quam perpetuo mala perpeti, tum quia Sigismundi Battorii fidem exolvere tenerentur. Accedebat, quod recentibus exemplis in spem non suscipiendi belli pervenerant, ubi tantummodo opem Ragotio ferrent. Cæsar tamen cognita Pannoniorum voluntate consilium suorum habens, auxilia Ragotio non mittere statuit, ne belli causa esset, quod certa spe trahere non posset, quum propter Pannoniorum mobilitatem, tum quod suspecta Germaniæ Regulorum auxilia, & tenue Hispani aliis bellis intenti subsidium fore conjectabat. His rebus in unum congruentibus, optimo consilio Modinaschio, Michesioque responsum est, *Cæsarem multis de causis adesse Ragotio non posse: puleberrimum fore, si ei persuaderent, ut quieti studeat.* Iniquo animo hoc legati accipiunt, utpote qui diutius rem Cæsare ducente in spem auxilii se erexerant. Ubi in Transylvaniam pervenerunt, reperiunt, multis de causis omnes ab Berciajo alienatos Ragotio studere. Ut hæc magis innotescant causæ, pauca de Transylvanorum moribus, ac legibus, regionisque situ dicere necessarium duxi. Transylvania in Europa ponitur, & a septentrionibus Russiam, Sarmatiamque, a meridie Valachiam, ab oriente Moldaviam, ab occidente vero Pannoniam fines habet. Perpetuis montibus inter se coeuntibus veluti corona cingitur, adeo ut septem omnino difficillimos aditus habeat. Ex his duo, ut memoriæ prodantur, satis causæ est. Alter est ubi Marisus flumen ad Saxompolim effluit: Porta Ferrea appellatur, quod per pauciangu-
sto itinere Turcas Temesvaria venientes prohibere possunt. Alter est in Pannoniæ finibus, prope flumen, Clamorem propter ra-
pidi-

piditatem appellatum. Hoc amplius trigefies magno cum periculo est viatoribus transeundum, licet facilius imbre coorto aqua summas fluminis ripas superat. Cælum salubre est, etsi, quod radii solis oblique altissimos percutiant montes ad meridiem pertinentes, in quibus nullo anni tempore nix discutitur, maturæ & gelidissimæ sunt hyemes, æstatæque Sole alte montes supergrediente, atque, ut ita dicam, in perpendiculum radios emittente calidissimæ. Tempestates ibi non raro cooriuntur. Transylvani consuetudine ingentia tonitrua, jactusque fulminum non extiment, licet horum ictu sæpe etiam domus deflagravissent. Ager frugum omnis generis fertilis, vini præcipue optimi ubertissimus, fecundus arboribus, bonus gregi, nobilibus, salutiferisque herbis abundans. Nascitur ibi in pluribus locis cuprum, chalybs, sulphur, antimonium, præterea argentum, & aurum. Salis tanta abundantia est, ut finitimi omnes eo utantur. Mellis, quum copia suppetat, potio ipsorum more usitatissima est, atque non injucundus gustatus. Multa avium, ac ferarum genera in sylvis illis nasci constat, quæ omnia referre longum esset. Navigabilia flumina plurima sunt, unus ex omnibus nobilissimus Marisus mihi videtur, quod ejus ramentis aurum invenitur. A sylvarum multitudine, in quibus Hercinia est, quam ab Helvetiorum, Nemetum, & Rauracorum finibus ortam ad Dacorum fines pertinere Cajus Julius Cæsar author est, Transylvania nunc dicitur. Nam antea Daciæ pars mediterranea erat. Daciam primus Romanorum Ulpus Trajanus bis aggressus est, qui Romam rediens Decembalum Regem victum in regno reliquit. Sed quum postea, contra fœdus bellum Decembalus apparavisset, ultum injuriæ ire decrevit. Igitur per lapideum pontem in Istro factum exercitum ducens, Zarmium regni caput expugnavit, reliquasque urbes cepit. Decembalus quum neque in suis viribus, neque in Trajani clementia quidquam præsidii esse cognovisset, sibi desperans, se ipse interfecit. Ejus caput Romam relatum est. Trajanum plures urbes condidisse, colonias deduxisse (quas præcipue Zarmensium Juris Italici esse Ulpianus J. C. meminit) Daciamque in Provinciæ formam redeigisse, & Zarmium Ulpie Trajanæ nomine appellavisse (quod oppidum nunc Alba Julia dicitur) scriptores, & monumenta ibi reperta testantur. Pontem in Istro a Trajano miro artificio excitatum, quod viginti ex quadrato lapide pilæ fornicibus inter se conjunctæ centum octuaginta passuum spatium in longitudinem, in latitudinem pedum sexaginta, in altitudinem vero centum quinquaginta patebant, Adrianus Cæsar interfecindi jussit, ut tutæ a barbarorum excursionibus citeriores regiones essent. De gentibus, quæ initio Daciam ha-

An. 1658

hahuerint, quæque accefferint, nihil dicam: quippe qui rem satis non compertam dicere non consueſcam. Quibus enim argumentis Scriptores, quid aſſerunt, Jazyges, Baſarnas, Metanaſtas, Geſas, Sarmatas, Græcos, Gothos hæc loca incoluiſſe demonſtrabunt? Mihi igitur dicere erit ſatis, Romanos Gallieno imperante Daciæ poſſeſſione expulſos, Scythasque Attila Duce ſive multitudinis minuendæ gratia, ſive alia de cauſa domo egreſſoſeam expugnaviſſe, atque in parte montoſa Moldaviæ contermina ſeptem extruxiſſe oppida. Hos nunc Ciculos ab Scythis appellatos putant. Aliquo intermiſſo temporis ſpatio ab Carolo Magno Belgarum, Germanorumque colonias deductas, ſeptemque urbes conditas nonnulli arbitrantur. Alii, eodem tempore Germanos proprias ſedes deſerentes, his locis conſeſſiſſe, putant. Non deſunt, qui Saxones ex veteribus Dacis prognatos, optimum totius Daciæ agrum, ſeptemque nobiliſſimas urbes retinuiſſe exiſtiment. Fides hujus rei penes authores ſit, quum Saxonum nomen, atque lingua Germanos eos eſſe arguant. Hungari poſtremo loci vicinitate, atque fertilitate invitati Stephano Rege, cui cognomen poſtea Sancto fuit, maximam partem occupant, aliaque oppida condunt: ad extremum, Matthias Corvinus victo Dracula Principe, cujus ſeſcitæ plurima exempla fuerunt, reliquam partem oppugnat. Hodie ergo Civitas Transylvania in tres partes dividitur, quarum una ab Ciculis, alia ab Saxonibus, tertia ab Hungaris incolitur. Sunt præterea ibi Valachi, quos ab Romanis originem ducere lingua demonſtrat. Sic dicti a Flacco quodam, qui coloniam deduxit. Barbara lingua, Valachia pro Flaccia, Valachique pro Flacciis appellantur. Hi neque urbes incolunt, neque domos habent, ſed in ſaltibus degunt. Genus hominum immite, ac nullis legibus obſtrictum furtivo pecore vivit, atque veſtitus præter pelles non habet. Servorum loco ab Saxonibus, Hungariſque habentur. Haruſpices in honore habent, Jovem, Mercuriumque Sanctos vocant, licet Chriſtianam Religionem, Græco ritu profitentur. Saxones agriculturæ maxime ſudent, morum elegantia reliquos antecellunt, optimum Transylvaniæ agrum obtinent. Magna ex parte Lutheri erroribus imbuti ſunt. Ciculi forte munera diſtribunt; cujus rei eam aſſerunt cauſam, quod omnes æque nobiles habentur. His cum Hungaris ita arma, veſtitus, mores, & lingua conveniunt, ut fortasſe vel utramque gentem Ciculos, vel utramque Hungaros exiſtimares, niſi illi maxime conſtantes, hi mobiles natura eſſent. Hungarorum ſumma authoritas eſt, quod ex ſuo numero Princeps, Magiſtratusque creantur. Pauci ex his reperiuntur, qui Catholicam veritatem agnoſcant, poſtquam Joannem

nem Sepusium Principem Georgius Blátrada Medicus Lutheri, Franciscusque David deinde Calvinii erroribus imbuunt. Nam Principis auctoritate ita depravati sunt, ut nequicquam postea Stephanus Battorius Transylvaniæ Princeps, atque Sarmatiæ Rex eos ab flagitio revocare tentaverit. Adeo proclive hominibus est, potius pessimi, quam optimi Principis exempla imitari. Unicuique urbi Prætor præest, cujus decreto si quis stare nolit, primo Septemviros appellat, quibus unus præest, qui Supremus Regius Iudex dicitur; postremo ad Principem provocat, qui summa cum auctoritate omnibus præest. Quo mortuo omnium suffragio alius adlegitur. Hæc quum ita se haberent, tam graviter tulerunt Transylvani, Chiuperlium sibi Berciajum Principem imposuisse, ut, simulatque Scythas suis finibus excessisse cognoverunt, moliri inciperent, quemadmodum se in libertatem vindicarent. Quod quum cognovisset Ragotius, subito eos his verbis accendere statuit. *Quoniamque ludibrio omnibus esse vultis Transylvani? Quoniamque vestra mobilitate uti constitutistis semper libertatis vindicem deferendo? Quando viri esse incipietis? Unde gravissimum tributum pendastis, atque quingenta nummorum aureorum millia detis, est. An pro his liberos, conjuges, atque oppida dare nec ignominiosum, nec periculosum ducitis? Vestra ne causa Berciajus omnia oppida tradendi consilium iniit? Sequimini illam, quo ministro Turcæ ad vos perpetuæ addicendum servituti utuntur. Cupite Principi non vestris suffragiis creato. Auscultate ei, qui contra Patriam conjuravit. Et me deserite, qui summo capitis periculo vos ab injuria defendi; & si id parum est, repetite pœnas. Obtemperate Mehemeti, qui vos nefario scelere obstringere cupit, & de me supplicium sumite: aliter nunquam ab metu vacui eritis.* Hæc sæpius dicendo ita omnium animos sibi conciliavit, ut ejus jussis se obtemperaturos profiterentur. Georgius cognita opportunitate bellum parare, delectum tota Transylvania habere, Varadinum, aliaque oppida munire instituit. Ad Michaelem Radulum, quem, pulso Constantino, Valachiæ Principem Turcæ fecerant, legatos mittit, qui ei persuaderent, ut in societatem belli veniret. Radulus Ragotii precibus excitatus, ad Cæsarem, atque ad Alexandrum P. M., subsidia petiit, legatos mittit: qui responsa ferunt, non posse ei inopia ærarii subsidia mitti. Cæsar eisdem de causis, quibus Ragotio subvenire volebat, huic adesse posse negat. Alexander, quia eum Catholicam Religionem profiteri nolle cognoverat. Ragotius præterea Moldaviæ Principi scribens, orat, ut eadem fortuna, qua ipse, eadem libertatis causa utatur. At hic sive Turcarum timore, sive

An. 1658 consilio fidem erga eos conservandi, five quod inimico animo in Ragotium erat, quum cum operam dedisse cognovisset, ut Georgitiam in Moldaviæ Principatum reduceret, five denique, quia tuta præsentiam, quam futura periculosa malebat, se bellum fulcipere posse negat. Epistola hæc eodem die ad Ragotium perlatæst, quo Medinaschius, Michesiusque ab Cæsare doloris pleni redierunt. Nemo tam audax, ac forti animo fuisset, qui duplex vulnus eodem die illatum sustinuisset, Georgiustamen parum ea re permovetur, quod tantum de compositione agere statueret, si in gratiam cum Chiuperlio redire posse appareret.

Finis Libri Primi.





DE BELLO TRANSYLVANICO

Liber Secundus.



AGOTIO compositionem optanti Soli-
 manum Jeni Præfectum ita Chiuperlio ac-
 ceptum esse occurrit, ut aptus ad se in gra-
 tiam cum eo reducendum haberetur. Sed
 quemadmodum hominem ad studium sui
 perduceret non constabat, quum eum in-
 victum animum adversus pecuniam gerere
 sibi nunciaretur. Sed tandem quum sibi per-
 suaderi non posset, aliquem ex Turcis re-
 periri, qui auro ab honesto in pravum non
 abstraheretur, illum pecunia aggrediens, eo processit, ut Turcam
 caperet. Chiuperlius ubi id agi ab Berciajo certior factus est, Soli-
 manum per litteras monet, *ne publicos hostes in amicitiam reciperet:
 longe absfuturam ei suam amicitiam, quum ejusmodi suspiciones non
 vitaret.* Ex his litteris Solimano cum Mehemete similitatem interce-
 dere cognitum est, quia de eo supplicium non sumpsit. Acatio igitur
 Chiuperlius scribit, *ne se animo dimitteret, sed gauderet, quod
 suas injurias ipse curaret: proinde ne suum animum offenderet, sed,
 quod de Ragotii cade promississet, præstaret, atque stipendium penderet.*
 Litteris acceptis, sibi timere cœpit Berciajus: nam quum Ragotium
 favore omnium ingentem videret, se vero desertum ab omnibus
 tributum pendere non posse, Mehemetis placandi gratia legatos
 mittit, *sibi, unde pecuniam daret, non esse, quod ab Transylvanis
 non modo amicissime de Ragotio loquentibus, sed aperte etiam ei ob-*

An. 1659

An. 1659

temperantibus eam exigere nequiret : hac de causa ipsius auxilium implorare coactum esse, quum in ipso uno positum esset in se invehentes, ac bellum parantes terrere. Movet hæc epistola Chiuperlium, non secus, quam si sibi, vel Regi perniciem machinari accepisset. Adeo erat Georgio insensus, quod ad sanitatem nunquam reverti vellet, ut subito contra eum exercitum duci jussisset, nisi Cæsaris ad bellum incitandi metus obstitisset. Quumque ab Reningherio audivisset, Cæsari non parum Jenum, aliæque oppida recepta, displicuisse, armorumque causam tunc non futuram, quum Turcas alia Transylvaniæ oppida suo Imperio addere nolle constaret, iræ temperare non potuit, quin diceret, se de Cæsaris fide merito dubitavisse, quum ejus verba, quid enim moliri, demonstrarent. Cur, inquit, quum ad arma rem deduci studeat, id palam non profitetur? Cur si aude potius, quam virtute Turcas superare exoptat? Si tantum suæ virtuti Germani tribuant, ut etiam calamitatum acceptarum memores fortissimos Turcas vincere confidant, quare indicto bello suam virtutem in acie non experiuntur? Extremum orationis fuit, nunquam majores suos Christianos timuisse, & nunquam se tantum facinus admissurum, ut eos borreat. Hæc Cæsari renunciaret, & ex auctoritate mandata brevi ad se perferret. Chiuperlii postulatis per Reningherium Viennæ cognitis, timor omnes occupat, quod seditionibus extinctis eo insolentiæ Turca processisset, ut, nisi quam ocysime cupiditati occurratur, Transylvaniam eum esse devicturum nonnulli existimarent. At alii eisdem de causis, quas supra retulimus, bellum sumere nolebant. Quomodo enim, cui vix contra Carolum belli trahendi facultas sit, is alium exercitum numero, & genere hominum Turcarum exercitui non imparem coacturus esset? His difficultatibus Cæsar affectus, concilium convocat, dicitque, Mehemetis furorem ultra ferri non posse: audaciam ejus ita in dies crescere, ut omnino Transylvaniam potiri vellet. Dubitandum non esse, quin in Pannoniam arma vertat. Proponeret igitur unusquisque, quid optimum esse censeret. Qui primo censuerant, ut Ragotio subsidio non essent, in sententia permanent; solumque addunt, pulcherrimum esse belli Transylvanici expectare eventum, ut vel Ragotio male pugnante Turcæ ab maleficio propter suam moderationem temperent, vel eo recenti victoria elato pacifluideant. At Avesperghius, Expectate, inquit, dum Turcæ male pugnent, ut victoria aliorum virtute parta fructum nos percipiamus, vel dum victoriam ipsi adipiscantur, ut ab eorum injuria Pannonios nostra modestia prohibeat. An utrumque impossibile non est? Quibus copiis unus Ragotius Turcarum ingentem exercitum sustinere, ne

dicans

dicam suadere poteris? Aut quo beneficio sævissimi homines secundis rebus elati retineri valent, quin in Pannoniam impetum faciant? At dices indignitas rei prohibebit, ne saltem sine speciosa causa bellum innoxiiis Pannoniis inferant, quum mebercule, eos magis utilitati, quam fidei consulere, atque nec jus, nec Deum ipsum sanctum habere conslet. Sanum consilium non est, nos spectatores Turcarum scelerum esse. Bellum suscipiendum censeo, hortantibus Germania Regulis, atque opportunitate data, ubi Chiuperlio persuaderi non poterit, ut pacem petentibus Transylvanis, vel si id minus vellet, inducias daret. Hæc sententia accepta est: sed magna difficultate, afficiuntur omnes, qua ratione id cum Turcis agerent, & consilii suspicionem non darent. Placuit ad extremum Simeoni Reningherio scribere, Chiuperlio exponeret, Cæsarem Ragotium odisse: eique summa latitiae futurum, si in ipsum vindicaretur. Ne tamen exercitus in Transylvaniam mittat, ne Scytharum populationibus belli causa esset. Nam si eandem Transylvaniæ formam esse simeret, atque nunc est, ac Berciajum hortaretur, ut levi imperio cunctos habeat, fore ut suavitatem Berciajus ab Ragotio clientes ad se traducens, eum sine certamine tandem interficiat. Hæc mandata, antequam ea Mechemeti exponeret, Amurati renunciare Reningherius statuit. Hunc idoneum esse judicabat, quod ab Chiuperlio vir æquabilis, ac magni consilii habebatur. Igitur eum adiens, nullum sibi opportuniorem visum esse dicit, per quem commendationis aditum ad Chiuperlium habeat, quam Amuratem, quod ipsum magnam apud Chiuperlium habere auctoritatem, atque publicæ quietis studiosum esse intelligat. Alia addens, postremo Cæsaris mandata exponit. Ad quæ Amurates respondet, nulli magis, quam sibi suorum civium, ac Transylvanorum sanguini parcere placere; sed nullam posse esse compositionis conditionem Ragotio Transylvanis imperante. Nec ipsius consilium se probare posse, ut Transylvaniæ formam eandem in reliquum tempus esse usque ad Ragotii interitum pateretur, atque nunc est. Nam quo jure, quum Ragotius magnam oppidorum partem teneat, Acatus stipendium penderet? Spe, Amurate deprecate, ab Chiuperlio inducias impetrandi lapsus Reningherius, omnia tentare constituit. Propterea Paniottum interpretem suum, quod eum aliquem locum gratiæ apud Chiuperlium obtinere sciebat, ad eum mittere optimum visum est. Hic Chiuperlium docet, Reningherium habere, quid de communi re cum ipso agat. Tum Mehemetes, non novum mihi existit, Cæsarem Ragotio favere, & cupere. Ipsius tamen gratiæ se dare, ut Reningherio colloquendi potestas sit. Reningherius ubi in conspectum ejus venit, orat, atque ob-

An. 1659 obsecrat, Transylvanis parcat, quos nunquam ejus imperium contempnissse constaret. Cogitaret, quam difficile Transylvanis esset Ragotium opprimere, quum ne fortissimi quidem Turca eum detertere possent. Postquam alia dixit, tandem Cæsaris mandata exponit. At Mehemetes, Si sciret Cæsar, inquit, quæ ab nostro Rege superioribus annis Ragotius postulavisset, eum merito ad internecionem persequeretur. Quid enim aliud petere poterat, quam ut sua opera contra Germanos uteretur? An in incerto est, eum, si in gratiam cum Rege redeat, insensissimum Cæsari futurum? Turca ita a majoribus acceperant, ut nunquam bellum, nisi injuriæ ulciscendæ causa, inferant. Ex hac referri, ut nunc Ragotium persequantur, Cæsaremque observent. Quod si Cæsar eis impedimento esse velit, non minus libenter ipsi bellum esse illaturos, quam nunc eundem colerent. Dum hæc geruntur, Ragotius necessariorum rerum inopia bellum ducere non posse cognoscens, præcipue quum Cæsar se per legatos ad pacem adhortatus esset, ab compositione animum suum alienum non esse demonstrat. Hoc ubi ad Acatium allatum est, non negligendam rem esse statuit; quia præstare intelligebat, tuta habere præsentia, quam majora in posterum cum aliquo discrimine. Inducto ergo totius Transylvaniæ Bistriciæ concilio, simul primum frequentes convenisse legationes vidit, quantum periculi imminere, docet, si Cives cum Civibus armis disceptantes, vel Turcarum, vel Germanorum auxilia accerferent. Scire se, quos ex his fugere expediat, quos vero sequatur, ignorare. Præstare æquis conditionibus Ragotio satisfacere, ut Civitas in concordia sit, quam externorum servitutem perpeti. Transylvani consilium probantes, Georgium Lazarium ad Ragotium contendere jubent, qui eum obtestaretur, ut Transylvania misereatur, non Turcarum adventum expectaret, quum introductum exercitum non essent educturi, nisi omnibus libertatem, ipsi vitam ademissent. Ragotius ut constituerat quieti studere, se æquas condiciones non abnuere respondet. Quum plurima in utramque partem dicta essent, tandem hæc condiciones convenere. Ragotius Varadinum, atque omnia alia oppida in Acatii potestate esse pateretur. Acatius in se reciperet, Turcam ea non occupaturum. Insidias Ragotio non moliretur. Ejus bona non publicaret. Ipsi ac filii suffragium in conciliis observari juberet. Æquo animo Turcarum Rege permittente Ragotium ad Principatum evocari sineret. Adventu Lazarii Bistriciæ fit gratulatio inter omnes, quod finem periculis factum existimabant. Fide data, atque accepta, legatum ad Chiuperlium, qui simul de compositione eum doceret, simulque oraret, ne exercitum in Transyl-

sylvaniam duceret, mittunt. Læti domum discedunt, sed ipsis longior lætitia non est relicta, quam paucorum dierum: quoniam Chiuperlius legato in carceres coniici iussu, ad Acatium severius scribit, *tantum abesse, ut Ragotium interficiendo, quod promississet, præstares, ut potius cum eo amicitiam instituisset. Nisi consilium mutaret, se loco Ragotii ipsum habiturum.* Hoc ubi ad Georgium allatum est, timens, ne nudus Turcis, Berciajoque obiceretur, plebem sollicitare, omnia, quæ ad bellum pertinent, parare, nobilitatique se insinuare, dictitans. *Quousque Turcarum frandi contra vos locum esse patiemini? An in incerto etiam num habetis, Turcas animo proposuisse vobis eripere libertatem? Si de hoc alio tempore dubitare potuistis, nunc certe id dabitari desisse vobis propter Rempublicam gratulor. Eo processum est, ut, si bellum defendere nolitis, jugum accipiat, oporteat. Cur potius armati per virtutem interfici non cupitis, quam erepta libertate per dedecus cum cruciatu necari exoptatis?* Hæc præter omnium opinionem audita ingentem fecere terrorem, nec eis, quid agerent, occurrebat. Sciebant, se Turcis neque opibus, neque viribus pares esse posse, propterea Ragotii morte Turcis satisfacere turpe non ducebant. Timebant vero, ne fraude ab Turcis fieret, ut hoc facinore admissu facilius Civitatem devincant. Multiplicatus est terror, quum ad ipsos fama pervenit, Turcas magna vi bellum apparare, ut Ragotium, Berciajumque opprimerent, quod eos consilia sibi obstitendi, nec stipendium pendendi inivisse perlatum erat. Nonnulli dicebant, se certis authoribus comperisse, Chiuperlium exercitum cogere, ut Georgium Gigam Valachiae Principem Transylvanis Imperatorem imponeret. Mihi autem constat, Chiuperlium in animo habuisse Transylvaniam sub suum imperium cogere, & per Magistratus administrare; sic facilem in Pannoniam aditum habiturum judicabat. Dum res in his angustiis esset, diversi diversa consilia capiunt. Pars Ragotium conveniunt, atque orant, *ut Civitatis periculi rationem habendo demonstraret, sibi Transylvania libertatem etiam sua salute esse potiore.* Nonnulli Turcis obviam procedere, ipsorumque fidei sua omnia permittere statuunt: facilius enim obsecundando, quam resistendo se impetraturos sperabant, ne quid gravius ab eis libertati accideret. Alii, quemcumque casum fortuna tribueret, ferre potius, quam inultos amittere libertatem decernunt. Plerique remotas ab Turcis sedes domo emigrantes petere constituunt, ne ea viderent, quæ nec audita perpeti possent. Non dubium tunc videbatur, quin si Chiuperlius exercitum, quem jam coactum habebat, in Transylvaniam duxisset, illam prius devicisset, quam fini-

AN. 1649 finitimi id sentire potuissent. Sed Fortuna Transylvaniæ aliis occurrere Mehemetem coegit. Nam Selimus Gissæ Præfectus partim Regni cupidine permotus, partim sibi timens, quod Chiuperlium insidias omnibus, quos aliquam inter suos habere auctoritatem sciebat, tendere intelligebat, prius fortunam cum spe periclitari, quam certo mortem subire decernit. Itaque discordias serens, aliosque Præfectos sollicitans, posteaquam maiorem Ægypti partem in se secundam reperiri cognovit, aperte tanquam Rex toti Ægypto imperare cœpit. Hujus rei nuncius Chiuperlium maximo dolore afficit, quoniam, quum ei celeriter occurrendum esse intelligeret, maximas opportunitates e manibus dimittere cogebatur. Caira igitur Præfecto imperans, *ut coactis omnibus, qui per astatem arma ferre possent, contra Selimum profisceretur*, eum monet, *ne impari exercitum pralio obiciat, sed solum illos, quorum optima erga Regem esset voluntas, confirmet: posse certiore spe pralium committi, quum exercitus, qui eo majoribus itineribus veniat, perveniret*. Caira Præfectus hoc consilio usus, exemplo cœptum bellum confecit: quoniam Chiuperlii pollicitationibus magis, quam suis copiis fidens, evulgandum curat, ipsum Regem cum ingenti exercitu ad comprimendos motus venire, atque jam adventare. Hi rumores nonnullos ab Selimi amicitia avertunt: nam non magis parata est Turcarum mens ad novas res suscipiendas, quam promptus est eorum animus ad susceptam rem levi de causa, omittendam. Subito enim Regis nomine, ac opinione adducti, simulque conscientia intelligentes, quantum facinus admisissent contra Regem conjurando, (quem ut Deum colere legibus sancitum habent) relicto Selimo signa ad Caira Præfectum transferunt. Qui quum cognovisset, Selimum in munitum oppidum se recipere, velle, ut bellum in hyemem duceret, eum in itinere aggreditur. Seditiosi subito in pedibus subsidium ponunt, unus Selinus, quum fugientes consistere juberet, atque impigre pugnaret, occiditur. Victoriæ nuncius Chiuperlium lætitia complet. Gaudium vero cito in luctus vertit, quum Chiorem in Asia rebellavisse ei nunciatur. Nam Rex exercitum ducere cupiebat, ut hunc, antequam plures conspirarent, opprimeret. Hoc eisdem de causis, quas supra retulimus, Chiuperlio displicebat. Quamobrem Regem nequicquam orat, *ne suam salutem, ac dignitatem in dubium devocet*, quoniam nec suis, nec matris precibus retineri potuit, quin, quod pluries animo proposuerat, tandem exequeretur, etsi Chiorem fuscum, antequam discederet, audivit. Dum profectiois dies instabat, Mehemetes Rex ad se Reningherium vocat, atque dicit, *non debere*

Trans-

Transylvanos sibi spiritus sumere , quod majoribus astrictus ab ipsis pœnas non repeteret , quoniam eo gravius ipsis dolendum sit , quo seniorēs pœna veniant , si , Ragotio favendo , belli occasionem sibi victori darent . Propterea hortatur eum , Cæsari persuadeat , ut per colloquii simulationem discordiarum semen interficiat . Longe Christianorum Principi fidem fallere licere , Reningherius negat . Hoc vultu ad iracundiam composito Mehemetes audiens , dicit , *mibi nunquam occultum fuit , apud Cæsarem Ragotii gratiam maxime valere ; quoniam ita vivitur , ut illis , qui odio digni sint , cupiatur , mibique pro meis in eum beneficiis , gratia non reservantur . Sed reversus mibi consilium capiam .* Reningherius ubi Regem non occulte innuisse audivit , ipsi bellum sumere placere , magnopere miratur , illum eo rerum statu alios laceffere , quum , si Cæsar ad bellum rem deduceret , maximum immineret periculum . Judicans igitur , eum id temere dixisse , ita respondere voluit , ut non modo alacritatis , sed belli cupidinis opinionem præberet . Ob eam causam postridie Chiuperlius ei exposuit , *Regem ut pacem colere statuisse , ita bellum sumere paratum esse , si Ragotius Pannonia recipiatur . Si armorum causam esse nollet , eum Zatmaria , aliisque oppidis , quorum imperium penes se esse Cæsar diceret , Transylvaniamque expelleret .* Cognovit tunc Reningherius , Chiuperlium tantos sibi sumplisse spiritus , quod , sedatis tumultibus , causam belli sibi præberi cuperet , ne in Asiam Rex contenderet . Hæc statim Cæsari enunciat . Mehemetes Rex , atque Chiuperlius paucis post diebus Scutarum perveniunt ; non multos ibi dies morati , Prusam petunt . Huc complures Civitatum legationes convenere , in iis Transylvanorum illa , cui , ut tributum quam primum Berciajus penderet , responsum est . Eodem Augustinus Majembergius ab Cæsare legatus , Mehemetem Regem edocens , venit , *optimam Cæsaris in ipsum esse voluntatem summaque eum ope eniti , ne rupto facere res ad arma deducatur , nuncianque , Leopoldum ad Romanorum Imperium evocatum esse .* Ad quæ Rex , se , *quum dicta cum factis composuisset , illa his non exæquari animadvertisse ; quoniam verbis pacem , re bellum caperet , quum Ragotium sibi insensum auxilii confirmaret :* Multos ibi dies fuit Majembergius semper magnifice , ac opulenter habitus . Chiuperlius plerumque eum domum invitavit , idemque facere Amuratem iussit eo consilio , ut postea cognitum est , ut ipsum ad prodicionem illectum dimitteret . Sed multa ab Majembergio in eam sententiam dicta fuerunt , quare Cæsari etiam controversias tollendi specie fidem lædere turpe esset . Tandem convenit , Cæsar Ragotii amentiam non augetet , atque

H

Ber-

An. 1659

Berciajū de stipendio pendendo hortaretur : Mehemetes exercitum in Transylvaniam non duceret . His rebus compositis posttridie, die festo celebrato, Majembergius dimittitur . Hujus adventu Viennæ omnium trepidatio facta est : nam bellum haud dubium habebatur, ubi Ragotius Principatu non abiret : quod impossibile factu credebant . Multa Cæsarem ad consilium inieundum, priusquam Rex Constantinopolim rediret, incitabant, præcipue quum frequens Pannoniorum legatio, oratum, convenisset, *ut sibi consuleret, atque toto pectore in Zatmariam recipiendam insisteret, priusquam ab Turcis occuparetur; quoniam, quum Tibiscus flumen fines divideret, nullo negotio illud transeantes Turcæ, inulsi prædam agitare possent. Se Germanos, & oppidis recipere, & frumento, aliisque rebus juvare velle.* Hæc quoniam de totius Pannoniæ concilii sententia nunciabantur, eorum auxiliis fidere posse sibi persuasit Cæsar. Idcirco rem suscipere paratus, ad Georgium Clementem Radoldum legatum cum his mandatis mittit, *quoniam a fortuna defertus tempori cedere deberet, ne majore cum periculo bellum aggrederetur, sed Zatmariam, Calloumque sibi traderet. Cæsarem oppida redditurum polliceri, simul primum Turcis satisfactum sit: magni interesse, suum imperium Cæsari gratificando, ejus clementiam potius, quam vim experiri.* Ad hæc Ragotii nomine Michael Michæus respondet, Georgium nunquam de maximis rebus consilium iniisse, nisi temporis spatium intercessisset: proinde scripta Cæsaris mandata daret, ut etiam, atque etiam considerare posset, ex usu esset, vel ne jussa efficere. Quod ubi se facere posse Radoldus negavit, querens ex eo Georgius causam, reperit, Cæsaris jussu id fieri, ne ea ad Turcas perlata turbare rem possent: se iterum verbis propositurum Cæsaris postulata addit, *ut memoria tenere illa possent.* Tum Georgius sibi satis consulare dicit, Cæsarem hoc consilii capisse, quod fidem Turcarum nunciis præstasset, qui ex composito victoriam ex seditiosis partem evulgavissent, ut finitimos a bello suscipiendo deterreant. Eosdem etiam Turcas testes habere se posse, rebelles in faucibus urgere, quum nunquam animi gratia Mehemetes ampliore cum exercitu itineris laborem suscepturnus fuisset: summæ dementia esse, hoc rerum statu de omnibus desperare, quum in victoria spem venire liceat. Si Zatmariam, aliæque oppida traderet, inimici id summa in desperatione factum existimantes, ne eo audacia procedant, timendum esse, ut bona sua omnia publicent, & Transylvanorum mentes alienent; qui quum injustum Berciaji imperium perferre non possint, Turcas invitaturi sint: satius enim sub illorum ditione esse, eos existimatos, quam inma-

immanem Berciaii avaritiam explere. His dictis Radoldus dimissus est. Qui quum ex Michesio, quem sermoni interfuisse docuimus, quare Georgius oppida aquis conditionibus dare nolle quæreret, eadem Michesius, atque Ragotius, primo demonstrat, deinde addit, eum timere, ne diminuta ob hanc rem auctoritate omnia, atque vitam per dedecus amitteret, quam sibi per virtutem potius eripere cuperet. Cæsari præterea fidem præstare non posse, eum suo tempore oppida reddere paratum fore, quum speciosa causa iusjurandum signatum mittere nolit. Quibus rebus permotus Radoldus, ut summa cupiditas re infecta non discedendi eum cæperat, quod matrem, apud Georgium maximam habere auctoritatem sciebat, in spem assequendæ rei venit, quum eam conveniret. Sed cito tanta spe deicitur, quum ipsa totam rem ad filium rejecit. Itaque, omni spe impetrandi amissa, Viennam proficisci parantem Ragotius ad se vocat, dicitque se ea maxime ratione conditiones abnere, quod fas sibi non sit, Germanos oppidis recipere, quum id legibus vetitum esset. Postremo æquum non esse, se stipendium custodibus dare, & Cæsarem oppida in potestate tenere. Legatus vero dicit, quum Cæsar oppida in potestatem redigere nolit, solumque id consilii capisset, ne Turcis oppida expugnandi, agrosque vallandi occasio sit, potius ei gratiam referre deberet, quod incolumibus omnibus, ubi primum posset, ea ipsi redderet, quam de stipendio militibus dando recusare. Item addit, ipsum non recte causam oppidis non recipiendi Germanos in timorem evertendarum legum conferre, quum si antiquissimi etiam temporis exempla spectares, urgente necessitate Germanos a Pannoniis in oppida introductos esse animadverteret. His rebus adductus Ragotius, timens, ne Cæsar ab sua amicitia se averteret, nunc nec negare, nec affirmare, postea polliceri, sed alicujus causæ specie rem diutius ducere; monere Radoldum, Viennam reverteretur, quoniam, quum sibi summa potestas permissa non esset, se eo legatum cum liberis mandatis missurum. Radoldo mediocribus itineribus domum repenti Cæsaris litteræ sunt redditæ cum mandatis, quæ ad Berciajum referret. Hic subito consistens, litteras ad Berciajum mittit, quoniam haberet, quid de Republica diceret, ne gravaretur locum, aliquem colloquio deligere. Berciajus sive timens, ne Turcæ suspicari possent, se amicitiam cum Cæsare instituere, ut eis communi consilio obisterent, sive (quod non inverisimile in suspicioso homine cenfeo) veritus, ne per fidem colloquii ab ipso, vel ab Ragotio opprimeretur, conditionem respuere statuit. Sed postea, ut compertum est, Lazarii hortatu Sigismundum Budajum mittit, qui postulata cognosceret, atque ad se referret, ne

An. 1659

concilium consultandi causa convocat. Omnibus visum est, *Ragotii audaciam non augendam. Non omnino in verisimile esse, Mellemetem inceptum omittitur, quum Georgium quieti studere videat.* Hoc ubi Ragotio nunciatum est, statuit verbis omnia polliceri, re ipsa modo has, modo illas moræ causas facere, diesque prolatare, quoad vel conditiones impune respuere posset, vel necessitas Cæsari morem gerere cogeret. Videns igitur Transylvanos potius ab armis discedere velle, quam ea sumere optare, itemque Turcas acrius instare, fidem oppida tradendi dat. Sed ne fides quidem data eum subigere valuit, ne dies prolataret, quando Transylvanorum studia in se accensa postea vidit. Hi enim Berciaii injuriis permoti, quod acerbissime exactam pecuniam Turcis non daret, ut suam rem familiarem augeret, eum adeunt, atque orant, *ne summo cum Civitatis periculo in eam spem veniat, ipsum tenuitatem propriam suam, ac Transylvanorum excusando ab Turcis obtinere possit, ut pecuniam remittant.* At Berciajus nihil precibus motus, graviora onera injungendo, atque Ragotii amicorum bona contra jurisjurandi religionem publicando, injurias cumulat. Tum, ut sunt mobili ingenio Transylvani, ita inter se per nobiles colloquuntur. *Quandiu ille elucescet dies, quo in otio ætatem nobis agere licebit? Parum habuit Berciajus, duo munitionissima oppida Turcis tradere. Parum quoque habuit contra, atque legibus sancitum est, ab Chiuperlio Principatum petere. Satis non habet per vim Imperium retinere. Injusta, ac sæva imperia etiam in innoxios edit. Quando ejus aviditas explebitur? Quando Civitatem exactoribus confertam non esse videre licebit? Ragotius unus Patriæ pater verius est, quam Princeps. Ragotius unus non modo alieni appetens, sed sui profusus. Ragotius unus citius, quam æs mutuum, beneficia reddit. In eo tanquam Civitatis liberatore præsidii spes omnis ponenda est. O nostram amentiam! quæ nobis metipsis etiam, non solum optimo Principi deesse nos cogit. Non hoc nobis nunc ferendum esset. Virtute acceptum incommodum sarciamus, constantia libertatem retineamus, oportet.* His verbis tanta vindicandæ libertatis consensio orta est, ut haud facile discerneres, majore ne odio in Acatium, an egregiore in Ragotium voluntate essent. Ad Ragotium fit concursus, nonnulli orant, *ut omnium opibus ad bellum uteretur, atque sibi ignosceret si Berciajum secuti essent, quum eam maculam majore erga ipsum studio nunc delere parati essent.* Cognita aliorum voluntate reliqui, qui aberant longius, ad ipsum pervenire maturant, ut principes suam operam pollicitum venisse viderentur. Quam paucissimi in pluribus in Acatii fide permanent.

Ut.

An. 1659 Utque grumne ex Ragotii corde Imperii memoriam non expulerant, sed potius mens sua in eam cogitationem trahebatur, quam fœdum esset, eum nunc aliorum voluntati obtemperare, qui paulo ante omnia supercilio movisset, prætermittendam injuriarum ulciscendarum, ac Imperii adipiscendi opportunitatem non existimavit. Igitur gratias omnibus pro merito agens, segniores castigat, atque incitat; nihil pollicitationum, atque minarum, ut omnes incenderet, relinquit. Hac de causa omnes delectum edicentem sequuntur. Agmine neque numero, neque hominum genere spernendo composito, Ragotius magnis itineribus contra Berciajum proficiscitur, nequam minimum spatii ei ad suos confirmandum, auxiliaque accersendum daret. Inopinata re percussus Berciajus unum auxilium in Turcis esse ratus, spe pacis, quoad auxilia convenirent, eum frustrare statuit. Igitur callidum hominem, quem legatum, ad Ragotium mitteret, deligere cupiens, Joannem Chiminianum casu oblatum (forte per eos dies e Scythia venerat) sibi opportunum judicat, tum quod imperii cupidum, tum quia Ragotio amicum esse cognoverat. Hunc promissis onerat, si Ragotio persuaderet, ut ab armis discederet. *Se Principatu abiturum, quam sine periculo liceat.* Chiminianus rem suscipiens ad Georgium pervenit. Inopinata res Ragotio accidit, qui, quum ad se pertinuisse cognosceret, bene de se meritum redimere, eum complexus, se excusat, quoniam id non sua culpa, sed propter Scytharum aviditatem accidisset. Multa præterea addidit, quæ se ejus officiorum memorem esse demonstrarent. Pro his rebus gratias ei agens Chiminianus, & suam operam in reliquum tempus pollicitus, Acatii mandata exponit. Ragotius, auditis postulatis, parumper tacitus permanet, atque secum volvit, utrum veram pacis conditionem afferret, an deducta opera dierum prolatandorum causa Berciajus legatum misisset: tandem tametsi omnes homines natura Imperio studere, & difficillime illud deponere velle non ignorabat, atque Acatium etsi nisi coactum Principatu se abdicaturum arbitrabatur, tamen adeo recens Chiminiani meritum sibi esse dicit, ut id ei petenti negare turpe sibi duceret. Postulat, ut locus colloquio deligeretur, ibi condiciones conventuras sperare. Perfert hoc ad Berciajum Chiminianus, qui ut suspiciosus erat, dolum eos composuisse est suspicatus, ut se per colloquii fidem interficerent. Verisimile enim credebatur, Chiminianum desiderio amico consulendi, Ragotium cupidine Imperii excæcatos tantum facinus admissuros. Huc præfertim accedente, quod non necessario locum colloquio deligere cuperet, qui pacem dare æquissimis conditionibus posset. Omnia

nia hæc Acatius dissimulans, se Ragotio morem gerere paratum esse respondet, atque libenter ad eum, ubi constitueret, accessurum. Hæc rei distrahendæ causa Berciajum respondisse ex eo cognitum est, quod, quum Ragotius locum, & diem colloquio statuisset, ipse tamen illata causa, quod optima valetudine non uteretur, rem in longiorem conferebat diem. Sed quum plures causas interponere non posset, nec de Budæ Præfecti adventu (ad hunc, subsidium oratum, nuncium miserat) quidquam perferretur, ad omnia magis paratus, quam ad se Ragotio committendum, cum paucis Devam, opere, & natura munitum castellum eo tempore profugit, quo Ragotius haud dubiam ludificationem habens, sibi consilium capere exoptabat. Deva Temesuariam se confert. Ibi ab Præfecto opulenter habitus, ad Chiuperlium ejusmodi litteras mittit. *Quum Transylvania imperium penes Mehemetem Turcarum Regem, procuratio tantum ejus beneficio penes me sit, compositis verbis ad te, incendendum non utor. Abunde dictam fortissimo, atque sapientissimo viro arbitror, quum Regem in mea injuria despectum esse commemoro. Tantum oro, Transylvanorum tenuitati stipendii levamentum des, quoniam hac spe ab Ragotio capti, omnes ejus fidem sequuntur. Hæc ab te petere non tam mea, ac civium utilitas, quam tua gloria subigit, quum maximam ad te perventuram laudem certum babeam, si non tam Imperii, atque pecuniæ aviditate, quam Ragotii ulciscendi gratia bellum susceptum appareat. His rebus divulgatis, omnes tanta expectatione erecti stabant, ut nihil aliud cogitarent, quam quem eventum Transylvani exciperent. Cæsar præterea magna sollicitudine afficitur, posteaquam Chiuperlium, compressis motibus Constantinopolim adventare accepit: queriturque fortunam, quæ causam belli maxime id cupienti dabat. Sciebat enim, Ragotium in Transylvaniæ totius concilio Acatii perfidiam, avaritiamque detestantes ad juramentum adegisse, ipsos semper ejus in fide mansuros, neque separatim ab eo sibi consilium capturos. Propterea Cæsar Turcas antevenire cupiens, Staubio cohortis Præfecto negotium dat, ut in Pannoniam contendens, se Stephano Peteo adjungeret, qui ad Cassoviam tribus cohortibus erat, atque una cum eo ad Ragotium perveniret. Sperabat enim, eos subito Ragotium in suam sententiam perducituros. At Ragotius interpolita causa rem in longiorem diem conferre, deinde separatam esse, dicere, oppida tradere, si Cæsaris signo impressas tabellas ad se perferrent. Non alio modo Cæsarem auctoratum sibi fore arbitrari. Staubius, ut tandem aliquando res multoties tentata confici posset, tabellas signo impressas dare paratum esse ref-*

AN. 1659 respondet. Tum Georgius, ut in re inopinata, primo animo deficiit, deinde eo collecto dicit, *supervacaneum esse oppida tradere, quæ ex conditionibus reddere teneretur Cæsar, ubi ipse Transylvaniæ Turcarum voluntate imperaret: se cum Turca in gratiam redisse jam occultum non esse, quum Paniotto teste uti posset. Hæc Cæsari renunciari mandans, eos ab se dimittit. Sic infectis rebus, quæ agere destinaverant, Viennam redeunt, atque quid gestum sit Cæsari exponunt; adduntque neque per vim rem consequi potuisse, quum Zatmarie Præfectum, valido introducto præsidio, oppidum defendere velle cognovissent. Ex die, quo Staubius Viennam pervenerat, die tertio, nuncius ab Ragotio, exponens, venit, eadem, quæ Staubius renunciaverat, itemque magnopere orans, ne animo deficeret, velut satis superque Germanis audacia, fortunaque tentata, opesque comminuta essent. Ragotium licet externis auxiliis deslitutum unum prælium fecisse, & id secundum. Conjectandum juvare, exiguis copiis ei missis, Cæsarem Pannoniis esse prospecturum. Ragotium Turcarum numero non terri, quum virtutem magis, quam numerum in bello posse cognosceret. Nemini occultum esse, Turcarum partem rerum militarium imperitis esse, partem laxiore imperio habitos magis urbanis munditiis, quam bellis laboribus se exercere velle, alios magis seditiosos, quam fortes esse. In Turcis denique omnibus inertia, mollitiaque, probra, quæ excogitari possent, omnia esse; Transylvanos contra, Germanosque asperiores res supervadere assuetos, veterum militari disciplina per manus tradita insitutos non studere rebus, quibus effaminari possent animi. Magnam propterea spem habere, ne Germanorum quidem aspectum Turcas esse laturos, qui quo ampliores copias in armis habeant, eo majus impedimentum verius, quam subsidium sint du-
fluri. His similia Pannoniis, Ragotius ostentavit, ut eos in suam sententiam inconsulto Cæsare perduceret. Quod quum accepisset Cæsar, timens, ne Pannonii, quos magna mobilitate se gerere non ignorabat, se cum Ragotio conjungerent, asperere in Ragotiam ad Pannonios scribit, ne aures ei præberent, qui socios sibi asciscere cuperet, qui suas florentes res cum ejus perditis misceant. Ragotio item ea proponi jubet, quæ ad ejus mentem sanandam usui fore judicat. Hortaturque, ut in reliquum tempus Pannonios sollicitare desistat, si adversus se Germanum armare nolle. Hæc furdo dicta esse cognitum est, quoniam, velut explorata victoria, redditum sibi honorem in superbiam, ac libidinem vertere, neque facto, neque dicto abstinere, quod Turcas lacefferet. Litteræ etiam, quas ad Mehemetem Regem misit, ut ad ejus gratiam receptum*

ha-

haberet, magis, magisque eum contra se accenderunt. Earum hæc fuit sententia, se satis jam factum ad Chiuperlii crudelitatem explendam existimare, quum omnia mala perpeffus sit. Proinde sibi ignoscendo demonstraret, ipsum virum esse, & per se imperium administrare, nec Chiuperlii ingenio opus esse, qui privatas inimicitias in Magistratu exercent. Si in se misericordia uteretur, se quingenta nummorum aureorum millia daturum, perpetuoque in ejus fide mansurum. His litteris Constantinopolim relatis, incredibile memoratu est, quanta ira Mehemetes Rex, atque Chiuperlius exarsissent. Alter, quod sibi obiici cognoverat, se parum ingenio valere, quum rerum omnium summam ad Chiuperlium deferret: alter, quod contra se Regem accendendum curavisset. Uterque igitur Cæsarem suspectum habens, quod ab eo Georgii audaciam, auctam credebatur, Reningherio exponenti trux est, Cæsari summo opere displicuisse, Ragotium contempto ipsorum Imperio Berciajum domo ejecisse. Illum, quum frustra omnia tentavisset, ut ad sanitatem eum redaceret, nunc etiam eum persequi paratum esse, ut optata reciperet. Ad hæc pauca Chiuperlius Regis jussu respondet, sibi occultum non esse, Cæsarem re ipsa Ragotio cupere, verbis vero ejus amentiam detestari: hoc tamen dicere, in terris esse neminem, quem superare disideret. His dictis Reningherium dimittit, Szedioque Acmeti Budæ Præfecto imperat, ut coactis omnibus, qui militiæ patientes essent, in Transylvaniam advolaret; edictumque proponeret, Acatio uti obtemperarent, Ragotium vivum, aut necatum Regi traderent: cujus tanta sit clementia, ut quingenta nummorum aureorum millia imperata Transylvanis Acatio deprecatore remitteret. His artibus Chiuperlius ab Ragotio per se mobiles Transylvanos alienaturum sperabat; sed aliter se res habuit: nam, Transylvanorum pars, ut Turcarum avaritiam perspectam habebant, munificentiam eos simulavisse arbitrantur, pars id non ad suum, sed ad Acatii commodum pertinere cognoscentes, qui pecuniam jam exactam domum averterat, inceptum non omittere, & Ragotio præsto esse decernunt. Ragotius non alienum suis rationibus esse ratus, Turcas distinere, cum Valachiæ Principe foedus facit, Georgitiæque duo hominum millia attribuit, ut in Moldaviam contenderet, si amissa recuperare posset; ipse suorum virtute, ac audacia fretus, contra Szedium Acmetem exiguis copiis proficisci non dubitat, etsi Comitis Buduani litteris certior fiebat, Szedium ingentem exercitum in armis habere: non esse rem sui judicii fortunam periclitari, quum, si male pugnaret (ut non inverisimile habita utriusque exercitus ratione videbatur) suam, ac alio-

An. 1659 *rum salutem in dubium devocaret. Reningberium cognovisse, Cbiuperlium litterarum causa ab ipso ad Mehemetem Regem missarum ita in ipsum iram auxisse, ut nunquam bellum se depositurum esse juramento confirmavisset, nisi injurias ipsius morte ultus esset. Habere proinde rationem sui periculi. Hæc sive non credidisset, sive plus æquo suæ virtuti tribuisset Georgius, quam maximis potest itineribus ad Varadinum contendit, ut oppidanorum sibi deditorum auxilio urbem occupans, Turcas eo præsidio venientes excluderet. Quod consilium fortuna comprobavit, quum tam opportuno tempore pervenisset, ut vix ipse oppidum ingressus esset, quum millium Turcarum trium ab Szedio præmissorum pulvis cerneretur. Turcas, Georgium cum exercitu adesse cognoscentes, tantus incessit timor, ut non prius fugere desisterent, quam ad Szedium pervenirent. Conatus est Georgius equitatum ad eos insequendum, mittere, sed plurius horarum spatio antecedentes ne carpendi quidem facultas fuit. Turcarum fuga tantum animi Georgio attulit, ut nullam interponi moram arbitraretur, quæ victoriam non moraretur. Postridie ergo, quantum accelerari potuit, qua Szedium iter habere intelligit, procedit. Ut secundus dies hostem in conspectum dedit, magnopere lætatur, quod ampliorem non esse Turcarum exercitum animadvertit. Szedius enim dedita opera arctius statuerat milites, ut exiguarum copiarum speciem præbens, Georgium ad fortunam tentandam impelleret. Nec eum opinio fefellit. Nam etsi Ragotius ex decem hominum millibus, quæ coegerat, ad millia septena superesse intelligebat, manus tamen cum eis conferere non timet. Sperabat, proclive sibi futurum duodecim Turcarum millia, quorum maxima pars nondum armorum vocabula cognovisset, (eam opinionem habebat) primo impetu delere. Tantam igitur rerum suarum fiduciam habet, ut paucæ pro tempore militum confirmandorum causa diceret, alia addere nollet, quia orationem inventam esse dixit, ut dubii, non ut strenui confirmarentur. Duplicem ergo instruens aciem, ac in unaquaque earum equitatum dispertiens, hostes aggreditur, & ne ea quidem res eum terret, quod æquiore loco Szedium pedites positos habere, ac equitatu abundare vidisset. Ragotii pedites non eadem alacritate in prælio, atque in castris, usi sunt. Nam simul primum Szedium milites arctius collocavisse animadverterunt, ut consilio se ad pugnam eliceret, desperata victoria terga vertunt, nec Michaelis Michessii precibus, cui eos Ragotius attribuerat, nec Ragotii minis, qui ad eum accurrerat, fieri potuit, ut prælium restituerent. Tum Ragotius secum reputat, utrum ex usu esset receptui*

ceptui canere, an fortunam periclitari. Sed ubi eo processum vidit, ut vel extrema audere, vel eos inultos interfici in fuga oporteret, ultima periclitari statuit. Ad hoc consilium capiendum illa quoque res Ragotium incitavit, quod etiam si Deus eam mentem Turcis daret, ut Transylvanos non persequerentur, sibi tamen de Imperio desperandum esse existimabat: quoniam ab se, quem propter virtutem, ac animi magnitudinem Transylvani sequebantur, timoris opinione data, ne defereretur, timebat. Facilius enim etiam, amisso exercitu, dum magnum animum præberet, quam eodem salvo, dum patriam virtutem proiiceret, Imperium retinere se, posse existimabat. Propterea dicit, *omnium salutem in una equitum audacia positam esse: hanc peditum ignaviter factum delere posse. Huc rem ductam esse, ut vel audaciam præstantibus fortuna victoriam daret, vel omnino pereundum esset: præstare per virtutem mori, suæ victoriam hostibus relinquendo, quam per dedecus in fuga impune trucidari.* Hortatur igitur omnes, *ut, si victoriam sibi parere non possent, saltem eniterentur, ne ignominia ullam in Transylvanis remaneret.* His dictis, ipse apud primos agere, pugnam restituere, quos fortissimos, ac firmissimos animadvertibat aggredi, dubios terrere, omnes circuire, nihil quietum pati, recentes defessis submittere. Hoc modo quum tribus circiter horis pugnatum esset, Ragotius hostium equitatum in fugam dat. Cohortes vero tres a Szedio submissæ fugam suorum comprimunt, & prælium redintegrant. Pauloque post, qui fugerant, equites reversi, ut fugæ ignominiam deleant, acriter instant: hoc idem faciunt reliqui. Sic rerum commutatione facta, quum continenter horis sex acriter utrinque pugnatum esset, jam subsidii spes, jam ante omnia animus Transylvanos deficit. Paulatim igitur pedes referentes, pugnam remittunt. Favore noctis omnes incolumes abeunt, exceptis quingentis, qui adversis vulneribus conciderant. Ex hujus rei eventu cognoscere licet, quantum præsidii sit hominibus in audacia, & fortitudine: nam equites, qui utramque præstiterunt, postquam supra hostium millia quaterna interfecerunt, intacti profugunt; at pedites, qui primo congressu animo defecerant, in acie, & fuga interficiuntur: paucos ex tanto numero pedum velocitas tutatur. Ex Ragotii exercitu ratione habita ad duo millia, & quingenti superfuere. Turcæ bellicis tormentis, impedimentisque potiuntur. Noctem Szedius ad quietem exercitui dat, ut albeante cælo Ragotium confectaretur. Sed in castris adeo lætitia agitata est, ut, quum nemo nisi sub primam lucem se quieti dedisset, necessario in meridiem consilium perfectionis transferri

An. 1659 oportuerit. Cum Ragotio licet consilium, tamen fortuna non stabat: quoniam parum abfuit, quin ea ipsum Szedio obiiceret, posteaquam totam noctem iter continuaverat: nam Ragotio iter in Valachiam habenti ubi nunciatum fuit, Gigam ab Scythis expulsum, necessario iter convertit, speculatoresque præmittit. Per quos quum Turcas iter ad dextram habere, qua ipse ibat, cognovisset, se in sinistram vertit; maxime dolens suum consilium in Valachiam perveniendi non cessisse, quoniam Gigæ auxiliis confirmatus iterum rempugnæ committere volebat, ut detrimentum prius sarcitum, quam acceptum ab Transylvanis cognosceretur. Sed hic non fuit periculorum finis; quoniam etiam Georgitiam, quem in Moldaviam ab Georgio missum distinendi causa Turcas demonstravimus, omnibus amissis vix fuga se ex periculo eripuisse accepit. His omnibus adversis rebus non modo non deserit sese Georgius, (tanta ipsi, nescio, temeritas, an animi magnitudo inerat) sed fortunam iterum periclitatus esset, nisi metus ingens fuisset, Transylvanos se esse deserturos. Statuit idcirco tantum expectare, dum cognosceret, quid consilii de sua libertate ab Transylvanis initum esset, ut ipse quoque pro re, & tempore consilium caperet. Optima hæc fuit ratio: nam nihil tunc temporis profecisset, quum mobiles Transylvani sibi desperavissent, Berciajumque orarent, sibi ut ignoscat. Berciajus egregiam in omnes voluntatem simulare, cunctos allicere. Hac de re etiam ii, qui Ragotio favebant, ei gratias agunt, quod ab Turcis de stipendii levamento impetravisset. Hi solum periculi vitandi gratia illum conveniunt, quum ejus immanem avaritiam animo continerent. At ubi Scythas non venire, Szediumque Transylvania excessisse viderunt, ejus opera tantum se effugisse periculum (ut Acatius distabat) rati, in gratiam eum recipiunt, præcipue quia ærumnis eum didicisse, cives levi imperio habere, sibi persuaserant. Hoc quum vidisset Ragotius, timens, ne ejus preces non audirentur, si ad bellum Transylvanos hortaretur, optimum esse statuit quieti studere, & sic novum sibi induisse ingenium simulare, consilium subito depositurus, quum vel Turcas, vel Berciajum criminandi occasionem nactus esset. Voto statim, ut fit, natura subscript: nam per suos amicos, eosque, quos pecunia corruerat, cognovit, non Acatio deprecatore id Transylvanis datum, ut ab eorum finibus Szedius exercitum eduxisset, Scythæque populatum agros non venissent; sed potius, vel quod hyems appropinquaret, vel Chiuperlii jussu, ne, patefacto devincendæ Transylvaniæ consilio, exiguas Szedii copias nullo negotio hoc tempore opprimerent Transylvani, quo
suis

fuis ferre opem non posset. Propterea principio veris confestim Turcas esse venturos conjectabat. His rebus fieri ab Transylvanis fidem posse multis de causis Georgius intelligebat; quarum ea erat præcipua, quod nunquam intentius omnibus Provinciis delectus habitus, bellumque apparatus ab Mehemete esset. Quo nam hæc omnia nisi adversus Transylvanos? Hanc occasionem prætermittere nolens, Ragotius criminosè de Acatio loqui cœpit, *non communis commodi gratia, neque Acatii precibus Chiuperlium exercitum Transylvania excedere iussisse, sed ut majore apparatu inito vere eum mittere posset. Acatium cum Turcis Civitatis prodenda consilia iniisse. Hæc certis authoribus se comperisse. Occurrendum subito prævisi consiliis. Libertatem non esse deferendam, nisi cum vita æquum esse, viros fortes ita se præbere, ut, si omnia adempta essent, saltem animos eis non ereptos esse appareat.* Hæc sæpius dictitando, effecit, ut eam rem sibi cogitandam existimarent Transylvani. Qui propterea ubi omnia, quæ ad bellum usui essent, apparari, Szedium exercitum contrahere, supplementum Prætorianis expectare cognoverunt, hæc omnia tantopere ad suam perniciem pertinere arbitrantur, quantopere nullam novi belli causam exortam esse constabat. Omnem postremo expulit dubitationem Szedii in reficiendis veteribus pontibus diligentia, novisque ad ea loca Savi fluminis instituendis, qua brevissimum, ac facillimum in Transylvaniam iter esset. Quibus rebus ut occurrant, suam salutem Ragotio committere decernunt. Hic oblata facultate subito delectum habere, omnia parare, quibus rebus potest, se munire. Quibus rebus Viennam nunciatis, stupor omnes defigit: nihil enim tam insperatum, atque inopinatum accidere iis potuit, qui Deo gratias egerant, quod, ut optatam omnibus quietem daret, non minus Turcæ, quam Ragotius novum sibi ingenium induissent. Auget timorem Reningherii nuncius, qui docuit, pro Szedii victoria supplicationem indictam, ubique lætitiâ agitâ, majorem, quam antea, arrogantiam sibi Chiuperlium sumpsisse, quod Valachia, Moldaviaque perdomita, & Ragotio calamitatibus fracto, Transylvaniam facilius devincere posse existimaret. Addidit præterea de causis, quare Szedius victoriâ non exercuisset, quas quia superius enunciavi, libenter nunc prætereo. His rebus in unum congruentibus, haud dubium bellum Cæsar habebat. Sub hoc tempus Solimanus ab Mehemete Rege legatus gratulans, quod ad Imperium Leopoldus evectus esset, Viennam venit, exponens ejus in Cæsarem studium, dicensque, errare eos, qui apparatus in Pannonia, Transylvaniaque perniciem pertinere existimarent. Re-

gem

AD. 1659 *gem Transylvanis jam ignovisse, ubi Acatium observari cognovisset. In milites vero conscribendos totum mente, animoque eum insistere, ut Creta receptæ suam laudem faciat. Eius dignitatem pati non posse, ut tandem Venetos audaciæ pœnitere non cogat. Halio rerum militarium non minus peritissimo, quam magni animi, ac expertæ probitatis viro, qui mira cum laude complaribus Asiæ provinciis præfuisset, Imperii summam tradidisse, ut probitate ad militibus imperandum, virtute ad Venetos opprimendos utatur. Alia addidit, quæ suspicionem eam auxerunt, Chiuperlium rem sapius propter alias occupationes nequicquam tentatam conficere nunc velle, præcipue quum apud Turcas eam consuetudinem esse constaret, ut consilii occultandi gratia aliud paratum in lingua, aliud in pectore clausum habeant, aliudque postremo suscipiant. Quum de moribus, atque Halii virtute quæreretur Cæsar, vera esse reperiebat, quæ Solimanus de animi magnitudine, ac bellicæ laudis opinione dixerat, item magna eum inter suos autoritate esse favore Reginæ, cujus negotiorum curator erat. Id modo comperire non poterat, cur Chiuperlius ipse exercitum in Transylvaniam non duceret, ut devictæ Civitatis gloriam ferret, quum senectus, quam Chiuperlio esse impedimento dicebant, quo minus itineris laborem susciperet, Halio quoque officeret. Opinio tamen tunc temporis sine autore exiit, Reginæ precibus, dissuadente Chiuperlio, Mehemetem Halio Imperii summam tradidisse, ut rebus prospere gestis ejus autoritas amplificaretur. Sic Chiuperlio mortuo ad virum sibi fidum rerum omnium summâ redire poterat. Mihi verisimilius videtur, Chiuperlio suadente, hoc negotii Halio datum, ut absens magis, magisque se Zaimæ Reginæ insinuare non posset. Huc accedebat, quod maximi Chiuperlii referret, virum maximæ autoritatis periculis objectari, quem aliqua illata causa interficere se non posse intelligebat, ubi Zaimæ animum offendere nollet. His rebus cognitis Cæsar sibi consilium capiendum existimat, sed eisdem rationibus, atque antea, nunc etiam bellum fumere recusat. Legatum tamen ad Georgium mittit, qui hortaretur, ut Principatu se abdicando periculum vitaret, & oppida sibi traderet. Interea se ad omnem casum parat, exercitumque in Pannoniam mittit, ut per vim ab Ragotio hoc obtineat, ut apud Turcas formidinem faciat, ut demum eisdem opinione maximæ virtutis, alacritatisque ab proposito deterreat. Litteras ad Reningherium mittit, eumque docet, quid Chiuperlio exponi vellet. Hic subito Chiuperlium conveniens, proponit, Cæsarem Mehemeti Turcarum Regi summopere cnpere: propterea eum habere in animo, fæ-*
das

du non rumpere, nec Ragotio subsidio esse, sed potius contra ipsum exercitum mittere velle, ut Zasmuriam recipiat. Ad hæc Chiuperlius, se Casarem non timere, respondet. Si bellum inferre vellet, ne cunctaretur, quoniam illud maximarum arumnarum ei initium futurum speraret, quum ipse agrestium omnium in maxima mala ob populationes ab Pannoniis illatas præcipitatorum ultor esset. Tum Reningherius sibi persuaderi dicit, hoc ita inconsulto Cesare evenisse, ut in iussu Chiuperlii Turcæ depopulatū Pannoniorum agros venissent. Ad hæc nihil respondere Chiuperlio visum est. Maximoque terrori Reningherio fuit, supplicium Ragotii legati, qui, quum pecuniæ vi Turcæ voluntatem redimere vellet, pro exploratore occisus est. Quod ubi Georgius cognovit, rem frustra tentatam omittere tandem, & ad arma, in quibus omnia sua sita cognoscebat, descendere decernit. Itaque partim pecunia, partim gratia, partim autoritate coactō exercitu in imprudentem Acatium inita hyeme impetum facere statuit, priusquam Turcarum subsidii confirmari, atque extimore se recipere posset. In eo enim victoriæ summam positam esse sibi persuaserat, si Berciajum captum interficeret. Hunc enim Turcas accersere, hunc eos contra se accendere arbitrabatur: quo mortuo nihil sibi timendum judicabat. Berciajus quum se ad resistendum infirmum esse videret, eodem confugio, quo proximo anno, uti decreverat. Sed Georgius ut de ejus consilio conjectura judicaverat, illud antevenit, atque itinera omnia, quæ ad Devam ferebant, obsidet. Sic magnæ fortunæ fuit, Berciajum opportuno tempore insidias positas per sibi fideles homines cognovisse, ut cum paucis equitibus Cibinium se recipere valeret. Hoc oppidum sibi opportunum judicabat, quum quod in aperto loco positum muris, atque turribus satis nota ratione institutis, (recentiores bastiones appellant) præterea fossa, quam aqua ex flumine, quod prope est Cibinium nomine, derivata complet, munebatur, tum quod singulari oppidanorum studio utebatur, quibus præcipue indulserat. Tam secreto iter habuit, ut complures dies, quo contendisset, Georgius ignoraret. Jam, ut in tali re solet, nonnulli cum paucis equitibus uno itinere, alii alia via eum in Turcarum fines se recipientem vidisse dicebant. His authoribus ita fidem præstitit Ragotius, ut aliis, qui Berciajum Cibinium se retulisse nunciabant, credere nollet. Hoc modo partim Acatii arte, partim sua pertinacia ita Ragotius ludificatus est, ut mille, & quingentos Turcas ad se recipiendi tempus Berciajo non defuerit; quum, si Ragotius, ubi primum rumorem exiisse cognovisset, magnis itineribus, ut postea fecit, contendisset, Turcas ingressu interclusisset: & sic haud
du.

An. 1660 dubie Acatium oppressisset. Sero quum castra ad Cibinium movisset Ragotius, & frumentariam rem, aliaque ad oppidorum defensionem necessaria Acatium providisse non ignoraret, tamen durissimo tempore, quo neque sub pellibus milites contineri poterant, rem temere suscipit. Ejus tamen audacia res ex difficillimis facilimas redigebat; quoniam, quum vix hominum octona millia in armis haberet, quæ nec ad oppugnandum, nec ad oppidum oblidendum sufficere eum non fugiebat, rem consecuturum sperabat. Acatius Georgii temeritatem perspiciebat, ejus augere amentiam, quam maximam potest, metus opinionem præbere, nunquam eruptiones facere, atque supplices legatos de compositione mittere. Consilium erat, deditionis simulatione Ragotii spem augendo rem in longiorem diem conferre, ut sine vulnere non assuetos laboribus milites conficeret. Eadem Szedius Acmetis Budæ Præfectus respiciens, exercitum eo non mittere optimum judicabat, præcipue ubi mille, & quingentos a se missos oppido receptos cognovit. His artibus Ragotium eludi ita fama valebat, ut non semel ab amicis hoc ad eum perlatum esset: sed ipse sive quod maximam suarum rerum fiduciam habebat, sive quod nihil suæ virtuti infectum arbitrabatur, sive suæ dignitatis non esse judicans, vano incepto discedere, omnia prius pati, quam rem non assequi constituit. Hoc etsi pars nulla ratione, alii judicio factum dicebant, tamen ne unus quidem repertus est, qui nimiam ejus fiduciam, vel verius amentiam non improbaret, quum partem quoque copiarum Georgitiæ, atque Serbano attribuere periculosum non duxisset, ut in Valachiam, Moldaviamque distinendi Turcarum manus causa contenderent. Sed neque in expeditionem missi diversum, atque antea, (ægerime perpauci ex fuga, reliquis interfectis, in castra revertuntur) neque oppugnatio alium, atque rerum militarium periti judicaverant, eventum excepit: quoniam tametsi deditionis conditionibus se frustrari, & ex die diem ab Acatio duci, ad hoc etsi rem per vim consequi non posse Ragotius intelligebat, tamen ne inito quidem vere oppugnationem relinquere voluit, ut optime de se meritis Haidonibus subveniat. Qui quum omnem belli tempestatem ad se translatam vidissent, ad Ragotium legatos, auxilium orantes, miserunt, simulque docentes, Szedium *supra hominum millia viginti in armis habere; se arma cepisse ad sex millium numerum. Sperare, si sibi Ragotius se conjungeret, imbelles Turcas nullo negotio pellere posse.* Haidonestum suo merito, quod semper Ragotii fidem secuti essent, tum ejus consilio confisi, quod tantam opportunitatem eum nunquam corrupturum confidebant, imperii sum-

summam Francisco Julajo , Franciscoque Barconio permittunt . An. 1660
 Expeditis omnibus iter facere incipiunt , ut , quam citissime pos-
 sent , Ragotio se conjungerent . In itinere vero Ragotii litteræ
 Julajo redduntur , *se infecto negotio discedere non posse , eo magis ;*
quod brevi æquis conditionibus Cibinium recepturum speraret : hoc
non posthabendum judicavisse , quum tantam de Haidonum virtute o-
pinionem habeat , ut ab solis Turcas propelli posse consideret . His lit-
 teris recitatis magna omnium perturbatio facta est . Julajus colle-
 gæ proponit , utilius esse arma ponere , & potius Turcarum beni-
 gnitatem deditionis beneficio obstrictorum , quam eorundem vim
 experiri . Resistitur a Barconio . Ab sua sententia se non discessu-
 rum Julajus pronunciat ; remque multitudini exponit . Hæc res
 apud alios gaudium , quod metu se liberari intelligebant , apud
 majorem partem mæsticiam facit , quia per virtutem interfici , quam
 inultos per dedecus jugulari malebant . Tanta ergo dissensio inter
 eos exitit , ut parum abesset , quin ad arma descenderent . Tan-
 dem Barconius potestatem facit eis sui consilii ab reliquis sepa-
 randi , qui fortunam tentare non auderent , quum ipse , alique
 fortes viri . communem injuriam ulcisci velint . Ars illa erat , ut
 eos ne timoris quidem suspicionem vitare puderet , quum alios tan-
 tam animi præsentiam præstare animadverterent . At opinio Barco-
 nium falsum habuit , quoniam hac facultate tributa extemplo duo
 circiter millia cum Julajo discedunt . Quare magna difficultate af-
 ficiuntur illi , quibus antiquior omnibus rebus libertas erat , quum
 eos loco hostium habere decrevissent . Sed ubi in mentem venit , tur-
 pe esse incives viros esse , legatos ad Szedium Martium Badova-
 jum , Franciscumque Stepenem mittendi consilium capiunt , qui
 omnes facti hostilis purgarent . Hos simulac Szedius vidit , retineri
 jubet : nam post direpta intra paucos dies plura castella , agros va-
 statos , omnia incensa , complures captos , ne eis quidquam reli-
 qui fecisse dici posset , libertatem adimere exoptabat . Stepenem ,
 postea domum dimittit , qui suis nuntiaret , *Szedium credere ærum-*
nas ipsis documento fuisse in reliquum tempus nunquam Turcarum
imperium contemnendi , sed jurejurando se obstringendi , non recusatu-
ros , quominus perpetuo sub Turcarum Regis ditione sint , quam
hæc una deprecandi pericula conditio esset . Hæc ubi ad Haidones
 perlata sunt , utpote non magis magno animo , quam impigrierant ,
 tantam injuriam non ferre , sed potius fortunam , quam quæcumque
 accidat , experiri primo statuunt . Sed quum postea animadverte-
 rent præstare nunc temporis cedere , ut opportunitatem injurias
 ulciscendi opperirentur , quam frustra maximam dimicationem ,

K

fubi-

An. 1660

subire, Stepenem remittunt, qui se imperata facturos polliceretur. His in fidem receptis, Szedius tempus consumere arbitrat, ubi populationibus tantum studeret: hac enim re ad se belli confecti gloriam non perventuram, exercitu Ragotii salvo, sciebat. Igitur eum delere magnopere cupiens, antequam Italius, quem in itinere esse audiebat, perveniret, ad Cibinium contendere cogitabat: sed considerans postea, Ragotium fuga periculum vitaturum esse, ne una ex parte oppidi praesidio, altera ingenti exercitu circumlisteretur, dolo eum capere decernit. Hoc respiciens, duobus militibus magnis pollicitationibus persuadet, ut ad Ragotium transeant. Illos edocuit, quid interrogati responderent. Qui ubi iussa effecerunt, quod id praeter consuetudinem, acciderat, miratus Georgius, quaerit ex eis causam. Qui, se magna ex parte meta adductos perfugisse pronunciant, quod fama accepissent, Ragotium relicta oppugnatione adventare; cui quum resisti non posse constaret, quod Szedius dulcedine praedandi captus, maiorem exercitus partem trans Tibiscum in expeditionem misisset, sibi quoque vix hominum millia sex, in his agros reliquisset, se in pedibus sibi subsidium posuisse. Szedii etiam avaritiam se praeterea novam experiri fortunam coegisse, quum non contentus ea re, quod praedam omnem domum revertat, nihil reliqui faciat militibus, Provincialibusque. Hoc de causa omnes ab ipso ita alienatos esse, ut quam maxime se cum Georgio conjungere optarent. Addunt de novis exortis seditionibus, Halmumque cum exercitu in Transylvaniam iter habentem retractum esse, quum metus ingens esset, eum unum ex conjurationis auctoribus esse. Ejus exercitum Amuratem quendam Mehemetis fidum accepisse, et itinere converso Constantinopolim petere instituisse, ut seditionis obviam eant. Ad Szedium quoque Mehemetis mandata perlata esse, ut ipse etiam, quam maximis itineribus posset, cum exercitu Constantinopolim veniret: sed cum magna sollicitudine affectum esse fama, quae ad ipsum de caede popalatorum ab Pannoniis facta pervenerat. Alia his similia addiderunt, quae nullo alio indicio ficta ad Ragotii voluntatem videbantur. Ab Ragotio tamen his fides fit, quod eum tanta harum rerum cupido tenebat, ut incredibilia quoque credidisset. Nullumque spatium ad cognoscendum sibi relinquens, quoniam illud hostibus ad se ex timore recipiendos dari arbitrabatur, temere auctore hoste de summis rebus consilium capit. Discedens equites non explorandi causa, sed Haidones, reliquosque Transylvanos certiores de suo adventu faciendi gratia praemittit. In itinere complures nactus, per quos cognoscere facilius potuisset, se ab perfugis deceptum, studio tamen quam ocysime negotii conficien-

ficiendi quærere de iis rebus prætermisit. Quum quiaque die-
rum iter processisset, non procul Szedium in stativis confidere in-
telligit. Tum ad prædam, inquit, properate milites: hoc die ex
virtute gloria, divitiæ, præterea libertas invenietur. An non ex
perfugis audistis, Turcarum rem in angusto esse? Omnium superio-
ris temporis laborum fructus in hoc puncto temporis constat. Accele-
rate ergo, ut prius Turcæ se victos esse, quam vos pervenisse sen-
tiant. Hæc verba tantum militum animis addiderunt, ut quatuor
passuum millium spatio prope puncto temporis confecto in ho-
stium conspectum venirent. Ex castrorum tractu Turcarum mul-
titudinem cognoscens, animo non parum primo permovetur Ra-
gotius, deinde considerans, Turcarum castra plurimum in latitu-
dinem dedita opera patere, ut ampliorum copiarum speciem præ-
bendo in contemptum Transylvanis non venirent; animum collig-
git. De hac Szedii ratione licet conjectura judicaverat, tamen, quia
etiam rumorem pro re comperta habere solebat, suis rem, veluti cer-
tis authoribus cognitam, exponit. Additque, *agitedum fortem ani-
mum gerite: comparate vos ad castra eundum: ne oculorum quidem
vestrorum aciem sustinebunt ignavissimi, quum frustra fraude se us-
fos esse cognoverint. Hoc optime etiam intelligent, si clamorem ve-
stra audacia indicem audient. Proinde eum tollite: ne time-
te.* Sublatus clamor non qualis illorum est, qui victoriam animo provi-
dent, sed illorum, qui metu simul, simul spe agitantur. Iussi pro-
gredi, dubii duo passuum millia ex eo loco procedunt. Quum,
mille passus castra ab castris distabant, tum sui fallendi causa Tur-
cas ad se transivisse Transylvani cognoscunt, quod eos ad Szedium
iterum profugisse reperierunt. Hac recognita, quum omnem sa-
lutis spem sibi præcisam cognoscerent, castra lamentis implent:
tantusque timor eos præoccupaverat, ut quum venissent sub meri-
diem, tamen propter timorem ne castra quidem munire audebant.
Ragotius inter suorum terrorem, ac Turcarum cunctationem om-
nes circuit, oratque, *ne tam cito sibi diffiderent. Consuesse quan-
doque Deum falsis nunciis Christianos ad pugnam impellere, ut victo-
ria potirentur, qui alioquin perterriti fortunam non tentavissent. Pro-
inde si pro viribus castra munirent, & strenuam operam darent, se
magnam victoriæ spem habiturum.* His verbis, & factis, quod princeps
ipse cum reliquis præfectis in opere versabatur, omnes ad laborem
ita accendit, ut paulo post solis occasum jam plene castrorum muni-
tiones essent perfectæ. Nocte nemo fuit, qui conquiesceret, sed
quum vento arborum frondes agitari audiebant, Turcas venire ra-
ti, arreptis armis tumultum faciebant. Mane cuncti Ragotium,

An. 1660

adeunt, atque dicunt, non dubitari, quin quinque, & viginti milia hominum Szedius in armis habeat; se vix ad octo millia esse totius byemis labore confecta. Cur trucidandos veluti pecora se egregie de ipso meritis obiiiceret? Vel quare fame consumi exercitum pateretur? Satis extremam famem se magna constantia alius toleravisse; nunc vero omni alia spe amissa, quid commeatu interclusos ab innumeris equitibus profectio ad salutem contendere vetaret? Hæc verba ut non minimam difficultatem ad consilium capiendum Ragotio attulerant, res ad concilium delata est. Ad concilium Præfectos omnes, ad hoc gregarios illos, qui multitudinis favore aliqua auctoritate essent, Ragotius adhibet. Sententiæ igitur a plerisque dicebantur, ut de secunda vigilia reliquis impedimentis ad salutem contenderent, quum paucos labore confectos, ac adversis rebus percussos cum tot Turcis integris, ac opinione recentis victoria ferocioribus nec æquo Marte manus conferere posse constaret, atque nec intra castra subsidii spes continere se valeret. Turcas equitatu obsessis itineribus rei frumentaria sibi facultatem ademisse: quid expectarent, dum consumpto frumento, quod secum duxissent, fame pereant? Concludebant, neminem consilium hoc improbatum, nisi adeo demens sit, ut adhuc persugis præstare fidem vellet. At Michael Michesius, quietiam in calamitate Georgio fidelis erat, contra id, quod naturæ vitio sit, percontatus est, quid tandem ubi timoris plena sententiæ accepta esset? Utrum adhibita diligentia profectio nem occutare possent? an nibilo minus eam sint Turcæ perspecturi? Sive enim fugam texerint, quem dubitare, quin tandem sint consecuturi? & Transylvaniam sine periculo devicturi, quum neque tunc eis obsistendi facultas sit? Si autem consilium Turcæ sint intellecturi, & cui certum non esse, eos immisso equitatu se in fuga occupatos interfecituros? Cogitarent quo progredierentur: sibi melius esse videri fortunam acie cum aliqua spe tentare, quam certo etiam timoris data suspicione interfici. Res licet ad meridiem disputatione perducta fuit, tamen nullius sententiæ accepta, vel improbata Georgius concilium dimittit. Qui quum complures transisse dies vidisset, nec in alia re Turcas esse occupatos, quam in obsidendis viis animadverteret, id ab Szedio fieri coniecit, ut rem diutius duceret, donec ampliora subsidia convenirent: modo conscriptos milites prælio obiiicere eum periculosum putare iudicat. Ragotius igitur haud dubium habens, Szedium satis, superque cunctando, timoris confessionem expressisse, prælium committere statuit. Ad hoc consilium cum supra enarratis caulis hæc quoque ratio eum deduxit, quod, ne Transylvanorum voluntates ab se alienaret, timebat, quum fa-

ma

ma ad eos perveniret, se ab timidissimis obsideri. Plurimum enim, nocere hoc illis sciebat, qui magna ex parte vulgi studio enisi, bellum trahunt; quoniam hac opinione, ut per se nihil plebe mobilius est, mutare facile consilium posset. Militum concionem advocantem ad hunc modum disseruisse mihi traditum est. *Quandiu vos injustissima barbarorum imperia laturos eritis, satis intelligere non possum: nam quum ad finem ventum esse arbitrabar, nunc aliam de vobis opinionem habeam, oportet. Quæ major dementia vis vestras mentes turbare potest, quum eos timeatis, qui vos verentur, quosque contemnendo timidiore efficere potestis? Anima, audacia opus est. In manu eorum, qui ea præstant, esse constat, liberos, conjuges, parentesque ab imminutibus periculis eripere. At mortis metum impediendi loco esse credo, quominus ea præstetis. Hoc si verum esset, ut est falsum, quod virtus, ac animi magnitudo pro muro habentur, tamen optanda res eveniret: nam si mors, ut omnium optima a Deo tribuitur, utpote una, quæ innumeris finem facit ærumnis, & ad futura vitæ gaudia aditum aperit, quantum est optanda illa per virtutem, quæ egregii facinoris fama mortales immortales facit. Sed quid? cur vitam vobis reliqui fieri adempta libertate optatis? tantum ne servitutis vos tenet desiderium? tantum ne ignavia studetis, ut facultatem quoque belli facinora ad alias virtutes addendi vobis eripi cupiatis? Cur, quum vitam veluti pecora transfigere optaretis, me audacem, ac fortem Ducem sumptis armis secuti essis? Prob ignaviam! Satis ne formæ hominum habere putatis? at hæc ærumna deformabunt. An parum non est vobis, vocem solum exprimere posse? at maximus dolor prohibebit. Satis ne vobis est animam retinere? at hæc, quandiu immanissimis hostibus placebit, habebitis. Sequitur, sequitur vos mors, quum eam effugitis: nam libertate amissa omnia cruciatuum exempla Turcæ statuent. Non de gloria, non de Imperio, non de fortunis modo, sed de vestra salute, de libertate, de religione actum est, si vos viros esse pudebit. Et quid ignavius dici potest, ne ea quidem posse Transylvanos retinere, quæ a majoribus, tot, tantisque laboribus parva, tot, tantisque cruciatibus conservata accepimus? Quid turpius hæc re fingi, aut excogitari potest? Non dubium est, quin tot laborum, quos æquo animo sumpserunt majores, ut illa nobis relinquerent, nunc eos pœniteat. Quos si a mortuis excitare liceret, jam ita dicentes audirem. O frustra a nobis insudatos labores! O nostram miseram conditionem! O ignavissimos, & dignos nostris detestationibus filios! O indignos, ut filiorum nostrorum nomine appellemini! Tantum ne virum, an animi vobis non est, ut desiderium Turcarum cupidita-*

An. 1660

ti obviam ire non audeatis? Non ne cui animus est, eidem satis viriam est? Vel utrumque, vel neutrum vobis esse, confiteamini, oportet. Liceat per vos, vos eis oppida tradere, gravius tributum pendere, si mitiores, non asperiores in vos fieri, si iniquiora alia ex aliis eos non postulare cognoveritis. Alias qua conditio erit? His similia, & fortasse majora dicerent, qua me nunc ante oculos povere, & pudet, & piget, ne contumeliis vos ad virtutem accendere videar. Non hoc meum est consilium; sed potius precibus vestros animos arrigere cupio, ne committatis, ut macula, & ignominia in vobis remaneat, neu Turcarum numero terreamini: namlando pluries vos audivisse credo, sapientius parva manu ingentes exercitus suos esse, & quod plus est, non semel Christianos Deosuisse cura opparuisse, quum pauci plures deleverunt. Et persuadere vobis potestis, Deum vos deserturum, quum ejus causam, quum religionem defenditis? Magna me etiam victoria spes tenet, quum considero; Turcis, qui coacti nomen dederunt, inutile esse pro nimis potentia pericula obire, & pro Praefectorum profunda avaritia, qui uni pradam omnem avertunt, vobisque necessarium esse, libertatem, religionem defendere. Non vos pro meo dominatu, sed potius ego pro vestra incolumitate sum dimicaturus, qui nullo alio consilio, ut imperium mihi deferretur petii, quam ut vos ab injuria prohibeam. Eam rem simulatque me consequi non posse judicavistis, non minus libenter Principatu abii, quam primum illum inii. Rursus, ubi meam operam ex usu Transylvanicae esse arbitrati estis, laborem summere non recusavi. Potius ergo mihi ad vestrum praescriptum, quam vobis ad meum agere oportuit. Quid mirum esset, quum ego omnibus rebus vestram salutem cariorem habeam, si vos proprium bonum post alia non duceretis? Utinam eandem operam pro vobismetipsis, atque ego, praestaretis. Utinam ut me Ducem in castris, ita in pugno sequeremini: explorata victoria esset: vobisque in libertate, mihi in Principatu aetatem agere sine metu liceret. Quod si extrema tentare, atque libertatem in dextris portare oblivisceremini, quid aliud esset, quam patriam prodero, & quantum in vobis esset, liberos, conjuges hostibus ad supplicium tradere. Hoc de vobis nunquam mihi persuasum habere potui, & nunquam tantum scelus vos admisso confido, ut vestram libertatem deserentes, a me studio publica quietis superari videamini: sed potius vos viros fore spero, ut saltem funestam victoriam hostibus relinquatis. Postquam finem orationi Ragotius fecit, qui audiendi studio taciti aderant, quasi nihil ea permoverentur, illi magno sublato clamore Ragotium orant, ne suam fidem juxta, ac virtutem experiri dubitet: se magno cum do-

dolore timoris suspicionem sustinere: proinde diem pugnae repraesentaret, quo citius ignominia virtute aboleretur. Exitus pugnae docuit, multum animis militum oratione Imperatoris addi: quoniam ex timidis alacres Transylvanos Ragotii verba fecisse comperit. Nam statim, raptis signis, castris egredientes, & Ragotio triplicem aciem instruendi, & Szedio pugnae facultatem praeberunt. Szedius etsi praelio superfedere statuerat, ut majorem metus opinionem praebendo Transylvanum temerariorem, efficeret, tamen, ubi eum sic paratum vidit, ut in castra impetum facere auderet, pugnam non detraxit. Ex castris exercitum educens, paucis pro tempore militem ad virtutem hortatur. *En fortissimi viri, inquit, quam petistis praelii facultatem. Nolite nunc quaso fallere, quam vestri usus est, quam de vestra virtute habeo opinionem. Magnum animum vos gerentes non sustinebunt Transylvani, qui alias inertes ne conspectum quidem vestrum ferre valuerunt. Idem sunt Transylvani, idem Dux, quos paucis ante mensibus acie dimicare audentes per virtutem sudistis. Praeterea Ragotii exitus jam adest, id vestra ne virtute, an Halii exercitus alacritate accidat, modo agitur. Pudeat vos, quam gloriam, praedamque vobis parere potestis, eam Halio reservare. Omnia matura sunt, praeda, gloria belli, si viri esse velitis: at dubia, si, ut Turcas docet, virtutem non praestaveritis. Plura dicere cupientem Ragotius prohibet. Hic primus ex dextro cornu, quod ipse tenebat, procurrit, atque in sinistrum Turcarum, ubi Szedius constiterat, impetum cum mille, & quingentis faciens, viam ferro suis aperire, in repugnantes se eiicere hostes, impetus unus excipere, suo exemplo alios ad virtutem accendere. Eodem tempore ex sinistro cornu Michael Michesius, ac ex media acie Georgius Cevalius, alter in mediam aciem, alter in dextrum Turcarum cornu tanta vi se effundunt, ut aliud tempus ad conandum defuturum existimantes, ultima auderent. Nulla interposita dubitatione dicere audeo, nihil his ad virtutem defuisse, quod sicut quam minimum spatii primum ad se colligendos Turcis non dederunt, ita intervalum ad integros pro faucibus accersendos, ac subsidia laborantibus submittenda eis non reliquerunt. Cevalii audaciae fortuna non defuit: nam quum Amuratem Szedii nepotem, optima spei adolescentem, mediae aciei praepositum interfecisset, magnam partem amisso Duce pedes referentem obtruncat. Postea ubi hostem, quem sibi fors obtulerat, fufum vidit, in mediam pugnae molem progredi statuit. Videns ergo plurimum esse periculi, ubi Michesius pugnat, quod tres Praetorianorum cohortes, quae compluribus*

in-

An. 1660 inveteraverant præliis, alios rerum militarium imperitos confirmabant, eo ab latere se ostendit. Hoc ubi viderunt, tyrones sese fugæ mandant, veterani vero dum fugiendo ante partum militiæ decus amittere turpe sibi ducunt, ac ordines servant, magno cum periculo ferocium Transylvanorum impetum sustinent. Hoc quum pugnaretur modo, jam Turcarum res inclinari cœperat. Nec dubium erat, quin victoria tandem penes Transylvanos fuisset, nisi Ragotius, postquam sinistrum Turcarum cornu pene disjecerat, ante omnes pergens, vulneratus equo decidisset. Nam ubi Ducis mortis sensus ad Transylvanos per Turcarum clamorem pervenit, sese deferunt. Turcarum & qui fugerant, & qui initium fugæ faciebant prælium redintegrant, & Ducis casum miserantes Transylvanos magis, quam pugnautes interimunt. Turcarum circiter quatuor millia ceciderunt, in his Amurates, & præter eum alii propter fortitudinem paulo notiores Præfecti; vulnerantur tamen amplius mille. Cæterum tantum dolorem gloriæ belli, prædaque castrorum leniunt. Ex Transylvanis minus duo millia superfuerunt, quæ Ragotium, inter manus Varadinum allatum secuta sunt, ut una cum eo, quemcumque casum fortuna asferret, sustinerent: præstare enim ipsis videbatur, reliquorum fatum parvo temporis spatio per virtutem antecedere, quam paulo post eandem fortunam, Transylvania devicta, cum aliis inultos ferre. Varadino tamen omnes domum discedunt, ubi Ragotium nonum, & trigessimum ætatis annum, agentem spiritus deficit; quoniam in reliquum tempus in ejus egregia virtute spem salutis ponere non licere cognoscebant. Fuit sane vir, qui ad generis nobilitatem, atque audaciam usum in remilitari addens, omnia pericula consueta habebat. Nunquam Transylvanos ad studium sui perducendi dimisit occasionem, etsi hoc sibi juxta, ac aliis exitio fore intelligebat. Citius ejus exitus adfuisset, nisi ei plurimum audaciæ & ad pericula capeßenda, & inter ipsa fuisset. Tempore capto Redajum primo, deinde Berciajum, & Turcas apud plebem criminatus, atque se libertatis vindicem asserens, omnium voluntates sibi conciliabat. Verbis audaciæ plenis, ac ferocia Transylvanorum existimationem tenebat: nam, ubi usus aderat, primus in pugna versabatur, novissimus præliandi finem faciebat. Alia pariter arte tantam ab Transylvanis inibat gratiam, ut difficile judicares, utrum eis tam carus esset, quam Turcis invisus. Nam ut ei ad imperandum, & parendum, prout Civitatis quieti conducere, ingenium esse illi credebant, ita hi summo consilio cum ab vi ad preces se vertere arbitrabantur, quum aliam rationem suas manus effugiendi ipsi reliquam non esse cognosceret.

Hoc

Hoc consilium utpote a prudentia natum, nonnulli laudibus celebrant ; mihi autem potius reprehendendum videtur, quum vastum animum incredibilia cupientem eum ad audaciam incitavisse, & ingenii mobilitatem eundem ad quietem, Principatu abeundo, impulsisse constet. Quis enim prudens vir Principatum, tanquam citius depositurus, toties summo cum capitis periculo ocepisset ? Aut quis Cibinium operibus, & firmo præsidio munitum oppidum durissimo hyemis tempore oppugnare instituisset, nisi qui suam vanitatem non minus, quam belli imperitiam demonstrare voluisset ? Quis a Berciajo tanto temporis spatio se frustrari passus esset, nisi qui minimam calliditatem, aut incredibilem suarum rerum fiduciam ostendere exoptavisset ? Igitur ut paucis absolvam. Ragotio & virtus, & audacia inerat, sed non tanta, ut merito in eam spem venire posset, sibi uni parva manu Turcarum impetus non modo sustinendi, sed etiam infringendi facultatem esse. Id unum non negaverim, quod fiætas, ut sit, nimium fervorem, ac tantarum rerum incredibilem cupiditatem abstulisset, & consilium, cautionemque attulisset, nulli gloria, bellicque decore cessisset. Læti Turcæ Ragotii mortem accepere, quod nunc unius diei negotium esse Transylvaniam suo Imperio adjungere existimabant : Szedius maxime ex omnibus ad lætitiā excitatur, quum gloria semel, atque iterum Ragotii summi Ducis superati ad se pervenisset. Unus Halius, qui cum exercitu in itinere erat, dolore afficitur, quia victoriam, quam sua virtute parere optabat, e manibus sibi ereptam videbat. Tanta igitur indignatione exarsit, ut in missos ad Chiuperlium ab Szedio cum captivis, qui præterea nonnullorum capita, atque militaria signa referebant, incidens, contineri non potuisset, quin publicum simulans bonum in Szedium non inveheretur, quod non contentus eo, quod rem in summum periculum deduxisset, prælium mediocribus copiis committendo, ubi ampliores adventare non ignorabat, nunc etiam suam temeritatem ostentare non dubitaret. Eadem litterarum sententia fuit, quas ad Mehementem misit, eum orans, ut in Szedium animadvertens, reliquis summam imperii obtinentibus fortunam sine spe non periclitandi documentum daret. Ad hoc addit, se incerta ejus voluntate stativa habere decrevisse. Fore tamen paratum in Transylvaniam etiam bello confecto contendere, si vellet. Ad Chiuperlium ubi capita, & signa perlata sunt, ea ostentat, atque omnes ad lætitiā excitari jubet: hoc pluribus de causis fecisse constat, quarum illæ fuerunt præcipuæ, ut, magna gloria bello confecto, nunquam Turcam sui consilii, vel fortunæ poenituisse appareret, ut illis, qui ad res novas

AD. 1660

mobilitate ingenii, aut odio adversus se implebantur, terrorem inferret. Amplius non ingratum ei fuit, quod hæc laus ad Halium non pervenisset. Hic ne favore Reginæ ad Magistratum evocaretur, timebat. Hæc de causa ad Halium rescribit, *ne in Transylvaniam castra movere differret, ut Varadinum, si posset, expugnet.* De Szedio vero non facit mentionem: quod non parum Halio displicuit. Dolorem vero ferre non potuit, ubi Szedium ab Chiuperlio munificentissime donatum audivit, quum professionem in Transylvaniam differret. Per eodẽm dies Augustinus Majembergius, quem legatum ad Turcarum Regem ab Cesare missum, docuimus, in Transylvaniæ fines perveniens, de Georgii morte cognoscit. Propterea negotii conficiendi causa ad Ragotium filium contendens, eum docet, *se ab Cesare ad Patrem missum fuisse, ut renunciaret, eum, vellet vellet ipse, consecuturum esse, quod sibi ab eodem promissum esset: hac de causa exercitum, quem Zatmariam duceret; Comiti Ludovico Suchio Gallo tradidisse. Magnam usum habere, voluntatem Cesaris, æquissimis conditionibus redimere, cujus opibus in communi generis calamitate regi posset. Alia addidit, quare temporis cedendum esset: quæ ut pluries recensuimus, nunc libenti animo præterimus.* Ragotius de matris consilio postridie, Majembergium ad se vocans, interposito jurejurando iis conditionibus, quas supra demonstravimus, patris fidem exolvere paratum esse respondet. Majembergius hac facultate oblata, quum rem in celeritate positam esse videret, quod incertum esset, quid quisque dies ferret, dum victores Turcæ in Transylvania versarentur, litteras ad Szedium mittit, (cum eo enim amicitiam instituerat, dum ad Muhemetem Prusam contendit) *suas ab populationibus contineret: satis jam Cesaris constantiam ipsam tentavisse, quum Zatmariensem, ac Biboriensem pagos, qui ab Pannonia Regis imperio sint, vastari passus esset: ne nunc occasionem & veteres, & novas alcescendi injurias daret.* Szedius sive amici litteris permotus, sive quod depopulatum prius agrum frustra iterum sine præda adiuturum intelligeret, sive majoribus rebus astrictus, animum ab injuria continuit. Comiti Francisco Veselino, ac Suchio Majembergius scribit, *paratum esse Ragotium Germanorum presidium oppidis recipere: nec cunctarentur, sed exercitum ducerent, antequam commutatio fieret voluntatis. Magni interesse auxilii spe Transylvanos Ragotii morte perculsos, & sibi durius consulere cogitantes confirmare, & Berciajo oppidorum Prasectos ab Cesaris amicitia avertere, studentem timorem inferre.* Hæc litteræ Suchio redditæ eo tempore, quo concilio coactio ratio quærebatur, quemadmodum sine malicio

cio in Pannonia Germani versari possent, magna sollicitudine eum efficiunt. Posthabitis omnibus exemplo eo contendisset, si exercitus jam pervenisset. Deiectus ergo spe cœlestis eundi, ne desesset tempus terneret, Pannonios hortatur, *maturius Turcarum cupiditati obviam eant: nequicquam, Transylvania devicta, eos ab suis finibus arcere, esse ipsos tentaturos. Alium cum exercitu in itinere esse etiam Ragotio mortuo: suspicari juvare, eos Civitatem suo Imperio adjungendi gratia bellum intulisse. Petit, ne ipsorum studium Cæsari desit, sed exercitum frumento, rebusque omnibus juvent.* Pollicentur, atque agunt ei gratias Pannonii, quod sui periculi rationem habeat. Quindecim dierum mora interposita Suchio exercitum contrahendi facultas fuit: nec inveniri potuit, cur id accidisset; quum quidam dicerent, commune Germanorum malum esse dies prolatare, alii vero renunciarent, eos, qui Suchii gloriæ invidebant, pro viribus tantam rem impedisse. Constabat enim, eos prius in concilio censuisse, ut exiguae copiae Suchio sine tormentis traderentur, ne Ragotii, Suchiique audacia res in dubium devocaretur. At Suchius paucos milites armis exutos Transylvanos non esse confirmaturos, neque Turcis terrorem illaturos demonstrans, ab Cæsare obtinuit, ut hominum millia duodecim sibi permitterentur, bellica tormenta ex Pannoniæ oppidis, ubi res postulare videretur, ad exercitum duceret. Sed postea Cæsar cognoscens, nullo consilio belli tempore finitima hosti oppida armis exui, sex minora tormenta secum ducendi Suchio potestatem facit. His omnibus expeditis Suchius Zatmariam iter facere incipit. Dum tridui iter a Tibisco abesset, nunciatur ei, Zatmariae Præfectum promissis, atque præmiis ab Acatio captum ejus fidem secutum esse. Hac de causa magno dolore afficitur is, qui non sua, sed aliorum culpa se rei occurrere non potuisse videbat. Igitur aliis præmetuens oppidis, cum equitatu neque diem, neque noctem, iter intermittit, ut quam primum Tibiscum transiret, peditesque justis itineribus subsequi jubet. Celerius omnium opinione Tochæum perveniens, ibi firmissimum præsidium relinquit, atque Calloum contendit. Mœnibus subito receptus, prope vim in arcem præsidium introducere necesse habuit. Nam et si arcis Præfectum, qui Germanos arce recipere posse negabat, Suchius deterruit, tamen ille petere non dubitavit, ut partem Germanorum, partem Pannoniorum arci custodiæ esse sineret, quoad Ragotii mandata ad se perferrentur. Hoc etiam ab se adipisci posse Suchius negavit, *se statim per vim milites in arcem introduciturum.* Tunc Præfectus rem diutius ducendi spe amisit.

An. 1660

sa necessario ei paret. Fama Suchii adventus confestim in Transylvaniam perlata gaudium ingens facit, maxime quod amplius hominum millia triginta in itinere esse, antecursores ad tria millia numero Tochaëum pervenisse omnium sermonibus referretur. Quibus rumoribus permotus Szedius, ne invitus vel magno cum periculo pugnare, vel maxima cum infamia castris se continere, vel in fuga subsidium ponere cogeretur, Transylvania excedit, ut obviam Halio procederet. Hoc statim Berciajus Suchio enunciat, ac suum excellens in Cæsarem studium proficitur; *atque eo consilio Zatmariam recepisse commemorat, ne Turcæ oppidum occupavissent: paratum se esse illud reddere, simulatque Cæsar ex usu esse judicavisset. Sibi tamen pulcherrimum esse videri, si reliquis oppidis suum præsidium recipi patiatur, ne ea expugnare Turcæ cupientes, rem ad arma deducerent.* Ex his litteris Suchius cognoscens, Acatium egre-
giam in Cæsarem simulare voluntatem, quod rumore ingentis exercitus permotus se ab injuria continere vellet, alieno vero in eum animo esse demonstraturum, simul primum Halium pervenisse intellexisset, totus in Zatmarie Præfecti mentem sanandam insistit. Nactus ergo de Comitibus Zaichii consilio hominem sibi oppor-
tunum, qui Præfecto erat amicus, ei ducentos Germanos attribuit, quos, ubi Præfectum ad sanitatem reduxisset, in oppidum introduceret. Hic iussa efficiens, ubi oppido appropinquavit, relictis militibus ad Præfectum suum familiarem mittit, qui diceret, *habere se, quid de summis rebus cum eo gereret: proinde vel ad ipsum se accedere pateretur, vel in locum ipsi placitum colloqui causa veniret.* Potestate oppidum ingrediendi facta, ad ipsum pervenit: salute data, atque reddita, pauca præsentibus militibus loquitur, ne suspicionem daret; secreto eum deinde monet, *ne hanc maculam in se remanere patiatur, ut tantum admisisse facinus, ab Cæsare deficiendo, (Pannonius enimerat) dici posset. Mortales omnes errare: sed probata virtutis hominis esse ad sanitatem reverti, per-
diti vero suam augere amentiam. Tantum ergo ignominia deleret, ut sua in Cæsarem optima voluntatis premium percipere posset.* Præfectus sive amicitia, sive pollicitationibus, sive, quod verisimilius puto, ignominie delendæ studio permotus, militibus omnibus persuadet, ut sicuti pravo suo consilio, omnia Berciajo permittendo, usi essent, ita optimum, Cæsaris fidem sequendo, consilium probarent. Quumque eos id respuere sentiret, quia negligere sacramentum, quod apud Berciajum dixissent, turpe ducerent, *Cur prioris sacramenti, inquit, quod apud Georgium dixistis mentionem non facitis? Sublatum non est illud novo sacramento, quo non*

tc-

tenemini . An vos in verba non iurastis , in officio futuros , & Ragotii imperata facturos ? Quis igitur salva religione Georgii , vel filii iniussu sacramento vos adigere Berciajus potuit ? His permoti milites se in Cæsaris auctoritate futuros dicunt , quum Ragotii mandata ad se perferrentur . Hæc se attulisse legatus dicens , omnium consensu introductis militibus Cæsar Zatmariam obtinuit . Hic nuncius ad Suchium allatus eum bona spe complet , quod omnia sua incepta procedere videbat . Jam enim exercitus partem , quam iustis itineribus subsequi se iusserat , ad Tibiscum pervenisse acceperat . Locum igitur castris idoneum capere exoptans , ut aquandi , lignandi , frumentandi tuto omnibus potestas esset , diu secum reputat , utrum , trans , vel citra flumen castra locare commodissimum esset : tandem sive ne Germanis Pannonios injuriis laceffendi potestas esset , sive ut facilius nuper recepta oppida tegeret , Turcisque terrorem incuteret , sive quod trans Tibiscum planities erat paulo locis superioribus circumventa , ubi milites collocatos tuta castra reddituros arbitrabatur , ultra Tibiscum castra locare statuit . Ubi ea magnis impedimentis , quæ secum ex Sarmatia duxerant milites , circumdedit , vallo etiam communire instituit . Quoniam , quam citissime poterat , opus perfici cupiebat , ut tempus aliis rebus ante Turcarum adventum conficiendis relinqueretur , partitis temporibus equites , peditesque in opere appellabat . Ad hæc munitionum genera rursus fossam addit , quam in justam altitudinem , latitudinemque perducere jubet . Castrorum munitionibus plene perfectis , maxime aliis oppidis , quæ præfidiis Ragotius obtinebat , veritus Suchius , ad Ragotium scribit , oratque , *ut ea oppida quoque eisdem conditionibus , atque alia , tradat .* Ab quo obtinuit , ut Præfectos sacramento obstringeret . Escheti ergo Præfectus Ragotii iussu se Cæsaris imperata facturum pollicetur , Germanostamen , etiam magna præmiorum spe proposita , recipere abnuat . At Onodii Præfectus sacramentum quoque dicere recusat . Suchius nihil effectum esse conjectans , etiam si Præfecti omnes sacramento se obstringerent , *se in Cæsaris auctoritate futuros* , quod Turcæ id simulate sui excludendi causa factum existimarent , in introducendos in oppida milites incumbit . Huic rei tantopere studendum statuit , quantopere ex Cæsaris litteris ejus desiderium cognoscebat . Magnum decus consilio trans Tibiscum castra locandi , magnam gloriam diligentia itineris celerius omnium opinione facti sibi peperisse Cæsar scripserat , magnam quoque laudem , ubi ne hoc quidem irritum esset inceptum , ad se perventuram confidebat . Quum laudis cupido eum ad

ala-

An. 1660 alacritatem excitaret, Veselino, quem sibi, Cæsarique fidum, Ragotii matri carum arbitrabatur, negotium dat, ut eam adiens, hortaretur, *Cæsari satisfaciât*. Ipse, quum fama divulgaret, Halium dixisse, se eo consilio venisse, ut oppidis nuper occupatis Germanos deiceret, Calloumque primo oppugnaret, Calloum, aliaque oppida quam maximis potest munitionibus firmat, etsi certis authoribus compererat, Halium Varadinum expugnare cupere, & Turcis id moris esse non ignorabat, ut semper contra, atque in pectore clausum habeant, dicant. Ad Varadini Præfektum litteras mittit, *Turcas non alio respicere, quam ad Varadinum expugnandum: propterea omnia, quæ ad oppidi defensionem usui essent, parent, & oblato ab se præsidio utantur. In extremis rebus, quibus rebus possent, sibi consulere optimum esse*. Acceptas litteras Matthias Bolochius, cui imperium Franciscus Julajus, qui oppido præerat, discedens tradiderat, concilio convocato palam recitat. Major pars ab Suchio hæc ficta censet, ut, ubi vim non procedere cognovisset, fraude Varadino potiretur. Halium potius Germanos, quam se suis sedibus expellere velle. Contra alii omnino oblata auxilia munibus recipienda existimant. Hi enim Halium supra caput cum exercitu esse, & eo pertinere ejus adventum, Ragotio mortuo, cognoscebant, ut opportunitate ad Transylvaniam sub suum Imperium cogendam uteretur. His resistitur, atque oratio pessimi sacerdotis Calvini erroribus imbuti opponitur, qui libertatis conservandæ specie Germanos eo consilio auxilii gratia ad se mitti volebat, ne Cæsar oppido potitus omnes Catholicos esse cogeret. Huic omnes morem gesserunt. Opravum, & omnibus precibus detestabile consilium, quum illud unum non magis Transylvanorum libertati, quam Christianæ rei vulnus inflixisset! Hujus rei nuncius Suchii molestiam auget, quam Veselini mobilitas ei attulerat. Hic enim ut antea temere Ragotium ab oppidis Germanos prohibere dicebat, ita nunc, quum Ragotii matrem, convenisset, merito id ab eo fieri prædicabat. Illa ne Veselinum, an Veselinus eam ad furorem impulisset in incerto erat. Solum, haud dubium habebatur, tam Veselinum, cæterosque optimates, quam Pannonios omnes indignatione exardere, quod Cæsar injussu suo regnaret, quum antea Pannoniorum suffragiis Regis creationem permittendi mos esset. His omnibus difficultatibus affectus Suchius, rem esse in summo discrimine Cæsarem docet: exiguum, se spem habere, Varadinum tolerare obsidionem posse, quam subsidium oppidani recipere abnuissent. Turpe ipsi, ac periculosum esse Pannoniæ arcem ab Turcis expugnari sinere, quum ignominiosam, qua

qua plurimum insidiarum habet , pacem honesto , ac necessario bello præferre dementiae esset . Addit præterea , se Eſebeti , Onodiique obtinendi spe Veselini gratia dejectum esse . Eodem die Halium , Varadinum oppugnare instituisse cognoscens , Lambachium equitum Præfectum ad eum mittit , qui doceret , sibi ab Cæsare mandatum esse , ut omnino pacem servaret . Castra trans Tibiscum posuisse , ut Seythas rapinis prohiberet ; quoniam , quum superioris anni casu admonitus esset , quo Scythæ dulcedine prædandi remotissimas sociorum regiones petivissent , summa dementia esset , ne hoc quidem anno huic rei prævertere . Ad hæc nihil respondere Halio visum est , sive quod ita in oppugnationem insistebat , ut alia curare negotia nequiret , sive quod opportunius visum est rem extrahere , & interim oppugnationis exitum expectare . Berciajo tamen , qui ad se cum hominum millibus sex venerat , custodes ponit , quod merito eum suspectum se habere dixit , quum propter mobilitatem Transylvanis innatam , tum quod se nunquam Varadinum expugnari passurum esse dixisset . At multis authoribus rumor exiit , Acatium ab Halio petiisse , ut se in liberis haberet custodiis , ne Transylvanis suspicionem daret , se cum Turcis Civitatis addicendæ servituti consilia iniisse , omnium animos ab se alienaret . Horum opinionem adjuvabat quoque ea res , quod Acatius suas copias Turcis adjunxisset , & quod expugnato Varadino confectum libertatem habuisset . Acatium postea se expurgantem , nonnulli audiverunt , tantam sibi ab inimicis immerito illatam esse contumeliam : se Halio opem tulisse , quod ejus affirmatione in spem Germanos expellendi venisset . Præterea nec Turcis amicum ad Transylvanos litteras postea missurum fuisse , rem in summo discrimine esse : ne oppida munire , & sibi consulere differrent . Nobis quia nihil constat , id in medio relinquimus . Non dubium tamen est , Transylvanos ejus litteris excitos , concilio coacto , præsidium , Præfectosque in oppida mittere statuisse , edictumque proponi jussisse , uti omnes , quibus ætas ad militandum gravior non esset , sese expeditent : nam antea eos tantus invalerat terror , ut potius suum fatum quererentur , quam de rebus , quæ ad bellum usui forent , comparandis cogitarent . Nunc etiam mittunt ad Cæsarem legatum Martinum Balducem , qui libere diceret , neque pro bono , neque recte Cæsarem facturum , si Varadinum expugnari pateretur , quum id non magis cum Transylvania , quam Pannonia periculo esset futurum . Ad quæ Cæsar , ut se Transylvanorum commodum primum habere , ita cogitaturum , respondet , quid ex eorum usu esset . Aliaque addens , quæ ad suos perlata eos bona spe complement ,

An. 1660 legatum domum dimittit. Ipse Portiæ hortatu Vienna discedens, ut provincias visceret, nonnullis ex Pannoniorum optimatibus præscribit, ad quam diem sibi Cratii præsto essent. Qui ubi eo addi diem venerunt, Cæsaris verbis eis nunciatum est, ipsos ab eo vocatos esse, ut imminentibus malis remedium reperiant. Ad quæ illi, se postmodum re deliberata suum consilium Cæsari proposuros. Mane ut omnes in Cæsaris conspectu fuerunt, in hunc modum Comitem Nadastium locutum esse accepi. *Non sum, Cæsar, vestra in nos beneficia nunc expositorus, quæ utpote innumera, & per se magna si memorare vellem, potius dies, quam materia me deficeret. Tantum dicturus sum, hæc frustra fuisse, si ad sexcenta hoc non addas, ut nos ab Turcarum injuria prohibeas. Omnis nostra spes in te sita est: tuum auxilium omnes pavidi imploramus. Quod si id in te non esse cognoscant Pannonii, certe durius sua vita consulent, qui subsidii spe amissa durissimum sibi sperant eventum. Omnium ora in nos conversa sunt, quoniam discedentibus mandarunt, ut a te omnibus precibus postularem, ne ipsos deferat. Propterea si nunc magis te, quam ipsos, de sua salute sollicitum esse scirent, quom consilii ineundi gratia nos advocasti, ab Deo nestoreos annos tanto Regi optime de se merito peterent, omnibusque laudibus prudentiam prosequerentur. Certo constat, eos non tantopere suis periculis cruciari, quantopere exillare dolorem capiunt, quod bellum pro ipsis te suscipere oportere cognoscant. Jam omnia te magis, quam bellum malle intelligunt, ut pace nuper data bene de te merito populo tot bellis confecto frui liceat. Tamen tantam tuam animi magnitudinem, ac erga se voluntatem esse persuasum sibi habent, ut tuum animum non offendere existiment, quom, ne arario, neu tuorum opibus parcas, petunt. Quoties hac ductam rem esse considero, ut vel bellum suscipiendum, vel injuriæ perferenda sint, maximam spem habeo id a te impetrandi. Nam quomodo frui otio Germanis licebit, ubi Transylvania, Pannoniaque in maximo discrimine est? Fortasse credere juvabit, Turcarum, his devictis gentibus, incredibilem dominandi libidinem extinguere posse, quam potius rebus profpere gestis, ac dignitate amplificata eam ita accendi jure conjectem, ut totius orbis terrarum etiam, non solum Germania Imperium aperte petant. Nunc ergo eorum cupiditati obviam eundum est, dum non adhuc sibi gloriam, & potentiam addiderunt. Nequicquam Varadino, aliisque oppidis expugnatis bellum sumetur: nam tunc clades quoque ad libertatis periculum accedet. An forsitan sperare juvat, Turcas Varadino recepto iræ temperaturos, ac domum repetituros? Si hoc consilii eis esse constaret, timoris dare opinionem*

igno-

ignominiosum illis non esset, quos ex crudelissimorum nutu suam salutem, atque exitium pendere non pueret. At quid dicam, ubi nemini occultum sit, eos finitimorum damno auctiores gloria, dominatque esse velle? An qui sedas iclum rumpere turpe non duxerunt, ruptum per scelus neminem esse violaturos speras? An mitiores reddi posse obsequio videntur? Fenum hac spe expugnari passus sumus, & Lugam, Cberesbeniumque eos recipere permisimus. Sed frustra; quum hoc ferociores alia ex aliis petendo fieri videamus. Facere ergo eis potestatem impune suscepta perficiendi, ac manitissimaque oppida suo Imperio adiungendi, quoad nullum nostrę vitę remedium reperiri possit stultitia est. At sibi fenum tradi petiit Cbiuiperlius, (nomen, quod nunquam sine indignatione exprimere possum) ut Rago- tio pœnas merenti quid gravius ab se accidisse dici posset, nunc, eo mortuo, quis est, qui iniurias inferendo eum lacescit? Dicam, si adhuc ignoretur: omnes ei inuisi sumus, quia in libertate permanemus: omnes finitimos opportunitate data hostes habet. Noster timor belli causa est: nostra negligentia ipsis ludibrio est: nulla libertatis nostra cura eos ad bellum invitat. Est nos desides Transylvaniam spectabimus excidium, perinde ac temere, & non potius sui boni causa majores nostri, & nostra memoria Ferdinandus Caesar, qui dignus te suo filio habitus est, fidem interposuisset illorum periculum pro suo defendendi? An non modo aliorum Pannonia Regum, sed Rodulphi, Maximiliani, Ferdinandi majorum tuorum factum est improbandum, qui pro eodem Varadino defendendo tot, tantosque labores susceperunt? An prudentissimorum opera frustra fuisse, conatus tot male cecidisse ferendum est? Non ne Deus, quem, fidem laudendo, contemnimus, ultor erit? Hac libentius dico, quia suspicari nemo potest, me hortari, ut tuo periculo alienam rem cures: nam etsi Germani ad militiam cogendi, eisdemque frumentum, arma, pecunia, atque alia, quæ ad bellum egenti, & vario usus esse solent, imperanda sunt, nobis tamen, præter hæc, alia erunt ferenda. Totæ enim belli tempestate in nos translata, & hostium, & Germanorum, qui sociis pro hostibus uti consuecant, excursions patiamur, oportet. Hac omnia, & majora, si res postulet, libenter aliquo temporis spatio perpeti decrevimus, ut in reliquum tempus domi otium esse lætemur. Nec, quin res procedat, dubito, quum quod Turcarum ignavia, atque mala disciplina, Germanorum vero bona disciplina, & virtus, hostium ducum imperitia, nostrorum maximus in remilitari usus me in banc spem adducit, tum quia, quum Transylvani, Valacbi, Moldavi, Haidones in societate periculi sunt, in societatem belli veniant, oportet. Hi omnes am-

M

plius

An. 1660

plus triginta hominum millia ex omnibus lecta nobis polliciti sunt : Quæ nos conferemus ad quinque , & viginti millia arbitramur . Quæ copia Suchii exercitus adjuncta nonne deleta timoris macula , & oppressurum hostium gloriam nullo negotio ferunt ? His præsentis consilio dictis , Cæsar Pannonios dimittit , ut illico de tanta re in celeritate posita deliberaretur . Diu nemo suam sententiam dicere ausus est , quum difficile esset in tanto periculo consilium inire , quod in utramque partem tutum esset , præcipue quum Nadastrii orationem omnium animos permovisse arbitrarentur . Sed tandem Portiam hujuscemodi orationem habuisse cognovi . *Memento in te studium , Cæsar , facit , ut quid sentiam paucis proponam , etsi nonnullis suspicandi occasionem præbeo , me vel timore , vel invidia adductum te a bello debortari . Sed utinam a Deo , quod ad tuam salutem , & gloriam pertinet , impetrem . Utinam omnia tibi accidant , quæ evenire exopto : baud dubie neque Rex , neque Imperator fuisset , vel futurus videretur , cui perpetua vitæ felicitate præferendus non esset . Hoc maximum , quod me tenet , tuæ gloriæ desiderium ad te monendum nunc cogit , ne tam facile , sed certa spe , paratisque necessariis rebus omnibus bellum sumas , etsi ea , quæ Nadastrius dixit , maxima ex parte vera esse cognosco ; quidquid de equis , reliquorumque Pannoniorum voluntatibus sit , quis unus Deus manifestas habet . Ego autem quum considero , ipsos semper queri , quod Rex suo suffragio non creetur , suspicari cogor , illos tantum simulare studium , ut suscepto bello facultatem prava perficiendi consilia nanciscantur . Hæc quum ita sint , agendi nunc tempus non videtur , quia ratione omnia possunt vitari pericula , (eo enim rerum statu hoc impossibile duco) sed solum quemadmodum ex tot impendentibus malis maximum effugiatur . Et sane videtur , bellum in majus periculum deducere rem posse , quum neque arma , neque milites , neque pecunia , neque res omnes ad illud contra potentissimum hostem trahendum necessaria suppetant , quam pax , quæ insidiarum aliquid habere videtur . Nonne etiam si Pannonia de vincenda Turcæ consilia iniissent , vel compositione , vel terrore adducti , vel alia de causa mutare consilium possunt ? An bello aperte suscepto tanta potentia non exagitur magis , quam lemitur ? Et quid aliud incitatis barbaris expectare possumus , quam exercituum cades , oppidorum jacturas , & alia multo majora mala ? Nam quibus opibus exercitum Turcis parem cogere possumus ? Nostris ne ? quæ omnium temporum bella attriverunt . An Transylvanorum , Pannoniorumque auxilii ? quorum mobilitatem multis jam rebus perspectam habemus . An Germania , ac reliquorum Christianorum Principum subsidii ?*

qui-

quibus, quum Austriaci generis potentia formidolosa omnibus sit, latitiae vestram periculum fore suspicari juvat. Mei consilii est igitur bellum ad extremum reservare: nam neque verum esse constas, Pannonia salutem in eo constare, si Varadinum retineatur; quum aliis itineribus in Pannoniam Turca contendere possint. Neque ii propter fidem ab majoribus datam te ad eis succurrendam subigere possunt, quum oblato praesidio uti vana suspicione noluerint: immo pulcherrimum esse existimo, ut pertinacia pœnas dando reliquis sint exemplo. Postquam finem dicendi Portia fecit, nemo tanto viro, quem maximam apud Cæsarem auctoritatem habere constabat, resistere audebat. Unus Aversperghius sibi aliam esse mentem dicit. Orationem, quam ipsum habuisse ferunt, perscribere satis causæ non esse puto, quum eadem ratio, atque Pannonios, ipsum ad eam sententiam deduxit. Quod autem ad Nadaßii orationem addidit, prætere non esse consilium existimo. Non ex eo, inquit, quod aliis itineribus Pannoniam ingredi Turca valet, maximum Pannoniorum salutis momentum Varadinum non est: nam hoc oppido expugnato Transylvaniam perdomere nihil negotii est, ubi Scytharum byberna confluxiones, atque aliorum, qui magno labore byemandi causa remotissimas Asia regiones petere nunc necesse habent, opportuno initio vere exercitum contrahere maximo cum Pannonia periculo possunt. Quod de Transylvani, ac Pannonii mobilitate dictum esset, se negare non posse; non ignorare tamen periculum non semel ingentis commutationis causam fuisse. Conclussit tandem, occasionem Hassii exercitus delendi prætermittendam omnino non esse. Quibus rebus omnibus adductus Cæsar, Transylvanorum injurias non negligere statuit. Ad Suchium igitur mandata perferri jubet, ut, si publica salutis commodo facere posset, receptis ad se Transylvanorum, atque Pannoniorum copiis, itemque quinque cohortibus, quas ab se subsidio missas in itinere esse constabat, Varadinum contendat: monet tamen, ne rem suscipiat, quum vel res in dubiam devocari, vel oppidanis liberari obsidione non posse cognosceret. Suchius, Cæsaris mandatis cognitis, negotii perficiendi rationem quærit, Pannonios advocat, peritos regionum adhibet, ut per eos itinera, quibus ad Varadinum contenderet, cognoscat. Sed quum tanta diligentia stationes dispositas habere, atque vias obsidere Turcas acciperet, ut ne singulari quidem homini aditus esset, itinere superfedere statuit. Hoc eo tempore periclitandum non existimabat, quum quod Cæsar fortunæ rem committere vetuerat, tum quia ægerime quinque hominum millia in castris esse sciebat: nam neque Transylvani arma cœperant, neque Pannonii supra mille contulerant. Hæc om-

An. 1660

nia Viennam per Suchii familiarem, qui celerius per dispositos equos venerat, nunciata ingentem faciunt terrorem. Nonnulli igitur praeva quorundam consilia, quod invidi res magnæ expectationis impedivissent, detestantur. Specie enim Suchii audaciæ non augendæ ampliora subsidia ei mittere ita distulerant, ut Varadini retinendi facultatem eripuissent. Halius postquam pervenit, perspecto oppidi situ omnes aditus præsepire, unicuique certas ad oppugnationem partes attribuire, nullum tempus de conatu remittere. Custodes autem quum propter paucitatem infirmi ad resistendum essent, suburbia incensa deferunt. Quæ ubi Halius occupavit, ut eruptiones comprimeret, ibi partem peditum collocat. Jam tormenta contra turres, quæ satis nota ratione munitæ bastiones appellantur, disposuerat. Jam opera contra oppidum processerant, quum perlata ad Halium fama est, Suchium solvendæ obsidionis causa venire. Tum contra exteriorem hostem opera instituere necessarium ducit. Quæ res fuit impedimento, quominus muros milites aggredierentur. Operibus perfectis Halius omnes hortatur, *ut magnam præstarent audaciam, si irritò incepto maxima cum infamia discedere nollent*. Sciebat enim magnæ dimicationis, ac summi periculi rem esse, oppidum expugnare, cujus murorum latitudo tanta erat, ut vix tormentis eis nocei posse speraret: nam duos muros aliquo intervallo distantes terra coagmentata ita complebat, ut unum efficeret opus, quod ad oppidorum defensionem summam habet opportunitatem: ab tormentis enim congesta terra, ab militum vero vilis lapis defendit. Turres recentiori forma certo quoque spatio institutæ, adeo ut unaquæque earum inter duas media staret, & illarum tormentis defenderetur, item fossa in plurium cubitorum altitudinem, latitudinemque perducta, quam aqua ex Chrysio flumine (ad cujus prope ripas oppidum positum est) derivata complet, Halium de expugnatione desperare coegissent, si nulla virium parte sibi par esse præsidium non cognovisset. Magnam igitur in spem venit suam gloriam militum laboribus faciendi, quoniam quo opportuniorem Regis consiliis urbem expugnet, eo majus ad se decus perventurum confidebat. Præterea hoc oppido recepto, faciliorem sibi in Pannoniam aditum fore constabat. Nam, quum oppidum positum sit, ubi montes medio fere ab utraque parte spatio intermittunt, atque planities patet, nullo negotio commeatu intercludendi exercitus, qui post terga illud relinquerent, oppidi præsidio facultas est. Multis aliis de causis negotium conficere Halius statuerat, quarum ea erat præcipua, quod maximo cum dedecore se abducturum inde exercitum intelligebat, quum

quum paucos se ab muris prohibuisse in vulgus efferretur. Dispositis igitur in turrium, præcipue ejus, quæ Arancia appellatur, perniciem tormentis, conatu non destitit, nisi ubi tantum muri eversum esse cognovit, ut aditus ad oppidum pateat. Jam ea ex parte in urbem irrumpere statuerant milites, quum fossam aqua completam ipsis impedimento esse cognoverunt. Rationem extra eam derivandi frustra quærentes perfuga, qui ratus præstare sibi perfidiæ præmia percipere, quam expugnato oppido constantiæ pœnas dare, quid factu opus sit, edocet. De hujus consilio Halius duas fossas diversis locis perducere jubens, huc rem duxit, ut cratibus urbis fossam contegendi facultas esset. Conati sunt obsessi opera disturbare, sed tanta diligentia milites administratos tutati sunt, ut compluribus amissis in oppidum rejicerentur. Hunc eventum Turcis animum auxisse nonnulli arbitrati sunt: nam antea propter defensorum constantiam, & virtutem ab spe quamprimum oppidi potiundi repulsi inter se contra Halium conjurabant, quod se ab oppugnatione reducere nollet. Nobis autem constat, milites Halio non parituros fuisse, nisi ex eodem perfuga cognovissent, obsessos vix paucos posse tolerare dies, quum quod omnium rerum inopia affligerentur, tum quod res ad defensorum paucitatem pervenisset. Turpe ergo rati, rem hæud difficilem non consequi, consistunt, & cuniculos ad eam partem muri, & turrim agentes, quam contra Halium esse diximus, tormentario ibi incluso pulveri ignem inferunt: tum illico emicans flamma, magno fragore convellit lapides, atque in altum cum militum corporibus rapit. Hoc facto velut explorata victoria ad colloquium Halius Bolochium evocat. Qui quum id facere abnuisset, legatum mittit, qui per colloquia oppidanorum tentaret animos, atque Bolochio persuaderet, *ut ad deditionis condiciones recurreret, in quibus salutis spes constaret, quum vim urbe capta pertinaciæ pœnas daturus esses*. At quum Matthias Bolochius respondisset, *se vel per virtutem mori, vel fidem erga suum Ducem conservare statuisse*, Halius ad iram excitatus confestim legatum militibus tradere jubet, qua arrogantia Varadini Præfectus usus esset, ut eos tantam ulcisci injuriam cogat. Halium opinio non sefellit, quum magna miles exarsisset indignatione, quasi in contemptu viveret, quod pauci labefactis muris impetum sustinere auderent. Ne opportunitatem dimittat Halius, *ut in posterum parati essent* omnes hortatur. Nocte scalarum magnum numerum parari jubet, ut, quum aliis partibus intenti ad pugnam essent custodes, de improvviso illi, quibus id negotii datum esset, murum ascenderent, & ab tergo pugnantes concederent.

AN. 1660

rent. Mane orto jam sole unumquemque Ducem cum suis suo loco aggredi muros jubet: magni enim interesse arbitrabatur paucos distingere custodes. Hæc tamen res eum falsum habuit. Nam, quum ab ea parte, ubi ipse suis aderat, in turrim irrupissent, locumque, ne depellerentur, munire instituisent, tamen tantum vi, ac ira milites manu cum oppidanis facta in eos sese ejecerunt, ut diutius non sustinerent impetum, sed præcipientes se fugam mandarent. Eandem fortunam alii, qui aliis partibus pugnabant, tulerunt. Unum vero, quod memoria dignum videtur, omittere, non esse consilium existimo. Quum illi, quibus scalis murum ascendendi negotium datum erat, eas ad murum admovissent, nonnullorum voces, qui casu eo venerant, audiuntur. *Ad arma. Hic novus instat hostis.* Ad clamorem parvuli, mulieresque, quæ unæ ab hoste vacuæ erant venire, lapides, aquam, & quæcunque præbebat locus, mittere, minime lamentabilem ululatum, sed clamorem alacritatis indicem tollere, hostesque terrere. Atque tanta harum alacritas fuit, ut in armis exercitissimis infirmissimum superandi genus facultas non fuerit. Hujus rei infamia, atque magna suorum jactura (nam amplius hominum millia bina eo die desiderata fama valuit) tanto dolore afficiuntur Turcæ, ut de perfuga, quasi ab obsessis edoctus ficta pertulisset, supplicium sumerent. Hic operæ pretium est discere, raro impunitum ab Deo relinqui tantum scelus. Jam unusquisque de relinquenda obsidione cogitabat, sed quoniam alius alii conspectum fugiebat, ne ignavia sibi obiceretur, consilia conatus perficiendi statim inire nequiverunt: inivissent autem, quum tempus intercessisset, quo pudor ille mentibus decessisset. Nam obsessi quum spem subsidii amisissent, atque ad ultimum supplicium progredi stultitiæ visum esset, legatos de deditioe ad Halium mittunt. Halius ut exiguum obtinendæ rei spem habebat, eas, quas petierunt conditiones, dare non abnuit. Ex conditionibus potestas cunctis discedendi facta. Sic munitissimi oppidi exiguis copiis recepti septem, & quadraginta dierum spatio gloriam tulit. Oppidani ex hominum animis sua alacritate, atque constantia (omnia eos expertos esse constabat) delere vanæ suspicionis ignominiam non potuerunt; quum, si ab Suchio oblatum præsidium non respuissent, ad extremum succumbere necesse non habuissent. Hac re elatus Halius, ut de suis laudibus innatum est mortalibus prædicare, uberiora omnia dicit, atque rem gestam in majus celebrat, ab hominum milibus tribus magna ex parte Germanis oppidum fuisse defensum. Chiuperlio scribit. *Ab Casare ne missa auxilia essent, se non dum*

ex-

exploratum habere, conjectura tamen judicare, illius injussu eo venire non potuisse. Docet, Szedium Acmetem ex Ragosis victoria parva ingentem esse, ut sua contemnere imperia non dubitaret, summumque Magistratum ab Rege, quasi debitum, repetere affectaret: eum, si id voluntate non impetret, ad vim descensurum dubitari, quum beneficio Prasariano obstringere, & pretio emere adexcitandos motus cepisset. Secreto in tabernaculo concilia facere, & quacumque incederet, omnes secum trahere. Item petit, ut quid agendum judicaret prescribat. Se ipso inconsulto, nihil suscepturum. Hoc multis de causis ab ipso scriptum conjectamus, quarum ea fuit præcipua, quod, ut callidus erat, omnia ad Mehemetis nutum facere optimum existimabat, ne ei confirmaretur opinio, ipsum affectare Magistratum; quod haud dubium, Mehemeti visum esset, si ad Regine favorem belli præclara facinora addere studere demonstraret. His litteris perlectis Chiuperlius ad lætitiā excitatur; nunciumque ipse ad Regem attulit; tres dies ludis Turcarum more celebrandis tribuit: suum consilium laudibus effert, quod tempore capto rem magnæ contentionis sine periculo obtinisset. Magis ad se, quam ad Halium laudem pervenisse omnibus sermonibus refert, quoniam plus temporis, quam necesse fuisset, eum consumpsisse constaret. His rebus compositis litteras Halio remittit, Transylvanis pronunciari jubet, ut, si in magnas prociici nollent miseras, Claudiopolim tradant; nec alia conditione inde se abducturum exercitum profiteretur. Admonet tamen eum, nihil minarum relinquat, ut eos ad suam sententiam perducatur; minime vero oppugnare oppidum instituat, sed populatis agris Temesuariam se recipiat. Id ea maxime ratione fieri iussit, quoniam si voluntate Transylvani urbem traderent, gloriam Halium laturum non esse cognoscebat. Ubi Reningherius ex Acatii legato cognovit, Mehemetem Claudiopolim, ac nummorum aureorum centena millia quinque petere, Chiuperlium adire constituit, ut eum moneret, ne aperte totius Transylvaniæ Imperium petere demonstraret, quum alia ex aliis postularet; quoniam tantam injuriam miserrimis irrogari Casar non esset passurus. At Chiuperlius quid negotii ipsi, Casarique in Transylvania esset rogavit, quam Solimanus devicisset. Satis jam constare, eum bellum suscipere exoptare. At se ignorare, quum nihil tam facile esset, quam bellum inferre, cur dies prolataret? His dictis eum ab se dimittit. Reningherius ergo legatum Acatii jussu falso, Varadini Germanos fuisse, Chiuperlio enunciavisse suspicatus, eum, promissis aggreditur. Ex quo cognoscit, se Mehemeti exposuisse

An. 1660

se, Acatium suam in Regem fidem nunc perspectam multis rebus esse sibi persuasisse, propterea aditum postulandi habere, ut Germanos non modo cis Tibiscum depelleret, & Zatmaria, aliorumque oppidorum; sed etiam ulterioris Pannoniæ Imperium ipsi tradat. Eam devincere nihil esse negotii, ubi auxiliis, quæ ipsi missurus esset, Szedium ex omnibus fortissimum virum præficiat. Acatium duo oppida, quæ opportunissima judicaret, traditurum, & perpetuo in amicitia, & fide mansurum polliceri. Reningherius ea maxime ratione hæc ab legato ficta existimabat, quod tam grave responsum is non fuisset laturus, qui eum ad bellum incitavisset. At prorsus inverisimile non est, Acatii postulatis cognitis, indignatione Chiuperlium exarsisse, quum quod ejus fides antea ipsi suspecta fuerat, tum quod ejus imperii cupidinem nimis crevisse cognoscebat, ubi Transylvaniæ imperio non contentus Pannoniæ regnum peteret. Insatiabile præterea humanum genus esse non ignorabat, semperque ad altiora tendere, ubi optata adeptum vidisset. His de causis magnopere suspicabatur, cum Szedio Acatium hoc iniisse fœdus, ut hic eo adjutore Pannoniæ regno potiretur, & ille hujus auxiliis ad rem obtinendam uteretur, quam eum sibi animo proposuisse Halius scripserat. Itaque magna afficitur sollicitudine, quoniam si Szedium indemnatum necari juberet, magnam invidiæ tempestatem imminere intelligebat. Turcis enim confirmari posse opinionem judicabat, sibi fortissimum quemque virum invisum esse. Huc accedebat, quod non tam facile in hominem, qui quam amicissimo utebatur præsidio, dolum procedere posse providebat, nisi plures ei pararet insidiatores. Et tunc rursus rem in dubium devocari posse judicabat, ubi res evulgaretur; quoniam eum sibi consilium capturum esse cognoscebat. Posteaquam plures dies, noctesque hæc secum agitavit, ejus avaritiam, perfidiamque apud Regem criminari statuit. Persuasurum enim ei sperabat, maximum imminere periculum, nisi Szedium regnum haud dubie affectantem interfici juberet. Hoc simulac ab Rege obtinuit, Halius scribit, in Szedium dolique reret occasionem. Hæc Halius redduntur litteræ, quum parum ab profectioe aberat: nam quum neque periculi denunciatione, neque promissis Transylvanos ad Claudiopolim sibi tradendam impellere potuisset, eos Suchii propinquitate in spem auxilii se erectos de suis postulatis abnuere audere suspicatus, tentare extrema statuit. Lambachium igitur equitum Præfectum, quem ab Suchio ad ipsum missum, & ab ipso retentum docuimus cum his mandatis mittit. Sibi perpetuam cum eo gratiam, Regique cum Cesare amicitiam futuram, si domum se recipiat,

piat : sed si castris trans Tibiscum ipsum se continere velle cognosce-
ret , nullam interpositurum se moram , quin ad ipsa oppugnanda ve-
nias . Susplicari enim jare posse , ipsum belli inferendi opportuni-
tatem , Turcis in hyberna collocatis , querere . His postulatis co-
gnitis , Suchius , ne se imparatum Turcæ nanciscerentur , oppida
adire , novas instituire munitiones , Zatmariam subito ex castris
duci frumentum , cujus copia suppetebat , jubere , omnia parare ,
ut Turcis obsistat . Multum enim suæ virtutis opinionis deperdere
cognoscebat , quum timore adductus loco excederet . Hæc ubi co-
gnovit Halius spe sine vi negotii conficiendi omnino amissa , diu-
tius non cunctandum existimat , quin Temesuarium petat ; ma-
xime sperans , casum tandem Szedii interficiendi occasionem da-
turum . Suchius quoque inita jam hyeme suos in hybernis collo-
care constituit . Ab Veselino ergo , ad se veniat , petit , ut com-
muni consensu in plura loca hybernorum causa exercitum mittant .
Veselinus veniens , suam , & Pannoniorum omnium excellentem in
Cæsarem voluntatem profitetur : hanc gratiam ei Pannonios referre
velle , quod ipso ab Turcarum injuria prohibuisset , ut hyberna
non recusent . Addit præterea , sibi tandem ab Ragotio datum , ut
Germani Onodio recipiantur , neque se recusare , quum ipsi , Cæ-
sarique gratum foret , quominus Zendreum Germani præsidii causa
obtineant . Suchius ei nunc immortales gratias agens , Cæsarem dein-
de præmia tributorum confirmat . Item eum orat , Cassovia ipse
cum cohorte recipiatur . Non abnuat hac lege Veselinus , ut milites ,
qui in præsentia oppido præsidio essent , non decederent , & cohors
Ducurionibus pareret . His rebus compositis Suchius exercitus
partem Eisteri Calloum , partem Gobio Zatmariam ducendam attri-
buit , ipse Onodium cum cohorte proficiscitur ; ibique militum partem
relinquens , Zendreum contendit , oppidumque reliquam cohortis
partem obtinere jubet . At Pannonii sive ab Veselino sollicitati , quem
vel consilii pœnituisse , vel , ut suum in Cæsarem studium præcla-
rius videretur , id verbis concessisse Suchius suspicabatur , quod re
ipsa negare vellet , sive militum verentes injurias , sive dubitan-
tes , quin hybernorum specie urbe potirentur Germani , mutare
consilium statuunt . Suchius , ut voluntatis commutationem non
cognoverat , Zendreo Cassoviam venit , miraturque sibi oppida-
nos clausisse portas . Novi igitur consilii causam quærenti respon-
sum est , hoc Pannonios ab majoribus accepisse , & legibus sancitum
habere , ut oppidis externos milites non recipiant ; nec Veselino , sed
omnibus hanc abrogandi legem potestatem esse : omnibus in concilio
visum esse , hoc exemplum introduci non ferendum , ut lex , in qua

An. 1660 *libertas posita sit, tollatur. Hac spe deiectus Suchius impedimenta in suburbiiis, bellica tormenta proximis vicis locat, ipse cum militibus, quos custodiæ causâ circum se habet, Agræ Antistitis domum, cui Saffavium nomen est, se confert. De omnibus Cæsarsarem certiore facit, atque, ut Viennam petendi sibi potestas fiat, petit. Facta potestate discedit. Ubi pervenit, Veselinum, paucis ante diebus eo pervenisse cognoscit: propterea eum convenit, atque causam quærens, quare ab sua amicitia se avertisset, nihil primo potuit reperire: tandem postridie, quum se ei satisfacere paratum esse diceret, ei enunciatum esse cognoscit, ipsum dixisse, Veselinum mobili ingenio esse. Id ab inimicis fictum respondet Suchius. Pluribus præsentibus excusationem accipit Veselinus, atque ejus rei se oblivisci velle confirmat. Mane tamen orationem adversus Suchium habens, neminem tanta mobilitate se gerere potuisse apparuit. Inter hæc Transylvani Berciaii injuriis permoti concilia remotis locis faciebant. At unusquisque suscipere rem dubitabat, nisi maxima autoritate vir initium belli fecisset. Hæc ubi Joannes Chiminianus, Stephanusque Lazarius cognoverunt, ille imperii opportunitatem, hic privatas sibi ab Acatio, & Joanne Berciajo illatas injurias ulciscendi occasionem præmittendam non existimant. Inter se cohortati, decernunt, ut Chiminianus delectum habeat, Lazarius aptos sermones ad multitudinem sereret, persuaderetque, ut ad eum legatum, oratum, mittant, *publicam suscipiat causam*. Majore enim studio, atque contentione uti debere ad se defendendum Transylvanos judicat Chiminianus, quum rogatus, quam quum ultro fortunam periclitaretur. Hoc consilio probato Lazarius se in circulos inferens, communem miseratur casum: mortem Ragotii deflet: nunquam eo vivo Acatium, Turcasque tot, tantasque irrogaturos fuisse injurias commemorat. Avaritiam, crudelitatemque eorum detestatur. Propterea magni animi Ducem deposcendum concludit. His rebus permoti Ciculi ex omnibus primi ipsum Ducem sequi se paratos esse profitentur. Tum Lazarius, *Melioribus me, inquit, hunc reservate honorem. Tantum negotii sustinere non audeo. Joannem Chiminianum, qua nobilitate, qua divitiis, qua auctoritate potestati parem judico. Si hunc probaveritis, nec ego vobis deero. Supplices vero legatos ad eum mitti oportere confirmo, quoniam ut eum alienum ab imperitandi libidine esse cognovi, quod servitute, quam passus est, fortuna non confidendi documentum datum est, ita vestra libertatis causa omnia in dubium devocaturum confido*. Læti Transylvani, quod aliqui reperti essent, qui patriæ libertatem*

tem primam haberent, omnia, quæ ab Chiminiano imperarentur, se libenter facturos pollicentur . Legato ad se misso Chiminianus *nul- lum communis salutis causa periculum se recusaturum* confirmat . Utque tria hominum millia coegerat, contra Berciajum proficiscitur . Qui ubi per exploratores cognovit, qua iter Chiminianus haberet, Joanni fratri armatorum millia terna attribuit, ut iter hostium moraretur : *se amplioribus coactis copiis ad ipsum confestim esse venturum . Tum acie dimicare optimum esse* . Sed ubi uterque utrique exercitui in conspectu fuit, prælium incipitur . Id Berciaii vanitate, an Chiminiani audacia factum esset, reperiri non potuit . Unum nemini occultum est, quod Joannes Berciajus, fuso suo exercitu, ab Chiminiano captus est . Frustra pluries coactis copiis Acatus cum eo congressus est : nam Chiminianus tantam, sibi rebus gestis auctoritatem comparaverat, quantam ipse adversis rebus amiserat . Ter igitur vim expertus, tandem spem salutis in fuga habere coactus, Georgenium, quod Castellum non longe aberat, petit .

Finis Libri Secundi .





DE BELLO TRANSYLVANICO

Liber Tertius.



SATIS esse causæ, ut crederent, nonnulli arbitrabantur, Ragotii mortem, Varadinique jacturam Transylvaniæ res quietas fecisse, quum aliis oppugnandis oppidis Halius temperavisset. Id etsi verum non erat, quod qua de causa Halius Transylvania excessisset, supra demonstratum est, tamen ne hyemis quidem tempus, nec superioris temporis periculorum memoria

An. 1661

tantum apud Transylvanos valuerunt, ut novis non studerent rebus, eo magis quod incerto authore fama exiit, Mehemetem Regem, Chiuperliumque regiæ domus incendio periisse. Hoc igitur opportune accidisse rati, nulla interposita dubitatione palam Chiminianum sequuntur. Et in sententia permanent etiam, ubi nunciatus venit, qui falsum esse pertulit, quod de Regis, ac Chiuperlii morte dictum erat: addidit tamen Turcas Dei ira populari, quum plures consumptæ incendiis urbes essent, & Mehemetes Rex, Zaimaque mater exigua in spe animam traherent, atque ingens pestis metus esset. His rebus cognitis, nunquam malorum quietem Turcis venturam dicunt, nisi suo expiato incommodo. Fortuito plures conflagrare urbes non potuisse. Fortuito contagionem evulgare morbos non valere. Fortuito alia non accidisse credendum. Gaudendum igitur, quod Deus ab nequissimis Turcis pœnas repeteret. Chiminianum orant, ut ipse quoque a Berciajo pœnas expetat.

Chi-

An. 1661 Chiminianus ergo his vocibus incitatus Berciajo iter præcludit, ne Devam se conferret. Hoc enim sibi prævertendum existimabat, quia facilius ibi Turcarum auxilia eum ad se recipere posse cognoscebat. Longioris fugæ spe dejectus Berciajus, edictum Cibinii proponi jubet, *Chiminianum uti deferant, neu occasionem Turcis belli dent. Ragotii audaciam magnam intulisse patriæ calamitatem, Chiminiani libidinem majus illaturam esse detrimentum.* Hoc ubi frustra esse intellexit, quod omnes summo studio Chiminiano favebant, ad compositionis conditiones recurrit. De hoc non abnuitt Chiminianus; propterea de concilii sententia Joannem Hallerem Georgenium mittit, qui postulata cognosceret, & ad se referret. Huic Acatius se *Principatu abire nolle* dicit. *Est Transylvani Turcarum iram experiri nolent, Chiminianum interficerent.* His rebus præter opinionem nuntiatis timor omnes invadit, quum consilium eum mutavisse crederent, quod Halii affirmatione in spem auxilii venisset. Multiplicatur terror, quum fama Acatii amicis, ut arbitror, authoribus falso exiit, Halium adventare. Non inverisimile id esse conjectabant, quod Regem, Reginamque convulvisse, & pesti finem factum compererant. Vanus tamen abijt terror, ubi Chiminianus Acatii ad se allatas litteras recitat, *se Imperium deponere æquissimis conditionibus non dubitare.* Arguementi igitur loco sumunt, Berciajum se pacem nolle Halleri renunciavisse, ut rogatus æquiores acciperet conditiones. Itaque optimum visum est ad eum Andream Reponem legatum mittere, qui doceret, *libenter Chiminianum, reliquosque Georgenium sub ipsius disione esse passuros, & certam pecuniam quotannis ipsi, vel uxori daturus, ubi Turcas ad suum auxilium non convocaret, & nunquam sibi imperium tradi cuperet.* His ergo conditionibus fide data, atque accepta, Principem Joannem Chiminianum creant. Cavetur tamen, ne justa Turcarum imperia contemneret, ne societates, amicitiasque publice instituendi, bellum inferendi, legatos ad Reges mittendi, nisi de concilii sententia, esset ei potestas, ne oppida alicui traderet, immo ea ab hostium impetu defenderet, ut hæc omnia jurejurando confirmaret. Ragotii enim, Acatiique exemplis documentum nunquam exoluti legum vinculis Principis creandi sibi datum cognoverant. His conditionibus tanquam remedium malis omnibus reperiissent, læti domum discedunt: sed brevi conditionibus opus non esse intelligunt, quum Turcas omnino Transylvaniæ devincendæ occasionem quærere animadvertunt. Chiminianus quod Ragotio fidus fuisset, quodque magnæ cognationis, ac auctoritatis vir esset, Turcis erat invisus. At nunc magis, magisque cum

eum suspectum habent, quoniam ex Berciaii litteris illum Cæsari amicum esse cognovissent. Comes Nicolaus Zoloimius veteris potentiae vir in Chiuperlium incendendum etiam incumbit, quum oratores, petatum, misisset, *ut se Principem Transylvanis constitueret. Se amplissima dona missarum, & majus stipendium daturum.* Nec dubium erat, quin rem esset assecutus, (Berciaius enim Mehemeti suspectus erat, quod per ipsum stetisse videbatur, quominus Claudiopolim Halius recepisset) nisi per Szedium adivisset, cum quo amicitiae causam habebat. Nam ut Halius nondum opportunitatem eum interficiendi nactus erat, potentiam ei addere, Imperium suo amico tradendo, dementiae Chiuperlio visum est. Berciaium ergo defendere statuens, ad Halius scribit, *illius ulciscatur injuriam.* Transylvanis renunciari quoque jubet, *ut tandem aliquando pertinacia finem faciant, si in maximos venire nollent cruciatus.* Sed ubi suo dicto eos audientes non esse cognovit, majore studio, quam antea, omnia, quae ad bellum usui sunt, parare, ad Scytharum Regem scribere, *coactis omnibus, qui aliquem in re militari usum haberent, quum primum anni tempore posset, Temesuariam peteret.* Haec ubi Chiminianus nuntiata sunt, ut bellum parare, nisi de concilii sententia, non poterat, Bistriciam omnes convenire legationes jubet. Interea quum Berciaium Turcas ad bellum incitare, suspicaretur, vias, quae Temesuariam ferunt, certis custodibus obtineri jubet, quae ejus interciperent litteras. Re vera multi non transierunt dies, quin nuncius cum litteris ad se perduceretur. Litteras, quibus Chiuperlium Berciaius incendebat, in concilio recitat Chiminianus. Qui ubi omnes indignitate rei permotos vidit, *Quid expectatis, inquit, quin de homine tanti facinoris convicto supplicium sumatis? Animo opus est. Magis Reipublica refert in perditos animadverti, quam optime de ea meritis praemiis offici: illorum enim impunitas omnibus exitio est, ingratus animus solum dedecori.* Multi hoc probari posse consilium negant, ne Turcis belli detur occasio. Tum Chiminianus dicit, *se ut non dubitare, quin Turcarum furor augeatur, quum indicta causa Acacius interficeretur, ita se non fugere, nullam posse belli cooriri causam, quum incautum insidiatores obtruncant.* Chiminianus quum sibi resisti etiam tum videret, quantum auctoritate, precibusque valet, enititur, ut omnium voluntate ab suo inimico poenas repetat: magni enim interesse arbitrabatur, Transylvanos obstringere, ut tanti facinoris conscientia extrema audere potius, quam Turcis se ad supplicium tradere vellent. Infidias ergo tendendi negotium Francisco Covari, Joanne Varato datum est. Potestas omnia, quae

ad

An. 1661 ad bellum opus essent, comparandi Chiminiano itidem fit. Dionysius Bampnius ad Cæsarem subsidii petendi gratia mittitur. Adonium, Valcoumque castella, quod adversum se Turcis opportuna erant, approbantibus cunctis incenduntur. Concilio dimisso Chiminianus totus mente, animoque in bellum insistit. Omnia paranti Chiuperlii litteræ redduntur, *amicitiam sibi cum eo esse posse, si in Regis fide se permansurum polliceretur, atque obsidis nomine filium ad se mitteret.* Eadem ipsi Cussein ab Halio missus exposuit; solum addidit, *si Temesuariam ipse peteret, fore ut coram contraversia tollerentur.* Sed Chiminianus seu fretus Transylvanorum in se studio, seu Cæsaris auxiliis confusus, seu quod timorem Turcas invalisse conjectavisset, quum præter morem legatos ad se mitterent, seu, quod verisimilius videtur, periculosum se barbaris committere arbitratus, præcipue quum per Lupuli Moldaviæ Principis legatos cognovisset, quid fraudis frretur, donatum Cusseinem dimittit. Renunciari tamen Halio jubet, *se majoribus astrictum negotiis Temesariam venire non posse.* Postridie ejusdiei Acatius Berciajus in itinere necatur. Viro huic non alitudo ingenii, solum vastus inerat animus. Semper insatiabilis nimis alta cupiebat. Omnia ipsi honesta videbantur, modo imperium adipisceretur; quoniam non modo pessimo consilio Ragotium, a quo præcipuo honore habebatur, ad bellum Sarmatis inferendum impulit, verum etiam ad Principatum evectus doli occasione in ejus perniciem quærebat. Aptior ad novas instituendas amicitias, quam ad easdem colendas habitus est: nam ut ingenium ad omnia dissimulanda ei erat, & verbis obsecundando, & libero ore loquendo animos omnium sibi conciliabat. Eorum studia postea, & infidelitate, & mobilitate amittebat. Tempori servire optimum, ducebat, quum, ut ab Ragotio Transylvanos averteret, supplicem, & modicum se præberet, at, ubi imperium adipiscebatur, profunda avaritia erat. Omnium tamen suorum scelerum meritas habuit pœnas. Id unum magnæ fortunæ ipsi fuisse non abnuerim, quod omnium suorum ærumnis superstes non fuit: nam de Andræ fratris perfidia quæstionem Chiminianus habens, ut damnati in Fogaratii oppidi foro rerum capitalium judices laqueo frangerent gulam imperavit. Res sane sine admiratione non prætereunda; quoniam in eo oppido, cui summa cum potestate præfuerat, rerum humanarum spectaculum præbuit. Acatii uxor, ipso mortuo, precario vivere coacta est, quoad quidam misericordia permotus eam uxorem duxit. Hic operæ pretium est aliena calamitate discere, nec malis artibus sibi Imperium parere, nec fraude illud retinere ex usu esse.

esse, quod huc dominandi libidinem evadere oportere compertum est. Chiminianus tamen utrum majore lætitia de horum supplicis, quam de Cæsaris proposito accepisset, in incerto fuit: nam Bamphii litteris, quem ad eum legatum missum docuimus, Cæsarem exercitum subsidio sibi mittere velle cognovit, dummodo Zechelide, Covareque Germanos recipiat, ut initio belli facto, si cum Turca Transylvanus controversias componat, illic reliqui Germani receptum habeant. Hanc conditionem non respuere in animo ipse habebat: at quia liber legum vinculis non erat, concilium indicit. Ubi frequens convenit multitudo, Cæsaris postulata exponens, magnopere quosdam vultu ad amenitatem, nonnullos ad mœstitiam composito sua verba accepisse miratur. Ex omnibus causam quaerens, illos auxiliorum spem ad lætitiā excitavisse, hos conditionis, ut dicitabant, iniquitatem perturbavisse reperit. Dicebant enim, *quid durius ab Turcis per vim accidere potest, quam nobis ab Germanis voluntate evenit? Germani ne, an Turca magis sint fugiendi non constat, quum utrique non aliud respiciant, quam Civitatem sui sceleris prædam facere. Hi in Principes sibi in- visos animadvertendi specie oppida expugnare cupiunt, at illi sine contentione auxilii specie ea recipere exoptant. Præstat belli tentare fortunam, & victos, non tamen inultos omnia perpesi, quam impune Germanis omnia permittere. Hoc consilium probant cuncti, & in eo permansissent, nisi ante oculos Chiminianus posuisset, se nunc hostem potentissimum habere, cui domesticis opibus resisti non posset: propterea quacumque conditione externis auxiliis uti deberent, etsi, quod de Cæsaris consilio diceretur, exploratum esset. Si eos potiri Transylvania velle cognoscerent, ab Turcis auxilia accipi posse. Turcas venturos esse neminem dubitare, quum ea essent conditione Transylvani, ut unusquisque eos in sua ditione tenere velit, atque, ne alterius stipendiarii sint, laboret. Majores pro re & tempore consilium capientes, libertatem nunc Turcarum, nunc Germanorum opibus retinuisse, eadem ratione prope amissam recuperent ipsi, oportere. Præterea baud dubitandum, Turcas auxiliis per- motos in Pannoniam esse advolaturos. Tum eo belli tempestate, translata Transylvanos pacem habituros. Consilium hoc omnes probant, adeo ut, ne res efferatur, caverent. Item nequaquam cun- ctandum dicunt, quin Cæsari ipsorum renunciatur verbis, sese im- perata facere paratos esse, tantique beneficii memoriam apud se nun- quam immorituram. Covarem solum tradere non posse, quod Chimi- niani uxor, quum nihil citra illud oppidum tutum arbitrata esset, eo se recepisset. Aliud oppidum, quod ipsi videretur opportunissimum, se da-*

An. 1661 *uros*. Sed ubi Cæsar, nullam subsidii esse conditionem, nisi eo tradito oppido, respondit, ipsi morem gerere statuunt. His de causis tota Germania delectus habetur, qui annonæ præessent, deliguntur, imperii exercitus summa Comiti Raymundo Montecucculo Mutinensi traditur, summo studio, quæ ad bellum usui forent, Cusseine præsentē, parantur. Cussein simulac Hali mandata Chiminiano exposuerat, ejus jussu Viennam de Pannoniorum incursionibus, & Chiminiani amentia questum venit. Nonnullorum, qui diligentiores in omnibus scrutandis rebus videri cupiebant, opinio tunc temporis fuit, Cæsarem eo consilio Transylvanis auxilia misisse, ut ipse quoque reciperet oppida. Quod falsum esse mihi constat: nam etsi Cæsar opem Transylvanis nunquam ferre statuerat, quoniam hanc belli causam Turcis esse posse arbitrabatur, tamen nunc, ut rationes, quas ad Suchium trans Tibiscum mittendum eum deduxisse memoravi, omittam, aliis de causis ad hoc consilium descendisse, comperio, quarum illa fuit justissima, quod Turcas majore studio, quam ad Chiminianum opprimendum necesse esset, bellum parare audiebat. Non alio ergo id pertinere suspicatur, nisi ut in Pannoniam contendant; præcipue quum eo temeritatis Varadini Præfectum processisse non ignoraret, ut jurandi causa, omnes, qui loca trans Tibiscum incolunt, ad se vocare non dubitavisset, etsi eos sub Cæsaris Imperio esse sciebat. Præstare fero, quam, nunquam superbissimis occurrere judicabat, maxime quod nunc suæ non distinerentur vires, quum anno superiore, Carolo Gustavo Sveciæ Rege mortuo, Sarmatæ pacem habuissent. Accedebat, quod in auxiliorum spem pervenisset: nam compluribus legationibus ad Germaniæ Regulos, & ad Alexandrum Pontificem Maximum missis, rebus omnibus se juvare ipsos velle cognoverat. Alexander præterea stipendium omnibus totius Italiæ Clericis imponit, præter illos, qui loca incolunt, quæ sub Veneti Senatus ditione sunt, ut pecunia ad bellum Cæsar utatur, litterasque ad Reges mittit, *non esse cunctandum, quin uno animo innatis Christiani nominis hostibus obviam eant, ne sub ipsorum oculis ab eis regna oppugnentur*. Hi quum rem se cogituros polliciti essent, omnes prospere cessurum bellum confidebant. Adjuvabat Cæsaris opinionem spes, quam in Sarmatarum, & Moscorum auxiliis posuerat, ubi opera Augustini Majenbergii, cujus mentionem supra fecimus, ab armis discederent. Sed quibusdam de causis, quas hic recensere supervacaneum puto, pace non firmata, bellum excusantes ei auxilio non fuerunt. Ut omnis expellatur dubitatio optimæ Cæsaris in Transylvanos voluntatis, considerare juvat, Meti-

ge-

grem J. C. ad Mehemetem Constantinopolim, & ad Halium Franciscum Fischerem ab eo missos, qui docerent, *Cæsarem, quam sine periculo posset, pacem cum Turcis servare paratum esse: proinde, ne qua armorum causa sit, primo inducia, postremo, per legatos utriusque divisis finibus, pax fiat.* Metiger etsi pecunia quosdam aggressus erat, quibus adiutoribus rem consecuturum sperabat, responsum tamen tulit, *Haliam jam in Transylvaniam pervenisse arbitrari: æquum non esse tot apparatus nunc frustra esse.* Fischeri autem Halius respondet, *non se, sed Mehemetem ejus rei potestatem habere.* Hoc astante meditato in Szedium Acmetem Budæ Præfectum dolo locus fuit: nam Halii tabernaculum contra consuetudinem comitatu nullo intrantem insidiatores vulnerant. Ipse, gladio ex vagina educto, parumper se defendit; tandem clariore voce militum, quibus acceptus erat, auxilium implorans, interficitur. Sic fortissimus vir, qui ab prima adolescentia stipendiis faciens se exercuerat, rerum egregie gestarum pœnas inultus dat: quoniam ab Halio, ne qua seditio oriretur, provisum fuit. Hæc ut Fischer Cæsari quam primum nunciaret, quam maximis potest itineribus, Viennam contendit. Reperit ibi Cæsarem de Halii protectione accepisse, & Montecucculum parum ab protectione abesse; tantum de belli rationibus consilium iniri. Nam nonnulli, *ut recto itinere in Transylvaniam exercitus duceretur, censebant, ne Halius incruento exercitu oppida expugnaret.* Montecucculus vero, *in maximum discrimen se adducturum exercitum confirmat, quum Transylvaniam adiret; quoniam, quum longius ab Germania absit, partim eorum indiligentia, atque avaritia, qui annonæ præsent, partim Pannoniorum mobilitate, & perfidia, quam jam perspectam haberent, rerum omnium inopia tentari milites possent.* Ab hac re magis, *quam ab hoste accipi detrimentum omnibus constare.* Item si frumento ex agrorum populationibus rapto alat exercitum, fore ut socii, *quum non modo nihil præsidii in Germanis esse, sed se pro hostibus uti videant, ab eis se avertant.* At, si trans Danubium exercitus duceretur, expeditiore re frumentaria flumine avecta uti se posse. Sic milites præda locupletes alacriores, hostes adversis rebus timidiore fieri. Has ratione Turcas ex Transylvania exercitum esse deducturos, *ne, ut aliena occupent, de suo dimicarent.* Tandem præstare in hostium, *quam in suis finibus bellum gerere, quoniam illic præda, hic pecunia alatur exercitus, oporteat.* Hoc igitur, inquit, mei consilii est facere. Quod si hæc mihi fiat potestas a me rationem reposcite, si quid durius acciderit, *ut ab illis, qui in Transylvaniam protectionis auctores sunt, ratio reposcenda erit,*

An. 1661

quum res prospere non cedit. Hæc sententia, utpote a viro, qui rei militaris peritissimus habebatur, pronuntiata, accepta est. Cæsar quoque consilium probat, atque ea, quæ ad oppidorum oppugnationem usui sunt, parat. Joannes Riccardus Starembergius ad exercitum trans Tibiscum, ut imperium obtineat, mittitur, Suchio in Montecucculi exercitu curare jussu. His expeditis rebus exercitum ad Comaram Montecucculus ducit, navibusque junctis pontem in Danubio flumine facere instituit. Quæ ubi Pannoniis nunciata sunt, timor eos invasit. Idcirco ad Cæsarem legatos, oratum, mittunt, ne fortunam periclitaretur: quoniam si Germani acie dimicantes a fortuna deferrentur, in maximum se venturos discrimen intelligerent. Turcæ secundis rebus elato nequaquam, amisso exercitu, resisti posse. Quod si exercitum auxilio Transylvanis mitteret, fore ut bellum non susciperetur, quum salva amicitia subvenire unusquisque suis posset. Hac de re consultationes habentur. Consilarii ergo quum orationis Montecucculi memoriam deposuissent, atque in re militari usum haberent nullum, in Transylvaniam exercitum duci jubent. Itaque ad Montecucculum mittuntur litteræ, relicto Suchio cum exercitu parte Comaræ, ipse iter ad Tibiscum flumen converteret: idque celerius faceret, quum in maximis angustiis Transylvanorum res esset. Montecucculus, etsi optimum consilium necessario omittendum erat, tamen se hujus rei autorem non esse, adversarumque rerum culpam non in se, sed in alios coniiciendam palam professus, justis itineribus Tirnaviam pervenit. Ibi exercitus partem opperiens, Chiminiani litteris certior factus est, Haliæ cum exercitu in Transylvania versari; Scythas, Moldavosque, omnibus vastatis, sibi ægerrime præsidia oppidis relinquendi, & fuga in castellum Hulsium in Pannonia recipiendi spatium dedisse, & nunc Biboriensem agrum incendere. Quibus rebus cognitis magna sollicitudine Montecucculus afficitur, quod ignominie loco sibi ferre videbatur, prope in ejus conspectu agros populari, mortalesque, qui sub Cæsaris ditione sunt, in servitutem abstrahi. Queritur & imperitorum consilium, & Pannoniorum mobilitatem, ac perfidiam: qui licet a Cæsare omnibus precibus petierant, ut in Transylvaniam exercitum mitteret, nunc, voluntatum commutatione facta, iter per suos fines dare volebant. De his rebus omnibus Cæsarem certiolem facit, oratque, ne se desidem tempus intra oppida consumere, & populationum spectatorem esse patiatur. Cæsar ut antea Pannoniorum consilium cognoverat, Comitem Joannem Rotalium confestim in Pannoniam miserat, qui turbatas seditione res, quibus rebus posset, componeret.

ret. Hic ut Pofonium pervenit, Vefelinum feditionis sermones
 feruiffe comperiens, eum adit, & monet, *ne fe tam alieno in-
 patriam, Cafaremque animo efle oftendat, ut eam in Tarcaram di-
 tione efle cupiat*. Vefelinus non nifi optimorum confiliorum autho-
 rem fe fuiſſe reſpondet; nec ad aliud, quam ad frumentum, pecus, &
 alia conferenda Pannonios hortatum efle, ne milites, ut inopiam
 tolerant, prædæ loco ſuas fortunas habere cogerentur. Huius rei
 ipſos teſtes habere; & Deum nunc teſtari, ſibi ſemper primam
 fuiſſe Caſaris dignitatem. Additque egregiæ in Caſarem voluntatis
 documentum ipſi brevi ſe daturum. Re ipſa, quantum autoritate
 valuit, ad Pannoniis perſuadendum eniſus eſt, ut Caſari caperent: ſe
 rem compertū pronuntiare, quum Caſarem non ipſos opprimendi cauſa,
 ſed Turcis obuiam eundi gratia exercitum mittere diceret. Hæc ea-
 dem Rotalius confirmand, huc ducta res eſt, ut omnes Vefelino
 negotium darent, ut obuiam venienti exercitui procedat, ope-
 ramque det, ne alicujus rei inopia afflicteretur. Ita Montecuccu-
 lus reliquam exercitus partem brevi ad ſe recipit: omniumque
 ratione habita, ad viginti veteranorum millia in armis habere re-
 perit. Sed quum poſtridie iter agere decreviſſet, tanta tempeſtas
 coorta eſt, ut Vaghi fluminis ripas aqua ſuperaret. Sic neceſſario
 complures dies exercitum in caſtris continuit, ut velut ipſa fortu-
 na omnino efle impedimento vellet, quominus Turcas rapinis pro-
 hiberet: tandem, ubi primum permiferunt aquæ, iter agere in-
 ſtituit. Intelligens ergo, Cuſſeinem Jeni Præfectum magna vi Hul-
 ſtium oppugnare, maximaque indignatione exardere, quod,
 miſſis in caſtellum legatis, qui milites ad deditiorem hortarentur,
 mœnibus ſe recipere noluiſſent, omnino eo contendere ſtatuit,
 ne, caſtello expugnato, Chiminianus in eorum manus veniat. Cuſſein
 ſimulatq; ad ſe Montecucculum venire cognovit, oppugnationem di-
 mittit, ſequæ in caſtra confert; quæ res multum Germanorum animis
 addit, Turciſque timorem augeat. Nam quum Zechelidem Chinan, at-
 que Iſmael Budæ Præfectus, qui in locum Szedii Acmetis ſucceſſerat,
 Megium oppugnare inſtituiſſent, tamen magna cum infamia vano
 incepto diſcedunt. Majore cum infamia Halius, tametiſ exerci-
 tus ſumma ſeptuaginta hominum millium erat, & propius Zatma-
 riam venerat, tamen nihil ſuſcipere eſt auſus, quia Eiſterem
 omnibus rebus, quæ ad deſenſionem uſui erant, conſuluiſſe ac-
 ceperat. Ex quibus rebus cognoscere licet, uſus belli ignarum
 exercitum Halio ab Mehemete traditum. Quod quideni magis iis
 dilucet, qui non ignorant, vix paucos dies munitiſſimis ca-
 ſtris (tantus omnes occupaverat terror) Halium continere exerci-
 tum

An. 1661

tum potuisse, ubi Montecucculum duorum millium intervallo castra posuisse vidit. Montecucculo quamquam ab Transylvanis, qui ad se quotidie perfugiebant, nunciabatur, Turcas adeo esse perterritos, ut si castra adoriri constitueret, explorata victoria videretur, tamen eis fidem facere noluit, immo maximis munitionibus castra firmans, apud milites concionatur, *ne animo deficerent, si pugnam committendi usus veniat, neu omnium Christianorum opinionem fallerent. In eorum virtute spem omnem sitam esse.* Extremum orationis fuit, *se paucis veteranos arrigere consuesse, quum quod ipsorum virtus, ac animi magnitudo magni babeatur, tam quod ipsi non semel, atque iterum, sed milies, quantum praesidii in audacia sit, experti essent. Ne igitur quid superioribus victoriis indignum committerent.* Militum alacritas quum ex Turcarum cunctatione crevisset, non modo æquo loco prælium inire, sed etiam in pavidorum castra se irrumpere audere confirmant. Montecucculus autem *sibi satis esse confirmat, si memores pristinae virtutis essent, ubi sine dedecore praelio diffugere non possent.* His verbis tunc eos a praelio continuit; sed quum Chiminius cum quinque hominum millibus in castra venisset, seque excusaret, quod ampliores non potuisset cogere copias, quia Saxones, qui ex tertia Transylvaniæ parte sunt existimandi, metu adducti sua omnia Halii fidei permisissent, vix retineri potuerunt, quin per se in hostes impetum facerent. Dolebant enim, quod ipsi rei bene gerendæ occasionem dimisissent, quum adeo Turcas perterritos animadvertissent, ut de nocte præmissis impedimentis, prima luce ne conclamationis quidem vasis discessissent, & millium passuum decem intervallo ab veteribus castris loco admodum natura munito castra posuissent. Itaque omnes Montecucculum orant, *ne hostem e manibus dimitti patiatur, sed prædam, & deleti hostis gloriam ferendi sibi potestatem faciat.* At Montecucculus Cæsaris mandata ad se perlata respondet, *ne, quoad posset, belli fortunam tentaret, satisque haberet Transylvanos ab injuria tutari. Ob eam causam Strigonium se non expugnasse, & victoria occasionem trans Danubium dimisisse.* Haud dubium re vera habebatur, Montecucculum primo congressu deleturum Turcas fuisse, modo inclinandam fortunæ rem dedisset. Ex hac re satis cognoscere libet, nulla ratione ab eis factum esse, qui Cæsari persuaserunt, ut opportunitatem dimitti juberet, quum in incerto non esset, Turcas occasionem Pannoniæ devincendæ non esse omisso. Nonnulli igitur neque immerito, neque irridicule dixerunt, Cæsaris confilios operam ludere animo proposuisse, quum bellum sumere non optan-

optantes, belli tamen occasionem, exercitus in Transylvaniam mittendo, Turcis præbuisſent, atque maximas res conſequendi facultatem timore belli, quod haud dubium habebatur, dimiſſent. Cur ergo Comiti Nicolao Serino, cujus plurima fortiter, atque ſumma audacia facta memorabantur, ſena hominum millia permitti paſſi non ſunt, quando Caniſiam opportuniſſimum oppidum nuper incendio prope conſumptum expugnare in ſe receperat, & propugnaculum nullius uſus ad Muram flumen eundem inſtituere ſiverunt? Quæ res adeo Turcarum Regem contra Cæſarem accendit, ut ipſe in Pannoniam cum exercitu ulciſcendarum injuriarum cauſa veniſſet, niſi Chiuperlius monuiſſet, *ipſius non eſſe dignitatis mediocribus copiis bellum gerere: conſilium optime in inſequentem annum transferret, quo ampliores copias coactas haberet.* Cur Montecucculo, ne opportunitate ad hoſtem opprimendum uteretur, mandatum eſt, quod quidem ad bellum conſciendum momentum habuiſſet, & Suchio, ut ſibi Pannonios adjungens, vaſtatem Turcarum finibus redderet, quam ipſi Pannoniæ finibus intuliſſent, imperatur? Perſuaferant ſibi forſan, quum ab oppidorum incendiis, & cæde ſuos Suchius continuifſet, immo captivos Turcis reddidiſſet, eos ab maleſicio temperaturos, quibus unas ſibi ab aliis illatas, non ab ſe aliis irrogatas injurias animo continendi mos eſt? Suchius ergo quum Pannonios, qui ad quinque millium numerum venerant, maxime monuiſſet, ne igne prædam, quam ſecum ducere non poſſent, corrumpere, neu arma abiicientes interficerent, ſed unusquiſque ſervaret ordines, tamen in itinere tantum præcepta obſervare voluerunt. Nam poſteaquam Vallium pervenerunt, nihil de celeritate, ac virtute remittunt, ut quamprimum receptum caſtellum diripiant. Suchius caſtelli Præfecto nunciari jubet, *ut potius deditiõne ſibi, omnibuſque juxta conſulas, quam ſua pertinacia omnium ſalutem in dubium devocet.* Hoc conſilium ægre patiuntur Pannonii, utpote, qui, ſi per conditiones reciperetur caſtellum, non poſſe ſe ad arbitrium prædam agitare intelligebant. Maxima idcirco lætitiæ conditiones Præfectum abnuifſe accipiunt. Præfectus ſimulac poſtridie animadvertit, tantum apud Pannonios ſpem prædæ valere, ut omnia pericula vilia habeant, qua ex re factum, ut prope ſoſam nocte ſucceſſiſſent, ne quæcumque iratis, & prædæ avidis collibuerint, patienda ſibi eſſent, ad Suchium familiarem ſuum, mittit, qui doceret, *ſe caſtellum Germanis, quorum fidei conſideret, tradere paratum eſſe.* Suchius omnes ab injuria ſe prohibeturum pollicetur. Hoc ubi intellexere Pannonii, præſtare ipſis viſum eſt in

vitaæ

AN. 1661 vitæ discrimen venire, quam prope partam prædam e manibus dimittere. Igitur ut fossam cratibus contexerant, eam transcendunt, & singuli ab singulis sublevati in mœnia evadunt. Sic castellum ingredientes, prout quisque armatus, vel inermis, mulier, vel puer obviis eis erat, omnes interficiunt. Adeoque contentione, & periculo permoti erant, ut ignem quoque domibus inferrent. Hunc sic distulit ventus, ut præda quoque corrumpereetur. Præfectus cum militibus in quandam se receperat turrim, ut impetum, quoad vitam pacificatur, sustineat. Petenti id Suchius dat. Egresso tamen nonnullos, frustra Suchio suam fidem lædi exclamante, ad unum Pannonii interficiunt. Hoc ubi vidit Præfectus, potius per virtutem expugnata turri, quam per fidem impune interfici statuit. At flamma non intermittit: immo ex Templo, quod proximum erat, turri adegit. Tum ex ea se præcipitantes Turcæ, quam ab flamma timebant, mortem subeunt. His rebus ad iram excitatus Suchius, Præfectos vocans, omnes graviter accusat, quod tantæ non essent autoritatis, ut suos in officio continere valeant. Ad hæc ipsi *Pannonios in eam consuetudinem ita se induxisse* respondent, *ut neque metu, neque beneficiis coerceri possint*. Totum diem in armis esse oportuit, ut venientibus Buda Turcis auxilio suis se opponant. Vix multa jam nocte Pannonii (tantum spe prædæ longius processerant, exceptis quingentis nobilibus, qui semper Suchio paruerunt) redeunt. Inde Ercinum disceditur: quingenti Pannonii ad omnia exploranda præmittuntur: qui reverli renunciant, *Turcas, sui adventus fama perlata, subito castello excessisse; ex quibus ad quadraginta interfecisse. Caterum oppidanos portas clausis se defendere velle*. Ubi vero eo ventum est, Christianos ab Pannoniis interfectos cognitum est, qui, ut sibi parcerent, oratum venerant, Turcas vero in insulam, quam non procul ab eo loco Danubius efficit, se recepisse. Hic omnia etiam demessa frumenta suo more incendunt Pannonii. Castellum Adonem nomine adire constituerat Suchius; sed nocte coortus imber eo ire prohibuit. Uzofum igitur castellum, quinque millium circiter intervallo a Buda in ea parte positum, qua montes intermittunt, pergunt. Hic ad quinque, Turcarum equitum millia sese ostendunt: quæ ubi exercitum ad se venire conspexerunt, intra montes se recipiunt. Castellum diripitum etiam incenditur. Hoc facto Suchius Zambachium exercitum ducit, cui castello domus conjuncta est, muris, turribusque munita, quo animi gratia Pannoniæ Reges quondam se recipiebant. Præmissi Pannonii quum portas non esse clausas animadvertenterent, primo insidias veriti paululum consisterunt, sed postea

Ita quum per captivos cognovissent, omnes se fugæ mandasse, castellum intrant, atque omnia loco prædæ habent. Suchius lentius cum exercitu subsequēbatur, ne novissimum agmen ab aliis seclusum quid detrimenti ab Turcis accipiat: qui vero timore adducti nunquam appropinquare eis sunt ausi. Huc ubi perventum est, ægerime contineri Pannonii potuerunt, quin hordeum, frumentumque corrumpant. Quibus rebus confectis, satis ad injurias populationis ulciscendas existimans, se Tottium Suchius confert, hybernaque in citeriore Pannonia constituit. Pannonii subito ne commeatu quidem sumpto domum repetunt: nobilibus unis actæ gratiæ, & potestas se domum recipiendi facta. Dum hæc trans Danubium gerebantur, Halius ut nihil per vim procedere cognoverat, quod ejus consiliis Montecucculus officeret, Chiuperlio persuadet, *ut omisso consilio aperta vi Transylvania devincenda, doli rationem quarat. Id non posse evenire, nisi Principem aliquem Turcis fidem crearet. Si ex eorum finibus deinde exercitum educere polliceretur, fore ut Transylvani Chiminianum desererent. Tunc Principis voluntate munitissima oppida primo recepturos, deinde nullo negotio reliqua expugnaturus, vel saltem, re ad controversiam deducta, minore contentione Chiminianum superaturos. Facile enim esse discordes cives opprimere.* Fuit hæc Chiuperlio non ingrata ratio, propterea ei facultatem Nicolao Zoloimio Principatum adjudicandi ea conditione tribuit, ut ea, quæ per Szedium promississet, præstaret: nam, Szedio mortuo, ejus infidias non verebatur. Hæc ubi Halius accepit, sive quod inimicitias cum Zoloimio exerceret, sive quod eum Regi non opportunum cognovisset, Chiuperlio rescribit, *non semel se expertos fuisse nunquam Transylvaniæ maxima auctoritate Principes sibi utiles fuisse: rem sui judicii non esse Principatum longe ex Transylvanis potentissimo adjudicare, quum ipse idem Turcarum consiliis impedimento futurus esset.* Alia addit, ut semper se ei auscultare velle demonstraret, ne suspicari Chiuperlius posset, sibi fido imperium tradere cupere, ut potentiam amplificaret suam. His litteris ut sibi Chiuperlius persuaserat, summi consilii virum, Halius esse, summam ei potestatem permittit. Hic oblata facultate statim Michaeli Abbasso non ejusdem fastigii viro, atque Zoloimius, Principatum adjudicat. Quas ei conditiones dedisset, inveniri non potuit; unum omnibus constat, pluries cum eo Halius colloctum esse, nunquam præterea avidissimos homines sine pretio hoc aliis concedere consuevisse. Hac re composita, etsi editum proponi Halius jussit, *ut omnes Michaeli Abbasso pareant*, pauci tamen fuere, qui in ejus potestate futuros polliciti sunt. Saxones

An. 1661 uni, qui obsides Halio dederant, recuperandorum suorum causa legatos ad Michaellem gratulatum mittunt. His Halius mandat, *ut suis renunciant, ne stipendium pendere differant.* Saxones, ne in periculum veniant, ad diem imperata faciunt. His rebus sublatus Halius, ad Ciculos scribit, *se confestim Transylvania excessurum, ubi Michaeli obtemperent. Si vero pertinacia non desistant, in ipsorum fines exercitum introducturum, & ferro, & igni excursiones facturum.* At ubi eos etiam Chiminiano favere cognovit, contra eos profectus agros populatur, omnia incendit, obvios interficit, per vim oppidum Zechelvasarelium capit; ubi non infantibus, non ætate confectis, non mulieribus parcat. Hæc fama ad reliquos perlata ad Halium legatos mittere coegit, qui se imperata facturos pollicerentur. Halius eos in deditionem accipiens, milites, quos oppidis reciperent, mittit. Ad iram excitatus, quod unus Elsiechii oppidi Præfectus tum loci natura, tum militum virtute, atque oppidanorum in Chiminianum studio fretus de deditione legatos non misisset, hominum millia quindecim Budæ Præfecto, ut eo contendat, attribuit, ipse Zechelvasarelii manet. Milites tamen, simulque oppidani se non deserunt, sed impetus tanto animo sustinent, ut Budæ Præfectus nisi ab pertuga edoctus, qua ex parte pedites ad eos adoriendum mittere posset, oppidum non cœpisset: nam tum improvisa re perterriti defensores, ne fugæ spes sibi quoque præcideretur, se in montes recipiunt. Sic incruento exercitu oppidum Turcæ expugnant, priusquam ab Chiminiano auxilium ferri posset. Chiminianus in itinere oppidum expugnatum audiens, ad Segethusam oppidum contendendi consilium capit: magnopere enim sperabat, quoniam improvisus accederet, consilio magis, quam vi ejus se potiturum. Sed quum quidam sui milites ad hostes transeuntes de hac re eos certiores fecissent, infecta re ad Montecucculum redit. Qui magno dolore afficiebatur, quod & laboribus, & rerum omnium inopia in omnes ingruerent morbi, quum per eos dies non modo per ignota capita, sed per clara vagati essent, omnesque Joannis Riccardi Starebergii, Alexandrique Schiferis, quorum plurima belli facinora memorabantur, mortem essent commiserati. Ob hanc causam non modo oportunitate, quam majorem fortuna dare nequibat, ad Budæ Præfectum ab Halio seclusum opprimendum uti non poterat, sed ne ab injuria quidem, ut Cæsar mandaverat, Transylvanos prohibere valebat. Ad Cæsarem ergo scribit, *aquum non esse, milites suorum laborum hoc percipere præmium, ut fame conficiantur: se, quod indiligentiam, ac profundam quorundam avaritiam cognovisset,*

bu-

hujus consilii autorem esse noluisse. Quid igitur factu opus sit, confestim constitueret. His litteris permotus Cæsar, ad eos, qui rei frumentariæ præerant, severius scribens effecit, uti, magno studio conquestis undique jumentis, frumentum in castra ducendum curarent. Hoc modo ex inopia exercitus refectus graviore etiam anni tempore circumactō convaluit. Itaque turpe sibi Montecucculus ducens, prope sub ejus oculis Fogaratum ab Turcis expugnari, quod futurum suspicabatur, etiamsi perpetuis paludibus munitum oppidum Germani custodirent, quod muri, turresque vetustate etiam, non tormentis modo contra eas dispositis collaberentur, eo exercitum ducere statuit. Mane quum parum a profectōne abesset, Turcas ter magna suorum cæde repulso de expugnatione desperavisse, Temesuariamque petiisse comperit. Hoc nuncio accepto, ipse quoque, ne laboribus exercitus conficeretur, in hybernis milites collocare statuens, relicto in unoquoque oppido firmissimo præsidio, Tochæum justis itineribus contendit. Ibiq. ponte Tibiscum exercitum traducens, Zebelinum pervenit. Quum paucos ibi dies moratus esset, Cæsaris litteræ ei redduntur, *Cassioviam exercitum duceret, ibique Veselini adventum expectaret, qui oppida ad byemandum militibus esset concessurus.* His litteris acceptis, navibus junctis in Patrochio flumine pontem efficiendum curans, quam brevissimo itinere Cassoviam pervenit. Multis de causis Cæsari ad hoc consilium descendere visum est, quarum illæ fuerunt præcipuæ, ut Pannoniam, Transylvaniamque propinquitate tegeter, neu quotidianis itineribus exercitum conficeret. Atque hoc consilium cœperat, et si in compositionis spem pervenerat, quod Turcas, ut hoc anno extrema non tentavissent, ita insequente fortunam fortius non periclitaturos sperabat, quum opinione fœderis, quod inter Alexandrum P. M., Cæsarem, Philippum Hispaniæ, Ludovicum Galliæ Reges, Veneruntque Senatum iniri dicebatur, eos terrere posse consideret. Hanc rem nonnulli prope effectam habebant: nam Alexandri precibus adducti, Ludovicus Antonio Barberino Cardinali, Philippus Aloysio Ponceleonio, Senatus Venetus Petro Basadonæ, Cæsar vero Marchioni Matthæo potestatem æquis conditionibus fœderis firmandi permiserant. Nullo tamen studio id agi cognitum est, quum Ludovicus abditos suos sensus Obbevillio committens, & animum Barberini offendisset, & reliquis aliam mentem ipsi esse suspicionem dedisset. Hispani præcipue quia in belli timore pervenerant, Cæsarem per legatos, ut pacem cum Turcis servaret, hortabantur; quod quum ipsi belli timore ampliora auxilia,

An. 1661

ut necessitudo postulare, mittere non valerent, utrum pro-
spere bellum esset cessurum, in incerto esset. Huic opinioni sus-
fragabatur etiam, quod dissensionis causa coorta erat. Obbevil-
lius enim non recte Cæsarem se Alsatiae Ducem inscribere, quum
ea sub Ludovici ditione sit, dicere, aliaque Hispano objicere.
Tandem hæ res Flavii Chisii Cardinalis Alexandri Pontificis Maxi-
mi ex fratre nepotis autoritate componuntur, quod res maximas
controversiis, quarum judicium opportunius in aliud tempus essent
collaturi, impedire turpe esset. Propterea Franciscus Barberinus
Cardinalis in hunc modum locutus est. *Si unquam fuit tempus, quo
Regum auxilium Christiana Respublica implorare coacta est, hoc qui-
dem certe unum esse vos non ignorare confirmo. Tempus sane difficilli-
mum, quod nunquam alias in majore discrimine fuit, quum tantum
virium, audaciaque suis innatis hostibus accefferit, ut ad omnibus im-
perandum se parare non dubitent. Hoc nec mihi in mentem venit,
quin maximo dolore afficiar, nec vobis exponere possum, quin lamen-
tis, lacrymisque prope muliebriter me dedam. Nec immerito; quum
majorem orbis terrarum partem quondam Crucem coluisse, nunc
Turcarum superstitione imbutam esse constet. Neque doloris causa
hic finis est; quoniam illi iidem Christiani, qui quondam barbaros
docuerunt, ipsos non recte facere, quum se bello lacefferent, nunc
contumeliis, injuriisque affecti eorum furorem mollire exoptantes,
ferociiores efficiunt. Ubi nam sunt Caroli Magni? Ubi Caroli Mar-
telli? Ubi Goffredi? Ubi sexcenti alii, quorum consilio, & virtu-
te in tantam claritudinem Christiana Respublica pervenit, &
quandoque ex periculo erepta est. Jam vetustate exemplorum hac vix
creduntur. Jam de injuriis propulsandis non cogitare consuetudine
turpe non ducitur. Jam ut reperiantur, qui pedes ponant illorum
in vestigiis, magis optatum, quam speratum est; nisi dicere vellem,
nunc primum spei momentum apparere, quum Regum jussu hujus rei
causa hic vos convenisse videam, atque eorum virtus, consilium, pietas,
præterea necessitas ad id hortari omnes videantur. Nam quæ ad
bellum suscipiendum fortissimos viros incitare solent causæ, eas om-
nes ad ideos deducturas confido. Quis enim unquam adeo mitis, vel,
ut verius dicam, ignavus fuit, ut pro sua, ac sociorum salute, pro
injuriis ulciscendis, pro Imperii, gloriaque cupidine bellum neces-
sarium non duxit? De gloria, Imperiique studio vel nihil, vel
pauca ad extremum dicam, quia frustra hoc uterer incitamento,
quando & numero, & pondere majora afferam argumenta. Optimo
igitur consilio prudentis esse non solum præsentia respicere, sed etiam
præsentire futura commemorabo. Quid? si vos, quia ab incendio*
abes-

abesse putatis, in periculum non venturos esse confidatis, vestram opinionem vos fallere dicam, oportet. An soli nescitis incendium restringere, nisi initio, difficile, ne dicam impossibile esse? An soli ignoratis, omnia continentia, ubi conflagraverit aliquid, consumi oportere? Scire juvat plus ab Arabia, Scythiaque, ubi incendium coepit, Graciam abesse, quam ab Gracia, Transylvania, Cretaque nos famus. Nisi celeriter tantæ cupiditati occurratur, facilius nos expugnare ipsis erit, quam tantum potentiæ, auctoritatisque nunc sibi comparaverunt, quam initio tot, tantasque bellicosissimas gentes perdomera fuit, quum paucis dignis potius, ut latronum, quam militum appellerentur nomine, neque pecunia, neque frumentum, neque arma suppetebant. Eo Turcarum consilia pertinent, ut nullum usquam orbis terrarum, nisi suum imperium sit. In banc rem semper eorum trahuntur mentes. Huc cogitationes, dicta, factaque omnia dirigunt. Nihil, modo imperii fines proferant, turpe ducunt. Qui fidē sefellerunt, & opportune magis, quam iuste bellum intulerunt, iis divini prope honores decernuntur. Enitemini ergo, ne tunc sociorum causam suscipere cupiatis, quum neque ipsis, neque reliquis (quod ominari borreo) remedium sit. Quid, quum casum nequicquam tunc erunt commissuri, nunc certiore spe rem non aggrediuntur? Quis eos prohibet viros esse, quum non metus, non nimia Turcarum opes, non ipsorum infirmitas impediendi loco sit? Solum, quod forsitan exigua spe pro sua salute ad extremum facturi erint, id representare necesse habent, si gloriam & vitati periculi, & parti Imperii ferre exoptaverint. Pœnitebit certe eos meam non accepisse sententiam, ut Græcos aliorum Christianorum injurias neglexisse pœnituit. Nescio unde fiat, ut non recte Christiani Regis facto alii Christiani Reges tantum permoveantur, & maximarum ab Turcis illatarum injuriarum obliviscantur. Cur sociorum gloria ita irvident, ut Imperii fines constituere iis velint, qui contemnendi potius essent, & timendos Turcas, qui cælum suum finire imperium arbitrantur, colunt? Cur unusquisque reliquos gloria antecedere cupit, & alius, ut ab aliopetenda pacis initium oriatur, expectat, Turcis vero, ad eos supplices legatos mittendo, auctoritatem attribuere non dubitant? Nota non est, an verius nihil eos permovet illorum superbia, quum non tanquam Reges, sed uti stipendiarios omnes habeant? Quousque eos ferociores efficere statuerunt, quum nunquam eos Turcis intulisse bellum gloriari possunt, quin potius donis, aliisque rebus pacem redimendam curent? Miror, tantæ arrogantia memoriā deposuisse Hispanos, etsi adduc cladis vestigia domi cernere licet. Miror, Gallos tot, tantosque insudatos labores contra barbaros, qui insancibiles urgebant, animo non continere. Miror, omnes nubi Turcarum avi-

An. 1661

aviditate permoveri, etsi eo tempore Venetos, Casaremque bello la-
cessunt, quo in maximum venire periculum possent. Et bujus rei, ut
alia omittam, testimonium est, quod unus Venetus Senatus pristina
Italorum virtutis memor sua constantia, & virtute exemplum præ-
buit, facile esse eos delere hostes, qui veterum victoriarum opinio-
ne se invincibiles esse gloriabantur. Non ne pluribus navalibus præ-
liis eos fuderunt Veneti, fusosque persecuti sunt? Non ne maris
possessione eos pellere & ausi sunt, & valuerunt? Non ne &
Constantinopolim prope obsidere, & Crctam defendere animum ipsis
fuisse apparuit, & futurum speratur? Nulla res aptior omniū
judicio ad expellendam dubitationem omnem videtur, quam exem-
pla, præcipue recentia. Ob hanc causam libenti animo prætermi-
to, Turcarum discordiam, Prætorianorum ignaviam, Præfecto-
rum omnium usus belli imperitiam Christianos potius ad victoriam,
quam ad bellum hortari. Proinde agitedum evitamine, ut miseris
Christianis subveniatur. Date operam, ut Reges eos beneficio ob-
stringant. Unis Turcis hoc consilium ingratum, reliquis & jucundis-
simum, & gratissimum erit. Omnes illud laudibus concelebrabunt.
Deus ipse præter victoriam, gloriamque, quam erit hic daturus, me-
mor vestri facti post mortem erit. Nolite committere quæso, ut belli
gloria penes innatos Christianorum hostes sit tanto religionis detri-
mento, & Christianorum dedecore. Alexandri P. M. potius exem-
plum imitemini, omnibus precibus oro, qui quamquam senio conse-
ctus, labori tamen non parcere decrevit, dummodo barbarorum in-
fringatur audacia. Vera etsi potius, quam dictu speciosa hæc om-
nia cognoscebant legati, tamen, quia ad præscriptum agere co-
geantur, speciosis illatis causis nihil abnuentes, vel pollicentes,
dies prolatare cœperunt. Quæ ubi cognovit Matthæus, ne se ne-
quicquam Romam venisse dici posset, petit, ut subito Alexander,
Cæsar, ac Venetus Senatus fœdere se conjungant. Nam in so-
cietatem cito Ludovicus, Philippusque venturi essent, ne ab al-
liis in Christianam Rempublicam studio superari viderentur. Hoc
facillimum factu fuisset, nisi Matthæus Aloysii conviciis perter-
ritus, quod nulla ratione ab illis suum separaret consilium, qui
partim potentis opinionem, partim amplioribus auxiliis maximum
Turcis inferre terrorem possent, a sua sententia, simulque Roma
discessisset. Ubi hæc Cæsari nuntiata sunt, longe aliud sibi capien-
dum consilium existimat, utpote qui majore ex parte auxiliis con-
sensus bellum suscipere non dubitabat, nunc hac spe lapsus pacem,
cum Turcis facere optimum judicat. Ejus rei causa Montecucculo
mandat, ne Chiminiano auxilia mittat, neu excursionibus Tur-
cas

cas laceſſat, etſi Joannes Sagredus Veneti Senatus legatus ſummo cum Tranſylvaniæ, Pannoniæque periculo id futurum dicebat, quum immaniffimosholtes nullo officio, ſed metuab maleficio temperaturos conſtaret. Pacis ſpe quoque permotus, Tranſylvanorum legatis, qui oratum venerant, *ut præſidia ex oppidis deduci jubeat, ne Turcæ Germanos expellendi ſpecie eorum potirentur*, ſe libenter id facturum reſpondet, quum Mehemetes nihil ſe contra Tranſylvanos, Pannonioſque conſilii initurum juraret. Per eoſdem dies Chiminiani legatus Viennam pervenit, qui ut ab Montecucculo tria equitum millia impetrare nequiverat, Cæſarem oratum venit, *ne hoc petenti Chiminiano denegaret. Nunc Abbaſſum expellere nihil negotii eſſe, quum, ubi Tranſylvania Halius exceſſiſſet, omnes ad Chiminianum tranſviſſent*. Cæſar quum amplius Turcas non laceſſendos ſtatuiffet, renunciari legato jubet, *rem magni discriminis, & laboris eſſe aſpera hyeme milites in expeditionem mittere: æquo animo conſilium in aliud diſſerret tempus, dum alias nanciſceretur occaſiones, & quid Turcæ conſilii iniſſent cognosceſci poſſet*. In hoc quidem perfeveratum eſſet, niſi nuncius de Mehemetis Chiuperlii morte allatus injuriæ ulciſcendæ, ac Abbaſſi expellendi deſiderium feciſſet: quoniam magnam habebat ſpem Cæſar, Turcas vel per inteſtina arma adverſus ſe bellum trahere, non poſſe, vel aliquem ad ſummum magiſtratum evocatum iri, qui ſeu ingenii placiditate, ſeu rerum militarium imperitia, ſeu timore, ne magiſtratus initio res aliquem reciperet caſum, bello non ſtuderet. Conſtabat enim Regi ingenium ad Imperii molem ſuſtinendam parum aptum eſſe, propterea conſiliorum ſummam ad Zaimam matrem redituram ſperabat. Nemo ergo ſibi perſuadere poterat, muliebri ingenio viro, atque mulieri jam ſeditionis præmiis aſſuefactos, & ſevitia, atque calliditate Chiuperlii in officio retentos Turcas ab ſeditionibus continendi poteſtatem fore. Conjeſtabant idcirco Germani non ſecus, quam flumen, ubi ſepta perſeſſerit, rapidiſſimum, ita mortales, timore remoto, quo antea coerccebantur, licentiores. Itaque ad Montecucculum ſcriptum eſt, *ſtatim tria equitum millia Chiminiano mittat*. Hoc ſubſidii ad eum ad dignitatem reſtituendum ſufficere hoc tempore viſum eſt, quod non amplius Mehemetis Chiuperlii virtus, ejuſque optimum conſilium ipſi impedimento erat. Nunc, quoniam huc ventum eſt, nec alio loco de tanto viro dicere oportet, quam pauciſſimis de cultu, moribus, ac ejus natura diſſerere non ſupervacaneum duxi. Mehemeti Chiuperlii nomen ex obſcuro Illyrici caſtello, ubi natus, educatuſque fuit, inditum eſt: incertum ab patre Peruſino, an Gallo, nobili

An. 1661 an nauta prognatus : nam utrumque est ab authoribus traditum . Adolescentiam primam operibus rusticis intentus transegit . Simulatque postea stipendiis faciendis se exercuit , qua animi magnitudine , ac virtute , qua consilio Ducem tanta amicitia sibi conjunxit , ut , confecto bello , Constantinopolim eum duceret ; Amuratemque , qui tunc temporis imperabat , doceret , nunquam tam maturæ virtutis , tantæque expectationis juvenem fuisse . Hoc modo præclara ejus facinora memorans , suamque gloriam cum eo participans , ut in Regis gratiam Chiuperlius veniret , effecit . Chiuperlius etiam suam operam Uglano Eunuchorum Regiæ domus Præfecto (majorem enim gratiæ causam apud Amuratem Regem voluptatibus deditum nemo habere poterat , quum hic libidinum minister assumptus esset) pollicitus , primo in ejus amicitiam fuit receptus , deinde tantum se ei insinuavit , ut sicut unius Uglani gratia apud Amuratem , ita unius Chiuperlii favor apud Uglanum valeret . Ab hoc arcana omnia eliciens , & artes , quibus carissimus Regi fieret , edocuit , brevi tantam authoritatem sibi comparavit , ut aulicorum omnium oculos in se averteret , & sic invidiæ tempestas , ut sit , sequeretur : quam tamen partim Uglani authoritate , partim suo consilio , partim rerum gestarum decore vicit . Res sane difficilima , quum gloria tantum abest , ut invidiæ flammam extinguat , ut potius materiam incendio suggerat . Fortuna etiam , quæ omnia ejus consilia probare statuerat , effecit , ut Fatimæ cujusdam , quæ erat Zaimæ ancilla , amore captus , invito Selimo magnæ inter Turcas authoritatis viro , qui rivalis erat , eam uxorem duceret , & sic majoris favoris initium fieret . Nam Uglani , atque Validæ Amuratis matris opera Zaima uxoris loco ab Amurate habita est . Quæ ubi plurimi suam gratiam apud Regem esse intellexit , Fatimæ suæ ancillæ id dedit , ut Mehemetis ejus viri patrocinium susciperet . Sic hujus precibus ab Rege obtinuit Chiuperlius , ut Beryto præficeretur . Ex qua præfectura partim suis artibus , partim illorum omnium favore , quorum maxima erat apud Regem authoritas , alios sibi peperit magistratus . Tandem , mortuo Amurate , Hibraimus frater regnare cœpit : qui etiam Validæ opera Zaimam eodem loco , quo Amurates , habuit . Tanta Validæ æta prope ætate femina dominationis cupido inerat , ut , quum Zaimam sibi fidelem cognovisset , ejus authoritatem semper crescere optaret . Zaima etsi ex Hibraimo filium Mehemetem susceperat , tamen , quia amor multitudine distrahebatur , tantum apud Regem non potuit , ut Chiuperlium ab Selimi inimicitia ex Fatimæ nuptiis concepta defenderet . Selimus enim ad summum Magistratum

tum evectus, eum in vincula coniici jusserat. Hibraimus vero quum esset invifus omnibus, Valida mater confilium ad ejus necem feditionis hortandi cepit. Ad fe enim Imperii summam redituram sibi perfuaserat, si Mehemetes Zaimæ filius Rex crearetur. Compositis jam rebus, dies ab eo, quem ipsi Mufthium appellant, Hibraimo dicta est, ut nisi criminibus, quæ imperiũ tempore alia super alia erat ausus, se expurgaret, mortis pœnam sequeretur. Matris igitur ambitione mortuo Hibraimo, (si matris nomine illa sit appellanda, quæ imperii studio tantum scelus non modo concipere, sed admittere quoque ausa est) Mehemetes Rex salutatur. Valida in procuratione Regni propter Regis ætatem sit, cavetur. Quæ tamen, ut supra dictum est, morte incredibilis in suos sævitix, atque imperii libidinis pœnas dedit. Eandem pœnam reliqui, quorum magna pars in superiore quoque conjuratione fuerat, pependerunt. Chiuperlius postea ad summum magistratum ab Zaima evocatur, qui tum Reginae favore, tum Validæ exitus exemplo permotus morte illorum, quos novis rebus studere, & suæ authoritati invidere intelligebat, comprimere motus cœpit. Fama tunc temporis valuit, ad sex hominum millia eum interfecisse. Inexpugnabili ingenio, ac furibundus vir supplicia in seditiones, fortissimosque, juxta viros, qui in affectati muneris suspicionem venissent; componebat. Sicillis, quorum virtus magni apud Turcas habebatur, interfecit, ut nec ipse, nec Rex fortunæ commutationem vereretur, effecit: nam nec seditionibus proficere contra Regem factiosi poterant, quum callidissimus vir ejus ultor esset, nec Regi tantum animi erat, ut quid gravius in suum servatorem decerneret, quin potius tantum Chiuperlii gratiæ tribueret, ut quotidie ægritudinis tempore ejus domum veniens, eum patrem appellaret. Ita, quod ante id tempus acciderat nulli, multos annos magistratui præfuit, & amplius fuisset præfuturus, nisi sexto, & quinquagesimo ætatis anno finem vitæ morbi vis fecisset. Non eisdem omnibus artibus magistratum summum sibi peperit, atque partum administravit. Nam ubi tum lenitate, ac mansuetudine, nunc severitate, & crudelitate, ubi primo omnium animos sibi conciliando imperabat, postremo timorem omnibus inferendo Rempublicam administrabat: semper tamen calliditatem summam, ac diligentiam, prout quæque res eam requirere videbatur, adhibuit. Id ducebat honestum, quod sibi conducere cognoscebat. Ejus rei causa pacem violare in turpissimis non habebat rebus, ut fortes viros, contra quos apertam vim non proficere expertus erat, periculis, & dolo obiectaret, ut Acmetes filius, aliis mortuis, ad honorem evocaretur: ut fuit: nam

Q

pau

An. 1661

paucis repugnantibus Acmetes ad dignitatem evehitur, etsi, patre invito, Joachimam Regis sororem sibi junxit. Laudis enim bellicę opinionē, & eorum favore, qui plurimum apud Regem poterant, consultum existimabat filio Chiuperlius, licet juvenem triginta annos natum, & filium quasi ex testamento in locum patris succedere Turcę veterē eorum instituto periculosissimum ducebant. At quum ad has res nimia hominis potentia Regis affinitate aucta accessisset, merito, quin sibi Rex timeret, Chiuperlius dubitabat. Sed contra, atque a majoribus Turcę acceperant, ut summo magistratui Acmetes præficeretur, Zaima adducta scēminarum omnium consuetudine enisa est, quibus generi nunquam satis dignitate auctiores videntur. Hoc modo, quod filio ad rem assequendam impedimento futurum Chiuperlius suspicatus erat, illud ei omnino honorem peperit. Quorundam enim sententia fuit, adeo de sua in Chiuperlium benevolentia Halii gratia Zaimam diminuisse, ut, nisi novo vinculo ejus voluntatem Acmetes redemisset, collata in adolescentiam culpa ei Halium prætulisset. Quod fore antea suspicatus Chiuperlius, Fatimam uxorem, quam carissimam semper Zaima habuerat, ad eam miserat, ut abditos sensus eliceret. At Fatimę multa sensim explorare cupienti aliud responsum datum non est, quam Halium tot, tantique egregiis belli facinoribus, aliisque artibus sua gratia dignum esse. Hac quidem re ad alia indicia accedente, non dubitandum sibi statuerat Chiuperlius, quin Zaimę confidere non posset: propterea inter alias res Regi se exigua in spe animam trahentem visitanti dixit, *ne mulierum uteretur consiliis: alia, quę ad Rempublicam administrandam necessaria cognovisset, Acmetem filium ipsi traditurum*, quum ipse vi morbi vocem exprimere non posset simularet. Acmetem mandaverat, ne, quum ipsi imperium permetteretur, per focordiam conficiendi belli opportunitatem dimitteret, quum ex otio seditiones oriri consueverent. Monuit tamen, ut ipse in exercitu esset, ne Zaimę animum offenderet, si Halio imperium per injuriam eripere videretur. Periculosum esse, Halium imperii summam obtinere, docuit, quoniam rebus præclare gestis ejus autoritas cresceret, rebus adversis non minueretur, quod in juvenili animo nihil consilii esse Turcę credentes, totius rei invidiam ab sene in juvenem averterent. Ex his utrumq; casum summo cum sui capitis periculo fore Acmetes cognoscens, consilium ad exercitum contendendi primo capit, deinde periculosum primo imperii anno omnia fortunę committere ducens, pacis conditionibus Cæsarem ludificare, & interea in omnia ad bellum necessaria paranda insistere decernit, ut insequentī anno in-

incautos Pannonios , Germanosque maximo apparatu aggrediens, incruento exercitu victoria potiatur . Ut facilius hanc mentem sibi esse Cæsar crederet, Halio scribit, *quoniam belli tempus non esset, exercitus partem, quum primum per anni tempus posset, minoribus itineribus Constantinopolim mittat, partem sibi ad tegendos fines relinquat.* Sic iis rebus, quas pater providerat, se prævertisse lætatur, eo magis, quod ex gratulationibus plebis animos sibi conciliasse intelligit, quum alienum a bello animum se habere ea arbitraretur . Itaque consilium non mutat, etsi devincendę Transylvanię opportunitatem, Chiminiano mortuo, prætermitti cognoscebat . Nam Chiminianus ubi tria Germanorum equitum millia, quinque millibus, quæ habebat in armis, adjunxit, Megium, quod ibi Abbassum infirmo præsidio esse intellexerat, petit . At Abbassus certior de ejus consilio factus per Joannem Bettelenium, qui in Chiminiani exercitu erat, Segethusam confestim se recipit, ut oppidi munitionibus resistere hosti possit, quoad Turcarum convenirent auxilia . Profectione ab Chiminiano cognita, deses tempus non terit, quin eo exercitum duceret . Quo simulac pervenit, durissimo hyemis tempore oppidum circumvallare instituit . Erat rei bene gerendæ occasio, quod anguste re frumentaria obfessi uterentur, nisi compositionis spe se frustrari passus esset . Bettelenius enim, alii-que, qui Abbasso studebant, *præstare petenti Abbasso pacem dare, quam fortuna omnia committere dicebant, quæ quos afferret casus, incertum esset . Se sibi legationem suscepturos, ut rei sine vulnere composita gloriam ferrent.* His ignarus ludificationis præstat fidem Chiminianus . Missis igitur, remissisque legatis, dum Abbassus modo has, modo illas moræ causas facit, tempusque extrahitur, adventare Cutschiucus Varadini Præfectus cum mediocribus copiis nunciatur . Sed tantam suarum rerum Chiminianus fiduciam habet, ut luxu fluentes Turcas hyemem, itinerisque laborem pati non posse crederet . Licet primum conspicabatur agmen, tamen pabulatores esse ratus, se ad nullum casum comparat, immo majorem equitatus partem pabulatum mittit . Hoc statim a Bettelenio Cutschiucio nunciatur . Qui opportunitatem nunquam corrumpere paratus, suos cohortatur, *ut pristina virtutis memores nihil suæ fortitudinis opinionione indignum committerent . Nihil esse, quod de victoria dubitent, quum imparatos, atque ab aliis seclusos adorirentur . Equo animo accelerarent iter, ut quam minimum possent spatii ad se ex timore recipiendum hostibus darent.* His dictis, Turcæ maturant iter, adeo ut Chiminiano, qui in pago non longe ab oppido erat, ad suos cohortandum, ad aciem instituendum, & ad omnia, præter quam

An. 1662

ad se in equum inferendum, tempus defugit. Utque is, qui nihil providerat, incertus quid ageret, in fuga ne, an in armis præsidium poneret, tandem fortunam periclitari paratus, ut vel victoriam adeptus in Imperio ætatem ageret, vel adversa pugna facta cum dignitate vitam amitteret, Germanos sese expedire jubet. Sed ut apud suos tanta erat negligentia orta, ut non stratos, infrenatosque haberent equos, omnia trepidanter, ut in extrema spe salutis solet, administrantur. Vix ergo arma cœperant, quum in eos se ciciunt Turcæ. Transylvanorum maxima pars, Germanorum pauci fuga salutem sibi pariunt; quoniam sive laboribus confecti Turcæ, sive quod fugientes sylvis, montibusque tegi arbitrati essent, eos non sunt consecrati. Reliqui ad duo millia, qui mortem potius subire, dummodo fortissimorum virorum opera edant, quam timoris suspicionem dantes periculum effugere exoptarunt, ad unum interficiuntur. Chiminianus, ut suos confirmaret, in media mole pugnae versatur, at ubi tandem rem in extremo sitam vidit, calcaribus subditis fuga ad salutem contendere decernit. Sed sive casu equo decidisset, suorumque fugientium multitudine opprimeretur, sive consulto ab aliquo vulneratus interficeretur, (quod, utpote vulgo circumferebatur, non inverisimile videtur, præcipue quum ab suis proditum semper fuisse constaret) magna adhibita diligentia inter cadavera reperiri non potuit. Vir, qui ut ab omnibus magni consilii, ac calliditatis, ita rerum militarium imperitus, incertus, ac nimis in exequendis consiliis piger habitus est. Mihi autem nec callidum, nec consilii virum fuisse constat, qui se pacis spe ludificari non animadvertit. Tanta victoria Michael, Cutschiucusque mirum in modum lætitia afficiuntur. Uberiorem, pleniorumque prædicant. Hujus rei opinionione, & Bettelenii opera, ut fama valuit, Georgenium recipiunt. Bettelenius adeo de prodizione lætabatur, ut acceptam pacem sibi referendam diceret. *Se hoc consilio, non in Chiminianum, odio, vel imperii cupidine rem suscepisse, quum pro patriæ salute omnia honesta videantur.* Georgenium frequentes legationes, quod commune Transylvaniæ concilium Abbassus indixerat, veniunt. Omnesque legatum ad Cæsarem mitti oportere confirmant. Et Stephanus Daniel aptus visus est, qui Cæsarem de Chiminiani morte doceret, simulque oraret, ut præsidia ex oppidis educat. Daniel ut Viennam pervenit, Abdurahanum ab Halio legatum de pace ad Cæsarem missum reperit. Quumque ei responsum esset, *a pace nunquam Cæsarem abhorreere, ubi equas proponeret condiciones,* in spem negotii conficiendi venit. Propterea miratur, se subito di-

mis-

missum, ita ut nihil ad suos perferre posset: quod non parum Abbasso displicuit. Conjectans ergo, Cæsarem cum eo agere noluisset, quod se Transylvaniæ Principem non esse existimaret, quum non omnium suffragiis, sed Turcarum jussu Principatum iniisset, propterea, ne frustra victoriam ex Chiminiano peperisse dici posset, non cunctandum statuit, quin per vim, vel voluntate, quæ posset, oppida recipiat. Hujus rei causa non dum exacta hyeme Semosovarium petit: cujus oppidi munitiones, ac præsidii animos quum pluries nequicquam tentasset, nullamque negotii conficiendi propinquam spem haberet, oppugnationem relinquit. Inde Fogaratium exercitum ducit, postquam precibus ab Cutschiucio, ut eodem veniret, obtinuit; quoniam oppidum natura loci, & manu munitum oppidanorum opera, qui suis rebus faverent, recepturum confidebat. Hac spe plenos quum appropinquare oppidani cognovissent, Gregorium Bettelenium, qui oppido præerat, frequentes conveniunt, orantque, *ne vim experiri velis, cui sine periculo oppido excedere liceat: se Michaellem Abbassum optime de omnibus meritum Principem urbe probiberi pati non posse: si sibi mos non geratur, se sibi consilium capturos.* Quorum vi etiam, non oratione solum perterritus Bettelenius, (armis enim ei minitabantur) cum militibus, qui ibi custodiæ causa erant, Zechelidem discedit. Paucos ibi dies moratus Abbassus, ut ex labore exercitum reficeret, ad Claudiopolim iter dirigit. Nihil enim dubitabat, quin rem assequeretur, quum oppidani missis occulte legatis, se imperata facturos pollicebantur. At si horum non procederent promissa, tamen rem assecuturum sperabat; quoniam, utpote eo murorum, atque turrium genere, quod vetus disciplina postulabat, oppidum munebatur, plurimum tormentis proficere posse sibi persuaserat. Fossa non nimis lata, non aqua completa, usum ad defensionem habebat nullum. Opinio Abbassum non fecellisset, nisi mille Germani, qui oppidum custodiebant, hortatu Davidis Retani Veneti oppidi Præfecti, cujus constantiam, bellicque peritiam omnia laudabunt sæcula, nec laborem, nec periculum se recusaturos confirmavissent. Retanus sive de legatione ab oppidanis ad Abbassum missa cognovisset, sive eum Bettelenii casus admonuisset, nocte occupatis patentioribus oppidi locis omnes armis exiit, illosque, quos aliqua apud oppidanos autoritate, alieno in se animo, atque rerum novarum avidos esse intelligebat, ne multitudinem adversus se concitarent, ex oppido expellit. Hi statim se ad Abbassum conferunt, qui magno dolore afficitur, quod, seditionis nervis ejectis, spe sine contentione oppidi recipiendi delicie-

ba-

AD. 1662 batur. Animo tamen non deficit, sed Joannem Bettelenium cum millibus equitum binis præmittit, qui Retanum per amicitiam moneret, *ne suam, ac omnium salutem in dubium devocare velit. Potius præmia, quibus ipsum esset remuneraturus, cum laboribus, quos ferre obsidionis tempore necesse haberet, atque cum cruciatibus, in quos venturus expugnato oppido esset, conferret. Quum responsa fortissimo viro digna ab Retano data essent, tanta iracundia Michael, Cutschiuciusque exardent, ut, simulatque pervenerunt, oppidum circumvallare instituerent. Opere perfecto statim tormenta tribus in partibus contra muros disponunt; quibus nullo negotio everfis, aditum ad urbem sibi paravisse credebant. At transversam fossam intra murum perductam, vallum, aliaque opera instituta sibi esse impedimento intelligunt. Ex hac re Retani virtutem, diligentiamque, ac militum patientiam cognoscunt, quum quietis facultatem iis esse non posse judicarent, qui tempus, quod ab labore intermittebatur, eruptionibus faciendis, aliisque obeundis muniis tribuebant. Hac de causa re infecta discedere cogitabant, maxime quod rerum omnium inopia exercitus premeretur. Sed paucis post diebus rei gerendæ fiducia innata est, quod Nicolaus Zoloimius, quem Principatum ab Turcis petiisse demonstravimus, Turcarum voluntates redempturum sperans, frumento exercitum juvat. Eos præterea docet, Montecucculum suis subsidio venire non posse, quum eum ex suis finibus Pannonii amovissent. Multum vero eorum animis addidit, Selimi Agræ Præfecti litteras cum hujus oratione convenire. Ex quibus item de Pannoniorum seditionibus cognoverant. Selimus enim de rebus omnibus ab Andrea Nejereghio, ut infimi generis, ita expertæ temeritatis sene certior fiebat. Qui superiore tempore ab Turcis captus prædæ nomine fratri, & eo mortuo ad ipsum hæreditate obvenerat; tandem dimissus aditum ad eum habens, *se miserorum suscepisse causam, scribit: orare, ut Turcarum opibus ipse, Pannonique omnes juvari possent. Hic, quum rescripisset Selimus, se, quantum auctoritate valeret, ad Pannoniis subveniendam enisurum, tantam sibi sumit audaciam, ut non occulte, ut antea, seditionis mentionem ad vulgus fereret, sed palam malediceret Germanis. Certis enim auctoribus se comperisse dicebat, iis in animo esse, Pannoniis adimere libertatem. Non adhuc eorum cupiditas expleta est, inquit, etsi nobis templa ablata sint, nisi mortis quoque pœnam subeant ii, qui Romanum Pontificem Dei iu Terris vices gerere non confirmant. Et pati potestis Pannonii, ut in dies tantas injurias commulent? An parum vobis id videtur? An satis vobis**

bis

*bis imperio natis est formas hominum habere, & vocem exprimere posse? Pudeat vos nullam libertatis memorem vocem exprimere. Pudeat, nullum inire consilium manu id retinendi, quod majores manu partem reliquere. Ego, quum senectas, & mea fortuna operam patriæ præstare prohibeant, qua una possum oratione, vos ad libertatem hortando, eam vindicabo. Magno cum assensu ab omnibus audiebatur Nejereghius, atque ut seditiosissime in dies dicebat, ita quam maxime eum rerum novarum avidi, hæreticique laudibus ferebant. Hi quod religionis, Illi quod libertatis vindex futurus videretur. Igitur supra infimi hominis modum elatus, secum trahebat multitudinem. Non minor Comiti Emerico Balassæ iusido juxta, ac mobili viro agrestium approbatio fuit. Hic per simulationem privati negotii eo contendens, ubi exercitus erat, agrestes adversus Germanos ita concitavit, ut nihil Deo gratius, quam Germanos, velut pro victimis, immolare existimarent: nam, ubi in singularem, aut paucos incidebant, magnis cruciatibus eos interficiebant. Ubi cognovit Montecucculus, milites tot incommoda in dies accipientes neque morbi, neque Pannoniorum vim sustinere posse, quod neque per vim, (nam alienum animadversio- nis tempus esse non ignorabat) neque precibus obtinere posset, ut hyberna non recusarent, ad Cæsarem scribit, *se ex una re dolorem non capere, quod tot malorum, in qua inopia, & anni tempore bene de ipso meriti milites projecti essent, auctor non fuisset. Perpetuum Pannoniorum adversus Germanos odium esse; nec se propinquam spem ipsorum voluntatum commutationis habere, quum ab Turcis, aliisque ad furorem impellerentur. Miserrimis ergo quamprimum prospiceret, orare. Eodem die, quo has miserat litteras, Comitem Joannem Rotalium ab Cæsare missum cognoscit, quem, utpote Pannoniis acceptus erat, eos ad sanitatem reducturum confidebat. Rotalius, ut quam ocyssime militum incommodis medeatur, ubi consilia cum Strigoniensium Antistite, ac Veselino itinere communicavit, statim maximis itineribus ad Montecucculum pervenit. Consilium ergo habent, ut, quod initium sedandi tumultus capere expediret, decernerent. Montecucculus non esse tempus dicere, cruciatibus seditionis principum rem componendi; quoniam, quum ipsis confirmaretur opinio, Cæsarem servorum loco Pannonios habere velle, extrema essent ausuri. Potius precibus admitteretur, ut eis persuaderet, Cæsari longe aliam mentem esse, quam perditissimi homines prædicarent. Ostentari magis ab eis, quam veras esse causas, quum, ut ab injuriis Turcarum eos prohibeat, neque aratio, neque suorum sanguini, neque suis laboribus**

par-

An. 1662 *parcere constituisse. Hac una ratione, ac divina ope tam obstinatos animos aliquid pro sano facturos esse. Postero die Cassoviam pervenisse Veselinum Rotalio nunciatur, idcirco ad eodem contendendum moram interponit nullam. Ibi Civitatum legationes convenisse reperit. Ubi eis initio orationis suum in Pannonios studium, ac Cæsaris in eosdem merita exposuit, non alio consilio eo venisse addit, quam ut militibus, Pannoniisque juxta Cæsari caris prospiceret. Ex hac re cognosci posse, errare, atque mentiri eos, qui eum per vim rem assequi velle dicerent. Orare, necam maculam Pannoniis vellent, ut videantur ingrati. Sed quoniam de libertatenimium solliciti erant Pannonii, de omnium fidē dubitant, perinde ac omnes contra se consilia iniisse manifestum haberent. Atque in eadem sententia de recusandis hybernis permanent. Non deerant, qui Veselinum non consilii ignarum dicerent; nobis, quod non constat, pro certo ponendum non videtur. Certum tamen est, non sine primorum patrociniū tantos sibi eos potuisse sumere spiritus, ut quidam juxta Andreā Neiereghium seditiosus, cujus temeritatem potius, quam nomen non ignoro, ira plenus diceret. Tantum ne vestra tribuitis calliditati, Germani, ut quod manifestissimum habemus, occultari posse speretis? An satis non est, nos usque adhuc consiliorum non ignaros, armis, quibus libertas tegitur, jus nostrum persecutos non esse? Parum ne est, nos tot, tantasque injurias inultos tulisse? An Germanis nostrum arari agrum, eisdemque nos pecoris pabulo studere putatis? Ad stuprum ne filias, & ad servitutem liberos nos educavisse, & educaturos speratis? Certe huc rem adduci, ut, quodcunque scavis hominibus placeat, perpeti necesse sit, neque ego, neque alii, qui arma habent, passuri sunt. Nondum ministrorum Cæsaris cupiditas expleta est, est militum stipendia fraudant, ut rapinis illi vivere necesse habeant, nisi nobis servitutem injungentes, magis privato compendio serviant. Alia addidit, quæ referre hic piget. Extremum tamen orationis fuit, se hanc inveterascere consuetudinem nolle, ut Pannonia ad byemandum externis attribuat. Hoc ad unum cuncti, qui aderant, probant, atque in eo perseverant, et sic maxime ratione, ne impune Turcæ uti excursionibus possent, Germanos ibi præsidio esse optare debuerant. Conatus est aliis rationibus eos ad sanitatem, Rotalius reducere, sed tandem rem sæpius nequicquam tentatam, omittendam statuit, & de rei frumentariæ prospiciendo cogitare. Ob eam causam in Sarmatiam mittit, qui frumentum pretio pararent, ne in posterum inopia militum diminueret vires. Quumque postea magis, magisque in dies Pannoniorum animos ad ulciscendum*

dum ardere cognosceret, quod neque palantes in agris Germanos interficiendi, neque Montecucculo portas claudendi eis audacia deesset, de omnibus Cæsarem certiore facit. Montecucculus quoque permotus injuria, quod humilis, atque ignobilis Zebenii opidi Decuriones excludendi sui causa portas clausissent, Cæsari eadem enunciat. Qui ei rescribit, *exercitum Danubium transduceret, & in citeriore Pannonia illum collocaret*. Jussum subito efficiens Montecucculus, ubi pervenit, exercitum recensendo tertiam periisse partem reperit. Pannonii, qui loca citra Danubium incolunt, sunt reliquis humaniores, fereque omnes orthodoxam, profitentur religionem. Hi primo quamvis crebris sollicitabantur litteris, tamen non tam inimico animo in Germanos erant. Sed quum deinde Cæsar commune totius Pannoniæ indixisset concilium, in suo conspectu seditionibus locum non fore sperans, remedium, in pestem conversum est. Nam non secus, quam morbos vulgare, contagio solet, ita sediciosi nacti colloquiorum potestatem quieti studentes corruerunt. Ubi Cæsar Posonium venit, eo præsentem in concilio ab nonnullis dicitur, *Cæsarem tantum Pannoniorum fidei, ac consilio considerare, ut apparitum speraret, frustra itineris laborem non suscepisse: ejus præterea mentem nihil, præter ea, quæ ad ipsorum salutem pertinerent, videre*. Ab legatis Strigoniensium Archiepiscopo negotium datum est, ut pro tot, tantisque beneficiis gratias Cæsari ageret, adderetque, *se gratiam relaturos sperare*. Cæsar, ut omnium sibi conciliaret animos, itidem eis gratias pro optimo ipsorum in se studio agit, *atq; nunquam de Pannoniorum fide dubitavisse confirmat, quoniam, ut nihil ipsorum salute oarius habuerit, ita quidquam suæ laudi ab ipsis præferri non posse sibi persuasum habere, ne Dei, hominumque ope indigni videantur*. Alia præterea, quæ memoriæ prodenda non videntur, dicta sunt. Ita mutuis officiis is consumitur dies. Haud dubie facilius rem assequi, non dum matura re, potuisset Cæsar, quod sediciosi nondum reliquos ambiendo, eos in suam sententiam perduxerant. Itaque quo majus intercedebat spatium, eo omnium æqualior fiebat audacia. Postero die quum in eundem locum convenissent, hæretici ab Cæsare petunt, *ut sibi templa tribus ante annis adempta reddat*. Cæsar de his rebus agendi tempus esse negat, *quum Turcæ in faucibus urgeant*. At illi de belli ratione agere non posse dicunt, *nisi, quæ petissent, se adeptos esse prius cognovissent*; & in hoc perseverant. Horum temeritatem detestantur omnes, qui consilii participes non sunt. Utque in duas discescerant partes, Catholici Cæsarem orare, *ne metus opinionem præbeat*; hæretici pronuciare, *se*

An. 1662

triduo proximo discessuros, nisi eandem patriæ formam nunc esse cognoscant, atque tribus ante annis fuisset, alii vero occulte hæreticos hortari, ne negotio desistant, non quod penes eos victoriam esse placeret, sed quia, si perpetuo hæ tenerent contentiones, re infecta Cæsarem discessurum confidebant. Interim suorum consilium Cæsar habet, utrum invitis hæreticis decerni expediret, quod ex usu Pannoniæ esse cognovisset. Rem enim assecuturum sperabat, quum supra ducenti catholici, & minus sexaginta hæretici suffragium ferrent. Exquisitis sententiis, omnibus placere comperit, ne hæreticis invitis quidquam, quoad possent, statuerent: facile enim ab eis defectionis initium fieri posse, quum maximam sibi irrogatam injuriam arbitrarentur. Hac de causa agit mitius cum eis Cæsar, si fortasse eorum mentes sanare posset. Sed ea res frustra fuit: nam mandatis Civitatum ad unumquemque perlatis, se omnino posttridie discessuros, nisi sibi satisfiat, pronunciant, atque hoc addi faciunt; &, quod verisimile in tanta perfidia credo, omnes pro viribus quædam fingendo, quæ certis authoribus comperisse, vexel Cæsare audivisse dixerunt, Civitates ut ab ejus amicitia averterent, enisi sunt. Cæsar discessu eorum catholicos sibi morem gesturos arbitratus, quæ agenda communis salutis causa censeret, exponit. Hi imperata se facturos dicunt, quum satis apparuerit, ipsum quidquam de suis legibus diminuere nolle. Hoc nunquam sibi dilucere posse, nisi Germanos Pannoniæ finibus excedere jubeat, quum legibus sancitum haberent, Regi, nisi de concilii sententia, externos in suos fines introducendi facultatem non esse. His auditis stupor Cæsarem, omnesque qui aderant, admiratione tantæ temeritatis tenuit. Persuadere enim sibi potuerat nemo, ne imperatoriam quidem majestatem eos in officio continere valere, atque nec imminens belli periculum eosdem impellere potuisse, ut controversiarum obliviscerentur; præcipue quum Cæsarem in consilio ineundo occupatum viderent, quemadmodum suis, ac suorum opibus ipsos ab injuria defendat. Concilium dimittens Cæsar, suos omnes consultandi causa ad se vocat. Omnes (ut in tali re solet) ubi omnibus precibus Pannoniorum mobilitatem, ac perfidiam sunt execrati, potius reliquum temporis in eo, si fortasse, quid ipsis consilii sit, cognoscere possint, quam in remedio maximo malo reperiendo consumunt. Tandem perfidiam, audaciamque potius precibus leniendam, quam animadversione exagitandam censent. At quum pluries & singillatim & palam in concilio Cæsar Pannonios monuisset, ne se imparatos deprehendere magno cum periculo patiantur, & tamen in incepto perstarent, perpulerunt eum, ut par-
tem

tem exercitus illico, partem brevi educi juberet. Hac satisfactione accepta, quid Cæsari visum fuit, decernere non respuunt. Quod eo facilius fecerunt, quo difficilius exequi posse propter hæreticorum perfidiam non ignorabant. Hoc ex eo apparuit, quod eos ab Cæsare petere non pudit, *ut palam se ipsorum jura violasse profiteatur, & nunquam se, nisi de concilii sententia, Germanos in Pannonia versari passurum polliceretur, inque eam rem suam interponeret fidem.* Adeo enim asperiores, non mitiores iis rebus impetratis facti sunt, ut tanta insolentia placidissimum quoque infimi hominis ingenium, non modo Regem accendisset. Homines tamen, qui natura mobiles sunt, & omnem ætatem in seditionibus agunt, primo hæreticorum, deinde aliorum exemplo, qui impune tantæ præstitæ audaciæ gloriam tulerunt, veluti assuefacti, ingens flagitium, non fieri existimabant, quum Regi imperare, non parere vellent. Hujus concilii eventu documentum potius in aliud tempus rem differendi Regibus datum est, quum neque vi, neque metu, neque precibus continere suos in officio posse constat, quam eos inopportunis remediis ferociores efficere. Optimum tamen omnibus visum esset, si Cæsaris Consiliarii hyberna in Pannonia, nonnisi maxima urgente necessitate, constituere statuisent; quoniam quum imminens hyeme periculum fuisset, vel, aliis superantibus malis, sese ab hujus rei cura avertissent Pannonii, vel, imposita necessitate, satius Germanorum atrocinita, quam Turcarum incendia, & cædes pati duxissent. Sed quum procul ab sinibus hyemarent Turcæ, proclive plebi fuit seditiosis primo præbere aures, postremo in animum omnino inducere, Germanos multiplicare fama bella, ut se defendendi specie munitissima occuparent loca. Ex his rebus providens Cæsar, quem eventum suis rebus sperare posset, quum Pannonios magis, quam Turcas timere cogeretur, atque nec propinqua spes esset ad se Christianorum Regum auxilium recipiendi, quoniam Romæ nullo studio de his rebus colloquia haberi cognoscebat, legatum de compositione ad Mehemetem Joannem Philippum Persium J.C. mittere statuit. Hunc negotium perfecturum sperabat, quum Turcas opinione fœderis, & fama compositæ in Pannonia rei a proposito desistere posse confidebat. His compositis rebus, legatus ex Transylvania venit, qui *Halium Clausenburgum expugnare, & Turcarum Regi imperio addere velle docuit, quia per Abbatem stare ille arbitretur, quominus oppidum non loci natura, non manu munitum expugnetur: orare Cæsarem, ne banc occasionem Turcæ præbeant, sed Retano imperet, ut oppidum Transylvanorum esse patiatur.* Addidit præterea, eo loco rem esse, *ut, si præsidia ex Tran-*

AN. 1662

*sylvaniæ oppidis deduci jubeat, pacem habeat. Ad hæc Cæsar; se dementia accusari debere, respondet, si, quam conditionibus posset, bello pacem sibi parere vellet. At quum se ducisset assus, plus Turcarum infidelitatem, insidiasque, quam vim timere oportere, idcirco, ne illorum fraudi contra se locus sit, enisurum. Si legatus, inquit, quem Claudiopolim misero, rediens non simulare pacem Turcas resulerit, baud dubie, ut Germani omnes confestim Transylvania excedant, imperabo. His dictis, totus in legatum tantæ rei non imparem deligendum insistit. Forte tunc temporis Franciscus Sangiorgius Vaccinæ Antistes Ciculum apud Cæsarem erat. Huic ut innatum erat, res pleniores, ac uberiore prædicare, & familiaritates eorum, qui plurimum poterant, ostentare, non solum apud Abbassum auctoritatem se habere dicebat, sed Cutchiucio, Haliocque carum esse jactabat. Hunc Cæsar aptum esse arbitratur, quod ea ab ipso jactari potius, quam vera esse, ignorabat. Et licet ejus fidelitatem, dexteritatemque, quæ in primis legationis munus requirit, minime expertus erat, tamen, quum ipsum non fugeret, quandoque legatos eis acceptos, ad quos missi sunt, ea adeptos esse, quæ alii licet majoris consilii viri impetrare nequiverint, eum ad Abbassum mittit. Nec aliam facultatem; quam postulata cognoscendi, & ad se referendi ei permittit. Sangiorgius suscepto munere, magna Transylvanorum lætitia ad castra Claudiopolim pervenit: nam, ut Abbassum magna compositionis cupiditas tenebat, ad viam, quæ Vienna Claudiopolim ferebat, prospectans prope stabat, an legatus veniret; serum ejus adventum existimans, qui moram optatæ faciebat paci. Timebat enim ne Turcæ in Transylvania versantes, auxilii specie omnibus adimerent libertatem. Sangiorgius ubi Cæsarem paci studere exposuit, more suo libera mandata de summa rerum eum sibi constituisse jactat. Quum disputatione ad primam vigiliam perducta, resisset, eum Abbassus orat, *Retano imperet, ne postridie oppido excedere differret.* Ille majore impudentia, qua legationem suscepit, Retano Cæsaris verbis pronunciat, *prima uti luce Abbasso oppidum tradat.* Hujus mandati miraculum veluti obstupefactos Retanum, aliosque Præfectos diu tenet. Paucis enim ante diebus litteræ ipsis redditæ fuerant, quibus Schedinavius eos ad defensionem hortabatur, quod brevi auxilia essent conventura. Itaque, quæ commutationis voluntatis causa fuisset, non constabat, præcipue quum ex aliis Schedinavii litteris ipsum triduo affuturum cognovissent. His igitur difficultatibus Retanus circumventus, rem ad concilium deferit. Major pars periculosum juxta, ac turpe esse dicit,*

dicit, *Cæsaris iussis non obtemperare. Satis, superque fortunam periclitatos, atque extrema ausoresse; nequicquam nunc fortissimos milites morti obicere non esse consilium: melius esse illos servare, ut utilem operam alibi, quam hic inanem Cæsari præstent.* Contra Retanus neque detrimentosum, neque periculosum esse, confirmabat, quod tanta gloria inceperint, illud perficere. *Nam nec periculum imminere potest, inquit, quum munitiones intra oppidum excitata nos tutos reddant, & hostes ita incautos longinqua oppugnatione fecerit, ut prope omnem remiserint contentionem? At, si quis famem pertimescat, plurium dierum adhuc suppeteret frumentum sciat. Quum non modo quisque dies, sed momentum aliquid novi afferre possit, nonne interim auxilia conventura sperare licet? An, adhibita diligentia, occultato ab oppidanis frumento nos usuros esse, confidere non libet? Postremo quomodo nostra constantia Cæsaris animum offendere potest, quum Abbatum ad nos decipiendos mandata simulavisse timere juvet? Agitedum perstate in incepto: majorem animum præbete. Ne timete, ut nec violentia, nec dolo contra nos locum esse, sed potius illa nostrum animum, ac spem auxisse omnes intelligant.* Constantiam, virtutemque hominis maximam, laudant, qui Italici generis aderant. Hic, quoniam locus admonet, Joannis Aloysii Zannii Bononiensis verba, utpote memoria, & Italo digna, prætereunda non existimo. Hic postquam omnium, & singulorum egregia facinora, quæ ad alia ibi addiderant, memoravit, laudibusque celebravit, *si vos a majoribus vestris, inquit, ita non instituti estis, ut me institutum esse scio, quod facilis omnium rerum jactura sit, ubi gloria, atque decus superfuert illis, per me licet, ut potius aliarum rerum, quam laudis rationem habeatis. Sed si, ut ego, ita & vos a majoribus accepistis, cur etiam vita gloriam præferre non optatis? Hic dies, quis ex omnibus dignior sit, ut viri, atque militis nomine appelletur, certe judicabit. Me vivum unquam futurum spero, ut ante parta tot laboribus, periculisque laus inani fortunarum meta amittatur. Omnia igne corrumpere optimum deſeo, ne earum servandarum charitate de ditione cogitem.* His verbis sive re ad æmulationem deducta, sive ut quoque timoris suspensionem vitare potuisset appareret, tanta alacritas non modo partæ gloriæ retinendæ, sed illius amplificandæ omnibus innata est, ut prima luce eruptionem facere statuerent. Hanc alacritatem Retani quoque diligentia adauxit: nam sub solis occasum indicio aliquorum, ut conicio, effossis quorundam domibus frumenti est copiam nactus. Hac re amplior animus erat, quum salutem, ac gloriam in sua virtute, non in auxilii spe,

AN. 1662 spe, quod rerum omnium afflictabantur inopia, consistere viderent. Magna igitur spe, ac lætitia, adventante luce, ex oppido se eiiciunt. Nec magni laboris, nec magnæ contentionis res fuit, ut castra ab omni parte neglecta erant, opera disturbare, repugnantes interficere alios, alios vulnerare, & incolumibus omnibus se in oppidum tria militaria signa referentes recipere. Hac re Abbas-fus, Cutschiuciusque ira complentur: Cutschiucius maxime sive speculandi causa Sangiorgium venisse existimaret, sive quod nimis imperio delectaretur, Sangiorgium in catenas coniectum Teme-suarium ad Halium mittit, ut violatæ legationis injuriam ulcisci Cæsar cupiens, rem ad arma deducat. Hoc ubi Schedinavius intellexit, qui ad diem, ut exitum legationis expectaret, non venerat, cum sex hominum millibus ad Claudiopolim castra movet. Et quoniam celeritati studebat, breviorē itinere, etsi angusto, difficile, quod loca montosa excipiebant, ire cœpit. Agrestes vero angustias præoccupavisse per exploratores certior factus, & per paucos plurimos itinere prohibere posse non ignorans, iter ab his locis avertit. Quæ fuit causa, quare serius Retani opinione perveniret. Quum bidui iter abesset, quam latissime potest agmen statuit, ut ampliorum copiarum speciem præbeat. Simulque inflatus de virtute, ac numero suorum prædicare cœpit, *se viginti hominum millia, nec usu rei militaris, nec virtutis opinione spernenda in armis habere*. Hoc statim Transylvani ad Abbassum perferunt. Ob hanc rem consultationes in castris habitæ. Tandem ut loco manerent, convenit, quum quia munitiones adversus exteriorem hostem perfectæ essent, tum quod vix credibile esset, tam exiguo temporis spatio hominum millia viginti cogere Schedinaviū potuisse. His constitutis rebus corpora curant milites, & ad pugnam, atque ad quemcumque casum se parant. Mutant tamen subito consilium, quum postridie exploratores *ingentem adventare exercitum, seque multitudinem ex castrorum tractu cognovisse* renunciant. His nunciatis rebus, tantus terror eorum animos occupavit, ut confestim, oppugnatione dimissa, similem fugæ professionem efficerent, ne inviti prælio rem committere cogerentur. Schedinavius sine contentione sub meridiem in oppidum ingreditur, munitiones institutas admiratur, cunctos pro merito laudat, quod ad omnia munia subeunda suffecissent. Cæsarem de incredibili omnium virtute facit certiorē. Qui duplici stipendio gregarios donat, Præfectos ad superiores ordines pro merito traducit. Retano pro tot laboribus agit gratias, atque tantæ virtutis nunquam se fore immemorem addit, cohortique eum præficit. At ei fructu

fui

fui laboris, & Cæsaris beneficiis frui non licuit, quum morbo ex tanto labore implicitum spiritus defecisset. Vir sane, qui non parum Italicæ virtutis gloriam apud exterarum auxit nationes, & haud dubie pro morte, quam pro religione subivit, æternus est factus. Abbaſſum, Cutschiuciumque, cognita ludificatione, tantus pudor tenuit, ut multitudinis conspectum fugerent, nec se liberos ab irrisione fore intelligerent, nisi aliis rebus non minus fortiter, quam feliciter gestis tanta aboliretur ignominia. Ab ratione vero hujus rei perficiendæ quærenda nuncius continuit, qui Acmetis mandata pertulit, *ne, induciis factis, Germanis nocerent*. Hoc idem Pereſius ad Schedinavium ſcribit, dum Conſtantinopoli Temefuariam ad Halium Acmetis juſſu petebat, ut, induciis interim manentibus, illi communes utriuſque haberentur fines, quos utrique decernerent. Quod ubi Viennam nunciatur, veluti re omnino compoſita, ad lætitiã excitantur omnes. Cæſar (tanta eum pacis cupiditas tenebat) etſi injuſſu ſuo Pereſius ad Halium contenderrat, tamen factum non improbat. Et quoniam propter ſcientiam linguæ, qua utuntur Turcæ, atque dexteritatem idoneum Meninnium quendam arbitratur, eum Temefuariam mittit, ut Pereſio operam præſtaret. Meninnius ubi pervenit Halium cum Pereſio agere nolle reperit, hac illata cauſa, quod de concilianda pace libera non attuliſſet mandata. Sed aliquo intermiſſo temporis ſpatio Cuſſeinem legatum Viennam mittit, qui *ſummam Mehemetis Regis, ac Acmetis voluntatem eſſe doceret, ut odium res deducatur: ſe eorum juſſu Cæſarem oratum veniſſe, ut vel Pereſio licentiam certis conditionibus pacem firmandi permetteret, vel alium cum magnatis mitteret*. Hac legatione confirmati Cæſaris Conſiliarii, pacem prope factam habentes de celeritate remittendum exiſtimabant, ut pro tempore melius conſilium capiant. Agitur in concilio, utrum Pereſio, an alii facultatem permetterent. Poſtremo multis diebus per diſputationem conſumptis, ut Joannes Goefius quamprimum Temefuariam petat, ſtatuitur. Ab hoc quoque mora ad diſcedendum interponitur. Adeo fortuna, vel Germani hoſtium conſilia adjuvabant, ut ſine ſuſpicionem rem in longiorem, diem conferre valerent. Multis de cauſis, Turcas paci ſtudere Germani putabant, quarum ea erat præcipua, quod Acmetes ab Reningerio, ut fidem daret, petiſſet, quia conditionibus contentuſeratur. Non cogitabant, Acmetem tum fidem accipere velle demonſtraviſſe, ubi hanc poteſtatem Reningerio ab Cæſare non eſſe factam compererat, ut hac repenitus belli timorem ſufferret; ut accidit. Nam Cæſar ita fidem Turcis præſtitit, ut non modo æquo

An. 1662

æquo animo de parandis iis, quæ ad bellum usui forent, atque de auxiliis accerendis remitteret, sed etiam quatuor veteranorum cohortes Philippo Hispaniæ Regi auxilio contra Lusitanos mitteret, quæ ejus exercitus robur erant. Gaudebant omnes, quod eo tempore, quo res Christianorum propter dissensiones in angustiis erat, eam mentem barbaris Deus dedisset: non enim nisi durissimus expectari poterat eventus, quum aliæ ex aliis belli causæ orirentur. Carolus Britannicæ Rex, seditionibus extinctis, Londini concilium indixerat, ut omnes in sua verba ad sacramentum adigeret. Ob hanc causam undique gavisum frequentes Regum conveniunt legati. Philippus Hispaniæ Rex Bettevillam, Ludovicus Rex Gallorum, Comitem Esteradesium legatos mittunt. Horum familiares quum Sveciæ Regis legato urbem primo ingredienti obviam honoris causa processissent, prope ejus currum succedere conantur. Studium conficiendi negotii rem ad emulationem deducit, adeo ut ab contumeliis ad vim, atque ad arma versi, alii socios cogereant, suos, ut se fortiter gererent, hortarentur, paræ gladiis rem gererent, nonnulli Regis fidem implorarent, unusquisque, quantum virtute valebat, utrem obtineret, niteretur. Atrox igitur aderat certamen, quod, quum in omnium conspectu res gereretur, nec turpiter, nec strene factum celari poterat. Tamen plebis ope, sive quia apud eam largiter possent Hispani, sive quia innato odio adversus Gallos concitabatur, illi per vim rem consequuntur. Nonnulli ex Gallis, in iis auriga, interfecti, complures vulnerati. Omnes concidissent, nisi fugæ facultatem Rex eis tribuisset. Inulsi tamen non abierunt, quum ex Hispanis duo interficerentur, aliique vulnerarentur. Ubi hæc Ludovico nunciata sunt, tantum ei infamiæ sarcindæ studium innatum est, ut rem ad arma deducere exoptaret. Dimisso igitur domum Philippi legato, litteras ad Ebroduni Antistitem suum legatum Madritum misit, ut Regem doceat, summum suum esse dolorem ob tot, tantasque sibi illatas injurias: summamque se cupidinem belli suscipiendi tenere, ut infamia vitaret notam, & intelligere omnes valeret, quid consilio possit. Hæc tamen mandata dedisse, ut si sibi satisfieri cognoscat, quidquam novi non aggrediatur. His acceptis mandatis Antistes Philippum convenit. Quem quum apud se conspexisset Philippus, loqui conantem prohibens, quid secum agere vellet non ignorare dicit. Genero renunciaret, sese paratum esse, a quibus conditionibus ipsi satisfacere. Nam si juvenis, inquit, rem ad arma deducere maxime studeat, senis ab hac re avimus alienus sit, oportet. Quum igitur experientia, quæ incommoda, quantaque mala ex bello oriuntur,

co-

cognovissem, exemplo Regi juveni, necessarioque esse, eumque docere statui, quoad fieri possit, nunquam alicui Christianorum sanguine abutendum esse. Hæc, ut memoria digna, sine laude a nobis prætereunda visa non sunt. Bettevillam ergo accersens Philippus, factum improbavit, & de suorum consilio, ut simile in reliquum tempus accidere nequiret, nunquam eum locum suum petere legatum jubet, quo Ludovici legatum conventurum esse cognosceret. His compositis rebus, unusquisque in communis hostis perniciem bellum communi consensu gerendum esse judicabat, sed cito tanta deiiciuntur spe omnes, quum nova belli causa, quæ nō modo Italiam, sed Europam sollicitam diu habuit, coorta esset. Ludovicus magno repulsæ dolore adductus, quam omnium rerum ab Alexandro Pontifice Maximo ferre dicebat, legatum Ducem Crechium Romam mittit, eo consilio, ut nonnulli conjectabant, ut ad diffensionem rem deduceret vir, qui elato animo erat, si ad nutum quid factum non esset. Hic ut Romam venit, Alexandri consanguineos, ut moris est, se aditurum negat: tandem Ludovici jussu eos convenire coactus, gratiam ea re ab Alexandro inire cupiebat. Res quum ex sententia non cessisset, quod sibi gratia relata non sit, questus esse dicitur. Hoc præterea ab uno ex eis, qui sermoni interfuerant, Mario Chisio Alexandri fratri enunciat. Qui hominis superbi permotus, *id sibi mirum non videri dicit, quam eam arrogantissime semper se gessisse non ignoraret.* Hoc quoque ad Crechium perfertur; quæ fuit causa, quare uterque utrique invideret, ac malediceret. Hoc rerum statu quidam Galli noctu urbem pervagantes, in Cyrneos milites incidunt, a quibus interrogati, qui nam essent, ut maximam arrogantiam sibi sumpserant, maximam sibi illatam contumeliam rati, eam armis ulciscendi consilium capiunt. Se defendunt Cyrnei, tandem territi, quod fortiter se gerere Gallos videbant, quodque quantus eorum numerus esset aestimare non poterant, negotio deficiunt, ac fugæ se mandant. Rem ubi fama divulgavit, omnium conviciis Cyrnei exagitati corripiebantur. Idcirco occasionem, qua metus, infamæque dele- rent notam, quærentibus opportune accidere visum est, quod Galli etiam interdum eos contumeliosis vocibus prosequerentur: nam elati studio Cyrnei districtis gladiis in eos impetum faciunt. Negotio non desunt Galli, impetum excipiunt, in eos se eiciunt, ultimaque audere conantur. At Cyrnei odio, & ira pugnantibus suorum frequentibus confirmantur auxiliis. Et quia hoc fortiter facto hominum opinionem tenere posse arbitrantur, nulla res ad eorum virtutem deest. Hoc ubi cognoverunt Galli, unam salutis

An. 1662

spem in fuga consistere intelligentes, Crechii domum se recipiunt: tanti enim Regis dignitate cum locum sibi tutum fore judicabant. At quæ res recenti ira excecatos mortales ab ultione continere valeret? Cyrnei enim manu facta cum aliis, qui communem ulcisci cupiebant injuriam, compositis ordinibus eo contententes, nullum spatium eis relinquunt, ut sese ex timore colligerent. Ad tumultum, etsi rem, multoque minus causam perpexerat, convenit Crechius. Sed quum ex fenestra sedandi motus causa se ostendisset, parumque abfuisset; quin vulneraretur, suam salutem, ac Regis dignitatem iratis militibus, ac fortunæ committere turpe existimans, in abditam ædium partem se confert. Crechii tamen servi, familiaresque omnes arma capiunt, ac portam magno conatu defendunt. Cyrnei contra conari, maxima viuti, nihil intentatum relinquere, ut in domum irrumpant. Tandem loco confisi a porta eos submovent Galli. Tum veluti explorata victoria, quod maximam temeritatem, audaciamque præbuisset, susceptam rem dimittunt Cyrnei. Forte dum præsidium repetunt, in currum, quo Crechii uxor vehebatur, incidunt: quæ utpote rerum, quæ acciderant, omnino ignara nullo præsidio ibat. Tum hac oblata occasione, Cyrnei ut omne auderent nefas, currum tanto impetu de improviso adoriuntur, ut partim rei novitate, partim indignitate permotæ unum remedium in mentem veniret, si Rainaldi Effenis Cardinalis domum se reciperet; propterea eo, quam posset effusissimis habenis, aurigam contendere jubet. Consilium tamen suis incruentis perficere non potuit, etsi non longe aberat domus. Sedato interim tumultu, magno armatorum præsidio, ac Rainaldi autoritate incolumis domum repetere potuit. Quibus rebus tanta ira exarsit is, quem per se elato animo esse constabat, ut nihil non ausus esset, si susceptum perficiendi ei facultas fuisset. Subito igitur homines cogere, atque eis arma attribuire, præsidium domi, stationem ante portam ponere, amicorum consilium advocare, ut de rerum eventu consulat. Ulteriusque ventum foret, ni amici persuasissent, *ut in longiorem diem consilia transferret: tum aliorum jussu ne, an casu id accideret, apparitum. Et licet suspicandum esset, Mario Cbiso, ac Laurentio Imperiali Cardinali, atque ubi Pratore inconsultis eo temeritatis gregarios non potuisse procedere, tamen, quum non raro, quæ vera primo aspectu visa essent, ea postea falsa comperta sint, rem suæ prudentiæ non esse, non exploratis omnibus rem suscipere, quum temporis spatio intermisso omnia esset perspecturus.* Hoc consilio adductus Crechius, ultione superedit. Sed ubi milites omnes, qui consilii principes fuerant

rant, perfugisse, reliquos serius in vincula coniectos comperit, ut volentibus fugæ potestas non defuisset, non dubitandum sibi statuit, quin tantum animadversionis speciem dare consilium esset. Alexandri familiares, consanguineique, atque Imperialis concilia frequentes habebat; & quoniam se inconsultis rem evenisse profitebantur, nihil de Crechio satisfacienti cogitabant. Flavius Chisius Cardinalis, impetrata ab Alexandro potestate, Crechium conveniens, ne quod casu accidisset, id graviter ferret, orat. Non esse tam prudentem mortalem, quin sæpe fallatur, neque posse tantum de rerum eventu præsentire, quin aliquid inopinatum eveniat. Non esse homini omnia deprecandi facultatem, ut fortuna, quæ in omnibus dominari velit, aliquos non afferat casus. Se non ignorare, quod fortissimi viri publicas ulcisci injurias sit. At etiam constare omnibus, prudentis esse rem aestimare, priusquam eo procederetur, unde nullo decore revocari posset. Non esse hanc virtutem tam propius vitio, quam illam, quæ altera facilius suarum rerum studio in sevitiam degenerare soleat, altera vero non nisi moderatio, ac mansuetudo videri possit. Simeret ergo Alexandrum reorum pæna ipsius dignitati consulere. Idem persuadere conatur Christina Alexandra Sveciæ Regina, quæ illata causa, quod Crechii uxor non optima utebatur valetudine, eum convenit. Sed omnia frustra fuere; quoniam paucos commoratus dies, nullum sibi præsidium Romæ esse professus, quum inimicitias cum eis gereret, qui eo tempore imperii summam obtinebant, non magnis itineribus in Hetruriam contendit, atque Sanquiritici confedit, quia id oppidum non incommodum, habet stationem. Totus tamen mente, animoque incumbere, quæ ratione ulcisci posset, atque Ludovicum incenderet. Ludovicus ubi tantam accepit rem, fortuito omnia accidisse ratus, nihil sibi suscipiendum cogitabat. Sed simulac aliquibus post diebus non abesse suspicionem nunciatur, quin ex composito in Crechii injuria ipse despectus esset, tanta Regem juvenem iracundia invadit, ut major dici, aut excogitari non posset. Itaque nullum sibi tempus ad rem cognoscendum relinquens, Cælium Piccolomineum, Alexandri legatum suis finibus excedere cogit. Alexander, quum nunquam primo sibi persuadere potuisset, Crechii audaciam discordiarum semen futuram, nihil initio, quum facile poterat, de incendio restringendo cogitat. Litteris enim ad Ludovicum, Crechiumque missis, rem compositurum confidebat. Ad Ludovicum igitur scribens, Crechii factum, superbiamque detestatur, quod quum de fontibus quæstio haberetur, & Cyræorum cohors missionis pænam tulisset, ille urbe eo consilio excessisset, ut, quantum in se esset,

An. 1662 *ipſius obſidendo anres, Chriſtianum Regem in Pontificem Maximum incenderet. Ejus temeritatis teſtimonium eſſe, quod liſteris ſuis ac- citus, non modo redire, ſed ne reſcribere quidem voluiſſet. Ea- dem Chriſtinæ Alexandræ litterarum ſententia fuit, ſolum addidit, ſi Crechium Romam redire juberet, fore ut magnæ controverſiæ non ſine maximo ipſius decore ſollerentur, quum ſumma in ipſum Ale- xandri voluntas eſſet.* Chriſtinam Alexandram ut authoritatem, apud Ludovicum habere conſtabat, magna ſpes cunctos tenet, partim ejus precibus, partim Ludovici pietate nunquam armorum fore cauſam. Ubi vero tota Gallia deſectus haberi, & omnia, quæ ad bellum uſui eſſent, parari intellexerunt, tantus inceſſit ti- mor, ut jam adventare Gallos arbitrarentur. Ingentem terrorem etiam nunciuſ fecit, quod ſumma ope ad Philippo perſuadendum idem niteretur, ut exercitui per ſuos fines iter daret. Momentum tamen ſpei apparebat, quod occultum nemini erat, ſummam eſſe, & fuiſſe quum omnium Auſtriaci generis, tum maxime Philippi in Romanum Pontificem voluntatem, egregiam fidem, atque maximum ſtudium, quum, ut ei auſcultarent, provinciarum ſacturas facere non dubitaviſſent: proinde nunquam illum Ludovico petenti id da- turum eſſe nonnulli ſperabant, præcipue quum nihil certi Ludovici legato reſpondiſſe nunciaretur. Conatus eſt aliis rationibus Ale- xander ad ſtudium ſui Crechium perducere, ſed ſemper fruſtra: nam Roſpiglioſus, ac Cæſar Raſponus adeum miſſi, ubi reverſi ſunt, ardere ipſum contumelia accepta renunciant, adeo ut ſicut magna lætitia, quod Imperialiſ magiſtratu abiſſet, affectus eſſet, ita maxima ira exarderet, quod Picenum ei tanquam in præmium decretum fuiſſet. Ideoque diutius non expectandum ſtatuit, ſed juſtis itineribus Lucam proſciſcitur, inde paucos poſt dies Libur- num, ubi navem conſcendens, paucis poſt diebus Galliam attingit. Diſcedens has dediſſe conditiones dicitur. Si pacem cum Ludovi- co Alexander velit, eam ineundam eſſe rationem, quātuto in reli- quum tempus Regum legati Romæ eſſe poſſint. Hujus rei aliam, non poſſe eſſe conditionem, quam ſi ſine Cardinalium ſuffragio quid gravius in legatos ſtatuendi Alexandro poteſtas non ſit. Præ- ſidia ſextili ab hinc menſe Romæ diſpoſita deducantur. Marius frater exulatum ſe Senas recipiat. Flavius nepos Ludovicum coram conveniat, atque cum eo de ſua, ac ſuorum ſalute agat. Imperi- aliſ dignitatem deponere cogatur. Omnia hæc, ut memoriæ mandentur, in marmore inſcribantur. Qui Gallicis faviſſent re- bus, ii in antiquum gratiæ, dignitatiſque locum reſtituantur. Clomacum Eſtenſibus, Caſtrum Farnetiſ reddatur. Harum con- ditio-

ditionum iniquitate perspecta, non mediocris omnium perturbatio facta est. Alexander ex omnibus maxime permovetur, adeo ut indicto Cardinalium concilio orationem adversus tantam audaciam habuisse diceretur. *Se nec belli causam cuiquam tribui possum esse, nec fœdus unquam rumpere cupivisse. Ubi deinde Crechii audacia, atque Cyrcæorum amentia res turbavisset, etsi nihil ad se pertinere facinus, omnia expertum esse, nihil intentatum reliquisse, ut ad otium res deduceretur: summo studio pacem petiisse: de hac re legatos, ac litteras ad Crechium, Ludovicumque misisse. Nunc quoniam omnia periclitatus esset, nihil, quod sua non patrii dignitas, esse commissurum. Se divinam imploravisse opem; baud dubium esse, Deam suam defensurum causam. Omnia perpeti, etiam mortem subire paratum esse, quum aliam suo muneri satisfaciendi rationem non esse videat. Hæc eo majore latitia devoraturum esse incommoda, quo majorem dolorem Ludovici consilium esset sibi allaturum, quum bellum Geneva Romam transferat, Catholicosque in eorum Patris injuria despiciat. Id certe evenisse, quod non ipse, non alii, non hæretici ipsi expectare, aut sperare potuissent. Orare Deum, ut ejus voluntatis commutatio fiat, quum non nisi iniquo animo ferre posset, ut Crechio Ludovici obsidenti aures ea fides fiat, quæ Vantelletio facta non fuit: qui ejus etiam legatus quum contumeliis, injuriisque usque ad vincula, & verbera ab Christiani nominis hoste, abignavissimo Turca affectus esset, tamen de hac re ne questus quidem fuit. In Pontificem Maximum solum invehi, in Christianos insones animadvertere Ludovicum cupere. Postquam finem dicendi fecit, ab nonnullis Cardinalibus confirmatur, ne animo deficiat, neu iniquissimis conditionibus aures præbeat. Aliquibus tamen post diebus, patri alliciendum semper filium esse considerans, suas vices Flavio nepoti in Galliam proficiscenti demandare, Imperialique decretam provinciam adimere contentum esse dicit. Quis his conditionibus Regi non satisfactum persuadere sibi poterat? hac spe tamen omnes dejecti sunt, ubi declarari oportere Ludovicum confirmat, Imperialem exulatum Januam missum esse; quod fieri ab se posse Alexander omnino negavit, quum tanto viro optime de se, & Christiana Republica merito injuste notam hanc nollet inurere. Quum in his angustiis res esset, ac belli timor quum Ludovici affirmatione, tum apparatus in dies augeretur, Alexander in eadem pacis sententia permanebat. Nactus ergo occasionem, quod Ludovicus ab Carolo Britannæ Rege Dunquerque urbem redemisset, atque hæreticorum templa evertisset, Aedesque Sacras, ubi catholico ritu ad aras fieret, excitasset, ei gratias age-*

re,

An. 1662 re, ac æterna laude ob tot, tantaque in religionem merita dignum esse suis litteris pronunciare constituit. Re vera magnam sibi peperit gloriam Ludovicus ea re, quæ specimen omnibus quum animi altitudinis, tum pietatis tunc dedit, quam postea mirati sunt. Litteras tamen vix summis Aloysii Grimani precibus perlegit. Quod simulatque cognovit Alexander, Cardinales monendi consilium, capit (tanta ipsi moderatio inerat) ut publico Sacri Senatus consilio de pace colenda Ludovicum hortarentur. Litteræ igitur in hanc sententiam missæ sunt, *ne se tam difficilem præbendo, ab suis maioribus, quorum plurima sint in Romanum Pontificem merita, degeneraret. Omnia fortuito accidisse constare: tanti sceleris autores penas dedisse. Imperialem consilii alienum fuisse, neque non minus prudentem, ac magni consilii, quam expertæ probitatis virum id audere potuisse. Consideraret, ipsius non esse dignitatis, tantum suæ tribuere opinioni, ut ab insontibus penas repetere velit. Se omnes etiam pro eo omnibus precibus deprecari, quod sibi persuassissent, pro ipsius clementia dignos esse, ut suæ audiantur preces.* At hæc quoque res, ut aliæ prius, frustra fuit. Nam aspersæ in Alexandrum Sacro Senatui rescriptit. Quæ litteræ metum Romæ fecere; multo vero maiorem terrorem tristis nuncius præbuit, quod Ianuenses Ludovico studerent, quum ejus exercitui per suos fines iter dedissent. De Hispanis enim subdubitabat Ludovicus, quod Lusitanici belli simulatione peditatus auxilia ex Germania accersebant, quodque tota Italia delectus habebant. Re vera Philippo bellum in Italia geri non placebat, licet Ludovico deprecatori, ut per Insubriam iter agat exercitus, concessurum, confirmaverat. Ubi igitur per Allobrogum, ac Ligurum fines sena peditum millia, ac equitum millia bina pervenerunt, Ranutius Farnesius Parmæ Dux eos oppidis recipit, ac rebus omnibus juvat. Petentibus vero Gallis, ut Mutina quoque copiæ reciperentur, Francisci Estensis uxor, quæ, viro mortuo, propter ætatem filii in Principatus procuratione erat, vim verita, si ultro id eis non daret, ut pauci mœnibus reciperentur, concessit. Hæc non ita studiose, atque vir Gallicis favebat rebus. Alexandro etsi rebus omnibus bellum haud dubium haberi videbatur, sibi tamen persuadere non poterat, Ludovicum suorum majorum exempla non esse æmulaturum. Illi enim alias magna cum laude auxilia Romam miserant, alias bellum pro Romano Pontifice susceperant, alias illatum ei defenderant, semperque eum ab injuria prohibuerant. Eandem reliqui opinionem habebant; propterea non immerito Turana longe clarissimus ex omnibus Gallis Dux Ludovico, an alacri, for-

fortique animo esset bellum gesturus, quum imperii summam ipsi permiserit, interroganti, respondisse dicitur, *neque se, neque alios in animum inducere posse. filium optime semper de patre meritum, nunc contra eundem arma ferri pati posse. Quod si vero id vellet, imperium minime sibi esse permissurum.* Erat Turenahæreticorum erroribus imbutus, atque nihil gratius ipsi esse poterat, quam in Romanum Pontificem iram evomere, qui tandem, Emanuele Theodosio Bulleonio adjuvante, Catholicam veritatem amplexus est. Maxima ex omnibus Alexandri perturbatio facta est, ubi liber in Gallia editus est, qui Ludovicum adversus Pontificem Maximum bellum gerere, & ærario parcere posse demonstrabat, quum Sacrarum Ædium bona publicaret. Magnopere enim, ne Levi ex causa, ut aliquando evenit, religioni detrimentum irrogaretur, timebat. Perturbatio tamen in læticiam vertit, quum consilium Ludovicum improbavisse, ac authorem conquiri iussisse, ut pœnas ab eo repeteret, nunciatum fuit. At neque vafrorum hominum vana suspicio absuit, quin de Regis consilio id perditus homo ausus esset, ut, si ab eo non alienos cognovisset Gallorum animos, illud exqueretur. Ludovicus præterea ut suspicionem vitaret, majorem, quam antea, studio Pontificis Maximi mandata exequenda curat, ut ii, qui Jansenii errores in perniciem certi, indubitati-que Romanorum Pontificum omnium iudicii sequebantur, pœnas luerent. Item librum, qui inter alia, mundum ab æterno fuisse demonstrabat, palam carnificis manu comburi jubet, severioresque pœnas hæreticis iis, qui Præadamitæ dicebantur, constituit. Quibus rebus confiso Alexandro pristina confirmatur opinio, nunquam Ludovicum bellum sibi inferre in animo habuisse. Velutque jam pace firmata, non modo delectus, qui in urbe habebantur, intermitteri jubet, verum etiam copiarum partem dimittit, quamquam nunc earum usus erat, quod Galli in Italia versabantur. Alexander igitur, ubi se illius belli cura exoneratum vidit, totus mente, animoque in Cæsari subveniendum, insistere cupit. Dum hæc Romæ geruntur, Reningherius quum nihil de apparatus Acmetem remittere cognosceret, ad Cæsarem scribit, *Acmetem bellum Pannoniis inferre velle, nec alio consilio delectus haberi, atque pontes in Danubio fieri.* Litteris etsi Consilarii fidem omnino non fecerant, quod apparatus in Venetorum perniciem pertinere existimabant, tamen Cæsari consilium dant, ut Joanni Philippo Scenbornio Maguntinorum Archiepiscopo scriberet, *Turcarum consilia baud dubia nunc esse. Jam pontes prope instituisse, quo expeditius iter faciant. Disensionum tam ne-*

ces.

144 *De Bello Transylvanico*

An. 1662 *cesario tempore obliuisceretur, & id sibi petenti daret, ut commu-
ne totius Germaniæ concilium Ratisbonæ indiceret. Nisi quid auxi-
lii in Germanis sit, Pannoniis succumbendum esse. Litteris per-
motus Scenbornius edictum proponi iubet, qua die Regulorum,
Civitatumque legationes Ratisbonæ esse vellet. Ipse Maguntia
Herbipolim discedit, ut statuto tempore ante alios Ratisbonam
perveniat. Cæsar vero ut rem in angustiis esse demonstraret, sup-
plementi nomine in veteranorum cohortes modo conscriptos distri-
buit, atque delectum edicit:*

Finis Libri Tertii.





DE BELLO PANNONICO

Liber Primus.



USQUE adhuc bellum per intermissiones gestum est, quia Turcæ vel majoribus attri-cti rebus, vel nondum omnibus comparatis, semper bellum sumere velle negabant, etsi speciosa illata causa oppida obsidebant, expugnabantque. Nunc vero velut eos tot dilationum pœnituisset, eo magis uno tenore rem gerere cupiebant, quo facilius negotium confecturos sperabant. Sic tanto apparatu bellum cœptum, ut ne hyemis quidem tempori parcerent. Jam Acmetes nihil simulabat, ut antea, sed facta verbis magnificis adaugebat, ut hostem perterritum ageret. Omnibus vastitatem illaturum minabatur; Cæsarique rupti fœderis pœnitendum esse dicebat. Cæsarem ergo etsi etiamtum pacis spes tenebat, tamen quum quotidie de majoribus Turcarum apparatibus acciperet, Guidonem Ubaldum Tun-nium Salisburgensium Archiepiscopum Ratisbonam legatum mit-tendi consilium capit. Hunc Civitatibus, ac Germaniæ Regulis acceptum, & Regulum ipsum, quum dexteritate, tum in se fide aptum ad munus fore conjectabat. Qui regio prope cultu tribus ante mensibus, quam reliqui convenirent legati, (tanta Cæsari, Christianisq; omnibus suam præstandi operam ipsi cupiditas inerat) Ratisbonam contendit. Eodem brevi Scenbornius Maguntinorum Antistes, nonnullique alii veniunt. Hac oblata facultate Tunnius,

An. 1663

*ne defides tempus consumerent, omnes orat: posse priusquam convenirent legationes de reram eventu consultari. Rem magni momenti, magnam requirere diligentiam. His rebus permoti, ut consultationes haberentur, reliqui consensere. Scenbornius primus rogatus sententiam, sibi semper placuisse demonstrat, bellum a Pannonia arceri, ne, si res aliquem reciperet casum, cito in Germaniam Turcæ essent advolaturi. Sesammos Duces, aliosque magnos viros memorantes audivisse, præstare in alienis, quam suis finibus bellum geri, etiamsi plus pecuniæ profundere oporteret: nam, quum æstimatio fiat, majorem pecuniæ vim ex præda essent redacturi. Præterea si exercitum in alienis finibus deleri contigerit, non prædam agitandi, non urbes expugnandi, quæ longe absint, Turcis facultatem esse futuram, & sine publico discrimine tempus ad parandum de integro bellum intercessurum. His rebus omnibus, & aliis de causis, quoniam pacem habere non possent, & bellum domi conflare nolent, auxilia, quæ Cæsari essent decreturi, Venetis mitterent, antequam in Pannoniam Turcæ pervenerint: ut ab ea parte urgentibus Venetis, Turcæ potius pro sua salute, quam de orbis terrarum imperio pugnare cogerentur. Duodecim veteranorum millia ad consilium hoc perficiendum sufficere: alia ratione vix millia hominum quinquaginta satis esse. Non aspernanda sententia omnibus visa est. Solum, quod nonnulli bellum necessario sumere exoptabant, iniquo animo pecuniam in ope Venetis ferenda profundebant, quando in pacis spe esse videbantur. Ob hanc causam res ad Cæsarem delata est. Qui non omnino pacis spe lapsus, subsidia Venetis mittendo, certam belli occasionem dare nolens, consilium non probat. Cæterum responsum ad Tunnum ferro perlatum est, quod Cæsar in exequiis Gulielmi Leopoldi patris, & Ferdinandi Caroli consanguinei curandis occupatus, iustoque dolore affectus, quod ad temporis calamitates egregiorum virorum mors accessisset, consilium statim inire nequivit. Hoc responso perlato, ut jam legationes conveniant, Scenbornius quare concilium convocavisset exponit. Turcas cum exercitu supra caput esse, nec procul abesse, nisi consilia antevenirent, quin in Pannonia devicta in Germaniam contendant. Haberent tanti periculi rationem, atque illud darent consilium, quod ipsi suæ salutis causa fieri optimum judicarent. Auxilia Pannoniis, Cæsarique decernendo, non tam eis, quam sibi metipsis consulerent, quum & ipsos in periculum venire necesse esset, quando illi succubissent. Orare igitur, ne privata gratia apud ipsos plus valeat, quam publicum bonum. Ubi ab omnibus responsum est, brevi & ipsos, & omnes judicatu-
ros*

turos se sperare, nihil sibi ad prudentiam, ac ad studium in publicam causam desse, certiore spe Guido Ubaldus Tunnus in eandem sententiam, atque Scenbornius, loquitur, & Caesaris in omnes non minus optimam voluntatem, quam tenuitatem demonstrat. Eam tot bellis confectum esse. Ejus opes comminutas. Nisi quid auxilii in ipsis sit, Pannonios ab injuria tutandi non esse potestatem. Obsecrare, ne obliviscantur, Pannoniorum, atque Germanorum unam esse causam; idcirco illorum periculum pro suo defendendum esse videri. His dictis unusquisque sigillatim & Pannoniorum periculum se non neglecturum, & Caesari morem gesturum profitetur. Perspici nihilominus oportere, utram eadem mens aliis sit. Postero die consilium inueundum esse Scenbornius dicit, primo quemadmodum Turcarum cupiditati occurratur, deinde quo pacto pax ordinum in Germania sit, postremo ut, quod superioribus conciliis definitum non sit, nunc definiatur. De his omnibus agendum esse. Caterum ante omnia de belli ratione cogitandum, quoniam, quum maximum impendat periculum, nulla ratione illius rei consilium in longiorem diem conferatur. Posse de aliis rebus commodissime colloquia haberi, postquam, omnibus ad bellum comparatis, ab timore vacui sint. Probant hoc alii, alii improbant. De ratione enim tum belli agere inutile esse dicebant, quum quod nullum capi posset consilium, ubi, quae Pannoniorum mens, quae Caesaris vires essent, ignorarent, sum quod, iniquas ne, an aequas condiciones Gesto Halius talisset, non cognovissent. Non de bello inferendo, sed de illato defendendo agi. Quomodo ergo, ubi hostium consilia, apparatus, rationesque non exploravissent, deernere quid possent? Tempore rationes, consiliaque ab hostibus mutari. Cur inanem luderent operam, illud consilium capiendo, quod explicare non possent? Aut quid tempus nihil disceptantes tererent, quum magna interim possent tolli controversia? Omnibus constare, ubi unum Germanorum omnium consilium, rebus compositis, effectum sit, majore vi, & certiore spe duci bellum posse. Nonnullos, quod indebite vexentur, ac grave tributum pendant, queri; debere idcirco prius civibus, quam externis consuli. Id & naturam omnibus praescripisse, & fieri omnino se velle. Se miserrimis civibus, non Transylvanis, Pannoniisque subvenire obstructos esse. His auxilio esse, & non esse possent; at illorum injurias omnino curare necesse haberent. Summa dementia esse ita aliorum charitate permoveri, ut se perditum eant. Suspiciendum esse, Caesarem, ubi rem, quae ad se pertinet, consecutus sit, nihil de aliis rebus, in quibus Germania quies constet, cogitaturum. Satis esse, si Pannoniis auxilia mittantur, quandocumque de ea

An. 1663

re agatur. At periculum esse, ne id fieri tenuitate possit. Alii autem, qui Cæsari erant amici, quique imminenti periculo permoti opem Pannoniis ferre cupiebant, simul hoc audierunt, elati studio eis resistunt. Eone cavillationes pertinebant? Hinc trahendo tempus respiciebatis, ut, si pax fieret, exultationem omnium teneatis, dicendo, vos suis temporibus auxilia fuisse misuros, si vero bellum trahi oporteat, inopiam excusantes subvenire ei recusetis? Deus, ut illud postremo diceretis, ex quo vestra potuit cognosci voluntas, effecit. O optimum consilium! gloriamini, nisi pudeat, quod vobis patria libertatem debeat, quod vos eam metu liberaveritis, quod vobis ejus defendendæ cura fuisset, quum nihil aliud in re sit, quam per vos non stare, quominus communis hostis victorias ea deses spectet, ac quodammodo Pannoniorum cæde gaudat. Nihil ne Germaniæ, Pannonios ab injuria tutari, interest? Omittimus, quod ad gloriam Germani nominis pertineat, nos solos maxime ex omnibus Christianis communi hosti officiendi consilia inire: nam frustra vos gloria studio ad bellum incitare cupimus, quos ne necessitas quidem, non libertatis, non religionis periculum excitat. Statuite, quid vobis videatur. Decernite, quæ proposita sunt. Componite alias controversias, si modo hæc non frustra futura sint, si modo vestri consilii fructu frui posse speraveritis. Hoc ubi per orbem terrarum evulgatum sit consilium, quis dubitabit, apud Turcas gaudium, apud Christianos ingentem facturum luctum, quum res, quæ commodius in aliud tempus transferrentur, vos curare, earum vero oblivisci animadvertant, quibus quam ocysime occurrendum esset. Quis credet, vivere in pectoribus vestris studium Patriæ, studium religionis, & non potius merito sibi persuasent, vos Turcis cupere, ac Christiana Reipublica excidio gaudere? Nunc vestrum ingenium demonstrate, si infamiam vitare cupiatis. Nunc auxilia decernite, si utilia esse exoptetis. Nequaquam erit receptura vires Christiana res, ubi Turcæ rebus gestis ferociores erunt. Hoc momentum temporis, si illico posthabitis omnibus rem suscipiatis, certe judicabit, utrum laude, an ignominia digni sitis. His, & aliis jactatis, Civitatum legatos in incepto perstare puduit. Sed ubi paucis post diebus de re agi cœptum est, orant, atque obsecrant, ut sui misererentur, & de omnibus eodem tempore agerent. Non esse impeditenti loco de aliis negotiis cogitare, quominus trabendi belli ratio queratur. Tum agendum, dicunt Regulorum legati, perseverate in incepto. Evertite Rempublicam; prodite patriam; tradite liberos, conjugesque Turcis ad supplicium; deserite religionem. Tum contenti eritis. Tum felices vixeritis. O pertinaciam! Omnia per-

permisceri malitis, quam ab sententia discedere. Quem unquam prudentem virum tam inconsiderate se gerere vidistis, ut plura negotia simul perficere vellet? An nescitis, humanum ingenium, ubi pluribus intentum fuerit, minus ad singula esse? His rebus dicendis dies consumptus est. Tandem quum dies, mensesque transirent, ac belli suspicio cresceret, consilium capit Tunnius orare eos, qui majori autoritate erant, ut rem repræsentarent. Hi, ubi tempus ex sententia venit, hostium consilia explorata sibi esse confirmant. Eos nunquam intentius bellum apparuisse. Ne Turcarum verbis fidem præstarent, sed potius spectarent ingenium: decernerent auxilia, ut reliquo hyemis tempore parari bellum posset. At Civitatum legati, quibus rebus possunt, rem distrahere parati, in præsentia rem suscipi posse negant, propterea quod nondum reliquarum Civitatum convenissent legationes. Earum expectarent adventum. Illas in itinere esse, ac brevi affuturas. At Regulorum legati ipsarum culpæ illud esse tribuendum confirmabant, quum ad diem non venissent. Satis, superque prolatatus esse dies summo cum patriæ periculo: proinde paderet tandem eos esse impedimento, quominus se ad defensionem compararent. Brevis inde altercatio ex animorum contentione exarsit. Tandem Civitatum legati, ut in quartum diem res conferretur, quo reliqui essent conventuri, pervicerunt. Hac re composita ubi dies venit, Scenbornius dicit, quoniam jam, ut de bello consultaretur, convenisset, proinde si Pannoniis succurrendum esse videatur, utrum rei pecuniariæ, an militum subsidia mitterent, & quantum pecuniæ, vel armatorum conferrent, decernerent. Ubi hæc audita sunt novitate rei Tunnius, quique Cæsari favent, permoventur. Nunquam armatorum, sed semper rei pecuniariæ subsidia Cæsari Germanos misisse dicebant. Quid igitur sibi vellent de ea re disceptando? Idem esse, opem non ferre, ac rei militaris imperitos mittere. Non solum timendum esse modo conscriptos nullo usui futuros, verum etiam nocituros. Solum Cæsarem militum copiam habere. Cæsarem rei militaris peritum exercitum nullo negotio cogere posse. Reliquis vix pluribus annis usus militaris imperitos contrabendi facultatem esse. Debere suspicari, eos ignominia timore ea auxilia conferre, quæ re ipsa inutilia sint. Si communis causæ studium apud eos posset, pecuniam essent Cæsari daturi, quæ una ad bellum trabendum eum deficit. His invicem sermonibus plures traducuntur dies. Hic, ut hujus rei causa innotescat, aliqua supra repetere juvat. Germaniæ Reguli nimia Ferdinandi ejus nominis secundi potentia admoniti, nimium erant de libertate solliciti: timebant enim, ne, si Austriaci generis potentia cresceret, resisti ei posset, adeo ut

An. 1663

adeout de suo jure non dimicarent. Sciebant, Philippum Hispaniæ Regem pecunia, armis opulentem, Cæsarem viris opulentissimum esse. Non fugiebat eos, inter ipsos nunquam dissensionis causam esse coartam, sed alterum alteri cupere: ideoque verebantur ne societate armorum juncti, ut voluntate concordessent, Galliam, reliquamque Germaniæ partem in eorum ditionem redigere velint. Huc respicientes conditionibus pacis Monasterii firmatæ cavendum curaverant, ne Cæsar Hispano auxilio esse possit, ut destitutus Philippus ex æquo cum Gallis pugnaret, Cæsarique, si usus veniret, deesset. Eadem de causa quum Leopoldum in Romanorum Imperatorem elegere, eum tot legum vinculis constrinxere, ut quodammodo eis parere, non imperare videretur. Invidorum Regulorum opinionioni Ludovici Galliæ Regis consilium, suffragabatur: nam licet nonnulli per se rationem inire, qua se tutos redderent, turpe non ducebant, tamen ab eo sollicitati fœdus cum illo facere non dubitarunt, ut Leopoldo belli metum iniicientes, eum leges servare cogerent. Fœderati igitur etiam nunc Ludovici hortatu, ut circumferebatur, non pecuniam, sed viros conferre cupiebant. Nam eo consilio duas res uno tempore consecuturos confidebant, quod sui usum militiæ percipientes usui maximo sibi esse possent, quum bella inciderint, & quod, Cæsari pecunia non suppetente, neque milites conscribendi, neque ingentes exercitus alendi ei facultas esset, quibus postea se terrere posset. Terrebat præterea eos, Cæsarem, ubi victoriam adeptus esset, summo cum ipsorum periculo ea usurum. Non ita; quum ipsi suas possent revocare copias. Ipsorum igitur consilii erat neque Cæsarem potentia auctiorem, neque infirmiolem velle: nam altero casu ab eo, altero ab externis sibi timendum judicabant, quum illius opibus tegi non possent. Omnibus his de causis ita in incepto perstiterunt, ut nec precibus, nec rationibus permoveri potuerunt, quin aliud inirent consilium. Quæ res, & multo magis dissensio, ac invidia, ut in fine omnibus dilucebit, Turcis salutem attulit. Horum voluntatem non occultam habens Tunnus, postridie quum omnes sententiæ Cæsari succurrendum dixissent, atque timeret, ne, si illico de ratione auxiliorum consuleretur, eorum sententia obtineret, qui milites in Pannoniam mittendos censebant, omnes orandi consilium capit, ut, prius quam aliud statueretur, Cæsarem de re docere possit. Sperabat enim, quum Cæsar sibi pecunia opus esse scriberet, eum ab ipsis illud impetraturum. Probat rem Scenbornius, ac, cognita per Cæsarem necessitate, melius decerni posse dicit, utram mediocres, an ampliores copia mittenda essent. Non inop-

inopportune hoc Civitatum legatis accidisse visum est, quod spatium temporis nacti, donec Cæsar litteras remitteret, de rebus, quæ ad se pertinerent, agere volebant. Hic operæ pretium est Guidonem Ubaldum Tunnium singulos præhensantem videre, *ne demonstrarent, ipsos belli obliuisci velle, quando, ut alia res conficerentur, tenderent.* Quid opus est, inquit, de tam necessariis rebus remittere, quum Cæsar statim est litteras misurus. Agitedum *demonstrate, in aliam rem non trahi vestram mentem, quam in iustum bellum, & pia arma.* His, & similibus verbis diem ex die, ducens, quod animo proposuerat, adeptus est. Magni enim hoc interesse arbitrabatur, ne aliqua dissensionis causa coorta, dum de aliis rebus ageretur, tam necessariæ rei esset impedimento. Sero tamen scripsit Cæsar, quo consilio nescio, *nunquam Turcas majore contentione, quæ ad bellum opus sint, paravisse, præterea pontes in Lanubio facere. Haberent periculi rationem. Jam constare, eos fidem fallere in turpissimis non habere rebus. Quid igitur eis crederetur? Se propter ararii inopiam pecuniæ egere. Emularentur majorum exempla, qui magna pro re, & tempore rei pecuniaria subsidia misissent. Præterea, pecuniam conferendo, majorem gratiam & ab se, quia sibi petenti id tribuerent, & ab Christianis omnibus essent initari, quia utiliore operam eis præstarent.* Litteris perlektis, major pars Cæsari satisfacere cupiebat, sive quod cum animo reputabant, præstare unius auspicio, quam plurium bellum geri, sive quod rem in celeritate positam videntes, minime opportunum judicabant tempus in delectibus habendis, ac in itinere ab remotissimis Germaniæ partibus in Pannoniam agendo consumere, sive quod ab cura conscribendorum militum se exonerari cupiebant. Quod simulatque cognoverunt fœderati, omnibus resistere, nulla ratione fieri dicere, & se minime consilium probaturos affirmare. Hæ dissensiones quum diu tenuissent, nullius sententia accepta est, maxime quod nonnulli ex legatis libera mandata de summa rerum expectare simulantes, dies prolatabant, ut interim de pace nuncius veniens de stipendio se eximeret. Tandem quum vere etiam inito haudquaquam Turcas de apparatus remittere viderent, atque Goelius exiguum se pacis spem habere scripsisset, permoti etiam exemplo Philippi Gulielmi Bavarig Ducis, qui equites ducentos, ac pedites mille, ac aliorum, qui ingentem pecuniæ vim ad bellum polliciti erant, consensere, ut fœderatis milites, reliquis pecuniam conferre liceret. Fœderati ultro octo armatorum millia polliciti sunt. Utinam vero ita ad præstandum prompti fuissent, atque ad promittendum parati fuerunt: nam nunquam tam in angusto Christiania:

Au. 1663 Stanorum res fuisset. Magna solum dissensio exitit, quam pecuniæ summam reliqui darent. Petebat Cæsaris verbis Tunnius, *ut periculi magnitudinem, hostium opes, & Cæsaris tenuitatem respicerent. Cæsarem in defendenda Pannonia Germaniæ arce, quidquid pecunia habuisset, profudisse, proinde superiorum, ac insequentium annorum impensarum rationem haberent.* At legatorum alii suas civitates exinanitas dolentes, *pergratum Cæsari se facturos dicebant, quum præsens respicerent periculum,* pars Tunnio, Cæsarique morem gerere in speciem non abnuebant, re autem ipsa, quod conferre pollicebantur, ægerrime satis erat ad mense exercitum alendum. Postremo & precibus, & imminente periculo permotus omnibus, summa pecuniæ convenit; quæ quum esset pro necessitate exigua, majorem in reliquum tempus, si res postularet, dare professi sunt. Demonstratum est, Cæsarem Goëtio Temesuariam petendi, pacemque firmandi facultatem permisisse. Hic ubi ad Halium pervenit, non statim de mandatis agere instituit, sive, ne suo maximo studio Cæsarem summo opere pacem cupere, demonstraret, quam rem Turcam ferociorem efficere posse non ignorabat, sive ut tempus intercederet, quo omnia ab Perefio cognoscere posset. Magni enim interesse arbitrabatur, quæ Halii mens, qui mores essent, quique apud eum auctoritatem haberent, explorare, ut per eos adiens, consequi rem posset. Earum rerum causa ubi primo Halium convenit, ne verbum quidem de pace faciens, privati officii mandata explet. Aliquibus post diebus Halius ad se eum vocans, querit, quare, quum pacis mandata attulisset, rem diutius duceret. Goëti-
us ipsius dignitati se tribuisse dicit, ut hujus rei prius ab ipso mentio inferatur. Possè nunc, si videretur, de pace colloquia haberi. Probat rem Halius, atque quum esset pluribus in utramque partem disputatum, tandem convenit, ut Cæsar de Transylvania præsidia deducat, ut propugnaculum ab Nicolao Serino non procul ab Canisia ad Muram flumen institutum everti jubeat, ut Haidones perpetuo sub Turcarum Regis ditione esse patiatur. Æquissimæ omnibus, qui sermoni interfuere, æquissimæ Perefio, Goëtioque, æquissimæ etiam Germanis conditiones visæ sunt, ubi eas ex Goëti litteris cognovere. Postridie tamen Halium Goësius interrogat, *quos nam Haidones esse arbitraretur? melius sibi videri, ipsius voluntatem, prius quam fides detur, accipiaturque, manifestam habere, quam possea, ne controversia in ea interpretanda orta armorum causa sit.* Tum Halius, *Nunquam me meus fefellit animus,* inquit, *Cæsarem omnia magis velle, quam pacem, maxime quod ex composito te dies prolatare perspexi.* Cui igitur itinervis laborem
susce-

suscepisti? An mei fallendi causa? Non certe eveniet. Non ferme committam, ut in vulgus efferrī possit, Christianos mihi verba dare potuisse. Certiorem protinus Mehemetem de ludificatione faciam, ut subito consilium sibi capere valeat. Ad ea Goësius respondet, neque sibi, neque Christianis aliis id moris esse, ut dolo proficere exoptent. Se pacis firmanda causa venisse, eamque firmaturum sperare, si Turcæ de eo non abnuant. Proinde vellet hoc, vel ne, illico significaret, ut omnia ad bellum comparare Germani possent. Responso permotus Halius, Haidones omnes sub Turcarum Regis ditione esse dicit. Quid igitur cavillaretur? Negat hoc Goësius, Haidonesque Biboriensem, ac Zatmariensem pagos incolere confirmat. Hoc nequaquam ex conditionibus suo Imperio adjuncturum esse Mehemetem dicit Halius. Hac de causa certiore pacis spe domum se recipit Goësius. Nocte vero multa cum animo suo reputat. Jam Turcas Varadinum munitissimum oppidum recepisse. Illud parum ab Zatmaria, Calloo, Tochaëque abesse. Ea oppida, utpote parum munita, nihil esse negotii Turcis tempore capto expugnare. Debere huic rei omnino prævertere. Id optime futurum, si Zecheledem paludibus, ac manu munitum oppidum Transylvanis non reddiderit. Illud nuper receptarum urbium, Pannoniæque arcem contra Turcas futurum. Facile ex oppido præsidium non deduci Halium permitturum, quum in Bihoriensi pago situm illud cognosceret. His omnibus rebus adductus Goësius, ubi primum perficiendi negotii causa colloquia habita sunt, ex Transylvania, non Pannonia urbibus præsidia educturum Cæsarem confirmat: proinde Zecheledem non levi præsidio obtineri iussisse, quod in Bihoriensi agro sit posita. In Transylvaniæ finibus positam affirmat Halius; inque eo perseverat. Tendente igitur Goësius, ne ex eo oppido Germani educantur, sed ut illud in ditione habere Cæsari liceat, magna exardet ira Halius, atque vi urbem eam, aliasque capturum minatur, quoniam ruptoris fœderis Deus ultor futurus esset. Goësius & Deum suam causam defensurum, & Cæsarem haudquaquam animo defecturum dicit. Turcas violavisse pacem, quum contra, atque convenisset, Jenum, Varadinum obsedissent, receperissentque, ac finitima loca in Croatia munitionibus firmavissent. Quid igitur mirum, si Serinus, ut Turcas ab excursionibus prohiberet, propugnaculum ad Muram excitavisset, & ipse Cæsaris verbis peteret, ne Pannoniæ oppida Transylvanis det? Goësii oratione, & multo magis rationibus ita perturbatur Halius, ut eo die ne vocem quidem exprimere vellet. Sciebat enim & vera esse, quæ commemoraverat Goësius, & nemini occulta, ita ut inficias ire

An. 1663 sine pudore non posse cognosceret. Postera dies, quum aliud dissen-
sionis initium factum non esset, de ea re disceptando consumpta est.
Postulat Goesius, ut Transylvaniæ forma eadem sit, atque ante
bellum fuisset, neu Principatu aliquem expellere Turcarum Rex
possit, neu alium accerere valeat, sed Transylvanorum suffragio
adlegi patiatur. *Nimiam sibi sumplisse ipsum audaciam respondet*
Halius, quod alia ex aliis peteret. Se nimis Transylvanis esse con-
cessurum judicare, si ipsorum suffragio creari Principem sineret, ubi
Rex aliquem Principatu abire non cogeret. Demonstrat Goesius,
hac conditione neque Transylvanos, neque Casarem contentum
esse posse; potius eos ignominiosa paci bellum esse prælaturum. Pro-
inde pacem, an bellum agitari mallet eligeret. Bellum suscipere non
audere simulat Halius, ut, in eo manente Goesio, non convenirent
conditiones. Nimis enim imperio delectabatur, & rem prospere
cessuram confidens, suo auspicio bellum geri cupiebat, ut, autho-
ritate rebus gestis amplificata, summum magistratum adipiscendi fa-
cultatem nanciscatur. Idcirco plures transierant dies, nec de pa-
ce agebatur. Postremo quum Halio in mentem venisset, alienum
suis rationibus esse, demonstrare, se pacem nolle, ne Acmetes, con-
silio cognito, vel ad exercitum veniret, vel Goesium ad se vocaret,
has dare conditiones statuit. Georgii Ragotii, ac Joannis Chimi-
niani filiis nunquam Cæsar opem ferret. Propugnaculum ab Serino
ad Muram flumen institutum everteret. Præsidia ex Transylvaniæ
oppidis deduceret. *Quæ si fecisset, Mehemetem Regem eandem*
esse Transylvaniæ formam, atque antea fuisset, passurum, ex Tran-
sylvaniæ finibus exercitum educiturum, neque Cæsaris hostibus opem
laturum, neque ejus socios, amicosque vexaturum. Ars illa fuit,
ut, quum Zechelidem Transylvaniæ oppidum ipse diceret, atque
Germani negarent, hanc belli inferendi occasionem futuram spera-
ret. Voto ejus fortuna subscribit: nam Gabor quidam ab Abbasso
Temesuarii legatus venit, qui, utpote Transylvanus, Transylva-
niæ rerum peritus suam defenderet causam. Hicubi, Zechelidem
quis obtineret, non dum stare, reliqua vero convenisse intellexit,
ne sibi ab Goesio verba ingeri sinat, Halius monet. Illam fallendi
ipsius causa Temesuariam venisse. Ejus rei testimonium esse, quod
Zechelidem sub Pannoniæ Regis ditione esse confirmaret, quum
semper sub Transylvania Principis imperio fuisse nemini occultum
esset. Mirari, quod, qui de hac re ambigat, repertus sit. At se
Goesii, Germanorumque naturam multis jam rebus perspectam ha-
bere, eos semper per dolum dignitate auctiores esse velle. Hæc oppor-
tune Gaborem meminisse Halius ratus, omnia etiam pleniora Ac-
meti

meti enunciat, ut nota ei causa esset, quare suspectum Goesium, habens fidem dare in præsentia nolle. Hortatur eum præterea ad bellum, quia, ubi feliciter illud cessisset, magnam gloriam esset laturus. Halio enim, ut Mehemetis Chiuperlii præceptorum ignarus erat, an Acmetes bellum vellet, non constabat. Acmetes simulac ea cognovit, Reningherium increpat, quod, quum aquis conditionibus Cæsarem contentum esse professus esset, nunc aequissimas ab Halio latas abnuisset. Se illis conditionibus pacem facere paratum esse. Hoc Cæsari renunciaret, ut, si illico eas non acciperet, bellum parare posset. Hæc statim ad Cælarem perferenda curat Reningherius, simulque eum docet, se semper Acmetis, ac Turcarum reliquorum promissis parum confidisse, maxime nunc, quod omnibus provinciis deletum haberi, arma, omniaque ad bellum necessaria parari videret. Se suspicari, eum omnia simulare, ut initio veris, quo improvisior accederet, eo minore contentione, Pannoniam perdomeret. His rebus cognitis, Cæsar omnia ad concilium defert. Nunquam ita consensere Consiliarii, ut omnium una esset sententia, Turcas non esse hoc tempore bellum illaturos, quo Christiani Reges a bello vacui arma Cæsari jungere possent. Incepto ergo uti maneret, Goësio mandatur, & reddendi Zechelidis oppidi consilium ad extremum reservaret. Ad hoc consilium eo facilius descenderunt, quo in certiore pacis spem pervenerant, quia Goësii litteris cognoverunt, ipsam, postquam ad Cæsaris præscriptum in sententia de non reddendo Zechelide oppido Transylvanis perstitisset, atque Halius pacis eam conditionem esse negaret, proponendi consilium cepisse, ut munitiones everterentur, ne alteri adversus alterum essent opportuna. Ita Halium consilium probavisse, & se paratum esse ad Acmetem scribere confirmavisse, ut aquam Cæsari petenti pacem daret. Hæc fuisset Halii mens, an simulasset, in incerto est. Unum vero non ambigitur, prorsus inverisimile non esse, cum mutavisse consilium, quod, quum Acmetem Constantinopoli Belgradum discessisse cognovisset, argumenti loco sumpsit, suo ductu bellum non geri. Adjuvat hanc opinionem, quum quod ipse Goesium hortatus est, ut Belgradum petat, quo Acmetem esse venturum sciebat, tum quod ipse magnis itineribus Sophiam ei occurrens, in concilio ne liberam quidem vocem mittere ausus est. Acuit Acmetis studium Halii silentium, quod habebat, etiam dum ejus sciscitabatur sententia, adeo ut causam ex ipso quaereret. Halius tamen respondet, se nullius consilii auctorem esse velle, ne ab se adversi eventus ratio reposita sit. Alia dicere non valuit, quod insolitus torpor membra

An. 1663

tenebat. Quod simulatque cognovit Acmetes, eum plus animo præsentire suspicatus, ejus abditos sensus elicere magnopere exoptans, ut libere sententiam diceret, petit. At ille in eadem tristitia permanet. Tum Acmetes, *quoniam meis precibus*, inquit, *locus a te non datur, certe, mandatis pareas, oportet. Regis gloria, ac Reipublica cbaritas poscit, ut unusquisque libere, audacterque de eoducat. Neque civis optimus, neque homo esse videtur, qui patriam suo consilio, ne dicam fortiter factis, juvare non vult. Proinde elige, utrum in numero civium, an hostium esse velis. Ain', numquid publica salutis studium, an privata gratia tacere te cogit? ut si optimum dederis consilium, te audiendo, uno animo, una mente vivere possimus. Tum Halius vix præ lacrymis valens, sibi æquas videri pacis condiciones dicit, ubi Caesar deduci de Transylvania Germanos, everti propugnaculum ab Serino ad Muram excitatum jaserit. Sibi periculosum videri, eo tempore fortunam periclitari, quo Cribriani Reges, quam in periculi societate esse arbitrentur, in belli societatem venire possent. Nimiam omnibus videri cupiditatem, quum Venetos, simulque Germanos perdonare sibi in animo esse demonstraret. Hoc sanum consilium non esse ex eo potissimum se intelligere, quod nunquam majores, quorum maximam fuisse quum prudentiam, tum virtutem constet, eo usi essent. Non semel expertum esse, de suo dimicavisse eos, qui æqua parte non fuissent contenti. Satis, superque esse, si sine ignominia susceptum conficeretur bellum. Quo igitur consilio nova aggredieretur? Hæc res magnam difficultatem ad consilium ineundum Acmeti affert, quoniam ne militiæ dedecora eo majore periculo sibi objectarentur, periculum esse sciebat, quo pertinacius juvenis clarioris Ducis, ac senis consilium sprevisse diceretur. Igitur dies, noctesque dubitatione æstuant occurrunt, eum illo consilio bellum, quod prius suaserat, nunc dissuadere, quod suo auspicio bellum administratum iri non speraret. Hoc etsi pro certo habebat, tamen ut omnis expelleretur dubitatio, ex eo quærere statuit, quare prius se ad bellum hortatus esset. At ille, *mutari consilium oportere* respondet, *ubi non easdem esse causas constaret, quæ ad illud descendere coegissent. Se semper bellum justum esse existimavisse, quibus necessarium, & necessarium, quibus ignominiosam tantum firmare pacem liceret. Gessum primo suam ora, deinde cavillationibus suspicionem sibi dedisse, Casarem a pace abhorrevit, postremo iniquitate conditionum, quod Zecebelidem reddere Transylvanis nollet, se perpulisse, ut manu obtinendam conferret, quod pace non posset. At nunc Transylvanorum oppidum esse permittenti quare pacem non daret? Hoc accepto**

ref-

responſo, diverſus agitur Acmetes, propterea quod tum magis in incerto erat, quare Halius ſententiam mutaviſſet. Plures alios dies ibi moratus eſt, quum hac de cauſa, tum quod copiarum adventum, quæ minoribus itineribus ſubſequebantur, expectabat. Quæ ubi pervenere magis incertus Belgradum diſcedit. Nam tam pacem firmare, quam bellum Pannoniis inferre paratus erat, prout rem adhortari cognoviſſet. Hoc unum animo propoſuerat, ut, ſi pacem cum Cæſare faceret, iter per Pannoniam, ſine maleficio faciendi poteſtatem impetraret, ut arma in Dalmatiam contra Venetos vertere poſſet. Sic tot apparatus non male caſuros ſummo cum ſuo periculo judicabat. In itinere ſecum voluit, utrum præſtaret ſuas oſtentare vires, ut territus Goëſius iniquiores pacis conditiones acciperet, an cum eo humanius ageret, ne honeſta deſperata pace, ut majore conatu bellum ſuſciperent Germani, hortaretur. Quum ergo plures res in mentem veniſſent, facilius iniquiores conditiones perterritos imminente periculo, quam ab timore vacuos accepturos conjeſtans, Belgradum tali magnificentiæ apparatu ingredi ſtatuit, ut pro parta victoria triumphaturus, non, quemadmodum eam adipiſceretur, rationem initurus eſſe videretur. Præibant & corporis forma, & elegantia veſtium ex omnibus ſeſti ad quadringenti pedites; quorum alii non modulate, ſed altius obſtrepentes incondita caneant carmina, pars præeunte execrabile carmen ſacerdote ab Deo victoriam de Christianis precabantur. Subſequebantur ſexaginta inſignes equi egregiis ephippiis, aureiſque fræniſ præfulgentes. Unuſquiſque ab duobus ſervis manu ducebatur; qui omnes rubri coloris veſtibus induti, formoſam ſpeciem dabant. Poſt hos Acmetes ipſe alba veſte auro intexta, alba tiara ornatus, albo inſidens equo lentius progrediebatur. Proximus ibat Hibraimus, qui ducentis equitibus, quos cuſtodis cauſa circum Acmetem habebat, præerat. Hi gladiis diſtriſtis ejus latera ſepiebant. Totidem equites poſt hos turmatim veniebant, quibus omnibus Mehemetes Aleppi Præſectus præerat: deinde quadrijugis curribus, octuaginta numero, octuaginta bellica tormenta vehebantur. Ante unumquemque currum decem bellicorum tormentorum magiſtri incedeant. Mox quinque equitum millia longo agmine progredientia non injucundam præbebant ſpeciem: poſtremo jumentorum, atque carrorum viſ magna cum impedimentis ducebatur. Omnes vero prætorianorum millia ſena claudabant. Acmeti venienti civitatis Magiſtratus, Præſectique omnes obviam gratulantes procedunt. Hoc idem faciunt oppidani, qui omnes, veluti parta victoria, Acmetem laudibus efferunt, ac læ-

titie

An. 1663

titie signa mittunt. Milites, qui oppido præsidio erant, in duas partes distribuunt. Præfectus. Per medium eorum omnes transeuntes, gaudium mutuis gratulationibus augent. Jam gloriam, jam victoriam, jam ante omnia prædam avidus miles providebat. Omnia æqua, & plana sibi fore ominabatur. In tanta diei celebritate lætis vocibus cælum impletur: prospectus fumo ex tormentarii pulveris flamma, quæ ex tormentis emicat, adimitur: murmur, ac hilaris confusio omnes tenet. Stuporem, qui Goesium, reliquosque Cæsaris administratos tenuit, ubi ex apparatu spe pacis se dejectos esse cognoverunt, satis explicare non valeo; id unum, non ambigitur, quod reliquum diei, & integram noctem & cibi, & somni immemores traduxere. At ne aliis quidem nox quieta fuit, quod sive oppidani, sive milites ex oppido se elicientes, in castra perveniunt, quæ non procul aberant. Ibi insignes, generososque conspiciunt equos; decora, ac gemmata arma contemplantur; armorum, ac vestium varietatem mirantur; tabernaculorum pretiosum ornatum, telorum, ac commeatus omnis generis apparatus, castrorum tractum, ac munitiones conspiciunt. Milites eos, cum quibus hospitium ipsis intercedebat, per omnia præsidia circumducunt; ac periti linguæ cum commilitonibus cujuscumque gentis colloquuntur, atque de omnibus eos docent; qui sit armorum, ac tormentorum usus; quid uniuscujusque ad pugnam, quid ad oppugnationem, quid in castris sit. Revera pulchrum est centum triginta armatorum millia in castris diversis rebus intentæ, conspiciere. At pulcherrimum tot Turcarum millia conspici, tum tot gentium mixtura, tum vestium, ac armorum pretiositate, tum denique servorum, camelorum, ac mulorum numero; quod apud eos ea consuetudo est, ut proficiscentes omnia domo in castra conferant. Erant ad duodecim mulorum, & sena camelorum millia. Erant equitum quinquaginta, peditum vero septuaginta millia. Omnium summa millia centum triginta. Quidquid enim roboris erat, Acmetes facilius rei consequendæ studio secum duxerat: Præfectos propter virtutem notiores nominatim evocaverat omnes. Hi tantam rerum suarum habebant fiduciam, quod ne conspectum quidem tantæ multitudinis paucos ferre existerimabant, ut, nihil de eventu dubitantes, non de belli ratione, sed quemodo victoriam exercerent, cogitarent. Vivebat in eorum pectoribus tanta prædæ cupiditas, ut, quum die ante oculos sibi proponerent hostium cædes, expugnationes oppidorum, & quidquid talis generis hominum vastus animus cupere scit, nocte sæpe lætissimo somnio frustrâ eluderentur. Oppidani quoque domum reversi,

verſi, dum mulieribus, pueriſque viſa enarrant, atque hi, ut fit, importune interrogant reliqua, & deſiderio eadem conſpiciendi capti, patres orant, ut poſtero die ſe quoque ea ſpectare ſinant, nec conquieverunt. Sic partim læticia, partim deſiderio, partim dolore agitati omnes, nocte ſomnum non viderunt. Nam Acmetes etiam difficultate afficiebatur, quod, quum in pectore inſediſſet, quidquid Halio dixerat, in incerto habebat, quid nam conſilii iniret. Poſtridie tamen Goſium alloquens, ſe bellum Caſari inſeſſe ſtatuiſſe demonſtrat, quod ultra ſerre non poſſet, Caſarem nulla ratione ruptis ſæderis pœnituiſſe. Conſilium fuit, ex ejus vultu, orationeque cognoscere, utrum diſpliceret, vel non Caſari bellum ſumere. Goſius, his auditis, Caſarem bellum ſuſcipere non timere confirmat, quod tum ſais, tum Chriſtianorum Regum omnium opibus conſiſus Turcus docere ſperaret, non ipſos, ſed Germanos inter ferrum, & arma natos eſſe. Id unum & ipſum mandaviſſe, & ſe efficere cupere, ut nemini cauſam præbuiſſe belli appareat. Ad hæc addidit, quare ipſi prodidiſſent fidem, quæ ut reſcenſimus, quum ea Halio objectavit, nunc libenter præterimus. Acmetes hiſper motus, non ſuo, neque Mehemetis Regis, ſed Caſaris, & ipſius vitio factum dicit, ne ad otium res deductaſſet. ſe pluriet ab armis diſcedere paratum eſſe demonſtraviſſe, ejusque rei teſtem Reningberium habere. Hac de cauſa, quum conſideraviſſet, eum bellum ſumere ſtatuiſſe, qui ſædus cum illo ſerire decretaſſet, cum quo diſſenſionis cauſa extat, delectam edixiſſe, milites ſcripſiſſe, exercitumque eduxiſſe. Non eſſe nunc æquum, Caſarem, quum omnia ad bellum comparaverit, auxilia accerſerit, Chriſtianos omnes ad ſuam auxilium concitaverit, pacem tanquam debitam nunc petere, quod in aperto virium certamine ſpem non habeat. Tum Goſius, Caſarem pacem optaviſſe, & ejus rei teſtimonium eſſe affirmat, quod propositis ab Halio conditionibus eam facere non abnueret. Quod Caſar bellum paraviſſet, id ſe negare non poſſe; immo addere; id conſilii ſumma ratione ab longe prudentiſſimo viro inſitum eſſe, quum ſciret, eum pacem velle, qui paret bellum. Orare, ut cum ipſo de ea re agere poſſit, vel ſi id minus per occupationes liceret, tantomuneri non impares viros deligat, quibus poteſtatem negotii perficiendi permitteret. Acmetes ut ex Goſii pacis cupiditate conjecturam cœperat, Caſarem ſibi minime confidere, ſibi ſpiritus ſumens, Quoniam, inquit, Caſarem eniti dicis, ut armorum cauſa non ſit, propugnaculum ab Serino inſtitutum evertat, & præſidia ex Tranſylvania oppidis educat. Si hæc prius fecerit, alia poſtea utriſque æqua conditiones erunt. Goſius demonſtrat, paratum Caſa-

rem

An. 1663

rem esse, ea exequi jàbere, simul primum fides data, acceptaque sit. Aliter summa dementia esset efficere, ut Turca rem consequatur, & ipse pacem habere non possit, si conditiones, quas ignorat, non convenirent. Proponeret aquas conditiones, quia de iis non abnueret. Negat primo Acmetes, hoc fieri posse, nisi prius, quæ paratum esse Cæsarem facere diceret, exequeretur, deinde Amuratem postero die eas propositurum confirmat. Mane igitur Amuratem, Goesius adit; cum eo Halium, Cutschiuciumque Varadini Præfectum, a quo Chiminianum fufum supra docuimus, esse invenit. Cutschiucius ante omnes loquitur, ac militum multitudinem, virtutemque ostentans, quasi per amicitiam Goesium monet, ut conditiones etiam iniquas accipiat, ne ad ultimum supplicium Pannonii, Germanique progredi necesse habeant. Æquissimum tantum conditionibus contentum fore affirmat Goesius. Respicendum esse demonstrat Cutschiucius, quod iniquæ conditiones æquissimæ iis essent, quibus majora impenderent mala. Nullum imminere Pannoniis, Germanisque malum, respondet Goesius, quos arma, virtusque tegant. Tum Amurates, *Non dixi*, inquit, *nihil actum iri his conditionibus? Ita Acmetes jubet. Ad necessitatem juveni gloria avido*, ac rerum militarium imperitoparendi subigimur. Deus, ut bene, feliciterque res vertat, efficiat. Me baudquaquam hujus consilii auctorem fuisse profiteor. Sibi quoque Acmetis sententiam non placuisse affirmat Halius. Amuratem magni consilii, ac expertæ probitatis virum esse Acmetes arbitrabatur, quod ejus opera præcipua Mehemetes pater erat usus. Hic quum rem in dubium devocandam non censeret, libere, audacterque, quæ sentiebat, Acmeti proponebat. Qui ob hanc rem, & sermonem, quem cum Halio habuisset Cutschiucius enunciavit, eum ita suspectum habuit, ut perniciem viro tantæ inter Turcas authoritatis insequente anno machinari non timeret. Halius etiam capite liberi sermonis pœnas dedisset, ut Amurates, nisi ejus vitæ morbus finem prius fecisset. Postquam multa in eandem sententiam dixit Amurates, conditiones proponit, quarum summa fuit. Viciescentena nummorum aureorum millia in scribendo exercitu nequicquam profusa Cæsar Mehemeti Regi daret. Quotaannis centum nummorum aureorum millia stipendii nomine penderet. Iter per suos fines exercitui daret, quo facilius terra, marique Venetos premere possit. His auditis, etsi iniquissimas condiciones fore providerat Goesius, tamen, ubi eo temeritatis Acmetem processisse cognovit, facere non potuit, quin mens alienaretur, maxime quod Cæsarem imparatum deprehendi sciebat. Tum igitur & indignitas rei iniquita-

tem

tem conditionum probare, & majoris periculi timor hifcere contra pacem prope necessariam prohibuit. Postero die tamen expedire ratus, tempus ad deliberandum sibi fumere, ac rem ad Cæsarem reicere, ut tempus, dum aliquomodo se pararet, intercederet, postulat, ut nuncius ad Cæsarem mittatur, & interea ipse eisdem castris exercitum contineret, dum ab Cæsare redire possit. Se decem diebus Belgradi futurum, decemque dies in itinere consumpturum pollicetur Acmetes. Enunciari præterea Cæsari jubet, æquum esse, si Nicolaum Serinum prædatis res dominis restituere, vel aqua aestimatione facta pecuniam pro eis solvere cogeret. Perseus, quia domum repetere ei opus erat, mutatis ad celeritatem jumentis ad Cæsarem perveniens, omnia exponit. Cæsar ad famam Turcarum exercitus quædam bello utilia expedierat. Nunc, quoniam turpis afferebatur pax, ad concilium omnes sibi fidos adhibet. Duo dies disputando traducti sunt, tandem omnibus visum est, de iniqua pace abnuendum, etsi, quod ingenti exercitui pares esse non possint, aliquid detrimenti accipi oportere cognoscebant. Sperabant enim ad tanti belli, ac periculi famam, celeriter, si non Pannoniorum, saltem propria charitate omnes excitatum iri. Hac re composita ad Goesium scriptum est, *Acmeti renuncietur, Cæsarem non parum miratum esse, cum tantam suarum rerum habere fiduciam, ut tam iniquas proponere condiciones non pudisset. Ipsum brevi de Germanorum virtute judicaturum.* Proinde, si alias cor ditiones proponere nolle profiteatur, Viennam se dimitteret. Ad consilium hæc scribendi ea ratio Cæsarem deduxit, quod pro certo habenti, Acmetem de nulla re, & præsertim de numero dierum fidem non servaturum, præstare visum est, nuncium ante diem mittendo, alacritatem præbere, quam suo timore, instantibus hostibus in contemptum venire. Hæc ubi intellexit Acmetes, Cæsari rei bene gerendæ fiduciam aliqua de causa innatam esse suspicatus, minoribus itineribus progreditur, ut, quid facto opus esset, consuleret. Sic magnum usum nuncium ab Cæsare illico missum compertum est; quoniam qui antea fidem fallens subito Belgrado discesserat, ille serius omnium opinione pervenit, quod amplius viginti dies consulendo consumpsit. Sed si Acmetis animus æstuabat, quia Halius, Amuratesque, ne novum susceperet bellum, nisi quum susceptum confecerit, persuadere ei nitebantur, Germani non minori sollicitudine afficiebantur. Magnus enim incesseerat metus, quum Turcas centum triginta millia esse accepissent, atque ipsi ægerrime hominum viginti millia in armis haberent. Accedebat, quod neque in unum locum contrahere exercitum pote-

An. 1663 rant, quia incerti de Turcarum consilio omnibus præmetuebant urbibus, quum iter secundum Danubium flumen habentibus se vertendi, quo placeret, atque oppida, quæ opportunissima existimarent, oppugnandi facultatem esse scirent. Ob hanc causam omnes muniendæ erant urbes, ac firmissimo præsidio obtinendæ, quarum rerum alteram temporis exiguitas, alteram paucitas defensorum, impediabat. Vix enim triginta Germanorum millia cum Pannoniorum præsidio ad omnes defendendas sufficere non ignorabant. Non esse de re frumentaria provisum magnam præterea boni eventus desperationem afferebat. Quum in his angustiis res esset, atque urbes omnes viris, aliisque rebus simul munire, ut quælibet Turcarum impetus non extimeret, impossibile visum esset, omnes consensere, ut exercitum in unum locum contraherent. Sic, exploratis hostium rationibus, facile præsidium in illud oppidum, quod oppugnare Turcæ aggredierentur, prius se introducere posse confidebant. Ea modo, ubi castra locarent, consultatio fuit. Erant enim sententiæ, quæ in ea oppida, quorum munitionibus maxime confiderent, firmissimum introducendum præsidium, reliqua vero exercitu tegenda censerent. Nam extrema ausurum præsidium sperandum esset, ubi neque necessariis affligeretur rebus, neque parum firma munitiones desperare de defensione cogerent. Præterea magno usui fore firmissima præsidia, etiamsi mania non tentandi, sed porro progrediendi consilium Turcæ caperent, quia excludere eos a comitatibus nullo negotio possent. Postremo in utramque partem tantam esse sententiam, quum, si res posceret, deducere ex oppidis milites possent? Alii autem rogitabant, quid metus confessionem exprimerent? Per utros stare videatur, quominus castra castris sint collata, eos sibi parum fidere demonstrare. Se semper expertos esse, audaciam suos alacres, hostes perterritos fecisse. Quid igitur expectarent, quin, quum primum possent, contra eos contenderent? Quin prope hostium explorarent rationes, ut pro tempore consilium capientes, eo introducendum præsidium curarent, ubi necessarium fore intelligerent? Hæc ubi audita sunt, nonnulli ex eis quærent, quid tandem ubi tam fortem animum gessissent? utrum cum Turcis prælii copiam sibi fieri poscentibus certamenesent transacturi? an pugnam detrectaturi? siue detrectent, quem ignorare, hanc maximam timoris confessionem Germanis animum minuturum, & hostibus spem ita aucturum, ut castra certiore victoriæ spe, oppugnare instituant? Sin autem acie dimicent, cui dubium esse, quin ad unum omnes in tanta virium inæqualitate interficiantur? Hoc consilio ostentari magis, quam præberi metus opinionem, quoniam nbi
exi-

exiguas viderint copias, subito alacriores Turcæ facti conficere bellum exoptaverunt. Optimum esse castra alicujus oppidi muris conjungere, ut sine dedecore pralio abstinere possent, & tuti ab oppugnatione castrorum essent. At hæc sententia ea maxime ratione non obtinuit, quod cito exercitus pabulum, frumentumque illud esset consumpturus, quod ad obsidionis casum paravissent. Denique prima sententia ea lege accepta est, ut, quum primum Pannonii Germanis se adjungerent, e regione hostium castrametarentur. Id enim spei momentum aderat, quod, quum Cæsar necessitate auxiliorum permotus templa omnia, quæ superioribus annis hæreticis ademerat, eis reddipassus esset, illi quadraginta hominum millia ad bellum polliciterant, Catholicosque viginti millia colaturos esse sperabatur. Hoc consilium ab Cæsare quoque probatur, qui Germaniæ prospicere maxime cupiens, Comiti Gualterio Leslio mandat, ut coactis, quos posset, equitibus Austriæ præsidio sit. Idem ut faciat Sigismundus Fridericus Trautmendorfus Stiriæ Præfectus, imperat. Qui indiſto Gratii ejus gentis concilio, ab omnibus obtinuit, ut finitima oppida præsidio tenentes, suæ, ac omnium saluti consulerent. Cæsar, iis initis pro tempore consiliis, unam, & certiozem defensionis spem in Pannoniorum auxiliis consistere arbitratus, quod eos ad id non amplius dubiæ voluntatis esse judicabat, quum omnia, quæ ab se petissent, adepti erant, magnam optimatum partem Viennam ad se vocat, ac docet, Acmetem hominum millia centum triginta in ipsorum perniciem ducere. Cogitarent digna fortissimis viris consilia pro patriæ salute inire. Emularentur tot maximorum virorum, tot majorum exempla, qui omnia ausi pro ea essent. Ne se in patriam studio, quod esset turpissimum, viuci ab Germaniæ Regulis patiantur. Eos suis precibus permotos auxilia decrevisse. Se itidem omnia pro ipsis facere paratum esse. Sed nulla virium parte Tarcis parem esse posse cognoscere, si ipsorum studia sibi deessent. Caperent igitur arma, & illis libertatem tegerent. Hæc ubi dicta Cæsar dedit, pro omnibus Georgius Lippajus Strigonienſium Archiepiscopus verba facit, atque suâ causâ Pannonios neque defuturos, neque pacto non staturos confirmat. Ipsos promississe, & paratos esse arma capere. Sperare, Pannonios millia sexaginta armatorum posse conficere. Idcirco orare, ne prius in Pannoniam Germanos mittat, quam in unum locum Franciscus Veselinus Pannonios contraxerit: quoniam, ne frumentum, pabulumque paratum, si primo venerint, consumant, timeret. Paratos item esse præsidia intra urbes accipere, quo certiore spe mania defendantur. His dictis eos domum Cæsar dimittit.

An. 1663

tit, ut, plebem ad necessariam defensionem hortando, negotium in celeritate positum subito conficerent. Tamen ad Cæsaris spem, eventus non respondit: quoniam Pannonii sive in ipsum odio, sive Turcarum metu, sive quod sine stipendio nomen dare nollent, sive ei parare parati, qui ab alterius injuria se prohiberet, negotium in Kalendas quintilis primo transferunt, postremo ad Ughe-
 rischium, quo armati convenire jussuerant, pauci adfuere. Idibus ejus mensis ad Altemburgum pervenit Montecucculus, ibi copias omnes expectat. Quæ ubi convenere, recensens exercitum, vix Germanorum millia decem in armis habere, Pannoniorum paucos convenisse reperit. Quibus rebus sollicitudine affectus, ad Cæsarem scribit, *rem in angusto esse, quia sibi cum paucis Germanis ne ab rapinis quidem Turcas prohibendi facultas esset, quam Pannonii, quod polliciti essent, non præstitissent. Imperaret, quid faciendum censeret. Se ad omnia exequenda esse paratum, etiam si mors sibi oppetenda esset; quæ eo rerum statu exoptabilis esset, ne ante partum navatæ ipsorum decus nunc, deses oppidorum jacturas spectando, amitteret.* Litteris, & periculo maxime Cæsar permotus rescribit, *in præsentia magis suam prudentiam, diligentiamque, quam superioribus temporibus semper prospere adhibuisset, ipsum præstare oportere; quoniam in reliquum tempus sibi cura foret, ut valido exercitui imperans Turcis obsistat. Interea Jaurinum, & Comaram milites præsidii causa mittat, & Vagbi fluminis ripas custodiat, ut in Germaniam ingressu Turcas prohibeat.* Hæc ubi jussa effecit Montecucculus, Francisco Veselino scribit, *se Pannoniorum mobilitatem mirari, quod, ne ubi quidem, quæ postulavissent, ab Cæsare impetrassent, se defendendi consilia inirent.* Veselinus Cæsaris quoque litteris increpatus Comaram, ubi eum esse sciebat, venit. Eodem Lippajo perveniente, consultationes habitæ sunt. Ultro Pannoniorum animos se arrigendum curaturum Veselinus pollicetur. Hac de causa Montecucculum consulit, *quid faciendum censeret, ubi insolens belli multitudo armata convenisset. Non dubium esse, eos ne oculorum quidem Turcarum acies esse laturos, & sua fuga vel veteranos territuros.* Tum Montecucculus, *etiam, re ita se habente, magnum usum habere demonstrat, armis sumptis ad imperatum omnes venire, quam quod Turcis, Pannoniorum consensu perspecto, spes minueretur, tum quod ex pluribus legere alacrior, reliquosque domum dimittere possent.* Hoc consilium probatum est. Cæterum, quo undique convenire armatos juberent, disputatum est, dum unusquisque, ut exercitus propinquitate tegi sua regio posset, tendebat. Montecucculus igitur ubi quemque per-

pertinaciter in sibi utili sententia perstare animadvertit, media via consilium init, ut homines, quos pagi ad Danubii dextram positi conferrent, locum inter Papam, & Jaurinum peterent, quos vero pagi, qui ad sinistram sint polliciti essent, eos Neissum castellum inter Vagham, & Nitriam flumina mitterent. Illis ubi Jaurinensium Antistitem, his Adamum Forgatium proposuissent, remedium omnibus malis repertum esse; quia, ponte ad eum Danubii locum facto, quo in duas diffuens partes insulam efficit, quam Schintam vocant, breviori itinere, quum usus posceret, se conjungere possent. Optimum consilium cuncti concelebrant, virique prudentiam laudibus efferunt, quod eaminire scivisset viam, qua & omnibus satisfactum esset, & omnibus consulatur. Utinam ejus consilia virtute confirmavissent: nam nihil calamitatis acceptum esset, et si Acmetes, postquam ad mensem consulendo traduxerat, utrum ab armis discederet, an ad arma rem deduceret, tandem bellum, sumere statuens nihil intentatum reliquisset, ac meliore consilio bellum administravisset. Hac re constituta subito magnis itineribus in Pannoniam contendit. In itinere concilio convocato, omnes, quorum virtus, ac in re militari usus magni habebatur, interrogat, quam commodissimam belli rationem esse judicarent. Sed nihil convenire potuit, quoniam fere tot fuere sententiarum, quot capita. Alii enim, quandoquidem Montecucculum exiguis copiis præesse scirent, fortuna beneficio, ac opportunitate ad rem magni momenti conficiendam uti optimum esse dicebant. Proinde nulla interposita mora Viennam admovendum exercitum censebant. Sperare munitissimam urbem, ac totius Christianæ Reipublicæ arcem, priusquam convenirent auxilia, expugnari posse. His resistit Halilius, quoniam & commeatu interclusum exercitum fame periturum, & tantam audaciam, ac imminens periculum Christianos omnes excitaturum haud dubium esse demonstrabat. Postremo quum æstatis extremum esset, et si permiscendæ ea res minime essent, tamen, nisi intra mensem oppidum expugnarent, magna cum infamia exercitum inde abduci videretur, ac quotidianis, & difficilibus itineribus eum essent confecturi. Concludebat igitur sibi semper placuisse Comaram uno tempore obsidione, ac oppugnatione premere, quod expeditiore re frumentaria Danubio flumine avecta uti possent. Hanc sententiam nullaratione se accepturum confirmat Acmetes, quoniam, quum eum suspectum haberet, illud dedisse consilium conjectabat, ne tantæ rei gloriam ipse ferret, maxime quod minoris contentio- nis Viennam recipere esse cogitabat, quam Comaram. Postremo et si majoris periculi illares esset, plurimum insudare laboris eum

non

An. 1663 non tedeat, quod opportunissimam se consequi rem non ignorabat. Hyeme enim & Comaram, & reliqua Pannoniæ oppida ab Germania seclufa recepturum sperabat. At alii *se certis authoribus comperisse dicebant, esse cum Montecucculo & numero, & usu rei militaris non spernendas copias. Quid igitur temere vel longius procederent, vel munitissimum oppidum oppugnare adorirentur? Præstare minoris laboris rem certiore spe suscipere, quam majora, cum periculo aggredi.* Hic sermo inter hos congruebat; sed quod oppidum invaderent, non constabat. Alii enim aliud, cuius facilius potiri posse sibi persuaferant, aggrediendum censebant. His difficultatibus circumventus Acmetes, nec animo deficit, nec itinere desistit. Prope enim exploratis hostium rationibus, pro re, & occasione, quam fortuna esset datura, consilium initurum sperabat. Vix hoc sibi animo proposuerat, quum maxima sese offert opportunitas. Comes Adamus Forgatius Neoselio oppido præerat. Hic per exploratores cognoscens quatuor Turcarum millia ab exercitu seclufa nihil esse negotii opprimere, quod aqua pontem, quo Danubium transierant, interrupisset, opportunitate uti nulla interposita dubitatione constituit. Igitur quinque Pannoniorum millibus, ac Germanorum equitum millibus binis coactis, contra Turcas magno animo proficiscitur; temere credens, eos ne equitibus quidem pares futuros. Ita omnia gratulatione plena erant, quod Dux militibus, & milites Duci fidebant, ut nullo hortante omnes adderent gradum, & moram odio habentes vix Forgatii jussu contineri possent, quin nocte iter continuarent. Forgatio spes amplior erat, quod magnam gloriam se laturum sperabat, quum optimum belli omen acciperet, ubi primos, qui hostiliter Pannoniæ fines ingressi essent, temeritatis pœnitere coegisset. Adventante luce tanta lætitia milites iter accelerant, ut ad prædam, non ad prælium properare viderentur. Oriente sole, antecursores agrestes quosdam ad Forgatium ducunt. Hi, quæ de hostibus cognovissent, pronunciare jussi, pontem haudquaquam interruptum dicunt, item quindecim Turcarum millia Danubium transducta esse, quorum magna pars in sylvis se abdidisset. Cæterum viginti millia expedita citra flumen stare. Hæc ubi cognovit Forgatius, primo paulisper silentium habet, ut, quid agere ex usu esset, secum volvere posset, deinde, quantum ego conicio, sive suspicatus, eos ab Turcis pecunia corruptos ficta ad illorum voluntatem pronunciare, ut periculum vitantes consilio naturam vicisse gloriari possent, sive ea vera esse arbitratus, sed prælio in tanta propinquitate diffugere se non posse existimavisset,

visset, se pro hoste eum habiturum pronunciat, quem ea militibus tradidisse comperierit. Magni enim interesse famam suppressere judicabat, propterea quod, si sui re alacres essent, ut verbis feroces erant, victoriam se adepturum sperabat. Sic ad vanum consilium temeritate quoque accedente, quis rem feliciter cessurum sperare poterat? Quam enim ratione milites animo non desecturos sperabat, quum velut dedita opera ad supplicium se hostibus traditos cognoscerent? Itaque simulatque procul maiorem, aciem viderunt, quam ab se sustineri posset, subito fraude factum existimantes, ut falsis nunciis fides extitisset, sistunt gradum, & primo hortante, deinde etiam imperante Forgatio ultra progrediuntur. Incedit vero mutum agmen, atque alii alios intuentur, quod lacrymæ partem, partem dolor loqui prohibebat. Deinde quidam commiserari fatum, pars queri fortunam, pars suam dolere mortem, plerique alios rogare, quo pergerent. Erant igitur omnia timoris, luctusque plena, tamen Forgatius inceptum perficere exoptans, neque animo se demittit, neque negotio desistit. Fit concursus ad eum Præfectorum omnium. Subsequuntur gregarii, ac opem ab eo poscunt. Hac re permotus Forgatius, consilium habet. Brevis vero consultatio fuit; quoniam, ut omnes nullam in fuga salutem in tanta hostium propinquitate perspiciebant, pars adjuvandam suorum paucitatem loci aequitate censent, pars in desperatione rerum animi magnitudine suos confirmandum, ac hostes terrendum existimant. Nam, si locum superiorem caperent, timoris confessionem exprimendo, hostes alacriores factos opere se circumvallaturos timebant. Tum quum subsidii spes nulla esset, aut mortem eo oppetendam esse, aut saltem deditionem subeundam. Horum opinio nem ea res adjuvat etiam, quod, quum vix decem hominum millia numero Turcas esse arbitrarentur, virtuti locum esse posse videbant, si, antequam reliqui flumen transirent, atque subsidio suis venirent, prælio dimicaretur. Hoc ut perfici posset consilium, milites alloquendos Forgatius ratus, ita disseruisse dicitur. *Quo loco res nostræ sint, omnes juxta mecum intelligere persuasum mihi habeo, quum, hic dies vel maximarum victoriarum, vel periculorum initium sit, oporteat. Reputate cum animis vestris, quid vobis magis ex usu sit, præda, gloria belli, an ignominiosa mors; & quod vobis expedire videbitur, illud eligite. Hujus diei exitus ex vestra voluntate pendet. Eventus vel prosper, vel adversus sit, oportet. Aut vincendum, aut moriendum est; mediæ via iniri consilium nullum potest. Vel vobis signa inferentibus non resistent Turcæ, vel fugientes impune occident. Optio vestra est. Si inulti trucidari cupiatis,*

An. 1663

tis, fugæ consilium ad hanc remaptum est, at si victoriam adipisci exoptetis, audacia opus est. Ne, quid velitis, obscurum sit, vel alacritate, vel vultus mæstitia significate, ut mihi consilium capere possim; quoniam, si in vobis fidendo erravi, non committam, ut in reliquum tempus decipiar. Quis enim rei bene gerendæ occasionem dimississet, quando vestra alacritas in certissimam victoriæ spem me pervenire faciebat? An vobis decipiendi Ducem est usus? Vel verius hostes suo aspectu vobis animos ademerunt, quandoquidem, ubi signa procul vidistis, timor incessit? Forsan plusquam hominum eorum ingenium, virtutemque esse vane creditis? Hoc falsum esse sæpe majorum exempla ostenderunt. Minus quam fœminarum eorum impetum esse sæpe ipsi experti sunt, quum pauci plures delevere. Hoc est ingens hortamen ad virtutem præstandam. Illorum exempla vobis imitanda propono. Plana sunt omnia audacibus, contra iniqua timidis. Audacia, non timor, pro muro habetur. Nolite quæso hanc maculam mihi, vobisque metipsis inurere, ut, quum victoriæ baud dubia alacribus esset, calamitatem tamen inferre patriæ vestra ignavia, & quantum in vobis est, eam prodere velitis. Hostium numerus, an virtus vos terret? Si virtus ea in pugna patere soleat, quæ cuiusque animo ineat, certe ex vâre metû non se ostendit: quoniam exploratum est, nulli Turcas laxu fluentes, ac belli imperitos ignavia cedere. Cujus rei maximum testimonium est, quod alacres, fortesque viros morari potuisset nemo, quominus, simulatque venientes conspexissent, magno animo ad vos adoriendum venissent. Quid igitur, si hic timor non officit, imbellis multitudinis impetus terremini? Quid expectatis, quin duplicem feratis gloriam, & primis patriam defendisse, & numeri inæqualitatem virtute adæquavisse? Agite dum magnum animum præbete. Enitemini, ut vincendo, & timoris suspicionem vitetis, & vestræ fortitudinis opinio apud cives, exterosque augeatur. Hac oratione, live quod prælio sine ignominia, & sine detrimento abstinere se non posse cognovissent, live quia desperatio, & summæ rei discrimen timidos fortes fecisset, milites permoti, Forगतो confirmant, se acriter enifuros, ut victoriæ penes ipsum remaneat, vel, si id minus poterunt, uti saltem funestam hostibus victoriam faciant. Hoc solum præstiterunt Germani: nam simul primum hostibus appropinquatum, ac prælium initum est, Pannonii omne subsidium non in animi magnitudine, sed in pedibus ponunt, propterea quod numerus amplior tum visus est, quam quantum esse & per exploratores cognoverant, & ipsi procul aciem conspicientes, arbitratierant. Arête enim statuerant Turcæ ordines, & pedites in terra projecti stabant, ut mediocrium copia-
rum

rum species præberetur, quando amplius viginti armatorum millia erant. Sic recens Turcarum equitatus ad confectandos Pannonios immissus, plerosque interficit, nonnullosque capit. Germanorum minima pars in deditionem accepta, maxima pars fortissime pugnans, postquam luctuosam victoriam Turcis fecit, interfecta est. Ubi captivi in castra reducti sunt, Acmetes ad unum omnes interfici coram Goefio jubet. Hoc duabus de causis fecisse dicitur, ne Pannonii veniæ spem respicientes in Cæsaris amicitia manerent, utque suorum mortem ulcisceretur: nam neque bellicorum tormentorum, ac impedimentorum præda, neque victoria dolore levavit, quod amplius ex Turcis ostingenti interfecti essent, in iis Præfecti quindecim Pannoniorum vero, ac Germanorum millia cæsa quatuor. Hujus pugnae eventu sublatus Acmetes nihil moratur, quominus Neoselium aggredi decerneret, quum quod exteriores munitiones perfectas non esse compererat, tum quod rem ad defensorum paucitatem esse redactam sciebat. Re vera majorem occasionem ei fortuna dare non potuit, ut sibi opportunissimum oppidum sine magna contentione reciperet. Facilius tamen illud expugnasset, si nulla interposita mora decem equitum millia, quæ Danubium jam transierant, eo misisset: nam vel cum præsidio mixtis aditus ad oppidum fuisset, vel saltem mille, & quingentos ingressu prohibuissent, quos Montecucculus, ubi de adversa pugna accepit, suspicatus fore id, quod accidit, subito misit. Igitur ex eo die dies tres in castris exercitum continuit Acmetes. Quarto die omnes copias flumen transducens, passuum millia tria ab Neoselio confedit, quinto die obsidere oppidum cepit. Hac re solum contentus hostiliter populari agros, ac tormenta in oppidum disponi vetuit, quia recenti clade perterritos deditione sibi prospecturos confidebat. Ejus rei causa nuncium cum litteris, quas palam perlegeret, ad Forgatium mittit, quarum ea erat sententia, *se Mehemetis Turcarum Regis jussu ad Neoselium oppugnandum ingentem duxisse exercitum, cui omnino pares esse non possent Germani. Prospicerent ergo sibi deditione. Addit præterea de Regis, ac sua optima in Pannonios voluntate; quoniam exercitum eo consilio coegisset, ut eos in libertatem vindicaret.* Litteris perlektis, nunquam se tantum admissurum facinus Forgatius profiteatur, sed oppidum defendere paratum esse, quoad spiritus eum deficeret. Ubi responsum accepit Acmetes, magna indignatione exardens, tormenta contra eas turrets, quæ perfectæ non erant, disponit, ac vallo, fossaque oppidum circumvallare instituit. Tum Forgatius hortatus suos, ut, magnum præbendo animum, de

An. 1663 defensione se non desperare demonstrarent, ex oppido erumpit: Fortiter se gessere Pannonii, fortiter Germani; quoniam nonnullis interfectis, ac domibus extra murum incensis, ne cui usui hostibus essent, ad unum incolumes in oppidum revertuntur. Hac re permotus Acmetes, non tam facile esse oppidum paludibus munitum, ac ab forti Duce, strenuisque militibus custoditum expugnare, cognoscens, magnam hominum multitudinem ex proximis regionibus evocat, atque hanc operis rationem instituit, ne apertis ad aggrediendum muros contendentibus militibus tormenta nocerent. Terram primo coagmentandam curabat, ut omnino tuti ab telis essent, qui fossam in justam altitudinem, latitudinemque perducebant. Hi terram etiam ab summis labiis in altitudinem jaciebant. Hanc, immisiss in terram, religatisque inter se sudibus, distinebant. Ubi vero in justam longitudinem perducta fossa erat, aliam transversam perducebant: quæ duæ fossæ in idem punctum convenientes anguli formam faciebant. Sic angulatim opus terra protectum ita procedebat, ut seni ab fronte Turcæ sine periculo mœnibus appropinquare possent. Conati sunt obsessi opera eruptionibus disturbare, sed, quoniam partitis temporibus decem prætorianorum millia administratos tutabantur, in oppidum reiecti sunt. Magnum præterea cratium numerum, quibus fossam compleret, expediri, ac pontes celeriter fieri Acmetes imperat, ut uno, eodemque tempore omnes adire possent. Dum hæc ad Neoselium geruntur, Lip-pajus, Vefelinus, Nadastriusque Posonium veniunt. Hoc ubi cognovit Montecucculus eo contendit. Paucis post diebus Joannes Rotalius ab Cæsare missus eodem pervenit. Ibi consultationes habita, si fortasse ratio aliqua obsessis opem ferendi iniri posset. Sed omnibus visum est exiguis copiis tantam rem aggredi periculofum, præcipue si Pannonii omnes, qui per ætatem arma ferre possent, se sibi non jungerent. Sed hoc difficillimum esse non ignorabant, quod etsi toties id polliciti erant, tamen pluribus illatis causis nunquam fidem exolverant. Litteris ergo eorum animos tentandum statuunt. Sed surdæ optimis omnibus consiliis eorum fuere aures: nam Posoniatæ, quæ est urbs ad Danubium posita, atque obhanc rem maxime opportuna, intra mœnia accipere posse armatum præsidium negaverunt, etsi Montecucculus, Rotaliusque ad persuadendum acriter enisi sunt, magnum totius Pannoniæ defensionis momentum in eo oppido retinendo consistere, quoniam, eo occupato, in ultiores regiones Vaghum flumen transeuntibus Turcis gradus foret. Rebus his nequicquam tentatis, statuit Montecucculus parvas manus in expeditionem mittere, ut illæ itinera in-

infecta Turcis redderent, ne expeditione re frumentaria uti possent. Mittitur hac de causa cum millibus equitum binis Comes Joannes Sporckius: qui ubi Turcas firmissimo præsidio com meatus ducere cognovit, & in quinque equitum millia incidit, satis habuit, paucis amissis, se in castra conferre. Ex equitibus tres captivi ad Acemetem perducuntur. Qui per eos Germanorum paucitatem cognoscens, consilium cepit nocte viginti hominum millia ad castra adorienda mittere. Ne vero oppugnatione desistere cogeretur, Scythas, aliosque, quibus ad oppugnandum non utebatur, eo contendere jubet. Dux vero omnes excusat, quod Scythis nec castra, nec oppida oppugnandi, nec acie dimicandi usus esset. Suos excursionibus, populationibusque meliores esse, quam pugna. Hac spe exclusus, secum reputat Acemetes, utrum obsidionem relinquere expediret, ut Germanos deleteret. Non ignorabat, pulso exercitu, & Neoselium, & alia oppida se esse recepturum, sed timebat, ne consilio, vel casu Montecucculus periculum vitaret; & sic famam exire poterat, se infecta re discedere, coactum fuisse; quod, utpote ignominiosum, Turcarum animos ab se avertere posse conjectabat. Earum rerum causa satis habens in inceptum perficiendum insistere, & Scythas in expeditionem mittere, rationem hujus rei perficiendæ quærit. Captivos ergo ad se perducij jubens, eos interrogat, utrum periti earum regionum essent. Quinque reperti sunt, qui se locorum scientes esse professi sunt. Quos magnis præmiis, pollicitationibusque excitatos ad conciliium adhibet. Captivi fidem post promissa ducentes, se itineris duces pollicentur. His fidens Acemetes, Damaschi Præfæcto imperat, ut Scythis hominum millia sena adjungens, ubi primum per captivos vadum reperiretur, ripas occuparet, & firmissimo præsidio teneret, quoad Scythæ reverterentur; ne reditu ab Germanis interclusi deditionem subire necesse habeant. Jussa & ipse, & Scythæ efficiunt: nam, utraque Vaghi fluminis ripa occupata, Scythæ prope Freistelium vado transeunt. Major pars difficilibus itineribus per montes, ac invia loca in Moraviam contendit, reliquorum pars Silesiam, pars Boemiam petit. Et res ex sententia cessit; quoniam incautos, inopinantesque agrestes nacti, partem eorum interficiunt, nonnullos fundunt, plerosque capiunt. Sic ferro, & igni agris hostiliter depopulatis, fumantibus passim testis, magno jumentorum, ac hominum numero capto, repetere iter pergunt; & homines, quos imbecillitas, aut ætas ipsorum iter adæquare prohibebat, crudelissime interficiunt. Dum castra repetunt, Dominicum Ligoem e Societate Jesu prope Tirnaviam capiunt.

An. 1663

Qui ab Joanne Gregorio Giga Valachia Principe redemptus, egregiam religioni operam præstare valuit. Nam ubi in Giga conspectus fuit, oculis nunc cælum, nunc terram intuens, eum excitavit, ut, quid sibi vellet, ex ipso quæreret. Tum Ligoes lachrymarum, plenus, se Christianæ Reipublicæ fortunam misereri dicit, quod eos cum suis innatis hostibus illius evertendæ consilium inire videat, qui in illorum perniciem conspirare jure tenerentur. Hæc ubi cum assensu audiri intellexit, alia addens, ut eum ab Turcarum amicitia averteret, effecit. Hac re composita, Comaram Ligoes petens, Comitem Buseinum de Giga voluntate docet. Denique, communicatis consiliis, secreto in Turcarum castra redit, atque Giga de Buseini consilio persuadet, ut amicitiam cum Nicolao Serino instituatur. Pollicetur Giga, atque missis, remissisque nunciis, ubi tempus stetit, utrique ad locum ambobus placitum accessere. Salute data, atque reddita, Turcarum consilia ei enunciat Giga; atque se enixe consilio, & re Christianos juvaturum sacramento confirmat. Re vera hujus opera plurimum Christiana res adjuta est: nam, quum Acmetes parum contra Neofelii præsidium profici videret, & susceptam rem dimittere nollet, Montecucculi castra adoriendum statuerat, ut, hac re bene gesta, hominum opinionem teneret. Magnam exercitus defendendi spem habebat, quum quod inter captivos, ac exploratores omnes sermo ille congruebat, vix septem millia numero Germanos esse, tum quia idem ex eo cognoscebat, quod neque excursionibus occurrere, neque obfessis opem ferre Montecucculus valeret. Quod ubi cognovit Giga, Scythas, Moldavosque hortatur, ut, quoniam prospere excursiones experti essent, locupletes fieri velint. Magnum usum habere, cum ingenti gloria, prædaque domum se recipere. Se etiam cum suis in eandem belli rationem insistere cupere, quod consilium explicare nihil periculi esset. Pauciora verba avidissimos homines latrocinii natos accendissent; propterea Præfectos orant, ut hanc facultatem ab Acmete obtineant. Præfectos eadem excursionum cupido tenebat, tamen cruciatus veriti, legationis munus pro se recusabant. Hoc simulatque cognovit Giga, egregiam in Turcas voluntatem simulans, Acmetem adit, ac docet, Scythas ægre pati, quod ab rapinis contineantur. Magui interesse, militibus morem gerere, ut postea, quum usus venerit, ipsius gloriam propria salute cariorem habeant. Se ultro legationem sibi suscepisse, ne quid detrimenti accipiat; quoniam insequente anno non esse se reversuros Scythæ confirmarent. His rebus permovetur Acmetes, quum quod, ne tumultus Scythæ excirent, timebat, tum quia difficile posse bellum trahere cogno-

gnoscebat, ubi Scytharum auxilia desideraret. Igitur potestate, facta iterum in Moraviam Scythæ contendunt. Ibi omnia incendunt, atque in homines, quos capiunt, suæ sævitæ exempla statuunt. Hæc res tantum tumultum præbuit, ut alterius excursionis memoria, & Caroli Leopoldi fratris, qui Vienna Lentiam discesserat, fuga perculsi unam salutis spem in pedibus ponerent. Sed omnes stegnit improvida fuga. Conatus est Sporchius cum equitum millibus binis Scythas confectari, sed, ut illi, ubi recentes equos nanciscerantur, in eos se inferebant, periculum vitant; atque sine vulnere ingenti præda potiti in castra se conferunt. Hæc excursiones etsi omnes magna formidine impleverant, tamen magnum habuerunt ad Pannoniæ salutem momentum, quod Montecucculi exercitum adoriri Acmetes non potuit. Harum rerum causa quantæ sollicitudine Montecucculus afficeretur, explicatu difficile est; solum conjectare libet, longe clarissimum ea tempestate Ducem maximum ex ea re capere dolorem, quod inutilis ac supervacaneus esse videretur, quum Turcarum consiliis non officeret. Mihi autem Germanorum paucitatem, ac Turcarum multitudinem consideranti satis esse visum est, eum non modo nullum accepisse detrimentum, verum pluries levibus præliis hostes fuisse, præcipue quum accederet, quod plus ab Pannoniis, quam ab Turcis timere cogeretur. Pofonio ergo præmetuens, quia oppidani recipere præsidium mœnibus nolebant, eo cum exercitu contendit. Sperabat, vel propinquitate opportunissimum sibi oppidum defensurum, vel, mistis vi precibus, ab oppidanis, ut Germanos in urbem acciperent, obtenturum. At ubi eo pervenit, locum idoneum castris invenire non valens, itemque pabuli inopia affectus, castra movere constituit. Ad hoc consilium incundum illa etiâ res hortabatur, quod Pofoniaties eo pertinacius in sententiâ perstare animadvertit, quo tutiores ab repentino Turcarum impetu propinquitate exercitus se esse cognoscebant. Profectionem jam paranti Gigæ litteræ redduntur, *Acmeti in animo esse Pofonium occupare*. Ob hanc rem castra non procul urbe ad Danubij amnis dextram ponit. Acmeti simulatque Montecucculum castra movisse nunciatum est, alio iter eum direxisse credens, subito quindecim Turcarum millia Pofonium mittit; ut opportunitate data oppidum fraude caperent, vel præmia, formidinemque ostendendo, oppidanos ad studium sui perducerent. Cussein Temesuariæ Præfectus, cui id negotii datum erat, rem suscipiens, sub solis occasum duo passuum millia ab oppido consedit. Sub vespere quingentos equites mittit, qui nocte suburbiis ignem inferrent. Rem consecuturum confidebat, ubi, re improvise perterritis oppi-

da;

An. 1663

danis, mœnia aggrediretur. Ad spem tamen eventus non respondit; quoniam insidias positas cognoscentes oppidani, rem ad Montecucculum deferunt; ab quo subito tria equitum millia missa Turcas confectata sunt. Cussein Montecucculum adesse arbitratus, maxima difficultate afficitur, qua ratione obsistere ei posset. Idcirco inter Præfectos variæ fuere sententiæ. Cussein de tertia vigilia ad salutem contendendum censere, alii consilium improbare, quod timorem significari turpe ducebant, quodque rem in periculum venturam suspicabantur, quum perterritus miles fuga salutem esset petiturus. Quum esset pluribus disputatum, prima sententia obtinuit, quum Cusseinis autoritate, tum quod tutius consilium reliquis visum est. Tantusque fuit omnium timor, ut profectio fugæ consimilis videretur. Equites ab Montecucculo missi ignari hostium numeri, & timoris oppidum metu liberavisse contenti, in castra se conferunt. Dum hæc geruntur, jam obsessorum constantia Acmetem quoque constantem effecerat, quod turpe sibi iuxta, ac periculolum esse intelligebat, suum exercitum paucorum virtutem adæquare non posse, quum, ne culpa in suam imperitiam summo cum sui capitis periculo coniceretur, timeret. At nunc, Cusseinis fuga cognita, sibi dissidere cœpit, propterea quod sua incepta non procedere videbat, atque Cussein amplius triginta hominum millia in armis Montecucculum habere dixit, ut sic suæ fugæ ignominiam tegeret. Quibus rebus permotus, confestim contra exteriorum hostem munitiones perfici Acmetes jubere, exploratores circummittere, dolere, quod vano incepto discedendum sibi esset, si illico cum exercitu Montecucculus veniret. Ei tamen timorem minuunt tres Germani ab exploratoribus capti: quoniam per eos falsa ea esse, quæ Cussein commemoraverat, comperiens, majore conatu in oppugnationem insistit. Jam oppugnationis initio tumulum terreum ab ea parte, quæ ad meridiem spectat, prope portam, quæ Viennensis appellatur, excitaverat, ibique tormentis collocatis, detrimentum magna spe templis, domibusque in altum patentibus infert, quod ea re territurum defensorum, & coacturum ad deditionem oppidanos confidebat. Ubi vero tantum laborem frustra sumi cognovit, terra coagmentata tumulum extollit. Hæc quidem res magnum habuit ad rem conficiendam momentum. Tormentis enim iis, qui se ex oppidi vicis ostendebant, nocebatur, & exploratores omnia, quæ in oppido gererentur, cognoscebant. Eodem tempore tribus in locis in munitionum non perfectarum perniciem disposita tormenta tantum profecerant, ut, muri parte everfa, aditus Turcis ad oppidum esse posset, præsertim quum

quum pontes, ac opera instituta jam essent perfecta, adeo ut ex oppido in aggressores non esset prospectus. His rebus omnibus, ut animus Turcis amplior erat, non minori spe, quam conatu opus prope Viennensem portam aggrediuntur. Hoc ut novum extitit obsessis, locum validiore præsidio non firmaverant. Ob hanc rem primo impetu Turcis successit, ut locum per vim caperent. Quod simulatque ab defensoribus cognitum est, tanta vi in hostes se eiciunt, ut eos loco depellerent. Aderat Turpis Halius. Hic cupidine ea captus, ut ab se victoria inciperet, suos metu, precibus, præmiis, pollicitationibus, fletu, miseratione, ac quibuscumque rebus potest, ad virtutem excitat. Pugnatur utrinque, ut pugnari ab illis pro salute, ab his pro gloria, ac præmiorum spe debuit. Et licet magna vi utebantur Turcæ, adeo ut septies in munitiones evaderent, tamen septies ab Germanis repelluntur. Tandem, ad mille amissis, receptui Acmetes cani jubet. Milites magna cupidine ignominie delendæ in castra se recipiunt. Acmetes etsi rem non successisse vidit, tamen, ubi militum ardorem cognovit, spes certior quamprimum oppidi potiundi ei accedit. Postridie pugnae facultatem poscentibus id concedere noluit. Hoc duabus de causis fecisse dicitur, quod magni interesse judicabat certaminis mora studium militum, ut sit, augere, & quod, tormentorum usu majore muri parte procumbente, faciliorem aditum suis ad urbem patere posse confidebat. Igitur simulatque non modo muri, sed turris magnam partem everfam esse cognovit, majore, quam antea, conatu tentare mœnia decernit. Quumque milites alacres esse animadverteret, tamen oratione, pollicitationibus, & consilio eos alacriores efficere statuit: sperabat, ad æmulationem rem deduci posse, ubi tribus in locis tres manus pugnarent. Hæc quum ita essent, atque res nulla ad Turcarum alacritatem deesset, adeo ut ii, qui turrim, Fedirichinam nomine, aggrediebantur, eam occuparent, tamen, quia obsessi ita pugnabant, ut nullum aliud tempus ad conandum habere arbitrantur, Pii etiam, ac Locatelli Cohortis Præfecti exemplo excitati, Turcas in castra repulerunt. In eadem fortuna fuerunt aliæ manus, quæ aliis locis in oppidum irrumpere, conabantur. Eo die duo circiter Turcarum millia, & ex obsessis minus ducenti desiderati. Acmetes, tanto accepto detrimento, animo non defecerat, immo in spem assequendæ rei se erexerat, propterea quod, quum Montecucculus nulla re ab Pannoniis sublevaretur, ejus copias augeri non posse sciebat, ita ut opem ferre obsessis posset. Obsessis nullo auxilio confirmatis succumbendum ad extremum esse eum non fugiebat. Tamen ubi militum jacere animos vidit,

An. 1663

dit, quod suos conatus frustra esse cognoscebant, magna difficultate afflicti, quemadmodum eorum arrigeret animos. Igitur ordines circuit, atque omnes hortatur, ne negotio desisterent. *Sequentem diem finem laborum fore. Omnium laborum fructum in eo consistere, si magna animo tertium muros invaderent. Præsidium leve Neoselio imposuisse Germanos: majorem partem perire tot pugnis necesse fuisse: muri tantum concidisse, ut sibi ferro viam aperire possent: si suis dictis audientes essent, fore, ut primo impetu, quicquid exansum sit laboris, confirmarent. Ad famam Turcarum nominis pertinere, quum Turcas milites eos esse apparuerit, ut non tadium oppugnationis, non hostium virtus, non pericula ab manibus eos amovere valeant. Eo spectarent, ut munitissimo expugnato oppido, & gloria immortales, & prada locupletes sint. Hoc inceptum si perficerent, magnum momentum ad famam, ad orbis terrarum opinionem, ad cætera bella, futurum. At si vanum fuerit, omnes molles, inertesque Turcas esse despecturos, quod eos nunquam sera spei exitum expectare cognoverint.* His pauca ad spem præmiorum addens, effecit, ut maximum rei perficiendæ studium omnibus innasceretur. Turcas fortiter segerentes fortuna, in rebus bellicis potens, adjuvit, quod pugna tempore incertum casu, an alicujus perfidia tormentarius pulvis ignem comprehendens, horrei, ac proximarum domum ruina ad sexaginta milites interfecit, reliquosque inopinata re ita perterruit, ut nisi Forgatus, Piusque signa fugientium manu prehendifsent, atque magna opem enisi essent, ut vanus abiret terror, certe Turcarum conatui locus datus esset. At ubi obfessos pudor tenuit, suam pro viribus non probare operam, quando Præfectos strenuorum militum munia obire videbant, magno impetu Turcas depellunt. Tum maxime Turcas miraculum obstinatæ defensionis veluti obstupefactos primo tenet, deinde multo firmitus præsidium, quam re vera esset, oppidum defendere arbitrati, palam derelinquenda obsidione consilia inire incipiunt. His rebus obviam eundum curat Acmetes, ne sua salus in discrimen veniat, quum, re male gesta, invidis se ad Regem criminandi locus daretur. Igitur singulos Præfectos, militesque fatigare, universos hortari, precari, monere, orare, ne tanta ignominia Turcarum notarent nomen. Sed ubi furdas ad preces aures esse vidit, minitari gladio, irasci eis, quos consilii principes esse arbitrabatur. Nihil minarum, vel pollicitationum relictum erat, & tamen ægre patientur milites quantum periclitari tanto cum suo periculo fortunam. Sed si Acmetes Turcarum ignavia diversus agitur, Forgatum, Pium, reliquosque, qui bellicæ laudis opinionem primam habebant.

habebant, Pannoniorum perfidia sollicitos habet. Nam quum Forgatius munitiones excitandas curaret, ut alium impetum sine periculo ferre posset, lamentabilis puerorum, mulierumque ululatus milites ita excitavit, ut ad studium audiendi ferrentur. Harum aliam multis cum lacrymis Pannonios orabant, *ut sibi, omnibusque consulerent, neu eo rem deducerent, ut extremis rebus ad deditionem recurrentibus Turcarum sevitia non parcat*, pars casum dolebant, atque suam, liberorumque miserabantur fortunam, pars liberas non mittebant voces, sed gemitibus, ploratuque omnia implentes, defensoribus spem, animosque minuebant. Hoc ægre ferentes Germani, eas confirmare student, atque, *munitionibus excitatis, nihil esse periculi docent. Ne timeant, seque muros, libertatemque defendere sinant*. At illæ eo pertinacius lamentabiles, ac flebiles gemitus ex imo dare, atque pueros, ut suam miseram dolerent conditionem, hortari; Pannonios increpare, quia immobiles silent, & tantum civium charitas apud eos non posset, ut eis prospicere vellent. Itaque tantum augetur luctus, ut ad clamorem Forgatius conveniret. Qui ut documentum de deditione eo tempore non cogitandi militibus daret, magnis verborum contumeliis sexus imbecillitatem increpans, omnes domum se recipere jubet. At ut mortis timor eas pertinaces effecerat, majori, quam antea, fletu, ut suæ saluti provideat, petunt. Tum Forgatius Germanis, qui aderant, mandat, ut verberibus in eas animadvertant, quæ non e vestigio domum discederent. Major pars timore pœnæ adducta illico discessit, pars tum domum se confert, ubi Germanos ad Forgatii iussu efficienda paratos videt. His rebus permoti Pannonii, qui oppido præsidio erant, inter se colloquuntur. *Jam opera contra oppidum processisse. Jam murum collapsum esse. Jam subsidii spem evanuisse. Quid extremam tentarent fortunam? Quid ad ultimum supplicium progredi cuperent? Se non pro patriæ libertate, sed pro superbo Germanorum dominatu pugnare. Dementiæ esse, magis unius, quam alterius servitutem pati exoptare. Se seu Turcis, seu Germanis parere cogi. Cur pro alio contra alium pericula obirent? Optimum esse, ne in periculum salus veniat, ei portas aperire, quem potentiores cognoscerent, ut ab alterius injuriis se probebeat*. His, atque aliis omnes Pannonii ita permoven- tur, ut negotium uni darent, qui omnium verbis Forgatio nunciaret, *se deditione omnium saluti prospicere statuisse. Id malle Præfetto auctore fieri. Si cum ab hoc consilio alienum cognoscant, se separatim de sua salute cum Acmete agere paratos esse*. Horum perfidia maxime permovetur Forgatius; sed ad sanitatem eos reducere

Au. 1663 posse sperans, omnia præsidia circuit, atque cunctos hortatur, *ne tam turpiter sacramenti, quod apud se dixissent, memoriam depone-
rent, neu, munitissimum oppidum earum regionum arcem hostibus tra-
dendo, Patriam proderent. Eo se rem deduxisse, ut Turcarum impetus
non extimeant. Omnium rerum copiam suppetere. Sperandum esse,
etiam nunc ipsos esse Turcas repulsuros, quos toties magno illato de-
trimento, rejecissent, maxime quod cito auxilia essent conventura.
Totius Pannoniæ, totius Christianæ Reipublicæ oculos in ipsos ver-
sos esse. Si vanus terror ad turpem deditionem hortetur, gloria,
atque patriæ salus ad necessitatem extrema audendi eos sibi agat. Se,
aliosque Præfatos extrema tentare paratos esse, cur eandem fortu-
nam ferre recusarent ipsi? Jam exploratum esse, Turcas magis dolo,
quam virtute contendere. Eos, quod alacritate cum Christianis exa-
quari se non posse cognoscant, insidiis niti, ut saltem ea re illos su-
perarent. Pluries majores suæ fortitudinis fructum percepisse, quum
Christianis, & Pannoniis digna opera edidissent, ignavia vero
pœnas tulisse, quum eorum fidem se eis dedendo experiri statuis-
sent. Illos & divini, & humani juris expertes esse constare, maxime quod
iniustum intulissent bellum, postquam pluries eam mentem ipsis non
esse professi essent. Non esse dubium, eos omnia esse promissuros, sed
periculum esse, ne omnia non præstent. Quid igitur eis se commit-
terent, quibus ne Deus quidem sanctus sit? Eos jus gentium viola-
re turpe non ducere, quum sine fide captivos palam trucidari Acme-
tem iussisse constaret. Hæc, & his similia ab Pio, Locatello, &
aliis dicebantur. Tamen semper una erat omnium vox, se summæ
dementiæ accusandos esse, si aliorum pertinacia suam salutem in dubium
devocare vellent. Pius ubi hac ratione nihil profici vidit, eam ini-
re viam statuit, qua præmiis captos ad sanitatem reduceret. Sed
simulatque hoc quoque frustra esse animadvertit, tanto malo om-
nino occurrere paratus, gladium ex vagina educit, atque duos ex
omnibus arrogantissimos interficit. Tum Pannonii pro sano nihil
facere cupientes, in eum impetum faciunt. Atrox certamen adest,
quod eum Germani defendunt. Eo convenientibus Forgatio, reli-
quisque, prælium dirimitur. Pannonii fuga se in muros conferunt,
reliquosque ad furorem impellunt. Ex contagione urbs tota seditioni-
bus impletur. Uni Germani in officio erant, & neque laborem, neque
periculum recusabant, dummodo patriam non ablicerent virtutem.
Forgatius, Piusque vix de perfidia Pannoniorum cogitant, adeo
alia superabant mala: quia, quum eos Turcis portas aperituros, vel
saltem consilia esse enunciaturus timerent, in eam rem eorum men-
tes trahebantur. Ob hanc causam concilium convocatum est. Bre-
vis*

vis consultatio fuit, quod omnes ad virtutem hortandos milites censuere: qui si in sententia perstarent, statim legatos de deditione ad Acmetem mittendos, ne incommoda cognoscens opportunitate uteretur. Locatellus se ad milites iturum pollicetur: sperare, eos consilium mutaturos, cognita defensionis necessitate. Hac potestate facta, omnia, & singula militibus exponit, quæ Forcatium commemoravisse diximus, aliaque addit, quare majus periculum se dedendo impenderet, quam se defendendo. At illi se statim ab eis consilium separaturos esse profitentur, nisi illico de deditione legatos ad Turcam mitti videant. Tum Locatellus graviter eos increpans, quos seditionis auctores arbitrabatur, omnium iram ita acuit, ut eum de mûro præcipitare constituerent: qui ægerime ex periculo Germanorum præsidio se eripuit. Hoc simulatque nuntiatur. Forcatio est, non expectandum statuit, dum hostibus locum in oppidum introeundi seditiosi darent: idcirco subito legatos in castra mittit. Quos ubi vidit Acmetes, gavisus, omnia, quæ petierunt, eis concessit; & quod difficile id accidere posse arbitrabatur, quod summopere exoptabat, fraudem veritus, ut duos obsides sibi darent postulat: se duos Præfectos obsidum nomine ea lege Comaram esse missurum, ut ii capite luerent, per quos stetitisset, quominus pacto staretur. Hoc ubi oblessi fecerunt, veluti explorata victoria, gaudet. Duos Præfectos statim Comaram contendere jubet, qui ibi obsidum loco essent. Negat Buseinus oppidi Præfectus se posse eos recipere mœnibus. Illi ubi ad multam noctem frustra expectavere, in castra redeunt. Buseinus de hac re Cæsarem certiolem facere necessarium ducens, ut ad id sibi consilium capere posset, celeriter nuncium ad eum cum litteris mittit. Qui eodem tempore revertitur, quo milites, qui Neoselio præsidio fuerant, cum carris ad trium millium numerum, magna ex parte Germani venerant. Pannonii enim ut prodicionis fructum perciperent, in oppido remanserant. Germani ergo maximo dolore afficiuntur, quod Cæsar rescripserat, Forcatium, reliquosque de obsidione toleranda hortaretur: sex dierum spatio Nicolaum Serinum opem eis esse laturum. Propterea Pannoniorum mobilitatem detestantur, quod durare exiguum temporis spatium non valuissent, ut defensi oppidi gloriam ferre potuissent. Tantaque ira, ac pudor eos tenebat, ut immobiles terram intuerentur, & publicum aspicere nollent. Haud dubium erat, quin eorum manus ab iis non abstinuissent, quorum levitate, & perfidia tanta opportunitas corrupta esset, si eorum copia ipsis fuisset. Buseinus, Cæsaris litteris perlectis, nuncium remittit, qui eum doceret, suis precibus non fuisse

An. 1663 *ab Forgatio locum datum, quod oppidum deserere Pannoniorum causa necesse habuisset.* Quibus rebus commovetur Cæsar, eo magis quod maximum usum habuisset longinqua oppugnatio, ubi, bello in hyemem ducto, quæ jam suberat, alias res interim Turcæ aggredi nequiverant. Igitur merito Præfectis succensendum ratus, ut eos in liberis custodiis habeat, Buseino mandat. Hic iussu subito exequitur. Forgatius unus, quia discesserat, sero in vincula conjectus fuit. Tandem tum de eo, tum de aliis quæstione habita, omnes noxæ exempti sunt. Acmetes magni referre arbitratus ad Pannoniorum opinionem, promissa præstare, ne nullam in ditione salutem perspicientes extrema auderent, pacto stare decrevit, adeo ut de quibusdam Seythis, qui in Germanos impetum facere cœperant, supplicium fumeret. Ubi igitur magna lætitia Neoselium ingressus est, duplici stipendio Pannonios ditionis auctores donat. Sic, quibus rebus potest, Pannoniorum animos sibi conciliare studet. Mittit Ismaelem fratrem ad Mehemetem Regem, qui eum de omnibus doceret, simulque consilia communicaret. Quumquæ nihil interea, nisi de ejus consilio suscipere vellet, ne delens tempus terat, in firmandum munitionibus Neoselium, atque in opera ab se contra oppidum excitata evertenda insiluit. Edictum præterea tota Pannonia evulgandum curat, *ut Pannonii potius suam fidem, quam vim experiri velint. Sed, si subito jurandi causa convenirent, non modo nociturum nemini, verum etiam præmiis omnes remuneraturum, & omnium rerum immunitatem sex annorum spatio concessurum; eoque tempore transiit, levi imperio habiturum.* Edictum magnam difficultatem Cæsari attulit, quod nonnulli ex præmiis, quæ consecuti erant, qui apud Acmetem Neoselii remanserant, conjecturam capientes, se ei recte esse commissuros, se in potestate Turcarum Regis, atque in Acmetis arbitrio futuros juraverunt. Hic quoniam nullam Pannoniorum in Cæsarem voluntatem fuisse, & supra eorundem mobilitatem maximam fuisse demonstravi, necessarium duxi pauca de eorum legibus, moribusque, præterea de regionis situ, atque aliis hujusmodi dicere. Pannonia olim initium capiebat a Mysia, continebatur Savo flumine, Illyrico, Norico, Danubio, finibus Jazygum, & Metanastarum. Dividebatur in inferiorem, & superiorem. Superior ad occasum vergebat, & Austriæ partem, quæ ad orientem pertinet, maximam Stiriæ, & Carniolæ, non minimam Sclavoniæ partem etiam complectebatur. Inferior ad orientem spectabat, & magnam Hungariæ citerioris, & Sclavoniæ partem comprehendebat. Nunc vero Pannonia, quæ Hungaria dicitur, ab oriente

Tran-

Transylvaniam , ab meridie Serviam , Boffenam , & Croatiam , ab occidente Stiriam , Auftriam , & Moraviam , a feptentrione Sarmatiam fines habet . Sic hodie Hungaria tertiam partem in vetere Pannonia habet . Dividitur a Danubio flumine in duas partes . Pars , quæ citra Danubium eft , citerior , quæ vero eft trans hoc flumen , ulterior appellatur . Hungaria prinio in quatuor & triginta pagos (Comitatus ipfi appellant) poſtea in quatuor & quinquaginta diviſa eſt . Ex his pagis ſex & viginti ſub Turcarum Regis , reliqui ſub Leopoldi ditione ſunt , præter maximam Cæpuſienſis pagi partem , quæ eſt ſub Sarmatiæ Regis imperio , & quatuor pagos ultra Tibiſcum , verſus Carpathos montes , quos Tranſylvaniæ Principes in poteſtate habent . Quum igitur Hungariæ non ſemper iidem fuiſſent fines , ideo nos latine Pannoniam eam dicimus . Huius regionis pluribus in locis obſcurus aer eſt , licet celi temperatio commendetur . Mira eſt terræ fecunditas , quum frugum omnis generis , atque vini copia ſuppetat . Inveniuntur ibi æris prope omnis generis , ac optimi auri venæ . Creberrima ſunt oppida , caſtella , ædificiaque : pecoris magnus numerus : apti venatibus , aucupiifque falus : piſcium tanta copia , ut in proverbium veniret , Tibiſcum tertia parte ex piſcibus conſtare . Sunt plura flumina , quorum nobiliſſima videntur Danubius , Saus , Draus , Savaria , Corcora , Arrabo , Tibiſcus , Granus , Marifiſus , Cuſus , Aliſtius , Bacuntius , Valdamus . Reliquorum nomina , quæ navigabilia non ſunt , referre longum eſſet , ſolum de aquarum fontibus novitatis gratia , pauca dicere non ſupervacaneum ducimus . Sunt enim pluribus in locis calidæ aquæ , quibus ægroti lavantur : ſed aliæ ita ebulliunt , ut alia aqua temperentur , oporteat , aliæ ſuaviter calent . Ad Vagum flumen non procul Galgocio aquæ calidæ non ſcatent , ſed , ſi alveo ſe flumen teneat , in glareâ , ſi ripas ſuperet , ibi ſcrobes ſunt fodiendæ , ubi , flumine non reſtagnante , aqua non invenitur . Aliis locis aquæ manant , quæ ferrum erodunt , vel lapideſcunt . Ex quibuſdam fontibus ſi animantia bibant , intereunt . Ex his fontibus unus creſcente luna augeri , deficiente minui dicitur . Aquæ & acidæ ſcatent , quæ plenetis mirum in modum proſunt , & falſæ , ex quibus optimus ſal excoquitur . Et hæc de fontibus inuiſſe ſatis ſit , nunc de gentibus , quæ Pannoniam habuerunt , dicamus oportet . Omiffis igitur iis , quæ de primis huius regionis cultoribus dicuntur , utpote ea , quæ nobis non conſtant , dicere contenti erimus , Gothos Pannoniam perdomuiſſe , & incoluiſſe , donec Hunni eos acie dimicantes pluries ſuperarunt , expugnatique oppidis , ibi confederunt . Sic Pannonii in jus , & victorum nomen conceſſerunt , adeo

An. 1663

adeo ut Hungari pro Hunnis dicerentur. Hunnorum tanta erat audaciæ, sævitæque apud omnes opinio, ut non deessent, qui eos a demonibus genus ducere fabularentur. Re vera Hunni loca circa Mœotidem Paludem incolebant: qui domo egressi Pannoniam possedere, quoad, Attila Rege, qui D. Leonis Pontificis Maximi iussu Italia cum exercitu excessit, mortuo, filii quum de Regno inter se pugnarent, opportunitatem ab se deficiendi Gepidis, Ostrogothisque dederunt. Ita, iis calamitatibus fractis, difficile non fuit Valamiro Gothorum Regi Hunnos Pannonia expellere: qui satis habuerunt quædam minoris Scythiæ, Macedoniæque loca incolere. Gothos postea Longobardi expulerunt. Qui quum a Narsete in Italiam evocarentur, ne vacuum Pannoniam Gothi iterum occuparent, Hunnis ea lege incolendam dederunt, ut, si ipsi in Italia sedes figere non possent, subito oppidis reciperentur. Quum igitur Longobardis belli fortuna secunda fuisset, Hunnorum res paulatim crevit, usque eo, ut maximum Germanis, aliisque terrorem inferrent. Unus Carolus Magnus eos in officio continere valuit, quum superiore Pannonia, Gaba Rege superato, potiretur. Quam & ipse, & Ludovicus Pius diu retinuerunt: tandem Hunni amisâ recuperarunt, & tantam potentiam sibi addere valuerunt, ut Germanos stipendiarios haberent: in quos, aliosque plurima cruciatuum exempla statuerunt, donec Geisæ Rex Christianam religionem opera Adelberti Pragæ Episcopi professus est. Geisæ Stephanus filius successit. Hic ad Pontificem Maximum Astricum quendam legatum misit, qui ab eo peteret, ut, quos idoneos duceret, Pontificatus inire juberet, quo docere suos Christi doctrinam possent. Sic Romanus Pontifex novem creavit Episcopos, unum Archiepiscopum, qui Strigonienfium Antistes dictus est. Stephano etiam deprecatori diadema, aliaque regia insignia Pontifex Maximus indulxit. Idem alii Reges ab Pontifice Maximo obtinuerunt, ubi ei vestigales fuerunt. Hac ratione Andreas Rex edicto ab Honorio Romæ vocatus fuit, & Innocentius ejus nominis tertius Hungariæ Regi pronuntiavit, se proximiori ejus consanguineo Regno adjudicaturum, nisi patris vota persolveret. Stephanus Rex ubi naturæ concessit, propter merita in Christianam Rempublicam, & maximæ virtutum documenta dignus fuit, qui in Divorum numerum referretur. Plures alii fuere Hungariæ Reges pietate illustres. In his Ladislaus, qui ab Romano Pontifice impetravit, ut duo alii Episcopi in Pannonia essent. Qui omnes Regum munificentia divitiis, & honoribus auctiores sunt. Strigonienfium enim Archiepiscopus Primas, & Summus Secretarius nominatur, quia sigillum Re-

Regis majus in cartis imprimendi ei facultas est. Hic Regem sacro ritu oleo inungit : sicut Vesprimienſium Episcopus Reginam diademate ornat, & Reginæ Cancellarius appellatur. Episcopi principem locum in conciliis obtinent, quorum omnium suffragia observantur. Inter Pannonios maximæ habetur authoritatis ille, qui Palatinus appellatur: qui, quum bellum incidit, exercitui præest. Hunc magistratum quum Comes Veselinus gereret, eo Rotalius imprimis ad studium sui perducere illum frustra enisus est. Nam Hungari natura maxime seditiosi, & mobiles sunt, adeo ut prope contra omnes Reges conjurare ipsis solemne esse videatur. Hi licet multum de suorum majorum ferocia remiserint, tamen eos ex Scythiis duro hominum genere originem ducere apparet. Bello student, sed, quum minus ordines servant, excursionibus, quam præliis sunt meliores. Ii vero, qui belli usum perceperunt, majorem virtutem, audaciamque in equestri, quam pedestri pugna præstant. Infimi generis homines tritas induunt vestes. Nobiles vero vestimentis lauti sunt. Mulieres pretiosis, auroque pictis vestibus ornantur. Omnes multo luxu epulas parant. Regi aliqua faciendi nisi de concilii sententia non est potestas. Ad concilium Præsules, & ii, qui Magistratibus præ sunt, item illi, quos appellant Barones, præterea nobiles adhibentur. Horum suffragiis antea Regis creatio permittebatur: tandem quum aliquibus de causis, quas hic commemorare non est necesse, Pannoniæ regnum in Austriacorum jus concessisset, in servitutem se ab Germanis abstractos Pannonii opinabantur. Hac de causa quum alieno in Cæsarem animo essent, nihil de defendendo bello ab Turcis sibi illato cogitabant, ea illata causa, quod Cæsar Germanos in suos fines, omnibus inconsultis, contra, atque legibus sancitum haberent, introduxisset. Ad hæc quum accederent Germanorum militum injuriæ, omnium animi ad ulciscendum ardebant, præcipue quum plerique non deessent, qui seditiosis orationibus, & quibus aliis rebus poterant, alios ad furorem impellerent. *Pannonia Regem esse legum vinculis obstrictum dicebant, proinde sicut ei illis solatum demonstrare nefas visum non fuisset, ita ipsos jurisjurandi, per quod in Regis verba adacti essent, rationem non habere liceret. Nam libertatis curam omittere non modo turpe, verum etiam Pannoniis in arma natis nefas esse. Virtute, & audacia occurrendum pravis Germanorum consiliis. Omnia prius patiunda esse, quam Pannoniis tantum animi non esse demonstrare, ut armis recuperare velint, quod majores armis partum reliquissent. Venisse jam tempus servitutis jugum demendi, quando fortunam tantum periclitari parati essent.*

Si

An. 1663

Si unum Pannoniorum omnium consilium fiat, satis Germanis erit Pannonia excedere, ne una parte ab Turcis, altera ab ipsis circumstantur. Omnia pro libertate recuperanda honesta videri: ideoque optimum esse, si cum Turcis omnes se conjungerent, ubi aliam inirrationem non posse apparuerit, qua Germanis Pannonia interdiceret possint. Turcas sibi auxilio fore non esse dubitandum, quum solum propter odium in Germanos Pannoniam eos ingressos esse constet. Turcarum optimam in Pannonios voluntatem esse non solum conjectura cognosci, verum etiam pro explorato haberi, quando se subito domum repetiturum Acmetes pronuntiavisset, ubi in libertate ipsos a Germanis relinquere cognoverit. His, & aliis jactatis, prope omnes se ab Cæsaris amicitia averterunt, adeo ut nihil intentatum relinquere statuerent, ut alium Regem sibi acceptum crearent. Quod quum cognovisset Cæsar, Rotalio mandat Pannonios uti doceat, quid fraudis ab Turcis ferretur. Rotalius ergo ut Cæsari, & Christianis omnibus egregiam præstaret operam, quibus rebus potest, omnes ab Turcis alienare studet. Dicebat enim, Turcas semper ea conditione bella gessisse, ut aliquam gentem in servitutem abstraherent. Quid ergo crederent, eos Pannoniorum causa bellum Cæsari intulisse? Haud dubium esse, eos hoc simulare, ut imperitorum sibi conciliarent animos, quum baudquaquam fidem essent præstituri, quando rem consecuti sint. Eos fidem fallere non modo turpe non ducere, verum etiam imperii fines proferendi causa pulcherrimum existimare, quum experientia compertum sit, iis ab ipsis honores habitos, qui negotii conficiendi opportunitatem fide potiore habuissent. Prospicerent ergo sibi initio; quoniam nulla ratione obsistere postea eis valeret, qui opinione victoriarum ferociores erunt. Si ipsi digna fortissimis viris consilia inirent, fore ut innati Christianorum hostes, magno accepto detrimento, domum se conserve cogerentur. Quod si fieret, omnes Pannoniorum virtutem esse concelebraturos, at si seditiosorum verbis aures præberent, neminem fore, qui temeritatem non detestetur. Cæsarem Pannoniorum salutem, ac libertatem primam habere ex eo cognosci, quod, ut ipsos ab Turcarum injuria prohibeat, suorum sanguini non parcat. Quod si nequissimi homines hanc mentem Cæsari non esse prædicaverint, scire juvat, eos omnia simulare, ut turbare res incipiat: ita enim se aliquid fore arbitrantur, qui virtute se non posse intelligant. Hæc & alia frustra jactata, quia omnes quasi Acmetem pro sua salute pugnare cognovissent, ei magnopere studebant. Sic nullo consilio tandiu Neofelii moratus fuit, quum plures rei bene gerendæ occasiones dimisisset.

Haud

Haud dubium erat, Acmetem, si expugnato Neoselio asperiores rem aggressus esset, negotium consecuturum fuisse; quoniam omnia parata non esse constabat, quando tum primum majoribus munitionibus Vienna firmatur. Nunc etiam Cæsar Posonio veritus, Montecucculo scribit, *ut, velint, nolint oppidani, validum præsidium in oppidum introducat*. Montecucculus non descendendum ad vim existimans, nisi ubi preces non processisse vidisset, Petrum Strotium hortatur, ut in oppidum contendens, singulos fatigando, rem obtineat. Qui rem suscipiens, ubi pervenit concilium, convocari jubet, causasque exponit, *quamobrem Cæsari gratia agenda essent, quod ipsorum periculi rationem haberet, quum milites oppidi tuendi causa mitteret*. Quibus rebus adducti oppidani, paucis repugnantibus, Cæsari, ipsique morem gerere paratos se esse confirmant. Strotius igitur etsi rem consecutus erat, tamen nihil actum esse arbitratus, nisi, munitionibus excitatis, eo rem deduceret, ut neque minas, neque Turcarum vim vereri cogere-tur, vallum, fossamque ab montibus, qui ad superiorem urbis partem pertinent, ad Danubium perducere parat. Hoc munitionis genus magnum usum habere existimabat, ubi milites custodiæ caula ibi disposuisset, atque bellica tormenta collocavisset. Dum in hoc opere occupatus erat, magis, magisque oppidum munire, exoptans, consilium oppidanorum habet. Ubi ergo in principio orationis gratias omnibus egit, quod sui periculi rationem haberent, *magnum se habere spem dicit, ipsos ad omnia descendere paratos fore, ut sua securitati prospicerent. Hac fieri oportere, si Turcarum impetus nulla ratione extimere velint. Primum urbis fossam in majorem altitudinem, latitudinemque perducerent; deinde partitis temporibus ipsi in opere versarentur, ut quamprimum omnia perficiantur; postremo materiam in oppidum comportarent, atque suburbia incenderent, ne Turcis usus essent*. Ad hæc nihil in præsentia oppidanis respondere visum est, sed diem ad deliberandum sumunt. Postridie duo omnium verbis renunciant, *se altiore, ac latiore fossa oppidum circummunire paratos esse: cæterum alia propter tenuitatem facere non posse: nec tam ferreos esse, ut domus propriis manibus succendere velint*. Horum pertinacia tanta ira plenus erat Strotius, ut in eos animadvertisset, nisi metus, ne tota Pannonia ejus rei causa deficeret, obstitisset. Hæc simulatque cognovit Acmetes, quod jam Neoselii munitiones plene erant perfectæ, Præfectos omnes, quos rei militaris peritissimos cognoverat, ex castris, quæ non procul aberant, Neoselium in concilium accersit. Inter eos diversæ fuerunt sententiæ. Nam alii *moram nullam inse-*

A a

ren-

An. 1663 *vendam esse censebant, quin Viennam contenderent, ut ibi militum hyberna constituentes frequentibus excursionibus agros vastarent, & Casari oppida defendendi facultatem adimerent. Pars vero, ut triginta hominum millia contra Montecuculum mitterent, existimabant, & reliqua exercitus parte ipsi Canisiam peterent, atque propugnaculum ab Serino insitutum per vim caperent. Hac re & Nichemetis Regis gratiam redimi, & aditum in Stiriam parari. At alii nulla ratione rem magna contentionis suscipi dicebant, ut, siue infecta discederent, partum Neoselli expugnatione decus amitterent. Optimum esse, in tanta animorum fluctuatione, priusquam munitiones perficiantur, Posonium oppugnare instituire. At Acmetes horum improbat consilium, quod magni discriminis res esset illud adoriri oppidum, quo validissimum præsidium intronissum sciebant. Alias non accipit sententias, quod, quum rei prospere, aut secus gestæ gloriam, vel ignominiam ad se delegatam esse non ignoraret, oppida post se relinquere, & inita prope hyeme tam asperam aggredi rem nolebat. His dictis, concilium dimittit. Paucis post diebus Ismael frater ab Rege redit; qui dona etiam ab eo missa tulit. Per hunc ejus voluntatem cognoscens Acmetes, Nitriam, Cusseinem Budæ Præfectum cum decem hominum millibus, & Caplanum Silistriæ Præfectum cum Turcarum millibus octonis Novigradum contendere jubet. Sperabat, eos subito negotium confecturos, quod parum munita oppida tentarent. Et opinio eum falsum non habuit; quoniam Cussein, missis in oppidum legatis, qui per colloquia Præfecti, oppidanorumque tentarent animos, oppido recipitur. Joannes Feresius oppidi Præfectus in arcem se recipit. Sed postridie de ditione legatos mittit, etsi naturæ loci confidere poterat, & Schedinavius, quem Retano opem tulisse demonstravimus, ad eum scripserat, se confestim auxilio esse venturum. At ubi Feresius cum militibus Comaram se contulit, capite ignaviæ, seu verius perfidiæ pœnas tulit. Caplanus vero quum frustra præmia ostentavisset, vim tentare statuit. At Lodanus oppidi Præfectus, & milites, qui septingenti numero erant, fortiter se gesserunt, quoad Acmetes, Leventio sine contentione recepto, eo exercitum duxit. Nam tum Lodanus, incertum metu permotus, an pecunia corruptus, portas Acmeti aperit, atque in Transylvaniam ad Abbatsum, cruciatus Germanorum, ut conicio, veritus, se confert. Quibus rebus lætus Acmetes, Schintam petit. Eo primo Mustafum cum mediocribus copiis miserat; qui quum neque pollicitationibus, neque denunciatione periculi permoveri præsidium cognovisset, ab artibus ad vim versus, tormenta in muro-*

rum perniciem disponit. At Nicolaus Bavarofius, qui oppido præerat, potius ultimum pati supplicium, quam ignominie notam incurere paratus, munitiones excitare, milites ad laborem, ad virtutem, ad constantiam hortari, omnibus occurrere. Et ne tum quidem animo permovetur, ubi ingentem exercitum addircumfledendum oppidum Acmetem duxisse cognovit: nam documentum Turcis, Christianisque juxta dare exoptans, majus præsidium in animi fortitudine, quam in munitionibus esse, & virtute munimenta, non munimentis virtutem defendi, omni contentione utitur. Quod ut cognovit Acmetes, adoriri muros constituit. Quamque id non processisse animadvertisset, frustra iterum Nicolai animo tentato, vano incepto Constantinopolim discessit. Multi mirati fuere, Acmetem tantum mœstitiæ, ac pudoris tenere, ut victus, non victor, esse videretur. At mihi jure eum doluisse constat, quum quod Neofelio recepto majora perficere potuisset, modo ea suscepisset, tum quia, quum nihil sibi infectum crederet, irritum incepto Schinta discedere coactum esse, & pluribus præliis suas manus fufas esse non ignorabat. Nam Buseinus Comaræ Præfectus quum pabulatum equites octingentos misisset, hi in mille Turcas ad Vaghum flumen incidentes, opportunitate uti ad eos circumvenientes constituunt. Turcæ tamen paululum restiterunt; ad extremum tantum impetum sustinere non valentes, sese fugæ mandant. Hos incautius sequuntur. Germani, adeo ut duo millia Turcarum equitum, quæ casu eo venerant, cognita suorum fuga sarcire detrimentum cupientia magno animo prælium redintegrare valuissent. Germani etsi itineris, atque pugnæ labore confecti, & pares numero Turcis non erant, tamen animo se non dimittunt, sed paulatim pedes referentes, impetum sustinent, donec oppido appropinquavisse cognoscentes, collectis viribus tanto animo sese in Turcas eiciunt, ut ex eis resistendi causa consisteret nemo. Sic satis habuerunt Germani magna gloria, prædaque, ad quingentis interfectis, Comaram reverti posse. Eandem fortunam tria Scytharum, ac Turcarum millia tulerunt; quoniam ubi se neque viribus, neque virtute Germanorum, ac Pannoniorum millibus quaternis, quibus præerat Comes Buduanus, se paria esse senserunt, in fuga subsidium omne ponunt. Fugientia confectatus Buduanus, alios capit, nonnullosque interficit. Hæc etsi pleniora ab suis inimicis commemorari Acmetes sciebat, qui suam minuere gloriam cupiebant, tamen non tanta lætitia rebus præclare gestis afficiebatur, quantum doloris ex eo eventu cœpit, quem Ismael Bossenæ Præfectus recepit, quum quod ab paucis plura Turcarum millia fusa fu-

An. 1663

gataque intelligebat, tum quia rem occultari non posse cognoscebat, quod de Mehemetis consilio censuisset, ut Ismael cum decem Turcarum millibus ad recipiendas ultiores civitates, quæ ad Adriaticum mare pertinent, contenderet. Sic Germanis, quod Croatiam, Venetis, quod Forum Julii ferro, & igne vastarent, non minorem terrorem, quam detrimentum illaturum sperabat. Consilium certe processisset, nisi ab Joanne Gregorio Giga Valachia Principe enunciatum Nicolao Serino fuisset. Qui quum majoribus rebus astrictus esset, Petro fratri rem aperit, ut tantæ rei occurreret. Hujus rei eventus certe docuit, in bello arcana cum pluribus communicare periculosissimum esse, quod quo certius res prospere cedit, ubi inopinatum hostibus existit, quidquid susceptum est, eo periculosius, patefactis consiliis, res aggreditur. Petrus ergo Serinus simul primum de Ismaelis consilio accepit, Comitem Avesperghium Carolo studii Præfectum orat, *ut rem suscipiat. Nisi prius eis occurrerent, quam agmen per angustias traductum sit, remedium tanto malo non fore.* Hæc ubi dixit, brevis, ut debuit, consultatio fuit. Nam Avesperghius mille, & quingentos Germanos, quorum maxima pars Carolo studii præsidii causa erat, Serino attribuit. Qui ut amplius tria hominum millia coegerat, certissima spe profectus est. In itinere vero inter Præfectos dissensio exitit, quoniam nonnulli *bipartito in hostes impetum faciendum* censebant. *Magnam enim difficultatem ad consilium capiendum inopinantibus allaturos esse, si mille locis superioribus, qui ad montes Jurevesteineuses pertinent, consilere juberent, quatuorque millia aliis locis eo consilio disponent, ut, quum Turcas se in angustias insinuasse conspexissent, illi ab tergo, bi a fronte in eos se eicerent.* At hæc sententia accepta non est, quoniam, ut Serinus locorum peritus erat, *proclive Turcis esse demonstravit, per exploratores de insidiis cognoscere, si quatuor millia locis sylvestribus se non tenerent.* Melius esse, omnes copias montium angustias, ac sylvas continere, *ut de improvviso ex omnibus locis in Turcas provolarent, ubi in vallem, quæ necessario ipsis transeundum esse constaret, se demississent.* Hac ratione incurrente exercitu victoriam esse adepturos. Hac ubi obtinuit sententia, locum insidiis antecapere maturant, præcipue quum per exploratores quina passuum millia Turcas ab angustias abesse cognovissent. Postridie adventante luce, Amurates Ismaelis frater cum primo agmine in cavam vallem temere se demittit. Qui quum paulo processisset, Germani, signo dato, in eum se eiciunt. Jam inopinata re perculsis Turcis consilium, jam virtus, jam animus deficit, adeout vix duobus casus nunciis relictis, quos

quos pedum velocitas tutatur, reliqui vel conciderent, vel caperentur; in his Amurates, qui armis abjectis salutem ab Serino precatus est. Ismael ut angustias non intraverat, ex periculo se eripere haud difficile poterat, si itinere converso domum se recepisset. At quum ab eis, qui profugerant, doctus esset, *Amuratem fratrem fortiter impetum sustinere, neque multam abesse, si ei auxilio sit, quin agrestes alacriter pugnantes, quod opportunitate loci confidant, ad internecionem redigat*, in insidias se præcipitat. Igitur suos cohortatus, ne periculum pro commilitonibus suscipere recusarent, in locum, ubi insidiæ positæ erant, pervenit. Tum Serinus cum suis in eum advolat. Ismael quum ex suorum cadaveribus, ab eis, qui profugerant, se deceptum cognovisset, tamen non se deserit, ut sit, sed fratrem, quem occisum arbitrabatur, ulcisci exoptans, suos hortatur, *ut fortiter pro sua salute, atque gloria belli se gererent. In ipsorum virtute, ignominiam delere, positum esse. Magnam laudem ad ipsos esse perventuram, si prope exploratam hostibus victoriam virtute interpellarent*. Pugnatur ab Turcis, ut ab viris fortibus in desperatione omnium rerum pugnari debuit. Tamen ubi hostium numerum semper augeri, & occasionis, non prælii rem esse viderunt, quia locum virtuti contra eos, qui ex locis superioribus pugnabant, non esse cognoscebant, paulatim sine ullius imperio pugnando pedes referunt. Hæc fuit ratio ne Ismaeli quidem ingrata; quoniam militaris consensus & ipsi, & aliis salutem attulit, quum Serinus incepto occurrisset satis habens, eos confectus non est, ne æquo loco prælio dimicans rem in dubium devocaret. Ex Turcis eo die ad duo milla desiderata; octingentique capti. Victoria lætantur Avesperghius, Serinusque, quod ipsorum opera metu liberati Germani essent; lætantur milites, quod ex direptione impedimentorum mediocri præda potiti sunt; lætantur Germani, Italique, quod ex periculo se ereptos videbant. Eo loco discedere illico, consilium non esse Serino visum est, quod summa cum ignominia futurum non ignorabat, si bene partam, victoriam male perderet, quum Ismael certior de discessu factus, reverteretur. Tertio die quum per exploratores cognovisset, Ismaelem noctem diei conjunxisse, ut subito domum perveniret, paucis ibi præsidii causa relictis, Carolostadium se recipit. Quo ubi perventum est, Amurates triginta nummorum aureorum millia dare pollicitus est, si sibi libertas concederetur. Non spernenda, pecuniæ summa Serino visa est; proinde, ubi per Cæsarem licuisset, eum dimittere non dubitabat. Quod ut intellexit Avesperghius, suam prædicans prædam, captivum sibi tradi jubet. Negat Serinus

nus

An. 1663 nus ad ipsum pertinere prædam. Sic pecuniæ cupido discordes res inter hos ita fecit, ut si prius tanta discordia eos tenuisset, hæc dissensionis causa orta non fuisset, quod neque victoriam adepti essent, neque Amuratem cœpissent. Controversia utriusque consensu ad Cæsarem introducta est. Cæsar rem ad concilium deferret. Duo summi viri, & Cæsari accepti, magis privata gratia, quam jure, ut coniicio, in concilio certant. Princeps Avesperghius ad fratrem pertinere prædam dicere. Portia sive in Serinum amore, sive in Avesperghium odio Serino captivum adjudicandum censere. Hæc duæ factiones diu distinuerunt concilium, quoad Serinus signa militaria capta ad Cæsarem referendi specie Viennam veniens, Cæsarem in hunc modum allocutus fuit. *Tibi, Cæsar, quia omnia debeo, omnia gratificer, oportet. Nunquam in tua auctoritate me futurum negavi, immo, quia summa gloria, decorique mihi esse existimo, ad nutum, & ad tuam voluntatem omnia facere, rem ad te deferendi auctor fui. Tuum est arbitrium. Decerne, quod libet. Adjudica Avesperghio prædam, si tibi expedire videatur. Mihi satis erit, si me tuam gloriam ita primam habere apparuerit, ut pro ea meam salutem in dubio esse non recusaverim. Non parum habebō, si me tibi utilem præstiterim, operam demonstrabis. Hoc unum premium pro tuo decore periculi suscepti deposco, maxime si hæc res occasionem alia pro te audendi aperiat. Gloriam belli, ac Germaniæ securitatem fructum victoriæ fuisse letabor, non prædam. Sit penes illos præda, apud quos plus illius cupiditas, quam in te studium valet; gloria vero penes eos remaneat; quos ejus cupiditas ad virtutem excitat. Hæc signa mea gloria, simul egregia in te voluntatis testes sunt. Captivi, prædaque indicio sunt periculi. Illa ad te retuli, ut decus tuum sit. Hæc cui jusseris tradere non recusabo. Satis mihi erit, si innotescat, alium ex ea arbore poma legere, quam ego serui. Sufficit metu Germaniam, Italianque liberavisse. Sufficit & Christianorum securitati me proposuisse, & Turcis obviam ivisse. Utinam & alii, ut soli prædam domum avertere cupiunt, ita periculi socii velint esse. Unum ab Deo precor, ut hæc præda illis ad fortiter omnia audenda sit incitamento. His verbis permotus Cæsar, prædam Serini esse decernit. Hortatur tamen eum, ut milites, qui Caroloftadii præsidii erant, ab Avesperghio missos aliqua parte donet. Hæc dum aguntur, Goeßius Viennam pervenit, qui ægerrime sibi discedendi facultatem, ab Acmete fuisse permissam, Reningherium vero retentum esse docet. Ex hoc Cæsar magna contentione omnia ad bellum necessaria ab Acmete comparari cognoscens, suorum consilium habet.*

Quum

Quum omnibus certissimum exitium imminere visum esset, nisi validus cogeretur exercitus, legatos ad Reges rogatum auxilium mittere decernunt. Itaque Comite Petro Strotio ad Ludovicum Galliarum Regem, ad Fridericum Danorum Regem, & ad Batavos Comite Rodulpho Sifendorffio, Comite Conigseghio ad Sveciarum Regem, Comite Testa Piccolomineo ad Alexandrum Pontificem Maximum contendere iussis, Cæsar Ratisbonam contendere constituit. Per Legatos item hortatur Germaniarum Regulos, *Ratisbonam veniant. Quum hostes in faucibus urgeant, non esse tempus rem diutius ducendi. Si eo venirent, fore ut coram paucorum dierum spatio de communi salute ea inveniatur consilia, quæ vix anno ab legatis inirentur. Optimum esse, si pro viribus tanto hosti obsistere conarentur: nam humanos se præberent, si Cæsarem beneficio obstringerent, & prudentes, si Pannoniorum calamitatem ab Germania se junctam non esse intellexerint.* His rebus expeditis, Montecucculum milites in hybernis collocare jubet, ubi Acmetem Constantinopolim petere cognovisset. Idem ut faceret Nicolaus Serinus, mandat, qui Pannoniorum, ac Croatorum millia decem castris non longe ab Arrabone flumine continebat. Montecucculus Posonio discedendo iussa efficit; Serinus, dimissis Pannoniis, cum Croatis se domum recipit. Montecucculus tamen Cæsari scribit, *Acmetem cum majore exercitus parte discessisse, ceterum Halio quindecim hominum millia tradidisse, ut fines tezeret, & data opportunitate vel ad occupandas urbes, quæ prope Nitriam ad montes pertinent, ubi auri, argenticque fodinae sunt, vel in Moraviam contenderet.* His rebus Cæsar occurrere cupiens, Suchio imperat, ut quina hominum millia ad tegendas auri fodinas ducat. Suchius ubi eo pervenit, communicatis cum Veselino consiliis, tria millia peditum ad urbes defendendas sufficere ratus, cum equitum millibus binis in Moraviam venit. Eodem Cæsaris jussu venit Comes Olachius, qui copiis, quas subsidio Cæsari miserant fœderati, præerat. Magni enim interesse existimabatur, iis prospicere locis, in quæ iram hostes evomere velle constabat. Ejus rei causa Montecucculus in Cituorum Insulam mille, & quingentos ex suis mittit, qui tam opportunum locum præsidio obtineant. Halius simul Cituorum Insulæ, auri, argenticque fodinis prospectum vidit, decem hominum millia magnis itineribus Canisiam contendere jubet, quæ noctu Muram transirent, ac, propugnaculo sive consilio, sive per vim expugnato, populatum ulteriores regiones peterent. At quia Nicolaus Serinus equites, qui late explorarent, circummittebat, Turcas Muræ appropinquare cognoscit. Itaque flumina ripas pediatum

An. 1663

tatum custodire, equites vero, quos Suchius, & Olachius duxerant, nocte etiam stratos, frenatosque habere equos jubens, effecit, ut Turcas flumen transire conantes pedites fundeant, fusosque equites persequerentur. Sic ad duo Turcarum millia in flumine, & in fuga concidisse dicuntur. Hoc quantum Halius displicuisset, explicatu difficillimum est; solum conjectari libet, maximo dolore affectum esse eum, qui, quum suam auctoritatem rebus gestis crescere optaret, nihil earum rerum successisse vidit, quas in suam curam delegaverat Acmetes. Fortunam querenti occasio rei bene gerendæ accidere visa est; quoniam quum bellica tormenta Schinta Posonium duci cognovisset, id fore suspicatus, quod non satis oppidum defendere sperarent Germani, eo tria equitum millia mittit. Maximam laudem ad se perventuram judicabat, quum oppido, quod ingenti exercitu expugnare non valuisset Acmetes, ipse potitus esset. Sed eum opinio fefellit; quoniam Nicolaus Bavarosius oppidi Præfectus vir non minori virtute, quam in Cæsarem fide, eruptione facta, eos ita perterruit, qui contra spem tantam alacritatem præsidio innatam esse viderunt, ut amplius ducentis amissis fugæ se mandarent. Halius mœroris, ac iræ plenus ubi tam turpiter equites perfugisse cognovit, nonnullos, qui omnium consensu consilii fugæ principes destinabantur, magnis cruciatibus interfecit. Dolorem auget nuncius de Nitriæ jactura, adeo ut, si paulo post certior factus non esset, Pannonios, qui Turcarum vestes induti in oppidum ingressi erant, fugere coactos esse, mors haud dubie eum ignominie subtraxisset. Cæsar, etsi res hæc successerant, tamen ut ejus mens in nullam aliam trahebatur partem, quam in providendum, quem eventum res insequente anno reciperet, magna sollicitudine afficiebatur. Idcirco antequam dies instaret, quo Ratisbonam peteret, rationem quæri jubet, quemadmodum Turcis impedimento esset, quominus Viennam venirent, etiamsi satis validus exercitus eorum non moraretur iter. Consilarii omnes nullam aliam iniri rationem posse demonstrant, quam *Pannonia munire oppida, qua necessario Turcis transeundum esse scirent*. Dissensio modo extitit, quod alii aliud oppidum muniendum censebant. Tandem pluribus diebus disputando consumptis, Montecucculus, quem in consilium Cæsar acciverat, *duo esse itinera, quibus itineribus Turcæ Viennam pervenire possent, docet. Alterum per citeriorem Pannoniam facile, quod non montes, non sylvæ, non munita oppida intercedant, si unum excipias Jaurinum, quodque expeditiore re frumentaria Danubio flumine avecta uti possent. Alterum per Pannoniam ulteriorem multo difficillimum, quod loca*

syl-

sylvestria, ac montosa excipiant, quod Pofonium, Tirmavia, Comara, Insula Schinta post terga magno cum rei frumentaria periculo relinquenda ipsis esset, quod plurimum ab Agria abessent, ubi horrea necessario constituere necesse haberent. Hec quum ita essent, si Viennam oppugnandi consilium cœperint, faciliore itinere esse venturos se suspicari. Ob eam causam munitionibus Jaurinum firmandum esse: & quam firmissimum possent, præsidium ibi collocandum, ut, si oppidum post se reliquerint, in angustior red frumentaria incidant, si Jaurinum oppugnare instituerint, plurimum insudare laboris necesse babeant, priusquam urbis potius altera contendere possint. Sententiam etsi quam paucissimis Montecucculus peregit, tamen omnem expellere dubitationem valuit, quum quod magna erat ejus virtutis, ac consilii apud omnes opinio, tum quod neminem melius, ac tutius pro re, & tempore consilium dare posse apparuit. Igitur postquam Cæsar laudibus Montecucculum celebravit, mandat, ut ipsi curæ sit, Jaurinum maximum Germaniæ momentum, quibus rebus posset, tutum reddere. Quod subito in se recipiens Montecucculus, Francisco Vimelio cohortis Præfecto, quod harum rerum haud ignarum esse sciebat, negotium dat, ut, quæ a peritioribus desiderari videantur, ea addat opera. Hic rem suscipiens, paucis mensibus exteriores institutiones perficit. Quam rem quum Montecucculus maxime probavisset, ut Papam oppidum non procul ab Jaurino positum, muniret, imperat. Quod opus ante exactam hyemem diligentissime quoque absolvit. Cæsar ut novis munitionibus non perpetuo, sed aliquo temporis spatio ab Germania Turcas arceri posse videbat, maxime exercitum numero hominum non spernendum cogere exoptans, quod illum unum Regni ornamentum, & præsidium esse cognoscebat, Ratisbonam fiducia plenus petit; quoniam commune periculum Germanos non neglecturos confidebat. Aliquam tamen difficultatem ipsi ea res afferebat, quod Alexander Pontifex Maximus a belli timore vacuus non esset: nam licet Ludovico vere belli suscipiendi mens non esse diceretur, tamen nunc in certiore pacis spem veniebat, nunc de ea decidebat: quoniam, quum pax pro firmata haberetur, Avenionenses, quæ Galliæ urbs sub Romani Pontificis ditione est, sub eorum Imperio esse, a quibus lingua, moribus, legibusque differunt, ægreferentes, urbis Præfectos, militesque circumstant, ac oppido, finibusque excedere cogunt. Rebellionem facta, legatos ad Ludovicum mittunt, qui eum hortarentur, ut ea utatur opportunitate, qua Italiam omni Gallia interdiciere possit. His Ludovicus liberaliter respondens, ut in-

An. 1663 eadem sententia permanerent, hortatur, ac domum remittit. Ob hanc causam Aquæ Sextiæ Senatui mandat, ut eos in fidem recipiat. Ne vero injustam causam ingressus videretur, libros edi jubet, quibus iustissimum Regis Galliæ in ea Civitate imperium esse demonstraretur, quum Joanna Neapolis Regina vi, metuque urbem Climenti ejus nominis sexto Pontifici Maximo se tradidisse conquesta esset. Ejusque rei testimonia Lugduni adhuc extare addebant. Hoc ubi primum Romam nunciatum est, puncto temporis, quæ de conciliata pace perferebantur, evanuisse conspiciens Alexander, rem sibi cogitandam statuit, propterea legatos quoquo versus mittit, de iis questum, quæ accidissent. Universos cohortatur Catholicos Reges, *ut ea res ipsi cura sit, atque in belli societatem veniant. Plurimi interesse, ejus infringere audaciam, ut omnes in reliquum tempus ab injusto suscipiendo bello deterreant.* Hæc uno, eodemque tempore mandata ad Philippum, Leopoldum, Venetosque referuntur. At Philippo ea mens erat, ut ne militibus quidem, quos Alexander in Helvetiis conscribendos curaverat, iter per Insubriam dare vellet, adeo ut nonnulli mirati essent, eum id Alexandro deprecanti denegare, quod ultro Ludovico concederet, præsertim quum ei non conduceret Gallos finitimos habere, qui locis in Italia occupatis contra ipsum uterentur, quum bellum incideret. Sed Philippum ad hoc consilium cum aliis causis hæc potissimum ratio impulit, quod, si ipse Alexandri animum incenderet, eum omnia Ludovico denegaturum suspicabatur, quum, si opes ad ei obfistendum sibi deesse intelligeret, æquis conditionibus Regi satisfacturum esse confideret. Leopoldus vero, *neminem magis ex belli causa capisse dolorem, respondet, quam se, quum ob singularem omnium temporum tam suam, quam suorum majorum in Romanum Pontificem observantiam, tum ob Christianæ Republicæ periculum, quæ nunc ejus egeret opibus. Se tamen, quam posse, eam voluntatem tribuere, ac delectum Germania habendi potestatem ipsi facere.* Veneti tamen Alexandrum hortabantur, *ut disensionum hoc tempore oblivisceretur, quo Christiani nominis hostes in faucibus urgeant. Præstare, ut pacem filius habeat, patrem quacumque conditione uti, quam ab Turcis oppida expugnari.* Hæc eadem cum Ludovico per legatos agebant. *Qui se separatissimum fuisse demonstrat, omnia Pontificis Maximi dignitati dimittere, sed æquum non esse, ab eo, cujus semper sibi prima fuisset dignitas, pro beneficiis injuriam extorqueri.* Grimanus quum Ludovicum a pace non abhorre vidisset, ac solum eas non posse convenire condiciones non ignoraret, quod Alexander Estensibus, Farnesisque id tantum

tum dare cupiebat, quod equum, iustumque postea iudicibus visum fuerit, (quod Ludovico non placebat) in presentia illis Alexandrum satisfacturum pollicetur, etsi hoc in mandatis non habebat. Magni enim interesse arbitrabatur, ne res vere ad arma deduceretur, illud promittendo rem diutius ducere, quum tempore intermisso componi rem posse speraret. Hæc ubi Alexander rescivit, etsi Grimanum mandati fines excessisse vidit, tamen eadem spectans, consilium probat. Magno vero dolore afficiebatur, quod de injuria, quam sibi illatam credebat, sibi, aliisque juxta ita satisfieri vellet, ut omnia perturbari malle videretur, quam eis, quorum patrociniū susceperat, deesse. Quarum rerum causa ita negotium effectum Farnesio videbatur, ut, quod fama exierat, se separatim ab Ludovico sibi consilium capere, ad complures litteras mitteret, præcipue ad Principem Pamphilium suum necessarium, quibus se omnino in Ludovici autoritate esse, & in eo uno spem habere professus est. At Farnesium opinio fefellit, quum ad extremum Ludovicus pluribus de causis bello Pontificem Maximum persequendum non existimaverit, ut alienas ulcisceretur injurias: nam non alio consilio, ut nonnulli dicebant, Victorii Sirti Farnesii legati hortatu rem susceperat, quam ut, illarum rerum opinionem majorem Alexandro incutiendo terrorem, certiores impetrandi ex conditionibus spem haberet, quod nunquam antea impetrare potuerat. Hæc quum ita essent, ubi ea quæ petiti se adeptum esse Ludovicus vidit, sua magni referre arbitratus, pacem cum Alexandro facere, & speciosis conditionibus Farnesiis, Estensisque consulere, colloquia de pace haberi contentum esse confirmat. Hoc statim per Venetos Alexandro enunciat. Qui, ne opportunitas corrumpetur, Cæsarem Rasponum summi consilii, ac dexteritatis maximæ virum in Galliam mittit, qui certis conditionibus ad otium rem deduceret. Rasponus ubi Lugdunum pervenit, itinere desistit: eo enim Ludovici legatos conventuros esse Grimanus demonstraverat. Dum horum adventus expectatur, Ludovici mandata ad urbis Præfectum perferuntur, ut Alexandri legatum Gallia excedere cogeret. Novitatem rei miratur Rasponus, miratur Grimanus, quod, qua de causa promissis non stetit Ludovicus, nescientes, exigua pacis conciliandæ spem habebant. Sed ubi postridie nuncius cum Ludovici litteris ad Grimanum venit, *posse Rasponum in Allobrogum fines se conferre, eo Crebium cum pacis mandatis esse venturum*, animus eis amplior est. Est flumen, quod Galliam ab Allobrogibus dividit. In eo flumine pons est, Bellovicinus appellatur, qui oppidum conjungit.

An. 1663 Pars trans flumen posita sub Regis Galliæ Imperio, pars vero citra flumen sub Allobrogum Ducis ditione est. In hanc oppidi partem Rasponus se recipit: in illam Grimanus, Turieta Philippi legati a Secretis, & Crechius se conferunt. Colloquiis habitis, statim conditiones illæ convenere, quibus Ludovico satisfaceret, solum dissensio extitit, quod, quum Alexander aliorum Summorum Pontificum decreta nunquam perfringere statuisset, Castrum Farnesio reddere nolebat, nisi ubi temporis spatio clara iustitiæ causa apparuisset. In hoc eo magis perseverabat, quia rumor exierat, Farnesium Ludovico Castrum esse permissurum. Hoc ut summo cum Italiæ periculo futurum simul Veneti, simul Hispani intelligebat, Alexandrum hortabantur, ne iniquissimam acciperet conditionem. Quorum voluntate confirmatus Alexander, Raspono scribit, *ut palam profiteatur, se nulla ratione conditionis iniquitatem probare posse.* Quæ fuit causa, quare colloquia sublata essent. Petierunt ab Crechio Veneti, Hispanique, *ut vel Madritum, vel Venetias veniret, posse ibi conciliari pacem.* Sed ut Crechius ad arma rem deduci studebat, eis morem geri posse negavit. Pace infecta ubi legati rediere domum, maximus belli timor omnes invasit, sed quum postea Ludovicus lenius ageret, & se neque pecuniam Farnesio daturum, neque Castrum obtinere velle profiteretur, pacis studium ei innatum esse argumenti loco sumunt. Quibus rebus permotus Flavius Chisius Cardinalis, simul alienum suis rationibus existimans inimicitias cum tanto Rege exercere, Alexandrum patrum, *ut dissensionum oblivisceretur*, hortatur. *Semper maxima mala ex bello orta esse, at nunc majora oriri posse, quum Turcæ supra caput sint. Præterea nullo consilio pro incerta spe certa pericula ipsum subiturum esse.* Jam constare, dubium belli eventum esse, dubiam fortunam, quæ magnos afferre soleat casus. His atque aliis eum impulit, ut Cardinalium suffragiis rem permitteret. Quorum maxima pars, sive Flavii precibus fatigata, sive quod eo rerum statu non æquam etiam pacem, quia necessariam, bello præferendam existimabat, non esse cunctandum censet, quin pax firmaretur, etiam si contra, atque ab aliis Pontificibus decretum esset, Castrum reddere Farnesii polliceretur. At alii turpe esse metus præbere opinionem dicunt, adeo ut ad alterius præscriptum Christianam rem administrare cogeretur. In Dei ope spem ponendam demonstrant. Aliorum Pontificum constantiam, atque Leonis exemplum, qui non armis, non exercitiis, non munitis oppidis, sed constantia, animi magnitudine, ac divini auxilii spe Attilam arrogantissimum juxta, ac potentissimum Regem ab incepto de-

deservit , ante oculos ponunt . Dimisso concilio , vagus incertusque agitur Alexander : nam Turcarum potentiae timor , opem Cæsari ferendi studium , otii cupiditas , dubius belli eventus pro pace ; gloria vero cupido , iniquitas conditionum , turpitudine alteri parendi contra eandem suadebant . In tanta agitatione Flavius multa exponens , effecit , ut Ferdinando Magno Etruriæ Duci suam pollicenti operam negotium daret , ut ad otium rem deduceret . Ferdinandus affirmabat , Ludovicum saltem speciosis conditionibus iis consulere exoptare , quorum patrocinium suscepisset , ne tantum admitteret dedecus , ut suum inceptum frustra fuisse videretur . Ferdinandus , ac totius Medicei generis prudentiam , ac summum consilium quum Chisii , tum omnes probabant : quoniam , quum eis datum videretur , ut ob bonas artes Regibus cari essent , ejus affirmatione in pacis spem veniebant . Nec opinio eos falsos habuit : nam Ferdinandi legato Ludovicus se paratissimum esse pacem firmare respondit . Hoc statim Alexandro Ferdinandus enunciandum curat . Qui , etsi res summo opere optata afferebatur , & magni Ferdinandi auctoritatem faciebat , tamen prope inverisimile ipsi videbatur , puncto temporis tantam voluntatis commutationem factam esse , ut colloquia , quæ interrumpi jussisset , haberi nunc exoptaret . Ob hanc rem quum esset inter spem & metum , res accidit , quæ dubitationem expulit omnem . Erant familiari amicitia conjuncti Bichius Prior ordinis D. Joannis Hierosolimitani Alexandri ex fororenepos , ac Sureus ejusdem ordinis Commendator Gallus . Hic in pacis sermonem ingressus , omnia Bichio enunciat , quæ per Ferdinandi legatum ad Alexandrum allata erant . Miratus Bichius , ex eo quærit , qua ratione ea comperisset , quorum pauci participes essent . At ille ad interrogata non respondens , *si sibi ab Alexandro potestas fiat , in se recepturum confirmat , rem ad otium deducere* . Sureus ob singularem prudentiam , ac fidem Ludovico acceptus erat , atque ejusdem consilii particeps : quæ ad id tempus tum Chisii , tum reliqui ignorabant . Ubi vero hæc comperta sunt , simulque , quod pollicitus erat , per Bichium ad Alexandrum perlatum est , facultas , quam petierat , ei data est . Factum est ergo hujus opera , atque Ferdinandi auctoritate , ut Ludovicus pacis colloquia Pisas haberet , & potestatem pacem firmandi Ludovico Burlemontio Gallo Romanæ Rotæ Auditori permittere non abnueret , ne itineris mora , ac Crechii audacia rerum accideret commutatio . Alexander Cæsarem Rasponum Pisas illico mittit . Qui ubi pervenit , & reliqui convenere , nulla coorta fuit mora , quin his conditionibus armorum causa tolleretur . Flavius Chisius Cardinalis in Galliam pro-

An. 1664 proficisceretur, cui discedenti Alexander Legati a latere potestatem permitteret. Marius Chifius Roma excederet, neque redeundi facultas esset, nisi prius in Regis conspectum Flavius filius venisset, & eo insciente omnia accidisse professus esset. Laurentius Imperialis sui purgandi causa itidem Regem conveniret. Augustinus Chifius Narniam obviam Crechio Romam redeunti procederet. Idem Alexandri fratria faceret, & Crechii uxori omnes ex eo doluisse renunciaret, quod Roma excessissent. Cyrneis nunquam in reliquum tempus militiæ munus Romæ sustinendi facultas fieret. Ad sempiternam posteritatis memoriam litteris gesta in marmore traderentur. Satellitum Præfectus in exilium mitteretur. Pontificis legatus Avenionem reciperet. Omnibus, qui Ludovici fidem implorassent, ignosceretur, ac bona restituerentur. Estenses Pomposæ Abbatiæ Juspatronatus obtinerent. Eisdem ab Alexandro Romæ daretur domus. Eorum creditoribus trecenta nummorum aureorum millia, ac usurę solverentur. Farnesius Castrum obtinendi facultas fieret, ubi annorum octo spatio ad sexcenta viginti novem millia supra decies centena nummorum aureorum millia solveret. Si medietatem pecuniæ daret, medietatem agri, ac oppidorum partem obtineret. Data, & accepta fide, omnia ad diem facta sunt. Uni Farnesii, quia pecuniæ summam, non dederunt, rem consecuti non sunt. Flavius magno Nobilium, Præsulumque comitatu iter Galliam versus habere cœpit. Idemque magnificentissimo cultu Laurentius Imperialis fecit. Qui ubi pervenere, libentissimis animis ab omnibus accipiuntur. Maximi que honores eis ab Rege habentur. Et licet inter Galliæ Antistites, & Chifium Cardinalem a latere Legatum dissensionis causa orta esset, tamen eorum sententia obtinuit, quorum clarius in Pontificem, Maximum studium erat. Flavius subito Romam redire decreverat; idemque discedenti Alexander verbis mandaverat, tamen quod initio invitus fecerat, postea, quia liberaliter a Rege habebatur, voluntate manebat. Hunc tantis officiis sibi devinxit Ludovicus, ut, ubi Romam rediit, maxima ope ad Alexandro persuadendum anniteretur, ne earum rerum Ludovicus repulsam ferret, quę ab ipso se deprecatore peteret. Alexander primo omnia ei dare posse negavit; deinde cum animo reputans, maximi quum sua, tum Christianę Reipublicę referre, eum beneficiis obstringere, ut composita amicitia magis, magisque firmaretur, omnia concessit. Et hic fuit belli exitus, quod occupatione temporum, & Turcarum exercituum timore sollicitam Christianam Rempublicam habuit.

Finis Libri Primi.

DE



DE BELLO PANNONICO

Liber Secundus.



ACE inter Alexandrum Pontificem Maximum, & Ludovicum Galliae Regem conciliata, animus Germanis amplior est, quia Alexandrum ab timore vacuum non modo operam daturum confidebant, ut Christianis Regibus innatum persequendi hostem consensio esset, sed rebus omnibus Cæsarem iuvaturum pro certo habebant. Jam exercitum eo consilio is non dimisisse nunciabatur. Jam ab Petro Strotio, quem ad Ludovicum ab Cæsare legatum missum demonstravimus, nuncii venerant, *Ludovicum magna Cæsari mittere auxilla velle*. Jam de Philippo Hispaniae Rege non dubitandum existimabant, quin pro viribus Cæsari opem ferat. Igitur alius animus, alia omnium spes videbatur, quum his rebus, tum maxime quod Cæsari nihil Regulos, ac Civitatum legatos coram esse negaturos judicabant. Hæc spes Cæsarem ad Ratisbonam petendum impulerat. Et quia multis de causis utile etiam, non commodum solum videbatur, cum ipsis Regulis agere, litteras ad omnes miserat, *rem, ut Ratisbonam contenderet, postulare: ne gravarentur ipsi id publicæ causæ tribuere, ut eodem venirent*. Horum majori parti satis visum, est polliceri, quum aliqua illata causa, illud non præstitissent. Ex Germanorum Regulis ii, quibus Imperatoris creandi facultas est, alios secum exæquari turpe ducunt. Ex his quum Maguntinorum, & Tre-

An. 1664 Trevirorum Antistites, Bavarix, atque Saxonix Duces Ratisbonam venissent, reliquis hæc Cæsari morem non gerendi causa fuit. Ei tamen decus quoque gratificari, non fuisse negaturos profitentur, si commodissime per legatos omnia agere non posse cognovissent. Ex hac re conjecturam nonnulli cœperunt, nondum omnium mentes, a superiore consilio resedisse. Quod quidem brevi cognitum est, quum Cæsar, ut sibi rei pecuniariæ auxilia mitterent, impetrare nequivisset. Frustra ergo ii, quibus patriæ salus privata gratia carior erat, ante omnium oculos ponebant, *non minus Gallum, quam Turcam Germano timere opus esse, quum utrique libertatem, & gloriam sibi essent erepturi. Semper Gallos fuisse imperandi cupidos, at nunc Ludovico Rege rationem negotii perficiendi querere. In Austriaco genere Germaniæ spem verri. Si hujus auctoritas minuat, ne ipsi præcipites cadant, timendum esse. Quid novam tentare fortunam vellent, quum in tam diutino hujus generis imperio nihil sui deperdisent? Debere quemque operam dare, ut saltem ejus non minuantur opes, si potentia auctius esse non placeat. Hujus rei perficienda rationem iutam esse constare, quando uno animo huic bello servirent, & ab uno omnia administrari paterentur. Non semel plurimum imperium inutile bello fuisse experientia compertum esse, propterea quod discordia inter plures esse solet. Unam igitur periculi vitandi rationem esse, si pecuniam, qua una Cæsar egeat, conferrent. Alia ab aliis jactata, quæ ut superius recensui, nunc libenter omitto. Nihil vero horum dicta illos permovent, qui Ferdinandi potentiam animo continebant, quin, ut suos exercerent, fœderati quatuordecim, quatuor vero, & viginti armatorum millia reliqui conferre his conditionibus pollicerentur. In dies, quid in castris geratur, omnibus enuntiaretur. Cuilibet vel peditatus, vel equitatus auxilia mittere liceret. Certior unusquisque fieret de numero militum, quem conferre deberet. Præfecti de concilii sententia constituerentur. Reguli, Civitatesque minora bellica tormenta, majora vero Cæsar compararet. Auxiliaries cohortes Montecucculi dicto solum pugnx, vel oppugnationis tempore audientes esse tenerentur. Hæc ubi constituta sunt, nihil reliquum esse, quam de constituendis Præfectis agere, Cæsar ratus, *ut res diutius non ducatur*, petit. Hac enim re expedita, intentiore, quam antea, cura in bellum apparandum incumbere se posse cognoscebat. Sed quum dissensionis causa orta esset, nihil convenit. Omnium enim primum Catholicis, Hæreticisque erat ad summum honorem aliquem ex suis evocare: peritusne armorum usus, an non, is esset, curæ neutris erat. Hæretici ergo *Friderico Gulielmo Bran-**

Brandeburgi Duci belli summam maxima cum auctoritate permit-
tendam censere; Catholici vero Imperatore opus non esse dicere. Si
Ducem minori cum auctoritate exercitui præficerent, præter alia
commoda, minus stipendii ei decernere oportere. Pecunia parcere
difficillimis temporibus optimum esse. Hæc ostentabatur magis cau-
sa, quam vera erat, quum ideo uni viro exercitus summam per-
mittere nollent, quia, si suffragiis res permitteretur, Fridericum
Gulielmum rem consecuturum arbitrabantur. Horum consilium ex
hæreticis quidam adjuvabat, tantam potentiam formidolosam Ger-
mania toti fore, dicendo. Quod opportune accidisse Cæsari vi-
sum est, quia haud facile tanto viro finem statui posse videbat,
quando ei exercitus in manu esset. Quum ergo plurimi sua interese
animadverteret, virum optimum, ac sibi fidem auxilii præpo-
ni, quantum gratia, & auctoritate valet, ut Marchionem Leopoldum
Badenium copiis omnibus præficerent, enititur. Hunc tum
negotio, quod pluribus inveteraverat præliis, tum sibi opportu-
num fore judicabat, quod militibus, quos circum se custodiæ cau-
sa habebat, præfesset. Quumque majorem legatorum partem Cæ-
sari satisfacturum esse appareret, hæretici nulla ratione feri dicunt,
ut homini, qui Cæsaris totus sit, confiderent. Principem Philip-
pum Sulzbachium omnibus opportuniorem esse, & belli usus peri-
torem. Ad hæc etsi alia addiderant, tamen, suffragiis re permissa,
Catholicorum sententia obtinuit. Hoc ægre passi quum hæretici,
tum fœderati, adeo ut nunquam Badenium copiis, quas ipsi con-
ferrent, præfuturum dicerent. Cæsar huic rei occurrere cupiens,
Sulzbachium suarum copiarum parti præpositurum pollicetur. Hac
ratione Sulzbachii animum sibi conciliare nitebatur, ut potius sibi
certa afferenti, quam aliis vana promittentibus morem gereret.
Nihilominus tanta controversia inter omnes erat, ut, ne ad ulte-
riora veniretur, iterum ad concilium rem deferri oporteret. At-
que tametsi nihil etiam tum obtinere potuerunt, tamen conatu
non desistunt, nisi ubi Brandeburgi, atque Saxonie Duces mo-
visse de sententia Cæsar ferebatur. Badenium itaque Ducem ad unum
omnes probantes, Ducem Uldericum Wirtembergesium equitum
Magistrum, Ducem Alphonsum Olsteinium equitum Instructo-
rem, Comitem Franciscum Fugerem bellicorum tormentorum Ma-
gistrum, Marchionem Gustavum Adolphum Badenium Durlachium,
Comitem Puchium, Ducem Augustum Olsteinium peditatus In-
structores dicunt. Fœderati, ut Comes Olachius etiam suis copiis
præsit, decernunt, eique Comitem Valdechium adiutorem sub-
mittunt. Hi etsi tot, tantosque Præfectos certamina in consiliis

An. 1664 omnibus accensuros arbitrabantur, & ea bono publico obſtare intelligebant, tamen, ne Cæſar victoriam adipiſceretur, adeptamque exerceret, duos ex Regulorum numero in caſtra mittendos cenſuere, qui quodammodo Duci etiam præſent. Hos haud dubie potius totam Germaniam, quam Cæſarem reſpecturos confidebant. Res tamen longius ducta eſt, quum quod plerique nova introducenda exempla non exiſtimabant, tum propter candidatorum magnum numerum. Tandem, quum eſſet pluribus inter omnes diſceptatum, Bernardus Calenus Monaſterii Epicoſopus acerrimi ingenii, & ſingularis prudentiæ vir, & Marchio Fridericus Badenius Durlachius ad dignitatem evocantur. Qui horum Conſiliarii eſſent, Raſſinius, & Stombius cohortium Præſecti, Haubifius, atque Otto Manumerodes deliguntur. Hoc adeo nonnulli ægre tulerunt, quia ſe dejectos honore videbant, ut ſtipendium eis nunquam ſe eſſe decreturos profiterentur. Non opus ſibi ſtipendio eſſe, ut Chriſtianiæ Reipublicæ operam daret, confirmat Calenus. Tanta animi altitudine perſpecta, cunctos rem improbare puduit. His rebus omnibus conſtituendis duos circiter meſes conſumpſerunt; reliqua vero multo poſt convenere, adeo ut Calenus, Durlachiuſque, quum æſtatis extremum erat, in caſtra pervenirent. Ex his omnibus cognoscere licet, quantum Cæſari ii cuperent, qui, ne auxilia uſui eſſent, operam dabant. Quod quidem eo majorem Cæſari difficultatem afferebat, quo certius Ludovicum Germanorum amicitias, quod alta nimis cuperet, appetere arbitrabatur. Propterea non parum cuncti mirati ſunt, quum Strotius Gallia rediens, Regem equitum millia bina, & peditum millia quatuor, atque majora auxilia, ſi opus eſſe cognoverit, miſſurum eſſe demonſtravit. Cujus conſilia etſi quo pertinerent cognoscere non poterant, tamen ſuſpecta Auſtriacis erant, quia Ludovicum ſibi invidere, quum aliis ex rebus conjecturam capiebant, tum maxime ex eo, quod Gravella non mediocriſ dexteritatis vir ex Gallia in Germaniam veniens Ferdinandi Mariæ Neoburgi Ducis animum tentaviſſet, & nunc Regulos alios ſollicitare non deſiſſeret. Itaque ſolum ab Alexandro P. M. metus non ſe oſtendebat, quod nummorum aureorum millia ſeptingenta Cæſari ſubſidio miſiſſet, quod certum tributum Eccleſiaſticis, qui ſub Cæſaris ditione erant, impoſuiſſet, quod peditum millia octo, & equitum millia duo ſuo ſumptu aleret, donec ineunte vere in Pannoniam iter facere poſſent. Italiæ Reguli etſi omnes certa rei pecuniariæ ſubſidia miſerunt, uni tamen Mantuæ Duci, quia clarius ſuum in Rempublicam Chriſtianam ſtudium demonſtraverat, Cæſaris verbis
gra-

gratiæ sunt astæ. Horum auxiliorum tanta Constantinopolim opinio perlata est, ut Acmetes cum animo suo reputare cogeretur, utrum difficile sibi esset tanto Regum omnium consensui obistere, an non. Nam si bellum prospere non cederet, invidiæ tempestatem imminere pro certo habebat. His ut occurreret malis, pacem firmare optimum judicabat; maxime si ea, quæ de fœdere dicebantur, vera esse cognosceret. Hoc inito consilio, magna sollicitudine afficitur, quemadmodum id Mehemeti Regi persuaderet. Timebat enim, ne sibi timidi consilii authori vecordia obestaretur. Eam igitur vitare cupiens suspicionem, Regis Consiliarios sensim criminatur; palam dicit, *bellum duci non posse, propterea quod gregariis fortitudinis exemplo Præfeti non essent. Eos potius omnia permisceri malle, quam vitam strenue pugnando in periculum deducere. Nonnullis ex Consiliariis autum fide carius esse. Eosdem pecunia corruptos clam omnia hostibus enunciare consilia. Quid igitur fœdere sibi juxta, ac omnibus non consuleret, quum externis, simulque internis hostibus resisti non possit? Alio tempore Panwonios perdemere nihil negotii fore.* Hæc, atque alia hujuscemodi sapientius eo dicente, jam Mehemetes suum flexerat animum, ut insonsentes animadverti juberet, nisi summi legis interpretis, quem Musihium ipsi appellant, autoritate permotus consilium mutavisset. Interim quum tota Germania, Gallia, atque Italia delectus haberi, arma portari, omnia, quæ ad bellum usus essent, parari nuntiaretur, excidium imminere Turcæ rati, iniquis etiam conditionibus pacem redimendam existimabant. Et quia sibi Christianos aures non esse præbituros existimabant, Acmetis consilium omnibus precibus detestantur, quod pro disciplina habere nollet eventus, quos ii exceperissent, qui nimium fortunæ belli confidissent. His rumoribus permotæ mulieres, supplices manus ad cœlum tendere, fortunam queri, fletu omnia complere. Earum vocibus ubi illos etiam permoveri Acmetes vidit, qui fortes habebantur, ne seditio oriatur, Regi persuadet, rem uti ad concilium deferat. Magni enim interesse confirmat, de plurium consilio omnia perfici. Concilio convocato, nonnulli, *ut pace publica saluti propicietur, consent.* Alii, *turpe esse dicunt, metus præbere opinionem.* Tantaque dissensio existit, ut unusquisque ab sua sententia se nunquam discessurum pronunciaret. Illos enim boni publici studium, hos invidia in eo perseverare cogeat. Hoc die nullius sententia accepta. Postero die posteaquam omnes convenire, hujuscemodi orationem ille, quem Musihium appellant, ferunt habuisse. *Quamquam pacis dulcissimum est nomen, quo non mo-*

An. 1664 *do homines, verum etiam prope dixerim inanima latari videntur, tamen posthabitis omnibus bellum suaderem, si inge ns victoria spes nos teneret. Mitto, quod hac in fortuna manu sit, qua parvo temporis spatio magnas rerum efficit commutationes. Prætereo, quod experti sape sumus, partam prope victoriam a minima re interpellatam, & in utramque partem levem causam magnum habuisse momentum. Sed quum bujus negotii facies varia, atque incerta sit, summa perfidia is accusandus videtur, qui contra, atque a maioribus instituti sumus, faciendum censeat. Videte si in victoria spem venire liceat, quum pluribus ex partibus nos Christiani perfidi hostes circumflerint. Dicere, & ominari horreo, quod præsentio, tamen non omittam non extraneorum, non ignavorum, sed majorum, quorum virtutis monumenta plurima sunt, exempla esse imitanda, qui tanto studio colebant pacem, quum adversus alium bellum gerebant, ut nihil supra. Et quidem merito. Nam nonne summa dementia est, in discrimen omnia adducere, ut plures devincas, quando sine vulnere perdomere aliquam gentem valeas? Præstat meo judicio aliquid sine contentione, quam maxima cum periculo sibi parere. Nonne, si contentione utamur, nullo negotio Cretam occupare poterimus? Nonne clades accipi potest, quam nimium apud nos imperii cupido valet? Hac quamquam omnes intelligunt, tamen, ne desit occasio periculis eos objectandi, quorum egregia virtus est, trahere bellum volunt. Hac ratione magistratum perpetuo gerere se posse ignavi cognoscunt, si fortissimos ex omnibus de medio tollunt. Jam Præfeti, Ducesque rerum militarium peritissimi fraude potius amicorum, quam hostium vi interierunt. Jam multi inscitiam simulant, ne virtus in invidiam casura sit. Jam quorundam perfidia nostræ contusa sunt opes, & tamen desistere bello nolunt. Si superiore anno, quo spe pacis Germanos ludificarunt, vix tot fortissimorum Turcarum jactura Neoselium recipere valuerunt, quem expectare exitum nunc licet, quum anni spatium ad comparandas copias, ad Christianos Reges concitandos nati sunt? Nunc belli componendi tempus est, quum unusquisque sibi confidit. Frustra dolebimus, ubi experiri volumus, quid communis Christianorum consensus possit. Tu igitur Mehemetes verus Dei Propheta eam tuæ genti mentem da, quæ in majorum vestigiis pedes ponens, quidquid exopto, consequatur. Tu fac, ut præsens intersit Deus quum omnibus, qui in te posuerant spem, tum maxime Regi nostro, ut, quod ex usu omnium sit, cognoscat, & deletorum tui nominis hostium gloriam ferat. Permovit omnes quum prudentia, tum viri autoritas, adeo ut, quum Reges plurimum sacerdotum consiliis uti solere non igno-*

rarent Confiliarii, longe aliam sibi mentem esse, dicere timebant. Quum igitur diu silentium tenuisset, Ismaelem quendam, qui magnæ virtutis vir habebatur, & Acmeti insensus erat, in hunc modum locutum accepi. *Quantum res nostra aucta bello sit, nemo est, qui ignorat: cur ergo ea ratio, quam procedere experti sumus, non est sequenda? Semper, qui hostem non horruerunt, eos victoria potitos esse constat: cur igitur bellum imperterrite ducere dubitamus? Quæ mens his sit, qui incertis rumoribus servientes ab armis discedere exoptant, intelligere vix possum: nam Christianorum omnium vires extiment, quasi jam inita societas sit, vel si inita, perpetua sit futura. Quid enim facilius est, quam ad discordiam rem deduci? Sed meo iudicio etsi Christiani Reges consenserunt, nihil tamen nobis timendum est, quum nos exercitus numero, ac virtute hominum ingentes, pecuniæ, ac arma tegant, contra ipsi non in his rebus, sed in pace spem ponere cogantur. Hæc quum ita sint, cur tantum timorem vos invasisse demonstratis, ut pacem, supplicibus missis legatis, petere velitis? An nescitis, a quibus pax petitur, iis maximam attribui auctoritatem? Quis unquam dubitabit, quin nostris studium diminuatur, hostibusque alacritas innascatur? Considerate, quam turpe sit tum muliebriter timere, quum alacriores certior victoria spes nos facit. Omnia profecto matura sunt, gloria belli, victoria: nam quæ de ista societate dicuntur, aut omnino falsa, aut minora opinione esse confirmo, quum accidere plerumque soleat, ut opibus destituti neque arma parare, neque bellum trahere valentes ad artes, multa prædicando, recurrant. Jam viciis plus verborum, quam potentia esse constat. Quam turpe igitur esset, quam hæc Germani signa miserint, negotiis conficiendi occasionem dimittere. Haud dubium est, quin sibi diffidant, qui nihil his rumoribus nos permoveri intelligent. Quid animi iis esse posse existimatis, qui in majus semper periculum se venire animadvertent, quum innatum omnibus sit, magis de futuris periculis, quam de presentibus conturbari? Jam Pannoniorum animi ita a nobis alieni non sunt, ut de victoria desperare nos cogant. Jam se adjutores fore pollicentur. Quid ergo non est periculum faciendum? Quid partam victoriam non retinebimus? Hic dies, si fortem animum geremus, labores confirmabit omnes, si timoris præbeamus opinionem, maximorum dedecorum initium erit. Nam quæ ab irrisione liberi esse poterimus, quum per orbem terrarum fama percrebuerit, Turcas ab Germanis pacem petendo, ut eis spiritus accederent, effecisse, qui sibi timere cogeantur? Agite dum majorum vestigiis insislite, qui magis de timoris suspitione vitanda cogitabant, quam plures bello per-*
sequi

An. 1664 *sequi molebant . At Acmetes , qui tacitus ad id tempus fuerat ,
 utrumque probare consilium , summæ esse dementiæ dicit . Quid
 enim turpius dici , aut excogitari potest , inquit , quam Turcas incertis
 rumoribus permotos auctore hoste de summa rerum consilium cape-
 re ? Aut quid detrimentosius esse potest , quam fortunam tam peri-
 cilitari , quum Christianos Reges Cæsar concitaverit ? Mei consilii
 est explorare , quid ab Christianis consiliis ineatur , ut si tempore in-
 terposito verabac esse cognoscam , pax , sin falsa , bellum agitur .
 Interim de bellicis apparatus remittere non est consilium , sed eo
 majore conatu in illos insistendum censeo , quo facilius Leopoldam , co-
 gnitis iis , pacem firmaturum provideo . Hoc , nisi animus fallit , quod
 expedire Regi videtur , eo faciendum proposui : quoniam ita ab inenun-
 te atate vitam institui , ut Regis gloria , ac publica salus mihi pri-
 ma esset . Nec alio consilio susceptum ab Mehemete patre bellum da-
 cere exoptavi . Propterea erras , qui contrarium existimas . Cui
 respondere omitto , ut , si alia re juvenis superare senem non potero ,
 certe modestia vincam , ne hoc tempore ad controversiam res deduca-
 tur , quo arma maxime parare oportet . His auditis , Mehemetes
 Rex contra Turcarum Regum morem , Maeste , inquit , virtute ,
 consilioque Acmetes esto . Tuo ingenio liberati omnes metu sunt . Tua
 diligentia Turcas prædam , & gloriam belli inventuros confido .
 Cognita Regis mente , ut innatum Turcis est Regi assentari , etiam
 Mufthius laudibus consilium effert . Tum Acmetes gratias Regi
 agens , eum monet , quoniam sua obtinisset sententia , ne accipere gra-
 varetur , quid sibi de belli ratione videatur . Se bellum gerentem
 coram perspexisse , plus dolum , quam vim procedere ; idcirco acrius
 admittendum esse , ut in vulgus offeratur , Mehemetem Regem hand-
 quaquam de sua in Pannonios voluntate diminuisse , quod dementia
 finem non fecissent , quum , ut ipsos in libertatem vindicaret , bellum
 aggressus esset . Ei in animo esse , Regem acceptum ipsis dare . Si
 Michaellem Abbassum probarent , illi Regnum esse adjudicaturum .
 Hoc arte hand dubie Pannoniorum animos sibi conciliaturum confi-
 dere , quum quod se ab Germanorum populationibus liberos fore spe-
 rarent , tum quia Regem suo suffragio haberent . Præterea spe pacis
 detinere Germanos optimum esse ; ut minore studio necessaria ad bel-
 lum parent . Ubi hæc dicta sunt , omnes , quod Regi se gratum factu-
 ros existimabant , hominis diligentiam laudant , ac nunquam tam
 matura virtutis juvenem fuisse pronunciant . Dolis compositis , Re-
 ningherium ad se Acmetes vocat , (eum nunquam dimittere volue-
 rat , ut , quum adefset usus , de pace cum ipso agendi facultas esset ,)
 atque nunc de compositione agendi tempus esse docet . Si æquas acci-
 peret .*

peret conditiones, fore ut Germani, Pannonique ad ultimum supplicium non progrediantur; quoniam, quam majori, quam nunquam antea, apparatus Rex ipse in Pannoniam contendere statuisset, aliud remedium, quam pacem redimere, ipsis non esset. His auditis, Reningherius ut ludificationem cognoverat, sibi nullam esse ab Cesare potestatem factam respondet; omnia ei proponere oportere. Quoniam, in hunc locum perveni, de Turcarum legibus, moribus, aliisque ejusmodi pauca dicere non supervacaneum duco. Turcas a Pomponio Mela, Plinioque cognitos nonnulli arbitrantur, quum eorum meminissent. Ex Scythiis originem ducunt, atque Mehemetis cujusdam flagitiosissimi hominis commenta probant. Mehemetem patria Cyrenæum, obscurisque parentibus ortum heri viduam ejus facultatum magis, quam formæ amore captum (quinquagenaria erat) uxorem duxisse scriptores nostri fere omnes tradunt. Quæ omnia neque refellere, neque probare audeo: nam tantæ impudentiæ non sum, ut vel contra tot doctissimos viros eniti velim, vel Araborum scriptorum auctoritatem nihili facere demonstrarem. Nudum igitur proponam, quod ex Arabicis libris interpretatum mihi est: propterea credat quisque, quid placet; licet, ut in Arabicis rebus Arabis historicis fidem præstem potius, & animus inclinet, & ratio poscat. Itaque Arabes Mecam in Arabia patriam Mehemeti fuisse; eumque nobili, illustrique Ascemitharum genere prognatum testantur. Et hujus gentis familiare sacerdotium templi, quod Caabaum dicitur, fuisse addunt. Patre mortuo, Mehemetes in patruus tutela fuit; qui effecit, ut nobilem, licet 40. annos natam, uxorem sibi jungeret, quia plurimum divitiis eam posse sciebat. Mehemetes ergo ut natura novis studebat rebus, ubi divitiis auctoritatem, sibi maximam comparavit, magis, magisque secum reputabat, quid novi aggredi optimum esset. Inter hæc Sergius quidam monachus Nestorianæ hæresis damnatus in Arabiam se recipit: qui, ut flagitiosissimus ex omnibus erat, ubi cum Mehemete amicitiam instituit, suam ei operam pollicitus est. Sic modo hanc, modo illam doli rationem composuerunt, usque eo ut Mehemetes Propheta ab multitudine appellatus, se ab Deo legum condendarum causa missum dicere auderet. Hoc modo regnum sibi conciliavit, & commentis tantum apud rudes profecit, ut leges tanquam divinæ acciperentur. Sic non pauci ex ipso superstitionem haurere. Mehemetes tamen ad extremum veneno, incertum propter invidiam, an imperii injustitiam, ab Judæis necatur. Hujus corpus Methymnæ Talnabiæ sepulcro conditum colendi gratia immensos maris, terræque tractus Turcæ peragant. Superstitionem hanc ad septingentorum annorum

An. 1664 rum spatio non pauci coluere, plures vero ubi Othomanus potentia, dignitateque auctior esse cœpit. Othomanum nonnulli ab quodam Scythiæ pastore prognatum arbitrantur. Non desunt, qui eum splendidis natalibus ortum dicant, quum ejus majores prope ab hominum memoria suæ Civitatis in Scythia principatum obtinissent. Mehemetes vero Turcarum Rex ejus nominis secundus, ut crederetur, tendebat, ab Commeni Græcorum Imperatoris nepote genus eum ducere; qui ab patruo deficiens in Scythiam se recepit. De re tam antiqua unusquisque, utlibet, sentiat. Accidere enim solet, ut non eadem scriptoribus mens sit de re jam vetustate oblitterata. Nam nec certum inveniri potest, Othomanus ne Aladini Regis miles sive injuria, sive dominandi libidine permotus ab eo defecisset, an Rex, & Aladini socius fuisset; qui, Aladino mortuo, occasione invitatus confines paulatim sub suum imperium coegit. Id vero inter omnes convenit, quod res a parvis initiis orta eo processit, ut maximum Christianæ rei detrimentum inferret, quam unus Othomanus Cappadociam, Pamphyliam, Ciliciam, Pontum, & Bithyniam perdomere valuisset. Othomano Orcanes successit; ei rursus alii, qui omnes finitimas provincias sub suum Imperium coegere, usque eo, ut magnam nunc Africæ, Asiæque, non minimam Europæ partem sui sceleris prædam facerent. Multis artibus tantam gloriam, potentiamque sibi Turcarum Reges addere valuerunt; quarum eæ fuerunt præcipuæ, quod statim, expugnatis urbibus, perdomitisque gentibus, viros vel inter suos auctoritatis, vel maximi consilii, & fortitudinis sive interfecerunt, sive, ne motus excire valerent, alio se conferre coegerunt, quod nunquam, dum res hortatur, propagandæ superstitionis causa bellum inferre nefas putant, quod per vim expugnata oppida, vel urbes, ubi templum ædificaverint, ex fœdere reddere salvo religione nequeant. Militum magna copia est; quos tam otii, quam belli tempore alunt. Hujus rei multas afferunt causas, ut disciplinam perdiscere curet, qui, nomine dato, quum usus venit, sibi ad exercitum contendendum esse sciat, ut celerius exercitus contrahere possint, ne plus pecuniæ belli tempore in stipendiis militum profunderet, oporteat, quam antea. Prætoriani ex omnibus habentur fortissimi, etsi nunc eorum audaciæ minuendæ gratia feroces animos dedita opera mollire Reges cœperunt, ne opinione virtutis elati Regno expellere alios, alios accersere valeant. Sunt præterea amplius centum hominum millia (Timarotas ipsi appellant,) qui domi equum habere coguntur, ut ad bellum evoca-

ti, nulla interposita mora ad imperatum veniant. His ne in castris quidem stipendium redditur, sed suo sumptu militare debent, quum unusquibique saltem tantum possideat agri, quantum ad se, equumque alendum sufficiat. Nam apud ipsos ea consuetudo est, ut, aliqua perdomita natione, veterem cultorem agro exuant, & aliis hac lege eum distribuunt. Hanc rem ipsis opportunissimam, esse ex eo cognosco, quod non tam mari, quam terra pollent Turcæ, quum neque Præfectos, neque milites, neque remiges certos habeant, quibus stipendium non reddant, sed quoties armandæ sunt naves, militum, remigumque delectum habere coguntur. Hos rei maritimæ imperitos, atque ad huiusmodi incommoda sustinenda insuetos, præterea arcte habitos non minus labor, atque morbus, quam hostium virtus absumit. Tamen laborem, ac periculum nemo recusat; quoniam Regi, quem ipsi Magnum Dominum appellant, parere ita religiosum putant, ut, quicquid iussu mortem subeant, illi felices existimentur. Hic aditu difficilis est: quidquid libet potest; etiam innoxios quandoque possessionibus, pecuniave mulctat; alios interficit; pars utinam proscriptorum numero sit, imperat. Fratres, simul primum Rex salutatus est, interfici, vel in vincula coniici iubet, ne ad eos ad regnum evocandos occasione permoveri possent milites. Raro domo egreditur. Hæc Constantinopoli ad mare ab Solimano edificata fuit. In trium millium passuum circuitu est. Muris, ac certo quoque spatio turribus institutis munitur. Solum porta patet, qua omnibus est aditus: aliæ nonnisi Regis iussu aperiuntur. Domus in interiorem, exterioremque dividitur. Interiorem nemini adire licet, ne mulieres, quas numero ad quadringentas, plus, minusve, uxorum loco habet, videantur. His ancillæ, eunuchique ministrant. Exteriorem partem ingredi interdictum nemo. Primo ingressu dextra ad decem prætorianorum millium statio posita est. Sinistra illi, quos Capigios, Chiauffiosque appellant, manent. Horum est Regis mandata ad Præfectos perferre. Hic multi sunt porticus, spatiaque, ubi cupressus satæ non injucundam speciem præbent. Hic palam summum gærens magistratum pro tribunali sedet. Hic sunt Præfectorum, militum, ac ministrorum, servorumque cubicula. Hic præterea Christianorum filii morantur, quos postquam suis legibus imbuerunt, disciplinaque instituerunt, diversis præficiunt negotiis. Omnes ita silentium habent, ut ne vox quidem, atque murmur audiatur. Prope in interioris domus vestibulo ediculæ duæ sunt. In altera consilium coram Rege habetur. Rex neque sententias exquirat, neque, quid sentiat, dicat.

Dd

Ad

An. 1664 Adeum, cujus sententia accepta est, si res non procedat, Regis mandata pullo involucri perferuntur. Color, eum adversi eventus morte penas dare oportere, demonstrat. In altera Rex superstratum sedens, Regum, Civitatumque legationes audit. Legato, ut primum cum familiaribus ingressus est, serica, auroque intexta clamis dono datur; deinde medius inter duos Capigios ad Regem venit; cujus vestes subito deosculatur. Mox nonnulli ejus dona manibus ferentes, in Regis conspectum sigillatim veniunt. Postremo, ubi is, qui summum magistratum gerit, respondit, dimittitur. Eum Magnum Visirium appellant, qui unus Rempublicam administrat, quum Rex corporis voluptatibus deditus solum, quum placet, vel necesse est, eum magistratu expellit, vel interfici jubet. Superstitio multifariam colitur. In primis Persæ alio modo leges, atque Turcæ, interpretantur, aliaque instituta habent. Turcæ ad id maxime indignatione exardent, quod Halium Mehemeti præferendum Persæ dicant, etsi ille ab hoc disciplinam accepit. Adversus hos ita perpetuo odio Turcæ sunt, ut in pugna nec arma proicientibus parcant: magnum enim admitti facinus putant, quum Deo, Mehemetique invisum hominum genus prædæ cupidine non interficiant. Duobus & septuaginta modis superstitionem coli ipsorum opinio est. At si quis diligentius exquirere rem velit, plures opiniones ipsos habere, quam quis credat, reperiet; quum nemo sit legum interpres, qui aliquam inter suos habere auctoritatem putat, qui commentitias sententias excogitare non cupit. De omnibus dicere consilium non est; quatuor præcipuarum nomina tantum referre lubet. Disciplina, qua major Arabum pars utitur, Scaffia appellatur. Quam pauci colunt Arabes, Hambella dicitur. Malechiam appellant, quæ in Africa obtinet. Hanniffiam vero dicunt, quam reliqui tenent. Legem explicare solum illi, quem Muschium appellant, licet. Hunc summo sacerdotio Rex præficit: cujus tanta est auctoritas, ut, quidquid ad Rempublicam pertinet, administret. Eum adeundi cuique potestas est; qui ad instar Romani Prætoris, veluti formulam Pedaneo Judici in papyro scribit. Ejus mandata tum non exequi Judici fas est, quum actorem falsum expulvisse compertum sit. Rex, ut se pium ostendat, sæpe eum consultit; qui sibi timens, ad Regis voluntatem omnia interpreta-
tur. Secundum dignitatis locum illi, quos Cadilecherios vocant, obtinent. Hi initio duo fuere. Selimus postquam Egyptum perdomuit, tertium addidit. Horum est militum minuere controversias. Sunt præterea minores iudices, Cadios eos appellant. Ad hæc mu-

munera solum illi, qui ex Turcis originem ducunt, evocantur. Hi nullo tempore, aut loco auxilium implorantibus impune deesse possunt: nam orta controversia, eodem die Judices, quid ipsis visum fuerit, decernunt. Qui de perduellione alicujus nomen ad eos detulerint, magno in honore habentur, ac præmiis afficiuntur: qui vero de alio maleficio indicaverint, in numero impiorum habentur, quamquam, quum Judici visum fuerit, præmia consequuntur. Perduellio ita severe vindicatur, ut omnibus cruciatus fontes juxta, ac infontes interficiantur. Non raro, qui propter rerum gestarum magnitudinem plebi accepti sunt, aut sibi comparaverunt auctoritatem, tanquam perduellionis convicti, necantur. Ob hanc causam apud ipsos ea consuetudo est, ut difficile in locum patris succedat filius: magnopere enim Rex timet, ne clientum auxilio tumultus excire valeant. Judicibus omnibus verberibus in noxios animadvertendi, vel de iis supplicii sumendi potestas fit. Pænæ gravissimæ maleficio sunt constitutæ. Hac de causa, sive potius quia fugæ spes nulla relinquitur, raro ab verborum contumeliis, & verberibus ad arma descendunt. Judæis, Christianisque testibus nulla ibi fides fit. Judæos ita parvificiunt, ut eorum aditus defugiant, etsi frequentes urbes incolunt. Hi ex omnibus diligentissimi speculatores sunt. Hi vestigalia exercent, exiguntque. In unoquoque oppido magistratus est, qui annonæ, aliisque ad victum necessariis rebus summa cum auctoritate præest, ac reos statim verberibus coercet. Omnes hi quasi in sacerdotum numero habentur, quod Divini Juris interpretes sint. Non enim alias leges habent, nisi eas, quas Mehemetis precibus de cælo missas arbitrantur. Magno præterea in honore habentur, qui Tempia custodiunt. His populum convocare licet. Hoc clamore ex turribus significant. Qui divinis rebus interfunt, longiore veste ab aliis distinguuntur. Sunt item, qui certis constitutis legibus vitæ integritatem, paupertatemque profitentur. Hi in duo dividuntur genera, alterum Chelvetorum, ex quo sex alia oriuntur, Nacsbendiorum alterum: ex hoc duo alia originem trahunt, quorum nomina hic referre longum esset. Omnes, qui uno utuntur instituto, ab eo, qui disciplinam reperiit, vel ex Arabia alio transtulit, nomen trahunt. Omnibus, qui idem profitentur vitæ genus, unus summa cum auctoritate præest, qui omnium suffragio adlegitur. Plures unam domum habitant, ac convivunt. Ex omnibus illi, qui Dervisi appellantur, Turcarum existimationem tenent. Hi silere optimum ducunt; certis hebdomadæ diebus jejunt; tunicas, subuculasque rudes habent; tibialibus, calceisque etiam.

An. 1664 durissimo hyemis tempore se munire turpe duunt. Pectus nonnulli veste non tegunt, ut se candenti ferro exustos ostendant. Peregrinorum domus patent, quibus victum communicant. Serpentum non extiment morsus, ubi malum incantant carmen, eosque undique conquisitos comedunt. Divi Georgii equum ita in honore habent, ut reliqui Turcæ asinum, quo Jesus Christus infedit, Mehemetis camelum, Septem Dormientium canem. Bini eodem cubiculo dormiunt. In Arabicis, Persicisque litteris perdiscendis plures consumunt annos. Alii sunt, qui in sylvis degunt, pellibus pro vestibus utuntur, magna corporis parte nuda: novacula carnes, pecunia accepta, discindunt. Hoc Deum placandi gratia faciunt. Alii magno pretio coemptas aves dimittunt, feles, canesque alunt, quod hæc gratiora Deo officia existimant. Pars eos, qui sacris initiari cupiunt, quadraginta dies in custodiis habent, nec plus, quam uncias cibi tres eos sumere sinunt. Pars integros dies, noctesque saltando certum locum circumdant. Ex eis tamen non desunt, qui statutis horis Deum non orare turpe non duunt, & gulæ servire, atque corporis voluptatibus deditos esse optimum existimant. Plurima ovium, columbarum veluti instituta habent sacrificia, quarum carnes viritim pauperibus distribuunt. In templis ardentium lampadum multitudo, & scriptæ in parietibus sententiæ, nihil vero pictum conspicitur, quod Deum hominis forma pingere irreligiosum duunt. Nemini illoto templum ingredi fas est. Hac de causa nullum ibi invenitur templum, in quo fontes plures non sint. Ibi perlui multitudinem, conspici licet. Quinques in die, primum albente cælo, deinde sub meridiem, tertio sub solis occasum, mox sub vespere, postremo paulo anteprimam confectam vigiliam preces ad Deum genuflexi fundunt, vel capite ad terram, vel manibus ad pectus admotis. Hoc tempore neque spueri, neque extussire, neque oculos flectere licet. Magna ipsorum pars pietatem ostentare necessarium ducit: propterea multitudinem passim in plateis eo modo dispositam videre libet. Qui stipe non focillant miseros, eos in numero impiorum haberi lex jubet: tanta tamen eos invasit avaritia, ut pauci, qui hoc non negligant, reperiantur. Vinum, & suillam gustare carnem vetantur. At suillum genus re ipsa exhorrent, vinum etiam palam bibere vix ignominiosum existimant. Septimo anno filiorum circumcidere genitalia solent, etsi legibus hoc sancitum non habent. Nihil Deo gratius esse putant, quam diversis locis ædificare, ut egentes, quo se recipiant, habeant. Passim diversoria inveniuntur, quo se conferre nocte cuique licet. Ibi fer-

servi sunt, qui dapes publice paratas ministrant. Canum magnam curam habent, eosque cibo juvare ita religiosum ducunt, ut plerique testamento heredes rogent, ut annuam pecuniam in eis alendis profundant. Flagitium ingens fieri existimaht, quum camelii plusjusto onerantur. Proclive esse sibi ab averno revocare gradum putant, quod omnes certo elapso tempore Deum intueri oportere existimant. Disputando de religione differere nefas putant. Armis eam tueri optimum ducunt. Deum unum Maximum primo, deinde Mehemetem colunt. Christum Jesum ex Virgine natum, & Dei spiritum esse non abnuunt. Mariam Virginem, omnesque veteris testamenti Prophetas observant. Hos omnes corrupte suo nomine appellant. Horum preces maxime apud Deum valere arbitrantur. Lunam in honore habent; propterea ab ejus cursu menses numerant. Quum jejunant, a prima luce usque ad vesperrum quidquam gustare non licet. Noctem tunc temporis in negotiis curandis, diem in dormiendo consumunt. Postea diem festum celebrant, quem Ramazanum appellant. Funera sumptuosa non sunt, quum sine apparatu amici, propinquire pedibus, modo in urbe, equis insidentes, si extra sepulcro donetur corpus, comitentur. Humile genus lapide capiti, pedibusque substrato tumulantur. Regum filiorum corpora uno loco prope S. Sophiæ templum reponuntur; Regum vero templis ab se votis, dedicatisque conduntur. Nulli lugubrem vestem induere fas est, nisi Rege mortuo. Dum vero cadaver ducitur, pullis tæniis uti non vetitum. Mulieres ita contemnunt, ut ne templa quidem adeundi ipsis potestatem faciant. In publicum, nisi ore obvoluto, non prodeunt. Nec sericas, nec pretiosiores habent vestes. Nobiles ab aliis vestium colore differunt. Septies quandoque in die perluuntur: idcirco, qui diligentiores in eis custodiendis videri cupiunt, ut domi balneum sit, efficiunt. Palpebras nigro colore, ungues, capillosque rubro inficiandi apud ipsas consuetudo est. Domesticis curis non tenentur, sive ne ipsis impedimento sint, quominus tunicas acu pingant, cui rei maxime student, sive ob servorum copiam, quibus id negotii dant. Doti, quum nubunt, viro dicunt, quæ ipsis divortio factò restituitur, ni quæstione habita adulterii damnata sit. Divortii cause sunt, vel quum vir uxorem alere recusat, vel quum ea abuti per vim vult. Hoc judici calceamento detractò, soleaque sursum versa mulier significans, delere nomina ex libro judicem cogit, ubi ea scripserat, quum viro nupserat. Unicuique, quot placuerit, uxores ducere licet. Christianorum connubia petere fas, Judæorum vero nefas putant. Miscere genus, sanguinemque cum ancillis

An. 1664 lis haud ignominiosum ducitur; sed, simul primum filium ex ea suscipiat, libertate donetur, oportet. Hujusmodi filii una cum aliis patri sui hæredes sunt. Vestimentis lauti sunt Turcæ: nam plerique purpura, nonnulli auratis, omnes pretiosis utuntur vestibus. Dum in bello versantur, quo horribiliore aspectu in prælio sint, ferarum pelles studiose conquistæ quidam induunt. Tiaris insignibus cujuscumque coloris, præter viridem, caput ornant: hæc enim facultas unis iis fit, quos ex Mehemete originem ducere arbitrantur. Salutem dant, redduntque, pectori applicata manu, inclinatoque corpore, non aperto capite. Judices, aliosque summos viros ambabus manibus ad pectus admotis salutant. Nihil inurbanus existimant, quam terga ad eum convertere, cui dicere salutem. Itaque abeuntes ora, oculosque ad illum conversos habent. Sinistra apud illos honori ducitur, ut commodius gladium educant. Capillos omnes eradunt, paucis tantummodo paulo supra occiput relictis. Barba omnibus promissa est. Mancipiorum barbam herus abradi jubet, ut cogniti ex fuga retrahi possint. Servos neque arte, neque opulenter habent. In eos verberibus animadvertendi, non interficiendi heri potestas est. Eoque vel gratia, vel pretio manumittunt. In liberos eadem sunt jura Turcis, atque Romanis patronis erant. Domus humiles, parvasque magna ex parte ligno firmatas habent. Primorum vero illæ elegantes sunt, et si etiam lignæ: hoc faciunt, ut eam vitent suspicionem, se cupidine Regni arces instituere velle. Publicæ vero, sacreque ædes pro Turcarum cultu magnificæ. Viæ ut plurimum quadrato lapide stratæ. Qui non dum uxorem duxit, eum in lecto cubare in turpissimis habent rebus. Neque mensis, neque scæmnis utuntur; sed lectos humi stratos dapibus extructos, ac nobiles, humilesque simul cœnantes conspici licet. Unicuique in alienis agris scænum secandi, pomaque comedendi potestas fit. Mercato-ribus, advenisque omnibus ad eos est aditus, nec, qua de causa venerint, interrogantur. Sed de his satis; nunc ad inceptum redeo. Iis initis consiliis, ad Præfectos scribit Acmetes, *Regem initio veris maximo conatu bellum gerere velle, proinde milites ex finitimis regionibus præmio illectos dimittant, ut, quam anni tempore possint, ad exercitum veniant.* At milites ii, utpote Christiani, contra Germanos iniquo animo arma ferebant, adeo ut se non fore Turcarum dictis audientes insequente anno palam dicerent. Quod ubi per Præfectos cognovit Acmetes, de consilii principibus, ut reliquos deterreret, supplicium sumit. Totusque in bellum insistens, naves vestibus, ac omnis generis commeatibus completas Budam mit-

An. 1664

mittit, ne milites alicujus rei agentes novis rebus studere cogerentur. Complures alias naves Belgradum, quæ milites, quos custodiæ causa circum se habere Rex consueverat, ac frumentum transportarent, præmittit. Præterea Præfectis omnibus præcipit, ut animum ad omnia necessaria comparanda intendant, præcipue, quàm maximam possent, pabuli vim contraherent, opportunisque locis horrea constituerent. Delectus item haberi, pecunias ad necessarios usus exigi, tormenta disponi, equos commercari jubet. At interim ne Germani quidem quieti erant, quod nihil remissa Turcarum vim pati intelligebant. Itaque ubique milites conscribere, pabulum, ac frumentum conquirere, conquistum certis locis locare, suos hortari, & ad bellum accendere, ac Pannoniorum animos ab Turcis avertere. Omnibus enim referebant sermonibus, *Templum Deo sacrum Turcas contra, atque sacramento confirmavissent, Neoselii eorum superstitione profanavisse; oppidanos servorum loco habere; nihil earum rerum, quas ex conditionibus deberent, præstare. Ab Turcis Cartusianos Monachos Nitria summis cruciatibus interfectos. Ab Turcis Monasterium, ac Ecclesiam ibi in eam, quod Germanos templo recepissent. Proinde expectate dicebant, dum oppida expugnaverint, dum necessaria in ipsos fides sit. Probfacinas! Quod nec nobis timendum, nec hostibus sperandum erat, hodie conspicamus. Quid gravius accidere vobis. potest, quam ut vestra salutis spes omnis in barbarorum humanitate sit? Quid turpius dici in reliquum tempus valet, quam Pannonios cum Turcis contra Regem, contra religionem, contra Deum consilia iniisse? Ne innati quidem vestri nominis hostes hanc maculam in vobis remanere cupere potuissent, quam vos vobismetipsi iniuritis. Quid est aliud arma non capere, exercitum non cogere, oppida non munire, Germanos vestros conservatores non modo re nulla juvare, verum opportunitate data male habere, quam patriam prodere. Omnia, ut jugum imponant, promittent; haudquaquam, eo imposito, quod polliciti sunt, præstabant. Hæc, & his similia nequicquam jactata, quia tantus erat omnium consensus, ac proprium Regem habendi cupidum, ut, quum homines, quod maxime exoptant, id subito credant, Acmeti evulganti Mehemetem in animo habere, Abbassum Regem ipsis constituere fidem facerent. Et propefectam rem habebant, adeo ut, quum quatuor equitum milium præsidio Michael in Transylvaniam rediret, cuncti obviam ei gratulantes procederent, ac suum excellens studium in eum profiterentur. Quumque pronunciari ille jussisset, ut, quicumque per atatem ferre arma posset, sese expediret, ac protinus signo dato se*

An. 1664 *se sequeretur*, omnes æquo animo id esse facturos vulgo confirma-
 bant, quia ad laborum finem pervenisse existimabant. Nonnul-
 lorum etiam voces exaudiebantur, nunquam incruentos Germa-
 nos Transylvania excessuros. Propterea inter se jusjurandum da-
 bant, & quos poterant, ad idem jusjurandum adigebant. His ut
 occurreretur consiliis, Germanorum consultationes habetæ. Diu
 quid agerent, non constitit. Nam alii oppidanos armis dispoliandos
 censebant, alii strenuos milites, ac ad vigilias multos nunquam be-
 betem timuisse vulgum dicebant. *Quid ergo omnium animos ab se
 alienarent, qui baud dubia servituti se addicendi consilia esse existi-
 mabunt?* At illi, nullam se salutem perspicere pronunciant, nisi
 arma perfidis adimerent. Eorum voluntatum minime rationem habend-
 dam, quum tam iniquo animo in se essent. Negant proinde ab sua
 sententia discedere. Negant pariter alii. Tamen non multo post
 prima sententia obtinuit, propterea quod, qui vulgi timore non
 permovebantur, ii Turcas timere coacti sunt, quum Giofcalius
 Acmetis verbis pronunciari Germanis jussisset, *ut, si in maximas
 miserias proici nollent, tota Transylvania, Pannoniaque quamprimum
 excedant.* His rebus cognitis non dubitat Diepebal Zecheli-
 dis Præfectus, quin, noctu occupatis opportunis oppidi locis, op-
 pidanos ad colloquium appellaret, *ac non nisi coactum se ad hoc de-
 scendisse consilium proponeret, quod tam secundam omnium in Tur-
 cas voluntatem reperiri cognovisset, ut jure sibi præmetuere cog-
 reretur. Se paratum esse ipsos defendere, si ad sanitatem reverti vol-
 lent. Hujus rei testimonium fore, si voluntate arma sibi tradiderint.*
Si cunctentur, se vinum facturum profitetur. Hac oratione perter-
 riti oppidani, ad parendum nullam intulerunt moram. Simili ra-
 tione est ab aliis Præfectis factum. Quod tam graviter Transylva-
 ni, Pannoniique pertulerunt, ut omnes ad Michaelis amicitiam
 accedere exoptarent, ac de Germanis quererentur, quod iniurias
 ad contumelias addentes suæ vitæ durius consulere se cogerent.
*Quid amplius, dicunt, de Germanorum voluntate subdubita-
 tis? Patefacta jam sunt consilia. Abstrahere, quod timebamus,
 omnes in servitutem cupiunt. Ne incepto occurrî possit, omnes ar-
 mis exuerunt. Cur viri esse, cur funestam saltem eis victoriam fa-
 cere nolumus? Cur nos defendere libertatem tædet. Præstat in
 vulgus efferri, nos vinci malle, quam tentare fortunam velle.* Hoc
 in omnium animis ita hæret, ut partim se in libertatem vindicandi
 gratia, partim quod ab factiosis sollicitabantur Rotatio, oranti
 dare noluerint, ut suas copias cum eis, quibus Suchius præe-
 rat, hoc hyemis tempore conjungerent; etsi in expeditionem missas
 ali-

aliquid detrimenti hostibus inferre posse non ignorabant. Eoque temeritatis procedunt, ut ne capitis quidem pœna contineri potuissent, quin Neoselium pabulum, frumentumque ducerent. Hoc alii propter odium in Germanos faciunt, alii quod fidem post avaritiam ducunt. Turcæ enim quum omnium rerum affligerentur inopia, in Pannoniorum perfidia spem habere coacti, ut eos allicerent, non quanti res erant, sed quantitas Pannonii faciebant, numerabant. Hac de causa illo sæpe mittebat equites Nicolaus Serinus, qui ab comprehensio meritis repeterent pœnas. Germani ergo quum consuetudine eo iter haberent, certiores per exploratores facti sunt, Strigonio carrorum magnum numerum non satis valido præsidio Neoselium duci. His rebus cognitis, magno silentio, quo occultior adventus esset, locum antecapere equites maturant. Sic, quum in insidias Turcæ ruisent, pauci fuga ad salutem contendunt, reliqui vel capti, vel interfecti, præda militibus divisa. Hoc ubi Neoselii compertum est, tantus repente luctus excepit, ut sibi diffiderent custodes: nec dubium erat, quin, si Germani exiguis copiis eos premere instituissent, paucorum dierum spatio sine vulnere oppidum recepissent, maxime quod rerum omnium inopia premebantur. At, dum Germanorum Præfecti non unum omnes sentiunt, opportunitas corrupta est. Non immerito idcirco plerique dicebant, plus sibi ipsis Christianos attulisse detrimenti, quam ab hoste accepissent. Hactenus discordia Ducum, nonnullorum invidia, & Pannoniorum mobilitas sollicitam Christianam Rempublicam habuere; in posterum vero etiam Germanorum perfidia maximum omnibus incussit terrorem. Germani, qui Zechelidem oppidum obtinebant, stipendium flagitant; quumque complures transissent menses, & ne spei quidem momentum appareret, incerti aliquorum ne perfidia, qui id fraudarent, an temporum calamitate id eveniret, Deipebalem Præfectum oppido excludunt; ejusque domum diripientes, alium ex suo numero oppido præponunt. Hoc facto, se oppidum ei tradituros confirmant, qui debitam pecuniam sibi solvere paratus esset. In hujus rei spem veniens Abbassus, subito quosdam maxime calidos ad eos mittit, qui suis verbis stipendium dare pollicerentur. Jam major pars non spernendum perfidiæ pretium judicans, Abbasso morem gerere cupiebat. Sed ad finem tum non venit inceptum, quod, dum de aliis conditionibus agebatur, quidam Vienna venit: qui singulos adiens, *omnium Germanorum ora in ipsos esse conversa* demonstrat. *Nollent committere, ut, in quibus unam spem sitam Christiani existimarent, ab iis calamitatem acciperent.*

Ec

pianr.

An.1664 *piant. Orare, obsecrare singulos, ne patriam abiciant virtutem, neu Cæsarem, civesque prodant. Ea semper mansuetudine Cæsarem fuisse, ut, si inceptum omittant, omnia eorum virtuti, & aliis antea fideliter attis concedat. Alia ut ab homine Cæsari studiosissimo pronunciata sunt. Ob ea quum quidam in eam spem venissent, se ab Cæsare veniam impetraturos, ac præmia percepturos, inter se de Cæsaris clementia sensim loquebantur. Horum voluntates ut cognoscebat Præfectus, diversus agitur, utrum inceptum perficeret, an conatu desisteret. Ubi duos dies per dubitationem consumpsit, & divisos milites, divisos oppidanos animadvertit, concilium sibi fidorum convocat. At diu in incerto res fuit: nam etiam hi in duas disceserant partes. Dum in his angustiis eorum res esset, quod, quid ageretur, non constabat. Decurio quidam, qui ad id tempus tacuerat, assurgens, hujuscemodi verba facit. Mirabar quidem prius, Præfectum benigne illorum accipere orationem, qui nefario proditionis nomine ab incepto nos detertere nituntur. Sed quantum miratus sim, quum eam non alienum ab consilio animadverti, impossibile explicatu est, & si commemorari posset, difficile ad fidem esset: quippe qui in hos tanquam in hostes vindicandum esse cognoscam, quod baud dubium est, quin a Cæsaris nuncio pecunia, vel præmiorum spe corrupti nos tanquam pecora trucidandos iratis dare exoptent. Pollicitationibus, & impunitatis spe nos alliciunt, ut in scvissimorum potestatem venientibus non modo nihil eorum, quæ promiserant, præstent, sed etiam ut de omnibus supplicium sumant. Nec enim turpe ducunt fidem fallere, quum hoc maxime faciendum censent, neu ruinam misericordia casura esset. Nec quidquam crudele in nos esse opinantur, quum non ulciscendi gratia, sed ut alios a simili proposito deterreant, saltē conjurationis auctores excruciatos necare omnino necessarium ducunt. Quum ita serēs habeat, quis vestrum ignorat, nobis magis timendum esse, quam aliis, propterea quod nos ad amentiam reliquos impulsisse arbitrantur? Nunquam fundo auditum esse credo, eos, qui novas experiri amicitias constituisent, bonitatis non dedisse pœnas, ubi eorum fidei, ab quibus se averterunt, se permittere voluissent. Quis unquam adeo demens fuit, ut recenti ira accensis sese voluntate commisisset? Aut quis hanc viam ingressus est, quem consilii non pœnituisset? Mibi affirmanti credatis, velim, non aliam rationem iniri ab iis posse, qui dominari injuste volunt, quam supplicii omnes terrere. Reputate quæso cum animis vestris, si quid gravius ab hostibus accidere potuisset, quam ab civibus nobis accidit, quum per eos non stetisse conslet, quominus fame consumpti simus. Quæ suspicio? Quæ causa? Quæ injuria eos contra nos ita accendit, quum beneficia potius*

potius in eos conferimus, belli vim eorum causa sustinendo? Quid igitur certius evenire potest, quam ut omnia perferamus mala, si nostrum meritum ab injuria eos continere non valuit? Considerate, quam profunda sit eorum avaritia, qui negotiis præsunt, & certe promissum stipendium nunquam nobis reddituros esse cognoveritis. Perpendite, quam immanes sint, ut impunitatis pollicitationi confidere non valeatis. Quid enim turpius dici valet, quam tributum, quod milites alendi causa penditur, in privatos usus converti? Satis habent, coquos, musicos, venatores, canes etiam opulenter habere; nobis tantum labores, vigilias, vulnera relinquunt; ne frumentum quidem conferre volunt, ut saltem famem tolerare, & cum morore vitam exigere possimus. Proinde si natura insitum omnibus est, ut quibus rebus possint, mala, cruciatusque vitent, quis ab incepto detinere vos valet? Erratis, si vanus timor, ne prodicionis notam incurratis, apud vos valet? Quis enim unquam repertus est, qui necessariam defensionem prodicionis nomine appellare ausus est? Aut quis improbavit, quod natura omnibus præscribit, ut eadem mensura metirentur alios, qua ii ipsos metiti essent? Deseruit vos Cæsar; quid igitur ipsum deserere dubitatis? Animus certe ferre non potest, ut pro eorum salutem in dubium devocem, qui me parvipendit. Huc oratione cuncti, qui aderant, permoventur, sed ex omnibus maxime Præfectus; in cujus pectus altius, quam quisque crederet, ratio illa descendit, quod ipse ante omnes pœnas esset daturus. Propterea consilium ad cælum ferre; ejus virtute omnes in maximum non venisse periculum confirmare; orare, ut cuncti, de periculo doceantur. Hoc inito consilio, qui aderant, Decurionem omnibus obtestantur precibus, ut rem perficiat, neu militones deserat, sese paratos esse omnia, quæ imperaverit, facere. Equum esse, ut ab eo reliqui discant, quid fraudis ab Cæsare ferretur. Quibus rebus sublatus Decurio, domo egreditur, ac concilii sententiam exponens, cunctos orat, apud Michaelē Abbassum sacramentum dicant. Satis esse causā, cur ejus fidem sequerentur; prorsus alios alio modo incitat. Idem confirmant Præfectus, alique, qui consilii participes erant. Quorum vocibus dubii confirmantur, infidelibus animus crescit. Vix per pauci commodum fidei postponere cupiebant, sed vocem exprimere non audebant. Deinde dum alius cum alio communicat, atque factum, improbat, omnibus idem persuadere conantur. Sed quum apud eos nihil profecissent, ad quadraginta numero sese Zamariam conferunt. Abbassus vestem, ac aureos nummos decem in singulos distribuendos curat. Cujus rei nuncius et si Viennæ terrorem præ-

AN. 1664 buit, tamen quum Cæsar Ratisbonæ esset, ejus Consiliarii nequaquam aliis militum motibus prævertendum existimant. Quod quidem omnino fieri oportebat, quia novum exemplum ingens hortamen aliis fuit ad idem audendum. Nec cogitandam suscipiunt rem, (difficile ad fidem, licet verum) etsi ab militibus, qui Claufemburgi erant, legatus oratum ad eos venisset, *ut sui misererentur. Milites, suis consumptis fortunis; nihil reliqui habere, quo inopiam tolerarent.* Legati verbis permoti, multa pollicentur, ac, uti ea militibus renunciaret, mandant. Eos bona spe complere solum volebant, quasi spe inopiam sustentari posse confiderent. Quæ ubi suis legatus renunciat, ab Præfectis ad gregarios fremitus perferretur, *consulto rem diutius ab administris duci, ut mortem obire necesse haberent.* Igitur inter se conjurantes, eos, quos suo consilio officere posse cognoscebant, ex oppido eiiciunt, & missis ex suo numero ad Abbassum legatis, æquis conditionibus ei oppidum tradunt. Exemplum hæc quingenti Pannonii secuti non sunt, etsi, quod sæpe flagitatum stipendium sibi non reddi videbant, ab officio discedendi, ac castella diripiendi consilium cœperunt. Quo facto ad Vefelinum litteras mittunt, (sub ejus ditione castella erant) *se, quum nihil suppeteret, quo famem tolerarent, ad extremum auxilium descendisse. Ne, quod necessitate moti fecissent, in suam contumeliam verteret, sed potius in reliquum tempus stipendium sibi reddendum curaret, ne ad necessitatem idem audendi subigerentur.* His impunitatem concedere Vefelino visum est. Quæ res cæcos milites in supplicia Præfectorum, qui eos in officio continere studebant, maxime egit: nemo enim apud gregarios plus pecuniæ, quam fidei studium valere ignorat; & si fidem erga Duces servant, id potius suppliciorum metu, quam virtutis amore evenit. Quamobrem, timore remoto, contra eos conjurant, quos suo consilio obstaturos arbitrabantur. Re vera Coppius Zatmaræ Præfectus, dum in capita conjurationis animadvertere parat, ab omnibus circumfistitur: nam, quum omnes in simili versarentur facinore, pro illorum periculo, tanquam pro suo, niti optimum judicabant. Coppius quum unam spem Cæsari operam præstandi in artibus restare animadverteret, eandem sibi, atque ipsis, mentem esse simulat. Qua re adducti milites domum redeundi ei potestatem faciunt. Ille vero subito manu facta cum eis, quos sibi, Cæsarique fidos ducebat, in arcem se confert. Milites etsi ludificatione permoti, atque cupidine stipendii ad ulciscendum ardebant, tamen legatos ad Abbassum deditum urbem mittere noluerunt. Quod miratus Abbassus, legatum ad eos mittit; qui hortaretur,

ut

ut inceptum perficerent, nisi pœnas dare vellent. Præstare novas experiri amicitias, quam in periculum salutem deducere, maxime quod magnis præmiis ipsos esset remuneraturus. Modico assensu hæc audita, adeo ut nullam in partem ab eis significatio fieret, propterea quod Coppius per legatos quotidie eos hortabatur, ne tantum admitterent scelus. Proditores etiam iis invisos esse, ab quibus ad facinus impellantur. Eos proditorem probare, minime vero proditores colere, & observare. His pauca ad spem largitionis addens, ac impunitatem promittens, effecit, ut cogitandam sibi rem existimarent. Vagi ergo, incertique agitabantur: nam animi furore ad scelus rapiebantur, & desperata venia, nihil tutum sibi ducebant, nisi in aliorum potestatem venirent; porro liberos, uxores ejus imperio subjectas, quem prodidissent, pœnas daturas timebant. Vicit ad extremum in avidis ingeniis stipendii numeratio, ac impunitatis spes. Nunc primum Cæsaris administri, velut a somno exciti, malo obviam ire constituunt. Nec dubium erat, quin, si id neglexissent, Abbassus eorum socordia omnia Transylvaniæ oppida recuperaret. Sed ubi Suchium cum mediocribus copiis in Transylvaniam proficisci jusserunt, qui milites in officio permanere cogat, atque Abbassi consilia observet, ii, qui palam de proditione consilia inibant, deterrentur. Quod consilii si primo cœpissent, aut anxii fuissent, ne quid ad usum militibus deesset, nihil omnino earum rerum accidisset. Nam idem Abbassus sive Suchii vires, ac prudentiam timens, sive quod Turcis id consilii esse cognovisset, ut suo nomine ad speciem uterentur, sive quod bellum secundum non cessurum judicaret, sive Germanis, & Turcis acceptum esse non difficile existimavisset, amicitiam cum Cæsare instituere decrevit. Igitur ad eum scribit, se, utpote Christianum, coactum, & invisum Turcarum Regis fidem sequi, ceterum Cæsari studere, adeo ut cum ipso societatem instituere exoptaret, simul primum suos ad idem consilium impulsisset. Nunc vero id dissimulari oportere, ut Turcarum consilia ipse ex se manifesta haberet. Orare proinde, ne cuilibet arcana committeret, quam non desunt, qui pecunia corrupti omnia Acmeti enuncient consilia. Has litteras mittendo, quid sibi Abbassus voluisset, cognoscere, Cæsar non poterat. Nam Consiliarii, quod, si vera ea essent, ad se pertinere facinus intelligebant, in Abbassum invehi; ipsius falsandi gratia mentitum esse confirmare; alii eum mendacio Cæleris voluntatem redimere voluisse dicere; pars eo nequissimum reperiisse demonstrare, ut Cæsar, dum in infidos manifestos habendos incumberet, parum in bellum intenderet animum. Quum igitur

An. 1664 tur alii in aliam rem id verterent, placuit, ut litteræ ad eum mitterentur, *Cæsarem non dictis, sed factis credere. Si Turcis auxilium non ferret, fore ut praterita ipsi condonet.* Abbassus seu litteris permotus, seu Turcas veritus, Acmeti petenti, ut Transylvaniæ oppidis Turcarum præsidia reciperet, *sibi eam non esse facultatem, nisi de omnium sententia,* respondet. *Idque ab Transylvanis petendi alienum sibi tempus videri, quum suspicari possent, Turcas auxilii specie Transylvania omni potiri velle.* Ex his jam aliquid novi ab Abbasso consilii initum Acmetes cognovit, tamen, ut magis, magisque ejus perspectam haberet voluntatem, petit, *ut suas expediret copias, & quum opus esset, eas Buda Præfecto adjungeret.* Hoc quum neque abnuisset, neque pollicitus esset Abbassus, non dubitandum Acmetes existimavit, quin in gratiam cum Germanis rediisset. Ob hanc rem alii adjudicare Principatum constituerat, sed quum postea aliter se rem habere posse cogitaret, in Transylvaniam Præfectum mittit, ut per eum, quid Abbassus gerat, aut quibus cum agat, cognoscens pro re, & tempore consilium caperet. Inter hæc Nicolaus Serinus coactò ex Pannoniis, Croatisque subitario exercitu, quos voluntate non pauci ex Germanis secuti sunt, magnaceleritate in hostium regiones advolat. Ibi omnes inopinantes nactus, nullo negotio pabulum, frumentumque Acmetis jussu comparatum corrumpit, omniaque incendit. Et magno pecorum, hominumque numero potitus, alio itinere, ut ea loca etiam incenderet, milites præda onustos domum reducit. Commodissimum enim in hanc belli rationem insistere ei, visum est, propterea quod, pabuli copia non suppetente, non nisi media æstate in unum locum contrahere exercitum Turcæ possent. Hæc res Constantinopolim nunciata tantum terrorem Turcis fecit, ut Serinum adventare arbitrati ex urbe egredi non auderent. At ex omnibus Mehemetes Rex permovetur, quod privato homini potentissimum ex omnibus Regem injuriis lacessenti seræ venirent pœnæ. Eum ad internecionem persequi exoptans, negotium Acmeti dat, ut omnia paret, quo certius initio veris contra arrogantissimum hominem consilio locus esset. Jam Acmetes ad bellum necessaria parabat, quum, ut suos confirmaret, optimum esse existimavit ad Præfectos oppidorum Croatiæ finitimorum scribere, *darent operam, ne quid detrimenti reliquo hyemis tempore accipiantur. Se, inito vere, ingentem exercitum in ejus perniciem dukturum.* Fuerunt non ingrati hæc Præfectis litteræ, utpote qui, cruciatus quum vererentur, quod Serini incepto non occurrissent, se ab metu liberos videbant. Hæc posteaquam per captivos co-

gno-

gnovit Serinus, documentum eis dare exoptans, quid ipse virtute posset, Olachium adit, atque docet, *quantum usum haberet ad hostium audaciam infringendam ipsius copias sibi adungere. Nihil esse negotii, hoc tempore capto, oppida expugnare, ac eam ferre gloriam, quam alio tempore magno cum periculo suam facere difficile esset.* Ubi Olachium non abnuere vidit, suos hortatur, ne laborem suscipere gravarentur, cujus sine contentione fructum essent percipienturi. Qui quum nunquam ejus inceptum frustra futurum persuasum sibi haberent, *nullum periculum pro ipsius gloria se recusare profitentur.* Postridie ergo cum hominum millibus quindecim Serinus Berzenetum pervenit. Castellum parum opere, parum natura munitum non circumvallatione, sed corona oppugnare instituit. Jam prope erat, ut per vim intrarent milites, quum Castellani, missis legatis, ut vitam paciscerentur, obtinuerunt. Sic uno die castellum receptum, direptum. Scythæ, qui ibi in præsidio erat, cæsus. Postridie secundum Traghum flumen iter agens Serinus, complura castella ad flumen posita sine contentione cæpit. Hæ, quæ successerunt, res ita ejus acuere cupidinem, ut asperrima aggredi vellet. Itaque secum volventi majorem ex expeditione percipere fructum non posse occurrit, quam castella omnia, quæ circa essent, recipere, & præsidio tenere; ut milites, qui Canisiam custodirent, ab aliis interclusos deditionem subire cogeret. Huic sententiæ unum repugnabat, quod timebat, ne, ut facile castella caperet, ita ea amitteret, si, quum domum reduxisset exercitum, eo Turcæ cum mediocribus copiis venirent. Huic rei occurrere paratus, munita oppida etiam expugnare constituit, quæ castellis præsidio essent. Item aliam inivit rationem, qua nihil, se absente, præsidia Turcarum vim extimerent. Est pons in Dravo flumine, qui in longitudinem amplius passuum millia septem patet, quia non procul ab Essexia (ab quo castello ponti nomen inditum est) Draus in duas diffluens partes, ubi in Danubium, influit, insulam effecit. Quæ quum propter paludestransiri, nisi ponte, posset, eo interrupto, aditus ad ea loca auxilii ferendi gratia Turcis non esse cognoscebat. Ob ea negotium omnino perficere decernit, etsi utramque pontis partem firmissimo præsidio, & omni munitionum genere firmatam esse eum non fugiebat. Hoc inito consilio, Sigetum versus exercitum prius ducere parabat, quum milites ab eo omnibus precibus petunt, *ut Peetium opulentissimum castellum, forum rerum venialium earum regionum celeberrimum, prius occupare vellet. Si ea præda posiri se sineret, omnia postea facere paratos fore.* Hoc eo facilius petentibus concessit Serinus, quom-

mi-

An. 1664 minori contentione parum munitionibus firmum castellum receptum confidebat. Factum est ergo sive militum studio, & virtute, sive castellanorum ignavia, qui fortunarum defendendarum cupiditate cæci plus æquo munitionibus fidebant, ut primo impetu in castellum irrumperent Croati, deinde omnes sequerentur. Iratus miles non infantibus, non mulieribus parcat; domos diripit, direptasque incendit. Quorum casu admoniti alii, qui proxima loca incolebant, legatos mittunt, qui in autoritate Serini se esse pollicerentur. Quibus omnibus incolumitatem concedit Serinus, sive quia eos turpe violare ducebat, qui fidem suam imploravissent, sive quod magnum usum habere ad Turcarum opinionem arbitrabatur, eos conservare, ac reliquos docere aliorum casum cum horum fortuna conferre, ut minori contentione reliqua conficeret. Breslenitii ergo, & Boconitiæ milites præsidii causa relinquens, eis, ut omnes ab injuria prohiberent, imperavit. Hæc quum ita essent, tamen complures in Serini mansuetudine spem ponere noluerunt. Qui pertinaciæ pœnas dederunt, dum Basilvam, Turbechiumque castella delevit. Hæc ubi facta sunt, ac Sigetum perventum est, in oppidum Præfectum Serinus mittit, qui vel periculi denunciatione, vel promissis ad deditionem oppidanos impelleret. Oppidani suis fortunis consulere non abnuere; Præfectus, militesque tantum dedecus admittere nolle. Oppidum & natura loci propter paludes, & manu munitissimum, atque Solimani celeberrimi Turcarum Regis morte nobilitatum summa cum laude recepturum exiguis copiis Serinus sperabat. Tamen ubi rem diutius duci intelligit, Olachium cum exercitus parte ibi relinquit, ipse cum reliquis copiis Quinque Ecclesias petit. Quo ubi pervenit, Turcæ suburbia deferunt. Quæ ut statim occupaverunt sui, insecundum omen accipiens id Serinus, minime moratur, quominus quatuor ex partibus aggredi muros appararet. At eventus animi magnitudini non respondit; quoniam Turcæ munitionibus confisi eos repellere valuerunt. Quare animo non se demittit Serinus, sed tormenta in muri perniciem disponi jubet. Quæ ubi profecisse vidit, satis jam factum ad Turcas perterrendum existimans, legatum ad oppidi Præfectum mittit, qui præmiorum spe eum corrumperet, vel, si id minus posset, periculi timore iterum oppidanos ad se dedendos impelleret. Præfecto promissis se captum simulanti Serinus ita fidem præstat, ut, patentibus portis, ducentos in oppidum intromitteret. At ubi pars jam intraverat, extemplo ex omnibus partibus armatum præsidium in imprudentes advolat; portasque claudit, ac sexaginta ab aliis seclusos ad unum interficit; in his

in his Comitem Franciscum Erbestinium. Reliqui tormentis, ac contumeliosis vocibus repulsi, ira pleni ad Serinum se conferunt. Qui cognita fraude confestim milites oratione accendit. *Quid expectarent, dicebat, quin doli pœnas a barbaris repeterent? Proditorum morte omnino per fidem circumventis commilitonibus parandum esse, si viri videri velint. Non esse dubium, quin si minimum virtute possint, qui dolis vincere nitantur. Quid igitur timeant periclitari fortunam, ubi haud dubia victoria sit?* Hæc vix præ clamore ulcisci exoptantium audita sunt, ac tantum fuit in militibus studium, ut uno, eodemque tempore se expedirent, arma fumerent, mœnibus appropinquarent, ac in muros evaderent. Exulcerati ignominia ubi urbem ingressi sunt, obvios sive repugnantes, sive arma abiicientes, pueros, mulieresque promiscue interficiunt. Oppidanorum pauci, militum vero magna pars, quia in arcem concedunt, ex periculo se eripuerunt. Hoc sine contentione successit, quod negligentia apud eos orta erat, qui Serinum, militesque ludificatione permotos, ac difficultate oppugnationis aduectos infecta re abituros confidebant. Re vera, si eandem adhibuissent diligentiam, quam postea in defendenda arce adhibuerunt, idem subsequutus esset eventus. Nam quum durare propter anni tempus in castris Serinus non posset, postquam triduum diripiendo, atque incendendo oppido dedit, ut pontem interfecinderet, Dardam proficiscitur. Dum loco appropinquavit, Segeri Forгато cohortis Præfecto bina Germanorum equitum, ac Croatorum millia tria attribuit, ut propugnaculum, quod ad defendendam eam pontis partem Turcæ instituerant, tentaret. Ibi erant præsidii causa ex omnibus lecta peditum sena millia, quia, quum Acmetes in tam opportuno loco retinendo earum regionum salutem constare intelligeret, validissimo præsidio rei prospexerat, adeo ut ex sententia res cessisset, si suum officium præstare præsidium voluisset. Nam quum primo, pluribus interfectis, Forgatum rejecissent, tamen, ubi equitum millia bina subsidio ab Serino defessis missa cognoverunt, tantum dedecus admittere non dubitarunt, ut in fuga subsidium omne ponerent: quæ in majus discrimen, ut solet, ipsos adduxit. Ad mille enim, & quingenti conciderunt. Occupato propugnaculo, Serinus reliquam exercitus partem ducit, atque nulla interposita mora, igne, ferro, & quibus aliis rebus potest, pontem interrumpit. Sic longissimi temporis labor puncto temporis interiiit. Hoc simulatque factum est, magnis itineribus ad Sigetum contendit. Ibi tum suis, tum Turcis rem nullam ad virtutem defuisse reperit; & quum Olachius omnia expertus esset, tamen semper fru-

An. 1664

stra ejus conatus fuere. Quod ubi cognoscit Serinus, milites hortatur, ut, quoniam asperiora confecissent, receptæ urbis gloriam suam facere niterentur. Nihil esse, quod virtute, & perseverantia non superetur. Omnia plana alacribus fore. Dandum operam, ne, quod laboribus pepercissent, opportunitatem corrupisse dici possent. His dictis conclamant omnes, sese pro Ducis sui gloria nullam recusare periculum paratos esse. Sperare se ejus consilio consequi rem posse. Quorum perspecta alacritate, Serinus extrema tentare, statuit. Sed quia oppido præerat vir non magis belli peritus, quam diligens, & Regi suo fidelis, qui præsidium ad virtutem arrepperat, Serini conatui locus non fuit. Conatus est Serinus iterum muros aggredi, sed rem sæpius frustra tentatam dimittere tandem decrevit, quia durissimo hyemis tempore optime de se meritos milites conficere pudebat. In itinere parum absuit, quin ab contentione ad contumelias Serinus, Olachiusque descenderent; quoniam, ut Olachius egretulerat, Serinum, ubi Sigetum redierat, dixisse rem prospere cessuram, ubi ipse suis adesset, nunc quod Serino quoque vano incepto discedere oportuisset, fraude factum demonstrat, ut ipse facillimas res aggredere, magna contentione negotia sibi daret, ne gloria particeps esset. Negat Serinus, & facillimum sibi fuisse Sigetum expugnare dicit, si ibi remansisset. Multa utrinque dicta sunt, & quamquam ultra verba non processere, tamen, altero alteri invidente, reipublicæ detrimentum, ut necesse erat, irrogatum postea est. At Serinus simul primum domum rediit, suum familiarem ad Cæsarem mittit, qui doceret sua fortiter acta; quæ etsi erant per se magna, latius tamen, inflatusque literis, nunciisque concelebrabat. In Serino enim quamquam multæ bonæ artes, in iis animi magnitudo, & audacia magis, quam militiæ peritia erat, tamen, lingua, an manu promptior esset, parum constabat: eo pro invidia lenienda majorem sibi constabat: quod quidem & sibi periculofum, & communi bono detrimentofum fuit, quia privata gratia res magnæ utilitatis impeditæ. Cæsari ubi omnia nunciata sunt, magnam in spem venit Canisæ recipiendæ, maxime quod Serinus ad omnium rerum inopiam adductum præsidium, ac munitiones paucis ante annis incendio delatas non adhuc refectionas esse docebat. Huc accedente, quod paludes, quæ alio tempore magnum habent ad defensionem momentum, hyeme glaciata aditum ad oppidum darent, pro effecto negotium omnes habebant. Canisæ vero Præfectum pollicitationibus permotum Serino locum introeundi se daturum pollicitum, esse, omne expellebat dubium. Quibus rebus adductus Cæsar, ad con-

concilium Gratii habendum rem defert. Eo Serinus veniens, & ea, quæ Cæsari exponenda curaverat, commemorans, ut de concilii sententia rem suscipere, effecit. Mehemetes Rex, Acmetesque, cognitis rebus a Serino actis, qui antea magnopere in ipsum accensierant, quod populationibus semper suis terrorem intulisset, quod propugnaculum ad Muram flumen excitare ausus esset, incredibile memoratu est, quantum hac re permoverentur, quum subito Ducem depocerent, qui illico, coactis copiis, contra eum contenderet. Hominem vero tam temerarium reperire non valuerunt, quod quisque eam rem in se recipere recusabat, quam non processuram sciebat, maxime hyemis tempore, quo præter frigus, rerum quoque omnium inopiam milites laturi essent. Spe igitur amissa quamprimum rei per vim obtinendæ, consilium cœperunt ad artes recurrere: & magna præmia tribuere iis polliciti sunt, qui vel vivum, vel necatum Serinum sibi traderent. Quibus illectus ex Pannoniis quidam, insidias Serino tendit. Qui, patefactis consiliis, meritas persolvit pœnas. At Serinus anxius erat, ne hyeme transacta negotii perficiendi facultatem amitteret; proinde Ratisbonam ad Cæsarem proficisci constituit. Coram enim ei persuasurum sperabat, magnum habere usum ad Turcas populationibus prohibendos hyeme Canisia potiri. Ne vero temere rem incognitam pronunciaret, prius loca sibi exploranda decernit. Modico igitur paucorum Præfectorum præsidio eo contendit; & cupidine cuncta perspicendi captus, incautus ita oppido appropinquat, ut vix prius fuga, deinde quorundam Croatorum auxilio, qui sive casu, sive Dei consilio eo venerant, se ex Turcarum manibus eripiendi facultas fuisset. Sed ne hoc quidem periculo animo permoveretur: nam mutatis ad celeritatem jumentis, Ratisbonam veniens, ab Cæsare petit, ne diu prolatandæ occasionem Canisia Turcis adimenda e manibus dimitteret. Si, ante quam hyems præcipitaret, res susciperetur, duabus de causis rem successuram sperare, quod glacies iter ad oppidum expedire posses, quodque citissime, ut res postularet, auxilia convenire non possent. Si Canisia Germanorum fuit, præter parem dolorem, quem Turcis redderet, nullo negotio conciliari ea conditione pacem posse, ut quisque occupatum obtineret. Re ita se habente, clariorem ipsum inter Christianos futurum, quod in tanta rerum iniquitate aquam fecisses pacem, quam inter Turcas Acmetem. Hæc ita in Cæsaris animo hædere, ut quamvis in concilio Montecucculus, Strotiusque rem non suscipiendam censuissent, quod, quum inopia æriarii urgeantur, nullo consilio in re, quæ procedere non posset, pericuniam

An. 1664 cuniam essent erogaturi; tamen siue quia plus æquo Serini pollicitationibus fidebat, siue quia, ut natura fit, gloriæ studium, & proficiendi cupido ex difficillimis facillimas res redegerant, contra aliorum opinionem rem suscipiendam existimat. Hac de causa unicuique certas partes ad negotium conficiendum attribuit, & quibusdam negotium dat, ut, quæ usui ad id essent, compararent. Qui viginti bellica tormenta in propugnaculum ducenda curavisse contenti, reliqua, incertum pecuniæ, aliarumque rerum inopia, an privata gratia, intermittunt, usque eo, ut, quum ver appropinquaret, magis Turcæ ad defensionem, quam Germani ad oppugnationem se comparavissent. Acmetes enim apparatibus quoque, non Serini tantum vocibus pernitotus, & Canisæ Præfectum, quia in suspicionem venerat, interficiendum curaverat, & Hassanem, cujus fidem, & usum militaris peritiam probabat, oppido præfecerat, & alia maiore, quam potuerat, contentione paraverat, ne, adversæ rei culpa in suam imperitiam, collata, mors sibi oppetenda esset. Ex his cognoscere licet, quantum usum in bello habeat, consilia, rationesque hostium manifesta habere: nam Acmetes ut magis, magisque rei occurreret, majori, quam unquam ante, diligentia contrahere in unum locum exercitum maturat, & pontem in Dravo flumine a Serino incensum reficere instituit. Sic facilius obsessis subsidio venire posse confidebat. Sed industria neque naturam, quia reficere pontem non exigui temporis opus erat, neque Turcarum morem vinci posse conspiciens, quod ante tempus in castra contendere volebant, commodissimum esse statuit, spe pacis detinere Germanos, donec, coactio exercitu, in aperto virium certamine spem haberet. Jam enim, extinctis rumoribus de fœdere inter Christianos Reges iecto, bellum trahere cupiebat. Quo inito consilio, Reningherium ad se vocat, atque monet, ut Cæsarem de concilianda pace iterum hortaretur, quandoquidem sua opera factum esset, ut Rex potius æquas conditiones dare, quam belli fortunæ confidere paratus esset. Sperare sibi ab Cæsare pro tanto beneficio gratiam relatum iri, quam ex maximo periculo, in quod baud dubie venturus fuisset, eum eriperet. Eadem fere fuit litterarum sententia, quas ad Lubcovitium misit. Reningherius verbò non minus necessarium putavit de Acmetis mandatis, quam de ludificatione Cæsarem certiores facere; quoniam id eo pertinere animadverterat, ut, ab Germanis mora interposita, exercitum contraheret, priusquam Canisiam contenderent. His, & Acmetis litteris in concilio recitatis, prope omnes ne aures quidem vasserimo homini, ab quo paulo ante

fuit.

fuiſſent decepti, præbendas cenſuere; immo, quod pacem petendo Turca magnopere Caniſiæ timere demonſtraviſſet, nequaquam tantam occaſionem e manibus dimittendam. Hæc ſententia ab Cæſare quoque probatur, poſteaquam de hoſtium poſtulatibus cognovit. Hæc ratione res ita Acmeti ſucceſſit, ut, quod animo propoſuerat, non arte conſequeretur, ſed ſive indiligentia, ſive quorundam perfidia, qui opportuno tempore, quæ uſui ad oppugnationem ſunt, parare neglexerant. Hoc quidem Chriſtianæ rei maxime detrimentoſum fuit, quod pecunia, qua anguſte utebantur, fruſtra profuſa, & milites inani labore conſumpti. Jam Serinus, quia initio veris paludes glaciæ non erant, &, patefactis conſiliis, Caniſiæ Præſectus promiſſorum pœnas dederat, ſuam gloriam in dubium non eſſe devocaturum diſtitabat. At Cæſar ex timoris confeſſione, quam pacem petendo Acmetes expreſſerat, conjecturam capiens rem feliciter ceſſuram, *ne animo ſe demitteret*, eum hortatur. Huc accedebat, quod, quum maxime Viennæ, Germaniæque timeret, magnum uſum habere judicabat, Caniſiam expugnare, ut Turcæ in id recuperandum oppidum inſiſtentes alias corrumpereſt opportunitates. Serinus igitur Cæſari ſemper præſtare operam paratus, dum milites in unum locum contrahebantur, cum hominum millibus quinque loca omnia circa Caniſiam adit, quum ut præſidia ex arcibus, caſtellisque hyeme occupatis deduceret, (in diſcrimen enim ea venire poſſe intelligebat, quando reſecto ponte copiæ, quas expeditas citra flumen in armis Iſmael habebat, flumen tranſirent) tum ut omnia incenderet, non caſtellani juvare aliqua re Turcas poſſent. Quod quidem negotium tanta alacritate ſuſcepit, ac felicitate conſecit, ut maximum ſui faceret terrorem, uſque eo, ut agreſtes nihil citra Caniſiam tutum arbitrati eo ſe recipere conarentur. At ubi, clauſis portis, ingredi prohibebantur, ne inutiles bello deſenſorum inopiam onerarent, incertis itineribus fuga ad ſalutem contendere ſtudebant; qui ſere omnes in Serini manus incidebant. Accidit etiam res tum parva dictu, quæ, quum magna ſpe Serinum compleviſſet, prodenda memoriæ videtur. Quum, conſecto negotio, domum repeteret Serinus, nunciatur ei, carrorum vim maximam Sigeto Caniſiam duci. Serinus omnia interceptere cupiens, quingentos equites eo mittit. Turcæ, qui cum carris veniebant, erant numero centum. Qui ubi procul Germanos ad ſe venire conſpexerunt, fuga ſalutem petere conſtituunt. Germani poſteaquam præda potiti ſunt, citatis equis fugientes conſequantur. Ita paucos velocitas pedum tutatur. Captivi ergo ſigillatim, quæ cognoviſſet.

An. 1664 vissent, pronunciare iussi *anguste utire frumentaria milites, qui Canisiam praesidio sint, dicunt, usque eo, ut vix viginti dierum frumentum suppeteret.* Qua re lætus Serinus domum pervenire maturat, ut de iis Cæsarem certiore faceret, & *ne diutius remdureret, oraret.* Cæsar itaque, ne spes corrumpetur, si, nemine iter prohibente, Turcæ frumentum in oppidum conferrent, Strotio imperat, ut confestim suas copias Serino conjungeret. Item ad Buduanum, nonnullosque ex Pannoniorum primoribus scribit, *cogerent, quas possent, copias, & ad Serinum quamprimum Canisiam contenderent.* Dicto prius paruit Buduanus: qui Nicolai Serini iussu prope Canisiam veniens, itinera omnia obiedit, ut singularem etiam hominem ingressu, egressuque prohiberet. Paulo post idem facit cum suis copiis Serinus. Qui postridie ejus diei Gratium se contulit, ut cum Strotio consilia communicaret. Strotius ibi remanserat, etsi milites, quibus ipse præerat, una cum copiis, quas fœderati contulerant, Canisiam venerant. Gratii igitur consultationibus habitis, omnes Serinum, Strotiumque hortati sunt, *ne dies prolatarent. Magis occasionis, quam contentionis rem esse. Facile occasionem amitti, difficile ea amissa rem obtineri.* Idcirco subito conandam, *ne Æmeti obsessis opem ferendi spatium detur.* In eandem sententiam loquitur Comes Colonnischius, qui principem locum in concilio obtinebat; solum, addit, *maxima fore in Croatiam, Stiriamque ipsorum merita, si illud expugnarent oppidum, unde sæpius Turcæ populatum eas regiones venire consuevant.* His rebus non parum permovetur Strotius, etsi antea eam rem non aggrediendā censuerat. Serinus jam, velut explorata victoria, non vulgare peperisse sibi decus arbitratur. Propterea magis ei molestum fuit, quod fœderatorum copiarū alius dicto, quam Olachii, audientes esse posse negaverunt. Nam, quum post tot, tantæque dilationes illuxisse diem lætatus esset, quotantiæ gloriæ fieri compotem posse confidebat. ea interposita causa, non solum non laturum ex labore fructum, sed ante partam gloriam, amissurum timebat. Ad Cæsarem ergo scribit, *non constare sibi, utram nonnullos, qui dies extraxissent, an fortanā queri deberet, quæ velut constantior usque adhuc visa, quam humanarum vicissitudines rerum soleant, hanc rerum commutationem efficere velit, ut tot periculis partum decus aliorum culpa amitteret.* Proferri, se expugnationem hyemis tempore suavisse, dum glacies, & necessitudo, quæ ipsi cum Canisiam Prasæcto intercedebat, præterea proximi subjidii difficultas in certam victoriæ spem rei militaris non imperitos erigere faciebant: nunc vero contra non suadere, quum spes illa superes-

perisset, ad summam rerum necessariorum inopiam adductos mensum tolerare non valere, quo spatio auxilium eis ferre Acmetem non posse constet. Orare, ut vel oppugnationis consilium dimitti jubeat, vel severius eos castiget, quos moram non necessariam interponere competerit: præterea Olacium ad exercitum venire juberet, quum sine illo profici nihil posset militum causa, qui solum ei se parituros professus. Litteris permotus Cæsar, Olachio mandat, ut ne horæ quidem mora illata ad Canisiam proficiscatur. Qui nihil sibi ad celeritatem reliqui faciens, Gratium pervenit. Ibi exiguum moratus temporis, ut de rebus, quæ ad oppugnationem pertinerent, consultaret, subito ad exercitum contendit. Ubi pervenit, ut tormenta, resque omnes erant paratæ, non modo amplius non terendum tempus Duces statuunt, sed etiam, quoad fieri posset, tantam præstandam alacritatem, ut parvo temporis spatio cæperant, quæ longo tempore antea vix confecerant. At Turcis non minus animi erat: nam excitati ab Hassane, qui & usum in re militari habebat maximum, & alacri, fortique animo erat, pluribus portis eruptionem facere constituerunt, atque, ubi minus firma militum pars eis videbatur, eo contenderunt, ut in fugam conjectos interficerent. At dum illi, in quos irruperant, impetum fortiter sustinent, & cominus gladiis rem gerunt, Strotius, qui proximum obtinebat præsidiorum locum, quanto in periculo res esset cognoscens, plures equitum turmas laborantibus submittit. Quæ quidem res maxime fuit opportuna. Nam simul venientium signa conspexerunt Pannonii, non modo firmanantur, verum magna etiam alacritate se in Turcas incitant: quos pedes referentes confestantur Germani, donec, quum proprius oppidum esset ventum, acrius instantes tormentis obsessi propulerunt. Sic multis illatis, acceptisque vulneribus, Turcæ in oppidum, Germani in castra se conferunt. Fama tamen adversi prælii in Turcas vertit, quod, quum fuissent primo omnium judicio superiores, ad quadraginta amissis, prope præcipites se fuge mandassent. Sic conjecturam capiens Serinus, suos plurimum, hostes minimum virtute posse, statim oppidum recepturum sperabat. Hoc rerum statu concilio habito, ut illico opera contra oppidum perducerentur, inter Duces convenit. Utque procedere citius res posset, inter se opus partiuntur, ac militum partem in opere versari, partem in armis esse jubent, ut operi destinatos defenderent. Hac ratione ad æmulationem re deducta, brevi opera ita processere, ut milites & suburbium adoriri auderent, & occupare posse sperarent, etsi munitionibus, ac obsessorum eruptionibus, & loci natura fiebat,

An. 1664

bat, ut magnæ contentionis res esset. Nam, quum quinquaginta passus in latitudinem fossa inter oppidum, ac suburbium ab ea parte pateret, quæ ad occasum spectat, pons in ea est, qui facultatem subsidii ferendi præbebat. Suburbium item alia nimis lata fossa munebatur, in cujus interiore labro firmos arborum truncos in plures partes secatos ordinatim defixerant. Hi quatuor cubitos a terra eminentes inferius, superiusque revinciebantur, ne facile prosterni possent. Hæ manu factæ munitiones licet magnam Germanis asferrent difficultatem, tamen longe maximam paludes asferebant, quæ, ne mœnibus, nisi diutino labore, appropinquarent, efficiebant. At Duces, militesque virtute, & patientia majora superare confidentes, turrim ligneam prope oppidum ab ea parte, quæ ad orientem solem vergit, adoriri constituunt. Olsthius Cohortis Præfectus ante omnes, tormentis prolatis, quingentis hominibus propius eam venit. Serinus bina hominum millia pro castris collocat, ut subsidii spe Olsthius confirmatus fortio rem animum gereret. At Turcæ continenter horis quinque tantam virtutem præstiterunt, ut aditus Olsthio ad eam non fuisset, ni Strotius alia ex parte cum mille & quingentis in eos se incitavisset. Tum, munitionibus igne injecto, paulatim Turcæ se recipiunt. Quod ubi est ab Germanis animadversum, subito in eos omnibus ex partibus provolant. Turcæ inopinata re percussi, quum consilii habendi tempus deesset, ac sibi fugientibus nihil tutum, & recenti victoria elatis nihil impeditum esse arbitrantur, suburbium incendunt. Optimum enim ipsis visum est, locum delere, quem receptaculo hostibus esse posse judicabant, si fugientibus mixti intrarent. Facto forte Hassan intervenit; qui certior factus de Strotii adventu, recentes suis defatigatis subsidio ducebat. At suos perterritos certio rem capessisse fugam videns, quia ejus victoriæ favore oppidum etiam occupaturos Germanos timuit, summa ope remedium tanto malo reperire enititur. Igitur pavidos primo increpans, deinde fugientes signiferos interficiens, & omnes eandem daturos pœnam pronuncians, nisi e vestigio adversi hostibus existerent, fugam comprimit. Ubi ergo prælium restitutum vidit, precibus, præmiorumque spe militem ad virtutem accendere studet. Sic prælium minori detrimento diremptum est. Postridie tamen timens, ne suorum ignavia Germani oppidum occuparent, omnes orat, *ne Memmetis Regis sui, suam, omniumque opinionem fallerent, sed priuslinæ virtutis memores acceptum incommodum sarcire vellent*. Quibus vocibus permotis tantum accessit infamiæ delendæ studium, ut potius locum, quem cœpissent, mortuos corpore tegere, quam inco-

incolumitatis spe eum relinquere constituerent. Hoc ita comprobare, ut, quum continenter diebus tribus (res incredibilis) pugnatum utrinque magna pertinacia esset, nemo alium pugnae finem sibi proposuerit, quam victoriam. Turcæ enim abditæ in quibusdam ligneis casis, ac luto contextis, quas ad omnes casus Hassan excitaverat, ne vulneribus quidem affecti loco excedere exoptabant. Tantaque obstinatio vix ab Hassane vinci potuit; qui, quum ad extremum casum rem perductam videret, ne inutili contentione suos conficeret, receptui cani jubet. Major pars, ut fugæ ignominia aboleretur, dimittere locum abnuic, ita ut, nisi morte eorum, qui nominatim appellati imperium contempserant, reliqui Ducis dicto audientes esse didicissent, ad unum omnes concidissent, ubi paulo post Germani potiti loco essent. Discedentes casis ignem inferunt, quæ, ut erant lignæ, ita conflagrarunt, ut duorum dierum spatio Strotio milites eo mittendi facultas non fuerit. Itaque Hassanem, quum non magis militum ignavia, quam temeritate accipi detrimentum posse intelligeret, apud pugnae cupidos concionatum fuisse ferunt, eosque docuisse, *semper cavendum esse, ne quid sit nimium, neu quidquam tempore non opportuno audeant. Saepe plus occasione, quam audacia profectum esse. Et experientia, esse comperitum, sicut erravisse eos, qui illius reirationem non habuissent, ita magnam sibi peperisse gloriam, qui, quum maxime opus fuisset, contentionem præstitissent. Ex eo perspici posse, quemadmodum res cedere potuisset, quum eos timor inceffisset, quando audacia opus erat, atque tum virtute timoris suspicionem vitare exoptavissent, quando cedere tempori oportebat. Proinde quantopere constantiam laudibus ferendam esse, quando ad ultimum supplicium progredi non dubitarent, tantopere amentiam incusandam, quum de rerum summa suum, non Praefecti judicium facerent. Se æque in suis alacritatem, constantiamque, ac continentiam, prudentiamque desiderare. Hæc dicta tantum apud milites valuerunt, ut omnia omnino, quæ postea Hassan imperavit, facere non dubitarent. Quæ fuit causa, quare Germanorum conatui postea locus non esset. Læti tamen eventu Germani, ut quam citissime victoria potirentur, aquam ex paludibus derivare conati sunt. Sed quum plures nequicquam consumpissent dies, & rem vel impossibilem, vel difficillimam suscepisse animadvertissent, consilium deponunt, & cratium, tabularumque vim parant. Sed quum id quoque maximi laboris esse cognoscerent, eos omnibus precibus detestantur, qui rem distraxerant; quoniam, si nondum hyeme confecta rem suscepissent, tantum insudare laborem non oporteret. Interim Olachius aliam turrim ligneam eadem*

AN. 1664 ratione, atque aliam, institutam occupat. Quibus rebus perfectis, subito contra oppidum, quod, quum maxime muicium, & parum in circuitu esset, arcis obtinet locum, aggerem jacere, atque reliquum consilii explere Duces statuunt. At rerum omnium inopia, quæ ad oppugnationem opus erant, impediti angustæ, re frumentaria quoque utebantur. Omnia tamen hæc patienter ferebant, adeo ut, ubi tabularum, atque cratium numerus comportari cæptus est, paludes omnibus ex partibus perrumpere instituerent. Magnum vero detrimentum ab obsessis Germanis inferbatur, quum muris tecti tormentis sine periculo apertos propellerent. At ubi Serinus ad levam, Strotius ad dextram contra urbem, Olachius contra vetus oppidum opera perduxerunt, ut prospectus in eos non erat, ne repentinos quidem obsessorum impetus extimebant. Solum, quia controversia inter Duces orta erat, quod oppidi quamprimum recipiendi spes non esset, ut Cæsar imperaverat, quæ ex diffensionibus oriri solent mala, timebantur. Litteræ vero Cæsaris ad Serinum redditæ concordiam omnibus restituere. Nam, quum Cæsar mandasset, ut victoriæ primo partem fructum, negotium conficiendo, perciperent, nemo Serino resistere audebat, ne & Cæsari resistere videretur. Sub idem tempus res quoque accidit, quæ, ut non Serini modo, sed reliquorum spem auxit, fuit causa, quare libenter durare spatium temporis in castris non abnuerent. Ex pluribus, qui ab Acmete ad Hassanem missi erant, unus per medias Pannoniorum stationes noctis, ac paludum beneficio transiens, Hassanem, militesque hortatur, *ne labori succumberent, quum parum absit ab eo, quin Acmetes obsidione eximendi causa veniat*. Hæc ubi intellexit Hassan, timens, ne subire deditionem cogeretur propter frumenti inopiam, si Acmetes cito cum exercitu non veniret, optimum esse judicavit eundem cum litteris ad Acmetem mittere. In litteris scribit, *se, quod exigue quindecim dierum frumentum suppeterat, diutius tolerare non posse*. Nuncius etsi regionum peritissimus erat, & per occultos tramites ibat, Croatorum tamen manus effugere non potuit. Ex eo Serinus cognoscens, quindecim dierum spatio sine vulnere oppidum recipere posse, conatum remittit omnem. Solum aggerem eo consilio excitandum curat, ut ex loco superiore tormentis obsessis nocens facilius eos ad deditionem impelleret. Sed quia indiligentia eorum, qui iis negotiis præerant, pulvis tormentarius deficiebat, sicuti Serinus consilio uti non potuit, adæque Strotius partem earum turrium, quæ erant contra locum, quem obtinebat, evertere nequivit, etsi procumbere cœperant. Ob eandem sulphurei pul-

ve-

veris inopiam Olachio aggerem ab obsessis institutum excindendi facultas non fuit . Tamen non magnopere tanta sive indiligentia , sive perfidia perturbantur ; quoniam magis se efferrī posse sperabant , quum & perfidos , avidosque cives , & fortes , alacresque hostes simul vicissent . Sed Hassan , quum tam brevi non esse subsidia conventura præsenteret , parce frumentum metiri instituit , ut , quoad Acmetes veniret , tolerare posset . Utque æquo animo id ferrent milites , in concionem ascendens ita locutus fuisse fertur .

Multa me , ut hæc verba faciam , hortantur , sed , ut alia omittam , quum certior spes me teneat a vobis impetrandi , quod posco , summæ dementiæ esset . si de imminente periculo vos non docerem . Jam non dubito , eos parvo labore omnes alios supradatos esse confirmatos , quos fortem animum gerere cognosco , adeo ut nihil supra me ego quidem exoptare valeam . Quodque certius mihi constet , meo studio vestrum non cedere , eo nullum periculum pro vestra salute recusō ; & nunc vigilias circumneo ; die , nocteque omnibus intentus sum ; vobis & consultor . & periculorum socius adsum . Sed quoniam nunc omnes nostros conatus male casuros provideo , permagni communis salutis interest , pro re , & tempore consilium iniri . Sciatis , ergo velim , Acmetis litteras nuper ad me redditas esse , ipsam omnia expedire , ut nobis auxilio veniat . Hæc quum ita sint , tamen , quia cito eum conventurum esse impossibile duco , ob eam rem pulcherrimum iudico , vos inopiam tolerare , ubi paulatim metiri frumentum instituerō . Nam , quum parcendo paulo longius tolerari possit , quis libenter hoc non sustinebit , ne in eum casum deduci necesse habeat , ut ad innatos hostes supplices manus tendat ? Jam , ratione inita , quindecim dierum frumentum suppetere tantum constat . Propterea nolite quæso tantam animi molliem præbere , ut facilius aliā fortissimis viris digna audere , quam inopiam ferre velitis . Nam vir fortis dici is non meretur , cujus animus omnia æque non sustinet . Neque quisquam prudentis nomine appellari potest , qui , quum remedium malo reperi- tum sit , in periculum venire capis . Reputate eam animis vestris , si viri animus ferre possit , ut salus , & gloria belli in eo posita sit , sceleriter subsidium sibi mittatur . Agite dum nunc me solum audiat , si magnam ad vos gloriam pervenire exoptetis . Nihil omnino timendum erit , si bene res prospexeritis , quum loci natura , munimenta , & quod plus est , vestra alacritas , quam non augere , sed reprimere mihi opusest , omnes tutos reddant . Oratio vix præ strepitu omnia , perpeti paratos esse pollicentium audita est , immo se ignominiam loco tulisse dicebant , quod ipse animos oratione accendendum iudicasset , velut se ad omnia pericula subeunda paratos non cognovisset .

An. 1664 Horum vocibus, & magis factis, quod, quum frumentum perparce metiretur, nulla vox fortibus viris indigna audiebatur, sublatuſ Haſſan, legato ab Serino miſſo, ut milites ad deditiōem impelleret, reſpondit, *ſe biennium ad deliberandum poſtulare; ſi quid velit, tunc reverteretur*. Tam audax reſponſum quum reſcriptum ad Germanos eſſet, quin conſtantiam collaudarent, contineri non potuerunt, eo magis quod cito propter inopiam eum veniam eſſe imploraturum ſperabant. Cuncti præterea mirabantur, Turcas tanta obſtinatione pugnare, ut, quamvis anguſtiæ iter facere prohiberent, incredibili celeritate ſe reciperent, ubi ignem vallo intuliſſent, atque opera diſturbafſent. Et quando quiſquam ſe ab aliis ſeculſum cognoſcebat, potius mortem ibi oppetere, quam vltus in Germanorum poteſtatem venire volebat. Ex Germanis vero quotidie captivi ad Haſſanem perducebantur, ab quibus omnia, quæ in caſtris gererentur, cognoſcebat. Jam, quo ſulphureum pulverem in caſtris conferrent, notum erat. Jam eum non fugiebat, vix omnes ad viginti millium numerum eſſe. Jam Chriſtianos rerum omniū inopia premi, & Duces non unum omnes ſentire non ignorabat. Propterea animus obſeſſis creſcit, adeo ut facibus, aliſque rebus, quæ incendium excitare valent, maxime armati ex oppido erumpere, & ignem operibus inferre auderent. Quem ſic diſtulit ventus, ut puncto prope temporis non minimam operis partem incendium hauriret. Erat ergo Serini in magnis difficultatibus res, quod, quum reſtituere amiſſa opera magni laboris negotium eſſet, quia agger ſeptingentorum paſſuum ſpatio erat petendus, Olachius dimittendam oppugnationem cenſebat, & diſcedere ſe ab ſententia poſſe negabat, etſi id nulla ratione fieri etiam Strotius confirmabat, Ne igitur diſſenſio bono publico obſtaret, ut Olachius de omnibus Cæſarem certiorum faceret, conſenſerunt. Olachius ne falſa Cæſari ſe propoſuiſſe dici poſſet, ad Serinum, Strotiumque nuncium mittit, qui epiſtolam ab eis perleſtam illico ad Cæſarem perſerret. At, ut crebræ ex oppido eruptiones fiebant, nuncius, dum ad Serinum contendit, ab Turcis comprehenſus in oppidum ad Haſſanem perducitur. Qui non modo lætatur, quod omnia, quæ in caſtris geſta eſſent, comperiſſet, ſed etiam quia, quid gerendum eſſet, cognoviſſet. Facile enim, patefactis conſiliis, ſibi præcavere poſſe videbat; & in novo hoſtium conſilio novas belli rationes reperire difficile non ducebat. Itaque ne imparatus deprehenderetur, quum exteriores munitiones hoſtes adorirentur, cuniculos agere inſtituit, ut ibi ſulphureo pulveri incluſo ad extremum ignem inferens, & munitiones, ne uſui hoſtibus eſſent, everte-

teret, & milites omnes, qui eo accessissent, interficeret. Præterea tranſverſas foſſas intra muros in juſtam altitudinem, latitudinemque perducere, ac vallo munici jubet, ut impetus hoſtium tardandi facultas eſſet, ſi, ſuperatis muris, ingredi in oppidum vellent. Hæc opera eſſent per ſe magni laboris, tamen quia milites, oppidanique laborem ſuſcipere non recuſabant, alia ad illa addere. Haſſan voluit, ne tormenti genus, quod Germanis eſſe cognoverat, incautis noceret. Nam in ferreo vaſe tormentarius includebatur pulvis, cui ubi ignis ex parvo foramine eſſet illatus, vaſ manu in oppidum coniecitur; quo conſeſſim fraſto, homines, juxta ac domus male habentur. Cui ut occurreret rei domorum partem muris proximam detegi, itemque diverſis locis foſſas inſtitui jubet. Hoc operis genus magno uſui obſeſſis fuit: nam eſt illis tormentis ſolum, quum muros aggredierentur, uti conſtituerant Germani, tamen conſilium mutarunt, quia nova re permotos etiam, non inopia ſolum vexatos de deditioe aſtuos conſidebant. Nec dubitabant; quin hæc magnam ab Cæſare gratiam eſſent inituri, qui paulo ante Serino ſcripſerat, *ut omnibus modis inceptum perficeret*. Sed partim artificis inſcitia, partim Haſſanis diligentia factum eſt, ut nullum ab obſeſſis acciperetur incommodum. Expectabant tamen Germani victoriam, quando, quindecim diebus lapſis, frumentum eis deficeret. Sed ubi tranſaſto tempore ſpem hanc amiſerunt, in caſtris quotidie alius alii temeritatem, ſive indiligentiam obſectat, ac jam Duces ab contentionibus prope ad contumelias deſcendunt, quia Serinus, utpote pluribus locis hoſtem fuderat, ac ſuæ virtutis, audaciæque opinio inter omnes erat ſingularis, adverſæ rei culpam non in ſuam temeritatem, ſed quum in aliorum ignaviam, tum maxime perfidiam conferebat. Re vera Serino major audacia, quam belli peritia inerat; Strotius eſt belli non habebatur ignarus, tamen, quum militum ſanguine prope abuteretur, ac plus æquo ſuæ virtuti tribueret, majore animo, quam prudentia res, licet aſperas, aggrediebatur; Olachius quum parum in re militari uſum haberet, ſive inſcitia, ſive ut ſe rerum earum peritum præberet, omnibus reſiſtebat, ita ut quandoque a ſua ſententia divelli nulla ratione poſſet. Non immerito igitur, qui horum omnium naturam perſpectam habebant, ſecundum eventum expectabant nullum. Non enim dubitabant, quin plures diſſenſionum cauſæ inter eos orirentur; præſertim huc accedente, quod non modo tormentarius pulvis, aliſque oppugnandarum urbium apparatus, ſed frumentum quoque militibus deſſet. Jam duo menſes tranſierant, & licet Acmetes ſe Belgradum cogendarum copia-

rum

An. 1664

rum causa contulerat, tamen partim quod plurimum temporis consumpsit, ut copiarum adventum, quæ in Asia hyemaverant, operiretur, partim quia equites, quos Spahios Turcæ appellant, ad exercitum, nisi extremum ætatis esset, se ituros negabant, ea illata causa, quod serius, quam consuetudo esset, hyberna petiissent, ea celeritate, quam in animo habebat, ad suis operum ferendam uti non potuit. Sed posteaquam alios præmiis, nonnullos pollicitationibus, plerosque seditionis principum morte in officio permanere coegit, ac alia summa diligentia expedivit, maioribus itineribus Canisiam ire contendit. Et priusquam ad pontem perveniret, quem ab Serino incensum docuimus, (eum si non eadem ratione, atque antea, nihilominus trabibus collocatis, ac super eis aggere jacto, ut commodissime paludes exercitum transducere posset, reficiendum curaverat) regionis peritum præmiis excitat, ut litteras ad Hassanem Canisiam perferat, eumque hortetur, *ut pristinam retineat virtutem, quoad exercitus subsidio ipsi veniret*. Nuncium non ita nox, ac paludes texere, ut ab Germanis non caperetur: qui cruciatuum metu confirmat, *Acmetem sexaginta hominum millia, se animo paratum, ducere, ut prælio rem committat, si oppidi ingressu ipsum prohibere Germani velint*. Hæc eadem quum ex epistola cognovissent, concilio tempus Duces constituunt. Quod ubi venit, ac Olachius eam sententiam dixit, quæ, abjecta spe oppidi recipiendi, ad respectum exercitus servandi, castra movendo, quemque averteret, omnes consilium probare posse negant. Serinus præsertim turpe esse dicere, *authore hoste de ea re consilium capere, ex qua decus, dedecusque quum gentis, tum ipsorum pendeat*. Docet irrisui fore timorem, *si contra se locus esset frandi, cui Sebedinavii opera contra Cautsebiucium, Abbaßumque locus fuisset: qui fama ingentis exercitus permoti Claudiopolis obsidionem reliquissent*. Se non modo conjectura judicare, sed certis authoribus comperisse, *vix viginti hominum millia cogere Acmetem potuisse: alias vero copias etiam si adjunxisset, magis impedimento, quam auxilio fore*. His rebus adducti reliqui, loco manendum censent, *si viginti tantum millia contra se venire comperirent: contra illico discedendum, si ampliorem exercitum, quam quem fundere posse sperarent, Acmetem ducere cognoscerent*. Interim munitiones contra exteriorem hostem excitarent, ac de omnibus Cæsarem docerent. Mitunt hac de causa ad Cæsarem Præfectum, qui per dispositos equos, qua posset celeritate, ad eum perveniret, & postea illico ejus ad se referret mandata. Cæsar ab nuncio doctus, mediocres adventare copias ratus, *ne negotio desisterent*, Ducibus imperat. Et quo fa-

facilius rem consequi possent, Montecucculo mandat, ut, quæ Altemburgum vniissent copiarum, eas subsidio Serino mitteret. Hæc Præfectus incredibili celeritate rediens omnibus renunciat: qui quod cito auxilia conuentura sperabant, in spem re infecta non discedendi adducuntur. Dum copiarum expectatur adventus, petunt ab Olachio Strotius, Serinusque, ut, quoniam munitionibus pluris millia passuum essent complexi, & maximam partem custodia causa ipsi obtineant, partem copiarum sibi submitteret, donec auxilia ab Montecucculo missa conuenirent. Olachius infensus eis erat, quod suam sententiam eos spreuisse suspicabatur, quia se nullum in re militari usum habere, ac ignauium esse existimauissent. Quamobrem, ut parem eis dolorem redderet, ac vecordiam obiectaret, respondet, si ipsi munitiones defendere vererentur, eas sibi attribuerent. Libenter se inferiore militum numero eas esse custoditurum. Interim Acmetes quum duorum dierum iter abesset, equites præmittit, qui hostium rationes explorent. Qui ubi reuertuntur, ac castris se tenere Germanos renunciant, diuersus agitur Acmetes, fortunam ne periclitaretur, an astante se hostes oppido potiri pateretur. Certamen enim transigere cum Serino, cuius virtutis apud Turcas maxima erat opinio, verebatur, etsi per exploratores viginti millia numero hostes esse compererat. Nam, ne in insidias incautus rueret, timebat, quum non sine certa spe exercitum ab prudente viro expectari iudicaret, cui par non esset. Quæ opinio ita ejus pectori insedit, ut, quamvis Pannoniorum captiuorum, qui fama Turcarum exercitus permoti domum pervenire, properabant, orationem cum exploratoribus conuenire cognosceret, & causam adijcerent, quia Serinus non ita ingentem exercitum contra se venire iudicaret, tamen ultra progredi non audebat. Tandem quum ab omnibus partibus idem confirmaretur, turpe esse ratus tantam timoris præbere opinionem, iter accelerat. Hoc Olachius, alique non occultum habentes, concilio convocato dicunt, jam exercitum non hebetem, non infirmum, sed & numero hominum, & virtute militum ampliorem adesse. Quid igitur castris se tenerent, quum periculum esset, nec a magno cum omnium periculo Turca adorirentur? Debere se ulteriorum regionum salutis habere rationem: nam, si Serina insula occupanda consilium Acmetes caperet, & aditus in Stiriam ei sine periculo pateret, & se commeatu intercludere posset. Quibus rebus permoti omnes, in Serinum ora convertunt. Tum Olachius, aliorum cognita voluntate, confirma adhuc, nisi pudeat, inquit, exiguas esse hostium copias, virtute, ac genere hominum contemnendas; ac in incepto persista;

quo-

An. 1664

quoniam ego bis omnibus testibus utar, ut, si res ad extremum perducatur casum, abs te Cæsar rationem repuscat. Res contentione ad meridiem perducitur. Tandem Serinus detestatus nonnullorum perfidiam, qui dilationibus rem suscipi opportuno tempore impedivissent, in aliorum sententiam discedit. Hoc ubi convenit, quod exercitum ducerent, deliberatur. Nam non minus eo respiciebant, ut nullum acciperetur incommodum, quam ut itinere Turcas prohiberent. Placuit ergo omnibus, ut de media nocte majora bellica tormenta præmitterent, postridie exercitum Muram flumen transducerent, & in ripis custodias collocarent, ut transitu hostem prohiberent. Sic post sex, & triginta dies negotio infecto discessum est. Dum hæc ad Canisiam geruntur, Suchius tantam audaciam præstitit, ut Turcis lætitia nulla relinqueretur. Nam ubi post tot dilationes (quod res in invidia erat) copias magna ex parte ex delectibus ejus anni consecutas idibus Martii accepit, eas labori non obicere statuit, nisi reinstrumentariam expedisset, ac omnia, quæ ad urbium oppugnationem pertinerent, comparasset, quum magnum dedecus ad se perventurum intelligeret, si amissa non recuperaret. Nam quum res, non causas, vulgum spectare intelligeret, propterea neminem esse quæsiturum suspicabatur, quare non profecisset, sed omnes Ducis indiligentiam detestatos. Hac de causa ad Comitem Franciscum Veselinum litteras mittit, se spem omnem in ipsius diligentia posuisse, propterea quod, simulatque in Pannoniam pervenisset, exercitum frumento esse jervaturum confideret, ut pollicitus esset. His litteris acceptis, Veselinus ut multis de causis, quas nunc memorare necessarium non duco, consilium mutaverat, rescribit ei, in summum periculum venire ipsum posse, si exercitum in Pannonia fines introducat, quam tanta, ac tam secunda totius Pannoniæ voluntas in Turcas, ac Abassum, cui Regnum adjudicare Mehemetem velle Acmetes professus sit, reperiretur, ut nemo esset, qui veteres ab Germanis illatas sibi injurias ulcisci nolit. Idcirco orare, ne, exercitum ducendo, occasionem suspicandi eis daret, Germanos sui opprimendi causa venisse, quum impossibile esset, ne tum propter timorem maxime plebs laboraretur. Quanta sollicitudine Suchius, hoc nuncio accepto, afficeretur, impossibile memoratu est: quoniam, quum negotium in eo constare intelligeret, si egregia esset Pannoniorum in Cæsarem voluntas, quos commeatu exercitus sustinere posse speraverat, nunc hac spe lapsus Cæsari quoque operam dandi spem amiserat. Tandem quum multos dies, noctesque per dubitationem consumpisset, præstare visum est, in

Pan-

Pannoniam contendendo, fortunam periclitari, quam tempus terere. Ubi pervenit, Rotalium, quem ab Cæsare missum in Pannoniam docuimus, convenit, ac de omnibus rebus docet. Exitus vero orationis fuit, *summo esse in periculo rem, nisi Pannonios de supportando comœatu, hortaretur*. Rem suscipiens Rotalius, familiarem suum ad Vefelinum mittit, qui eum moneret, *ne gravaretur locum medium utriusque colloquio deligere. Velle de communi re dicere*. Utriusque consensu Sigmodatii colloquia haberi constituitur, quod castellum ad quindecim passuum millia a Trenchino abest. Item certa dies colloquio dicitur. Quæ ubi venit, Vefelinus una cum multis ex Pannoniorum nobilibus, ac Rotalius, Suchiusque eo conveniunt. Ante omnes Rotalius verba faciens, *tanti apud Vefelinum, ceterosque Pannonios Cæsaris gratiam valere ostendit, ut magnam habeat fiduciam ea obtinendi, quæ peteret, maxime quod ea ex Pannonia usu esse arbitraretur. Nani, si frumentum præstarent, præter gratiam, quam ab Cæsare essent inituri, incursum timor quoque tolleretur*. Ad hæc Vefelinus respondens, ei gratias agit, *quod optimum de se, ac aliis fecisset iudicium. Sed quoniam temere res asperas aggredi dementia sit, omnia, quæ huic rei officere possint, patefacere velle. Non negare se, prius sibi curæ futurum pollicitum esse, Pannonios frumentum subministraturos: & neminem, plus quam se, ex illorum perfidia dolorem capere, quum per se stare apparent, quominus id non præstarent. Se tamen ipsos testes habere posse, nihil Cæsaris gloria habere carius: Pannonios vero Turcis cupere, & Germanos odisse; propterea monere, ne mediocribus copiis considerent, quum ingens multitudo sit, eos a Turcis contra ipsos auxilia esse accersituros*. Hæc simul audita sunt, collaudat Suchius Vefelinum, quod hæc eo tempore enunciavisset; quo consilium sibi capere possit. Obtestatur tamen, *sibi ad sit, exercitumque, quibus rebus posset, juvet, quum sibi curæ esset, Germanos bandquaquam Pannonios injuria lacessituros*. Quod ubi quoque obstinate sibi negari vidit, non dubitandum existimavit, quin vel regei cupidine inductus, vel Turcarum pollicitationibus permotus vetera odisset, novaque exoptaret. Sed hoc sibi dissimulandum, existimavit, ne ille sibi timens aperte reliquos ad furorem impelleret. At durum videbatur consilium probare, quod vel re integra sibi discedendum esse existimabat, vel magnopere rei frumentariæ timendum, si in incepto perstare vellet. His difficultatibus circumventus diu in incerto habuit, quid ageret; tandem dum in majoribus angustiis res esset, nonnulli Nitria ad eum legati veniunt, ac *Turcarum servitutem diutius Nitria perferre se non posse*

An. 1664

confirmant. Si quid auxilii in ipso non sit, omnes darios sibi prius consulere constituisse, quam peiora ab Turcis perferre: orare, itineris ut laborem suscipiat; sese reliqua esse perfecturos, quum ubi primum oppido exercitum appropinquare cognoscerent; locum introeundi ipsi essent daturi. Turcas præterea, qui ibi in præsidio essent, vivos, vel necatos, ipsi tradere pollicentur. Hæc res multum Suchil animo addidere, sic ut eis fidem præstans rem effectam haberet. Jam ad Nitriam castra movere constituerat, tamen, ne temere rem suscepisse dici posset, Præfectos omnes ad concilium convocat, atque docet, quanto cum dedecore re infecta, quasi essent, qui hostibus, ac infidorum dictis terreantur, domum reverterentur. Considerarent, tam magis esse laudandam eorum virtutem, quam tot, tantisque objectis difficultatibus, ne timoris quidem præbuissem opinionem. Non negare se, non expedita re frumentaria, inter medios hostes rem aggredi difficillimum esse. Experientia tamen, comperisse, non raro animi magnitudinem res ex quam maxime difficillimis longe facillimas redegissee. Præterea secundum eventum omnino se expectare, propterea quod Nitriensium studium maximum in se esse cognovisset. His auditis prope una voce ab omnibus responsum est, sese neque negotio deesse velle, neque animo deficere, neque se decere existimare, quam in partem, aut quo consilio ducerentur, cognoscere. Juberet, quod libeat, se pro Ducis gloria nullam recusare periculum paratos esse. His constitutis rebus, quod res in celeritate posita videbatur, ne aut voluntatum commutatio fieret, aut, oppidanorum consilio patefacto, Turcæ sibi prospicerent, illico castra movit. Ubi Nitriam pervenit, quamvis tormenta in muris disposita, & vigilas collocatas videret, tamen oppidanis confidens, subito exercitum muris succedere, ac tribus ex partibus oppidum adoriri jubet. Sic iis promissa efficiendi facultatem dari existimabat. At posteaquam spei conficiendi negotii rem ad noctem perductam vidit, & nonnullos ex suis vulneribus affectos, ac alios interfectos animadvertit, minime dubitandum existimans, quin sui fallendi causa (ut postea recepto oppido comperit) venissent, receptui cani iussit. Eo die, quinquaginta ex Germanis desiderati sunt. Nocte sub armis morantur, ne ex oppido Turcæ erumpentes se incautos opprimerent. Postridie castra munire, aggerem instituere, tormenta disponere. Quæ quidem opera brevi processerunt: nam non modo ejus dici eventui animo non se demiserant milites, verum tantum ardorem oppidanorum perfidia fecerat, ut omnibus rationibus docere eos vellent, nihil ipsorum virtuti infectum esse. Ubi Turcæ, qui oppido

pido præsidio erant; magnam muri partem procubuisse, item, Suchium magno militum studio uti animadverterunt, locum parum manu munitum defendere diffisi, se in arcem recipiunt. Eodem, omnes belli apparatus, ac frumentum conferunt, sic animo parati, ut potius ad extremum vitæ periculum adire, quam sese dedere velent. Multum enim loci naturæ confidebant: nam, ut arx posita in monte excelsa, atque ex una parte prærupto, ab altera tantum, parte aditum habet, nullo negotio ex loco superiore eos depellere posse sperabant, etsi ne fossa quidem muniebantur. At Suchius aggere excitato, minora bellica tormenta in arcis perniciem disponit. Quæ posteaquam minime nocere muris cognovit, ad proximorum oppidorum Præfectos scribit, ut majora bellica tormenta Nitriam mittentes gloriæ expugnatæ arcis velint esse participes. At quia tormentis urbes dispoliare periculosum visum est, gerere ei morem noluerunt. Hac ipse dejectus Suchius, tamen inceptum, omittere turpe ducens, nuncium ad Lubcovitium Viennam mittit, qui idem ab eo peteret. Lubcovitius, ne sum culpæ tribui posset, tantam opportunitatem esse corruptam, subito ea comparat. Non ante tamen Kalendas Maii, quod longe ab Nitria Vienna abest; in castra pervenire. Tum Suchius milites cohortatus, ne labore permoverentur, tribus ex partibus tumulos terreos, qui fere arcis altitudinem adæquarent, excitari jubet. Hos singulari studio duorum dierum spatio milites perficiunt. Igitur, subito tormentis ibi collocatis, magnam muri partem evertit. Nihilo tamen secius obsessi sæpius eruptione pugnabant, ac tantam celeritatem adhibebant, ut uno, eodemque tempore ignem operibus inferre, operi destinatos concidere, ac postea se in arcem recipere prope viderentur. Pluries hoc tentant, donec Suchius, cuniculo ad eam partem acto, quæ ad occidentem vergit, spem omnem in deditione ponere eos subegit, maxime quod subsidii spem evanuisse credebant, quum, inspectantibus ipsis, milites, qui Neoselio veniebant, fusi, interfectique essent, & carri loco prædæ ab Germanis habiti. Quibus suppliciter agentibus eo libentius Suchius concessit, ut iisdem conditionibus uterentur, quas superiore anno Germanis ipsi dedissent, quo certius auxilia brevi conventura sciebat. His rebus constitutis, Turcæ alio se recipere Pannoniorum præsidio maturant. Nondum e conspectu Suchii abierant, quum Pannonii inter eos, Raitasium quendam, qui plurimum divitiis poterat, esse cognoscentes, consilio inter se habito, eum, interficiunt, atque pecuniam loco prædæ habent. Summum flagitium fieri Turcæ exclamant, ac fidem multis cum lacrymis lædi

An. 1664

queruntur. Ad clamorem citò convenit Suchius: qui cognito casu facinoris autores securi percussus jubens, Turcas consolatur, ac, ut eis pecunia restitueretur, enisus est. Item Pannonios in oppidum ducens, Germanorum cohortem una cum Turcis mittit, Pannoniis penæ loco illud injunxit onus, ut opera ab se contra oppidum, arcemque excitata soli everterent, munitionesque reficerent. Oppido præterea Spancavum cohortis Præfectum præficit. His rebus expeditis, etiam sollicitudine affligebatur, quod satis bellici apparatus, minus frumenti, quam crediderat, in arce repositum invenit. Timebat enim, ne hujus rei inopia in Leventium oppidum recuperandum animus intendere posset. Id oppidum ea maxime ratione occupare exoptabat, quod Turcas, qui Neoselio præsidio essent, ab aliis secludere commodissimum judicabat. Dum in incerto haberet, quid consilii caperet, nunciatur ei, magnas pedatus, equitatusque copias contra se venire. Qua re cognita, magis, magisque dubitatione æstuat: nam, utrum contra hostes proficisceretur, an castris munitis eorum expectaret adventum non constabat. Jam Leventium oppugnare periculosum, & in Germaniam se recipere ignominiosum existimabat. Igitur quum militum vocibus carperetur, quod beneficio fortunæ ad recipiendum tam opportunum oppidum non uteretur, docet, *primo rei frumentaria inopia, deinde adventantis exercitus fama permotum ibi consiluisse. Persuaderi sibi, idem consilium ipsos quoque inituros fuisse, quando, exercitus quantus esset, aut quo consilio foret, non constaret. Timere, ne, dum ipsi tutiora potius, quam fortiora consilia probent, prælium inire abnuant.* Ubi omnes prælio dimicare paratos vidit, loco prope Nitriam opportuno castra ponit, atque communit, &, re frumentaria provisâ, hostium expectat adventum. At posteaquam complures dies eo loco se tenuit, nec de hostium adventu fama quidquam perferebatur, in eam spem venit, Turcas exercitum ostentasse, ut sibi timorem iniicerent. Propterea, priusquam re frumentaria laboraret, Leventium petere, ibique reliquum consilii explere constituit. Mane quum agmen in portis esset, complures ex Pannoniis, in iis Joannellus, oratum veniunt, *ut, dum hostes ab sint, Leventium per vim expugnare velit, ne Turcarum excursionibus, qui ibi in præsidio sint, vexentur. Se frumentum, reliquasque res subministraturos.* Hoc opportune accidisse gavisus Suchius, rem suscepturum pollicetur. Ipsos vero, ut præstarent, quod promisissent, monet. Itaque tum iter differre turpe ratus, octo millia passuum ex eo loco procedit. Postero die quingentos equites explorandi gratia præmittit; ipse prope flumen Granum subsi-

subsistit. De tertia vigilia præmissi equites revertuntur, ac fama comperisse nunciant, Turcas trium dierum iter ab se abesse. Hos posteaquam increpavit Suchius, quod levibus auditionibus permoti alia explorare intermisissent, eodem, unde redierant, mit- tit. In equites ira ardentis mane nondum luce certa antecursores hostium incidunt. Ex quibus quum quærerent Germani, quid ven- nissent? se speculandi causa agmen antecessisse confirmant. His auditis, tanta captivos ad Suchium perducendi eos cupiditas cœ- pit, ut reliqua interrogare prætermitterent. Sic, quum captivi viginti Turcarum millia parum abesse renunciarent, haud vana equites attulisse apparuit. His autoribus credens Suchius, ma- gnopere sibi præcavendum existimat, ne locis apertis exercitum duceret. Nam in summum periculum rem deduci existimabat, nisi angustis exercitum contineret, atque de pugna desperantes Tur- cas ad iniquam pugnandi rationem descendere cogeret. Hoc ut per- ficiat consilium, vasa militari more conclamari jubet. Quod dum fit, tanta tempestas cooritur, ut profectionis consilium in poste- rum transferre cogeretur. Nocte in concilio Præfecti omnes *uam salutis spem in eo positam* demonstrant, *si, commeatu preparato, loci opportunitate defendere se possent*. Pannonii vero, quos nuper in castra venisse demonstravimus, consilium non probare. *Inverisi- mile enim sibi videri dicebant, Aemetem tot hominum millia contra se mittere voluisse, quum, ne Canisia amittatur, ingens metus sit*. At Suchius Præfectorum consilium se probare proficitur, propterea quod illos eo respicere intelligeret, quo ante omnia respicere Dux de- beat. *Seque suorum paucitatem loci æquitate quamprimum adju- vare velle, ut tempus ad conferendum ex castellis frumentum in ca-stra relinqueretur*. Postea, *fusus hostibus, reliqua confecturum*. Itaque prima luce impedimentis, tormentisque præmissis, ipse multo jam die cum exercitu subsequitur, & confecto iusto itinere, in plani- tie subsistit. Postridie inter montes se recipit, & locum nactus egregie natura munitum, ibi castraponit. Dum milites castra muniebant, nonnullos ex Præfectis circummittit, qui gentes, quæ montes incolunt, de supportando commeatu hortarentur. Quo- rum diligentia factum est, ut, conquisitis undique jumentis, tan- tum frumenti comportaretur, ut satis esset ad famem diu toleran- dam. Joannellus quoque frumenti magnum numerum mittens, sum- mam esse ejus in Cæsarem voluntatem demonstravit. His rebus expe- ditis, Bectasius Temesuaræ, & Cutisliir Agriæ Præfecti, qui exer- citui præerant, ad sex Turcarum millia Suchii castris subiiciunt. Facile enim eos ad pugnam elicere posse sperabant, qui exiguas adesse

AN. 1664 adesse copias crederent. At Germani castris se tenent. Quod ubi viderunt Turcæ, ad castra adorienda iri oportere exclamant. Tantam alacritatem reprimere Ducibus optimum visum est, quia nunquam castra & natura, & manu munita expugnari posse cognoscebant. Loci hæc erat natura. Planities, ubi castra locata erant, præruptis undique montibus continebatur, atque tantum in latitudinem patebat, quantum instructa acies explere poterat. Ab ea parte, quæ ad orientem vergit, ab montis radicibus mediocri acclivitate collis nascebatur, ita ut aditus veluti per convallem esset. Suchius tamen timoris præbuit opinionem, quoad Turcæ de pugna desperantes ad reliquos se recipere cœperunt. Tum enim equitatum, qui novissimos carperet, immittit. Quod simulatque fieri Turcæ animadverterunt, ac nonnullos ex suis interfici cognoverunt, signa convertunt, ut universi in eos impetum faciant. Tum equites, ut iussi ab Suchio erant, omnibus, præter unum, incolumibus, qui in hostium potestatem, venit, sese recipiunt. Ex quo quum cognovissent, ad quingentos Pannonios pabulatum petivisse, ad eos opprimendos contendunt. Quibus quum facile esset ex locis superioribus in planitiem prospicere, cognito hostium consilio, ad salutem diverso itinere contendunt. Turcæ eodem die non longo intervallo ab Suchii castris castra ponunt. Quamobrem, ut locum tutum ab hostium impetu Suchius redderet, adversum collem occupat, ac non levi præsidio teneri jubet. At mutat postea consilium multis de causis: propterea, communicato profectionis consilio cum, Præfectis, de media nocte impedimenta, ac majora bellica tormenta, item peditatum ex novis delectibus confectum, compluresque equitum turmas, ad hoc metatores, qui castris locum deligerent, atque præmunire insituerent, præmittit, ipse cum reliquis prima luce subsequitur. Magnumque haberi silentium jubet, quia plurimi interesse arbitrabatur, rem tegere, ne ad novissimum agmen demorandum hostium Duces equitatum mittere possent. Turcæ ubi multo jam die Germanos castra movisse cognoverunt, id frumenti, pabulique inopia factum existimantes, eos subsequi cupiebant. Sed quum postea e conspectu agmen abiisse cognoscerent, multum processisse rati se suis locis tenent. Ad hoc consilium cum, aliis causis hæc præcipue ratio eos deduxit, quod de re frumentaria non erat provisum. Præterea hac ratione duas res consequi posse confidebant, quod suos itineris labore non fatigarent, quod sua cunctatione formidinem hostium minuerent, quin recto itinere domum contenderent: & sic victoriæ occasionem non amitterent.

bant. At Suchius, iusto ejus diei itinere confecto, constitit. Mane ut per exploratores cognoverat, neminem ex hostibus visum esse, diem exercitui ad quietem dat, equites pabulum emittit; eos tamen longius progredi vetuit. Sub meridiem bellica tormenta, versus Sanctam Crucem duci, ibique locum egregie natura munitum magnis operibus firmari jubet. Postero die eo exercitum ducit. Turcæ ad insequendum parati, ubi primum rem frumentariam expederunt, exploratoribus antecedentibus, ne in insidias præcipitarent, eodem itinere ad Suchium contendunt, ac juxta eum castra ponunt. Mane instructa acie, æquum in locum descendunt, ut, si prælium Germani committere vellent, potestas non deesset. Ubi eos suis locis se tenere, & sine ulla spe munitissima natura, & opere castra oppugnare dementiæ esse cognoverunt, quotidie equestribus præliis, quid sui, quid Germani auderent, periclitabantur. Locus, quem castris Germani delegerant, ita natus erat, ut non magna planities inter duos ex omnibus excelsissimos montes esset, duosque haberet aditus. Ab ea parte, quæ ad meridiem spectat, quia facilis erat, locus duplici fossa, valloque muniebatur. Ab illa parte, quæ ad septentrionem pertinet, loca erant prærupta, qua vix singularis eques ire poterat. Hac equitatum tuto pabulum emisit Suchius, donec Turcæ, cognita re, magno circuitu trans montes equitatum, quo plurimum valebant, contra pabulatores miserunt. Suchius ergo ne quotidie magno cum periculo pugnaretur, trans flumen Granum castra locare constituit. Nam, quum ea loca integra essent, & commode pabulari, & sine periculo singuli commeari poterant. Accedebat, quod, si Turcæ eo venire vellent, in transeundo occupatos nulla negotio opprimere posset. Sed magna afficiebatur difficultate, quemadmodum consilium, antequam hostes quidquam sentire possent, perficeret. Nam, ne in dubium rem devocaret, timebat, si Turcæ, immisso equitatu, novissimum adorirentur agmen. Hæc secum volventi præstare visum est, fortunam periclitari; quam rerum omnium inopia premi. In Grano flumine duo pontes erant. Has transire non difficile existimabat, si in locis superioribus certum militum numerum collocaret, qui premere novissimum agmen cupientibus Turcis resisterent. Hoc inito consilio, mille equites Chelleri cuidam, totidem Zeiseni cohortis Præfecto attribuit. Illum locum superiorem prope proximum pontem capere; hunc locum inter pontes, non procul fluente, quod in Granum influit, obtinere jubet. Utrique vero mandat, ut extremos tegerent, Turcasque repellerent. His constitutis rebus, Suchius copias ex castris edu-

du-

An. 1664 ducit, & albente cœlo triplicem aciem ducere incipit. Jamque primum agmen transierat, ac medium pontibus appropinquabat, quum Turcæ Germanos ex eorum manibus se eripuisse arbitrati, subito quinque equitum millia, ac peditum millia terna, quibus Cutislir præerat, mittunt, ut novissimos saltem male habeant. Cutislir visa opportunitate loci, quem Cheller obtinebat, ad eum occupandum mille equites mittit, ipse carpere extremum agmen cœpit. Sed ubi suos a Chellere in fugam coniectos vidit, eo cum maxima copiarum parte contendit; atque in loco occupando magna vi utitur, propterea quod in ea re victoriam constare judicabat, quum Suchium suis auxilium laturum arbitraretur, & sic omnibus copiis acie dimicandi potestatem fore confideret. Neque spes Cutislirem fefellit, quin Suchius charitate suorum prælio rem committeret: solum, quod erat ei magis optandum, spe victoriæ labitur, simulatque Suchius ægre jam sustinenti Chelleri quatuor veteranorum millia subsidio duxit. Nam, ut animo propoluerant, potius per virtutem in acie interfici, quam victoriam non adipisci, tanta alacritate se in Turcas ejecerunt; ut hi unam salutis spem in fuga consistere arbitrati subito terga verterent. Eos tamen confecti Germani, magnam partem eorum interficiunt. Reliqui quum ad flumen pervenissent, tantus terror eis incidit, ut in flumen se præcipitent. Sic quos reliquos ex cæde fortuna fecerat, eos prope omnes flumen absumpsit. Hæc omnia tanta celeritate sunt acta, ut Bectasio Temesvarix Præfecto tempus ad suis subveniendum defuerit, effi, suorum terrore animadverso, subito reliquas copias ducere cœperat. Sed ut eos trucidari passim vidit, paululum subsistit; ut, qui animus militibus esset, cognosceret. Quos ubi brevi oratione ad virtutem accendit, & delendæ maculæ cupiditate ardere animadvertit, sarcire posse detrimentum sperans, in Germanos impetum facere decernit. Germani docti ab Suchio, qui hoc fore prouiderat, negotii consiendi studio parati in armis erant. Igitur nihil dubitantes equites, ignavos, qui supereffent; vincere, non exspectant, dum ab Turcis pugna incipiat, sed confertis turmis in medios erumpunt hostes. Hæc audacia tantum reliquorum animis addidit, ut, quum unusquisque suam probare oporam studeret, Turcarum signa turbarentur. Hæc quum ita essent, atque tantæ alacritatis miraculum Turcas obtupefactos teneret, tamen nec vinci pertinacia cœpta est, propterea quod ad extremum octo Germanorum millia defessa Turcarum millibus duodecim recentibus paria non fore sperarent. Omnes enim sic animo erant parati, ut trucidari, quam initium fugæ facere,

mal-

mallent: Quæ audacia tutior his fuit, quam primis pedum velocitas: nam, ubi prælium nox diremit, ad salutem contenderunt. Germani vero ibi noctem confecerunt: qui impediementis, bellicisque tormentis potiti eo magis lætantur, quod solum tercentorum, morte victoria constavisset, quum ad quatuor Turcarum millia in acie, & in flumine periissent, atque reliquorum magna pars domum rediisset, adeo ut ex viginti millibus ad quinque millia redactis vix facultas se ab agrestium impetu tutandi fuerit. Et ita cuncti sive eorum fortunam, sive ignaviam despiciebant, ut milites, qui Cernovitiū castellum vix muris munitum obtinebant, quamvis quinquaginta numero essent, eos confectari auderent. Ob ea Suchius suum laudibus effert consilium, ac victoriam litteris concelebrat. Mittit præterea ad Cæsarem Præfectum, qui non modo de parta victoria eum faceret certiore, verum etiam Leventium oppugnare sibi in animo esse diceret. Quo nuncio accepto, Cæsar, omnesque, quod rerum commutationem fieri posse confidebant, lætitia afficiuntur.

An. 1664

Finis Libri Secundi.

250



DE BELLO PANNONICO

Liber Tertius.



U CHII victoriæ non diutina lætitia Germanis relicta est, quum paulo post, ut supra diximus, suos Canisæ oppugnationem dimisisse, ac Acmetem propugnaculum ab Serino excitatum expugnare velle cognovissent. Viennam enim Præfectus quidam ab Strotio missus consulendi Cæsaris causa venerat, utrum defendi propugnaculum, an incendi placeret, ne usui hostibus effet.

An. 1664

Qui quum consilium omnium, quos idoneos, ac sibi fidos arbitrabatur habuisset, ea potissimum ratione, quoad posset, propugnaculum defendendum statuit, ut majorem ætatis partem ibi consumere Turcas cogeret, qui postea, diminuto militum numero, majora aggredi non possent. Utque meliore consilio res administraretur, placuit ei bello Montecucculum præficere. Cui, uti copias, quas Altemburgi coactas haberet, ad Muram ducat, præcipit. Eodem ut Pannoniorum copias mitteret, Vefelino imperat. Acceptis litteris, nihil sibi Montecucculus, ut rem poscere intelligebat, ad celeritatem reliqui fecit. Rescribit tamen Cæsari, *quanto cum periculo rem esset suscepturus, quod parum opere, ac natura munitum locum defendendi potestatem fore vix esset credendum. Se tamen omnia ad ejus præscriptum facere paratum esse.* Providerat Montecucculus, ut usus belli peritissimus erat,

AN. 1664 magnas sibi esse ferendas difficultates: at ubi pervenit, majora
 patienda coram perspicit: nam præter rerum omnium inopiam,
 qua exercitus premebatur, quum Turcis rerum omnium facultatem
 Draus, ac Mura flumina præberent, etiam illa res erat impedi-
 mento, quominus Acmetis consiliis officeret, quod militum partem
 inopia, ac labor absumpisset, partem morbi vis absumeret. Lo-
 cis enim palustribus tandiu confedisse, omnes prope ad rem geren-
 dam inutiles effecerat. Huc accedebat, quod Duces plus inter se
 irarum, quam adversus hostem animorum habere comperiebat. In
 tanta rerum iniquitate quid consilii caperet, non constabat. Nam
 copias flumen transducere, & Turcis pugnae copiam facere, quum
 dispar viribus esset, dementia videbatur: porro propugnaculum
 defendere, ac hostes transitu prohibere diffidebat. Hac de causa
 non parum miratur, Acmetem id consecutum non esse, quum in
 eam belli rationem primo institisset. Nam simulatque Canisiam
 ingressus exercitum ex labore, obsessos ex inopia refecit, prope
 flumen castra fecit, & locis editioribus occupatis, atque ibi tor-
 mentis collocatis, Germanos, qui secundum flumen parati in ar-
 mis erant, ex eo loco digredi impulit: qui, quod satis militum
 visum est, ad riparum custodiam reliquerunt. Conati sunt ea no-
 cte Turcæ inopinantes, ac somno oppressos custodes fallere, &
 celeriter, priusquam reliqui sentire possent, copias flumen tradu-
 cere, sed, qui ad flumen excubabant, ex fremitu equorum consi-
 lium cognoscentes, rem ad Serinum perferunt. Serinus subito
 arma capere, ac ad omnem casum se parare milites jubet. At,
 ut, nocte prospectu adempto, certi quid esset, aut qui hostium
 numerus venisset, constare non poterat, ingens metus cunctos
 invaserat. Sed Turcæ ubi ne custodiæ quidem diuturnitatem ne-
 gligentiores Germanos effecisse animadvertenterunt, qui occasione,
 non prælii rem esse sciebant, nullam ad se recipiendum intule-
 runt moram. Hoc casu admoniti Germani, firmiore præsidio ri-
 pastenendas decernunt; quoniam in eo, si transitu hostem prohi-
 berent, Germaniæ salutem consistere non ignorabant. Ob eam
 rem, munitionibus institutis, crebras ibi stationes disponunt.
 Tum Turcæ millibus passuum duobus ab Germanorum castris ca-
 stra faciunt. Ibi triduum moratus Acmetes, quum nihil profecis-
 set, conandum sibi aliquid de propugnaculi oppugnatione existi-
 mat. Itaque de prima vigilia cohortem ad locum superiorem oc-
 cupandum, ex inferiore parte sylvestre, præmittit. Ibi tormen-
 ta collocat, ut insulam, quam Draus, Muraque flumina efficiebant,
 quæ non procul propugnaculo erat, postero die occupare summa
 ope

ope eniteretur. Hoc enim occupato loco, propugnaculo aut per vim, aut per deditionem potiri nihil esse negotii existimabat. Hoc consilium, quia erat Germanis incognitum, Turcis, qui ad numerum tercentorum venerant, flumen sine contentione transire, ac locum, quem Strotius obtinebat, occupare suecessit, adeo ut, si alij transire flumen ausi essent, dum hi inopinantes Germanos occidunt, haud dubie rem obtinuissent. Sed dum soli primo magno impetu obvios interficiunt, deinde defessi non eandem præstant alacritatem, spatium perterritis ad se ex timore recipiendos, & ad hostium paucitatem cognoscendam datum est; maxime quod Strotius, ut cresceret suis animus, & apud primos gerebat, & summum flagitium fore exclamabat, si penes ignavos Turcas victoria remaneret. Cujus exemplo etiam, non vocibus solum accensi milites, tanta vi in eos feruntur, ut subito ad unum omnes trucidarent. Dum ergo cuncti lætantur, quod non seræ temerariis venissent pœnæ, Strotii mortis sensus ad eos pervenit. Qui eo majore mœstitia afficiuntur, quo leviores in prælio suas exercere opes fortuna voluisset, ita ut Turcæ non inulti amisisse vitam viderentur, quum virum magni animi, ac consilii interfecissent. Mira præterea huic morum elegantia, ut Italum decebat, ac tanta humanitas inerat, ut, quum earissimus omnibus esset, omnia, quæ petebat, adipisceretur. Ob hanc rem, dum Cæsar quandoque eum ad Reges misit, ipsum ejus prudentiæ non pœnituit. Ex hoc prælio quum Acmeti curam omnem in insulam occupandam intentam esse Serinus cognovisset, locum maximis munitionibus firmandum curat. Quod quum animadvertisset Acmetes, rem majoris nunc contentionis dimittendam existimavit, ubi propugnaculum non multum natura, vel operibus munitum expugnari posse confideret. Mons erat leniter declivis, qui pluribus continebatur collibus. Ejus radices flumen parum sublevabat. Propugnaculum ergo ita in declivitate hujus montis positum erat, ut montis pars major impenderet, & colles, quibus erat circumventum, ejus altitudinem adæquarent. Non muris munitur; sed terra coagmentata, quam longuriis, firmisque arborum truncis firmaverant, muri speciem præbebat. Inferioris partis ca erat munitionum ratio, ut terra in altitudinem muri congesta colles duos, qui in ipsa acclivitate nascebantur, complecteretur. In hujus munitionis medio, quam forcipem nominant, in eundem modum congesta terra, ac in quincuncem disposita eminebat. Hoc opus rivellinum appellant. Dextra vero, & sinistra turres erant terra itidem, ac ligno firmatæ; quæ in eum modum elabo-

ra-

An. 1664 ratæ, ut recentiores solent, bastiones appellantur. Tandem fossa has munitiones cingebat; cujus internum labrum columellis directis in longitudinem in terra collocatis, ac pluribus locis, ne revelli possent, revinctis muniebatur. Spatium vero exiguum, his munitionibus complexus erat Serinus. Propugnaculo Comes Leslia præerat. Hic Turcarum vim ab munitionibus prohibendi sibi facultatem non esse confirmans, Serinum impulit, ut Avagherio nobili ex Gallia cuidam, qui posse, & audere se Turcas repellere professus erat, id negotii daret. Avagherius duos dies Turcarum impetus fortiter sustinuit: sed ubi postea loci naturam, ac munitionum vitia coram perspexit, de defensione desperans, *Serino optimum esse exponit, nocte propugnaculum incendere, ne, eo amisso, rei militaris decus amitteretur. Se brevi aliud propugnaculum acriore in loco instituturum, ac majoribus munitionibus firmaturum.* Quæ posteaquam ab eo libenter non audiri intellexit, milites de periculo, quod impenderet, docere constituit. Qui quum in magnum pervenissent timorem, ne inulti trucidarentur, ægerrime, Serino imperante, statis diebus eo contendebant. Quod ubi cognovit Serinus, miratus quærit ex eis causam. Illi constanter omnes *Avagherii vocibus permosos se timere respondent, ne, propugnaculo expugnato, per cruciatum ab Turcis interficerentur.* His rebus cognitis, jam alium propugnaculo præficere statuerat Serinus, quum Montecucculus in castra pervenit. Quem subito convenit Avagherius, *ac non sui timoris, sed publici boni causa propugnaculum incendendam se censere docet. Ejus rei testimonium fore, quod suam salutem in dubium devocare non dubitaret, si in incepto perseverandum existimaret.* Montecucculus etsi multis de causis locum dimitti optimum esse perspiciebat, tamen, quum quod Cæsari morem gerere exoptabat, tum quia omnibus malis illud subsidium succurrere sciebat, quominus illico propugnaculum amitteretur, quod ponte, quem castris conjunctum habebat, singulis quibusque diebus recentes præsidii causa eo mittebat, non omittendum inceptum decrevit. His dictis, Avagherius auxiliis, quæ per pontem submitterentur, confidens, in propugnaculum se confert, & eruptionem, Turcarum ut disturbaret opera, facere milites jubet. Qui tantam virtutem præstiterunt, ut, quum locorum angustiis impedirentur, tamen, compluribus interfectis, se receperunt. Postridie quoque eadem ratione magnum Turcis detrimentum intulerunt. Avagherio ergo, quum feliciter eruptiones expertus esset, in eam rationem belli insistere commodissimum videbatur. Ob eam rem quotidie, quid quisque vir-

virtute posset, periclitatus est, donec, dum suos cohortaretur, occisus est. Hujus morte lætati sunt Turcæ, magis vero Cisfocarii Centurionis fortissimi viri casu, qui quum ex propugnaculo se ejecisset, ac digna se auderet, interfectus est. Hujus virtutem sic probabat Serinus, ut lacrymas tum tenere non potuisset. Acmetes igitur quum opera sæpius disturbari intelligeret, eruptiones comprimere exoptans, pontis interrumpendi consilium capit. Sed vix eum interscissum animadvertit, quum alium ab Montecucculo opportuniore in loco institutum vidit. Conatur & hunc interrumpere, sed quia ita aberat, ut tormentis adigi non posset, necessario conatu destitit, & omni contentione ad perficienda opera utitur, quum, iis perfectis, negotium subito se confecturum speraret. At ejus rei impediendæ causa Tassus, qui in Avagherii locum successerat, tria veteranorum millia nondum certa luce contra hostes ducit: & inopinantes Turcas nactus, ne spatium arma capiendi eis daret, celeritatem adhibere milites jubet. Quo præcepto diligentissime ab eis observato, huc res deducta est, ut circiter quingenti ex Turcis interficerentur, priusquam, quid accidisset, cognovissent. Sed quum postea spe prædæ, etsi revocati ab Tasso, ultra progressi essent, amplius tercenti cadunt. Inter hæc Spaar cum hominum millibus quatuordecim, ac Nadaftius cum senis Pannoniorum, millibus ab Montecucculo perveniunt. Qui ulterioribus regionibus prospicere cupiens, firmiore præsidio, certas cuique partes ad custodiam attribuendo, ripas tueri parat. Hujus rei magna cura Montecucculo, at major retinendi propugnaculi erat; & quum haud procul esse intelligeret, quin amitteretur, quod jam opera plene perfecta essent, ac tormenta plurimum munitionibus nocuissent, extrema tentare statuerat. Itaque, rebus ad incendium excitandum aptis præparatis, Tasso imperat, ut postridie cum maxima præsidii parte ad incendenda Turcarum opera contendat. Dum res distrahitur pluviarum causa, Decurio Germanus cum equitibus septem ad Turcas transit, & eos quum de hac re, tum de munitionum vitis docet. Quibus rebus cognitis, subito omnes in armis esse Acmetes jussit. Turcarum majori diligentia animadversa, Tassus nihil dubitandum existimavit, quin ab Decurione omnia Acmeti essent enunciata: propterea omnia ad Montecucculum perfert. Montecucculus non tantum ex ea re, quod eruptioni locum non esse videbat, quantum ex eo dolorem, cæpit, quod, ubi minime firmas munitiones esse Turcæ cognovissent, ea ad propugnaculum adoriendum venturos suspicabatur. Quod si fieret, in magnum discrimen venturum præsidium,

non

An. 1664 non ignorabat. His omnibus de causis incendere propugnaculum ei placebat. Qui ubi exiit rumor, Nicolaus Serinus Montecucculum convenit, ac palam de eo queritur, *quod locum, in quo Germania salus posita sit, defendere negligat. Se, quod nullum recusare pro publica quiete periculum consiliaisset, ad utramque rem paratum offerre, sive ipsum in propugnaculum mittat, ut sua vite periculo docere Turcas, docere Germanos possit, magnum defensionis momentum animi magnitudinem esse, sive quindecim hominum milia sibi adjungat, ut ad castra hostium contendens hebetes Turcas occidione occidat.* Ad hæc Montecucculo respondere visum est, non oportere sibi, quid agendum esset, præscribi. Quumque sibi Cæsar totius belli summam permisset, abs se, si quid gravius accideret, eum rationem reposcere debere. Serinus magnam sibi irrogari injuriam credens, quum pro sua egregia in Cæsarem voluntate ne mortem quidem subire posset, se discessurum proficitur, ne tot suos labores male cadere videret. His dictis domum repetit. Montecucculus tamen, ne sui incusandi ei occasio esset, concilio diem constituit. Suffragiis re permixta, turpissimum esse nonnulli dicebant; optime de Cæsare meritos milites morti obicere; ideoque præsidium deducendum, propugnaculumque incendendum censebant. Pars, quoniam rem suscepissent, ut bellum in hyemem ducerent, adnendum existimabant. Pars nocte exercitum flumen transducere, ac acie dimicandi Turcis potestatem facere optimum judicabant. Hoc vero nulla ratione fieri plerique demonstrant, quod, quum altissima, ac omni ex parte prærupta ripa esset, quam Turcæ teneant, facile ipsis esset magno cum detrimento se repellere. Hanc sententiam omnes probant; cæterum, utrum locum dimitterent, an defenderent, nihil convenit. Quod ubi cognovit Montecucculus, consilium capit propugnaculum tutari, quoad Cæsar opportunum esse judicaret. Igitur necessarium ducens Cæsarem de omnibus facere certiores, Præfectum ad eum illico proficisci jubet, ut subito ejus mandata ad se perferri possent. Terrebat enim Montecucculum, tantam negotii consiciendi cupiditatem Acmeti innatam esse, quia amplissima munera ab Mehemete Rege ei missa erant, ut ne momentum quidem temporis transiret, quin novi aliquid auderet. At Germani fortiter Turcarum impetus sustinebant, adeo ut, quum turrim ad sinistram sitam occupare tentarent, ad octingentis amissis repellerentur. Postero die haudquaquam superioris diei eventu perterritus Acmetes, Germano Decurione duce usus (quem ad ipsum perfussisse dictum est) majore conatu fossam aggere complere, atque iter cratibus expedire ab ea parte, quam minime firmam esse cogno-

gnoverat. Quod quum vidissent milites, qui in præsidio erant, animo sedemittunt, quia munitionibus confidere non posse sciebant. Tamen a Tasso docti unam salutis spem in virtute consistere, ita pugnant, ut ingentem ederent cladem. Hoc die ex Turcis quingenti desiderati sunt. Hic prætermittendum nulla ratione videtur, Decurionem cum perfugis perfidiæ poenas dedisse, quum ad unum omnes concidissent. Pari item gloriæ eventu eodem tempore ab Germanis ad flumen pugnatum est: nam credens Acmetes, Germanos, qui ripas custodiebant, suorum pugnæ intentos nihil esse negotii opprimere, ut flumen transirent, millibus Turcarum quinque imperat. Sed, ut apud Germanos nulla erat negligentia orta, Turcæ subito repulsi sunt. Hoc die non minori sollicitudine Montecucculus, quam Acmetes afficitur: nam et si suos fortissimorum hominum opera edere paratos videbat, tamen, quum rem ad extremum perductam casum videret, ipsis succumbendum esse non ignorabat, maxime si cuniculi, quos ad hostium opera egerat, & operibus, & militibus non nocerent. Quamobrem ubi ignis vi parum, detrimenti hostibus illatum cognovit, de defensione desperans, ponte in propugnaculum se confert. Ibi rem ita in angusto esse coram, perspicuens, ut præsidii audaciam irritam esse provideret, postridie incendendum propugnaculum decernit, eo magis, quod Cæsar hanc potestatem sibi permiserat. Discedens igitur Tasso præcipit, ut primo bellica tormenta in castra conferenda curet, deinde munitionibus ignem inferat, ac præsidium ponte in castra ducat. Tassus quum ut Ducis dicto audiens esset, tum ut militum saluti consuleret, illico bellica tormenta in castra mittere coepit. Quod simulatque per exploratores ad Acmetem est allatum, de Germanorum consilio conjectura judicans, milites orat, *ne ut venissent incolumes, ita & discedere Germanos pati vellent. Magnam ignominiam ad omnes esse perventuram, si, quum ventum ad finem esset, hostes e manibus dimitterent; & incendium hauriret, quod tot laboribus suum facere exoptavissent.* His plura ad spem præmiorum addens, effecit, ut militibus magnum negotii conficiendi studium accederet: nam, subito farmentis, virgultisque collectis, quidam fossas complere, nonnulli munitiones transcendere, plerique eminus missilibus pugnare, cuncti pro viribus eniti, ut penes se victoria sit. Ita sive Turcis animus crevisset, sive Germani de pristina virtute remisissent, gaudet Acmetes, quod fossam sui transcendissent. Tasso et si inopinata res acciderat, tamen se non deserit, immo tormenta contra eos, qui turribus successerant, collocans, tantum profecit, ut vix ex Prætorianis ducentis, qui eo venerant, quinqua-

An. 1664 giata superessent. Hi tamen aliorum morte, contra; atque solet, ad iram accessi terreum tumulum ascendere conantur. Re vera, quum unus ab aliis sublevatus in summum evalisset, atque alios exceptaret, complures intravere. Qui omnes tanto impetu in tyrones, quibus is locus obvenerat, districtis gladiis feruntur, ut ex illis pugnandi causa nemo consisteret. Horum terrore animadverso, Tassus centum veteranos eis submitit. Hi etsi fugientes firmare non potuerunt, tamen soli praelium magno animo inierant, nec procul erat, quin eos reiicerent, nisi alii ab Acmete missi defessis Turcis adfuissent. Dum hic fortiter utrinque pugnatur, turpe esse alii Turcæ sibi rati Prætorianorum non æquare virtutem, munitiones, ut veiequitatui pateret aditus, perfringunt. Tum primum Germanorum pars sibi diffisi in omnem partem fugam petere, pars, nequicquam orare barbaros, ut misericordia in se utantur, pauci vero resistere. Qui omnes parvo temporis spatio interempti sunt, præter illos, qui viribus confisi tranare flumen ausi sunt. Tassus quoque etsi gravi vulnere affectus, auxilio quorundam equitum in castra pervenit. Quod quidem magnæ fortunæ fuit: nam, non pauci sine vulnere interiere; quoniam Montecucculus præ metu, ne simul Turcæ transirent, poutem interseindendum curaverat. Quamobrem non defuerunt, qui hoc consilium reprehendum existimarent, quod nimium de aliorum salutis sollicitus facultatem ad salutem contendendi reliquis ademisset. Alii culpam, etiam in Montecucculum conferebant, quum haudquaquam tantam calamitatem acceptam esse arbitrantur, si eos milites præsidii causa in propugnaculo collocavisset, qui primo congressu terga non vertissent. Cujus rei tanta opinio ad omnes perlata est, ut nemo esset, qui Montecucculi caput, domumque non execraretur. Ab eo enim, quidquid ab Turcis perpetirentur, se laturos arbitrabantur. Malisque nullum remedium esse posse sperabant, quia non solum Pannonios omnes, sed Montecucculum quoque, cum Turcis consentire suspicabantur. Re vera ut immerito tanto viro hæc obiciebantur, (ut iis, qui vere æstimare rem vulerint, patet) ita jure Pannoniorum perfidiam Croati querebantur. Nam Cæsar etiam quum nullo studio ab eis agi animadverteret, Rotalium, ut supra dictum est, in Pannoniam miserat, qui eos ad sanitatem reduceret. Rotalius ergo ut cum omnibus uno tempore agere posset, communi totius Pannoniæ concilio diem constituit. Qui ubi venit, sibi mirum videri demonstrat, quod Pannonios semper optime de Cæsare meritos ab eo suum consilium separavisse rumor exiisset. Quod, si res ita se haberet, nihil aliud esse, quam ipsos patriam pro-

pro-

*prodere constituisse . Hanc suspicionem ab ipsis sustineri , turpissimum se ducere . Propterea orare , ut , quum id verum non sit , majore studio , quibus possent opibus , in bellum insisterent . Hac ratione pargare se Casari , purgare se Christianis omnibus possent . Hæc ubi cum assensu audiri Veselinus animadvertit , qui ad id tempus optimum studium , egregiam fidem , summam in Casarem voluntatem simulaverat , nunc Pannonios palam ab consilio deterre-
re statuit . Igitur , quum summam fuisset tum suam , tum Pannoniorum omnium erga Casarem studium , eum de legibus quidquam diminueri æquum non esse respondet . Se legibus sancitum habere , ne externos milites in Pannonia fines introducendi Regi potestas sit . Quid igitur sibi vellet , quum tot exercitibus se circumfretisset ? Timere se , ne , simulata Pannoniorum defensione , eos in servitutem abstrahi cupiat . Extremum orationis fuit , se , omnesque paratos esse obstitendi Turcis causa ingentes exercitus cogere , modo illis suis finibus Germani excedant ; at si in incepto perseverare velint , se sibi consilium captivum . Ita nunquam tributum esse collocaturos Pannonios sperabat , quod nunquam exercitus ex Pannonia educturi Montecucculus , Suchiusque essent , ne vacuum sine contentione Turcæ occuparent . Hoc quum cognovisset consilium , Rotalius , magnopere miratur eo temeritatis Veselinum processisse , ut eum id publice profiteri non puderet . Et quamvis omnem impetrandi spem sibi ademptam videret , non tamen sese deserit , sed magna humanitate , ne ejus amentia augetur , errare eos , demonstrat , qui consilium perpetuam Pannoniis injungendi servitutem Casari esse discisarent , quum ejus conatus eo pertinerent , ut ipsos ab Turcarum injuria prohibeat . His dictis , magna controversia inter Pannonios extitit . Pars enim Rotalio , pars Veselino morem gerere cupiebant . Tandem , quum esset diu inter partes maledictis pugnatum , neutri satisfactum est ; quoniam Rotalius infirma esse pro necessitate sex hominum millium auxilia conquestus est , & Veselinus suam spem fuisse sententiam doluit . Hæc ubi fama divulgavit , non mediocris Christianorum omnium perturbatio facta est ; quod , quum superiores militum numero Turcæ essent , Pannonii defensionem post omnia ducerent . Una tamen spes erat in Germanorum militum virtute , ac Ducum consilio . Propterea Petri Serini virtutem cuncti laudibus ferebant : qui certior factus , quod Acmetes ex finitimis oppidis præsidia eduxisset , in Turcarum fines suas copias introducere parabat . Quumque adventum copiarum , quæ Franciscus Cornarius Veneti Senatus nomine sibi auxilio mittere constituerat , expectavisset , ne in longum*

Au. 1664 differens rem tantam occasionem amitteret, ab Montecucculo petit, ut equitum millia duo sibi attribuat, quum majorem calamitatem hac expeditione Turcis esset illaturus, quam superiore anno intulisset. Montecucculus plurimi interesse arbitratus, manus hostium distinguere, quod petierat, ei concedit. Serinus, accepto equitatu, Draum flumen vado transire posse confidens, ea, quæ usui essent ad faciendum pontem, parare neglexit. At ubi pervenit, vadum invenire non valens, quod flumen ex pluviis creverat, expectandum sibi statuit, dum pedibus milites transire possent. Turcæ ripas fluminis non satis valido præsidio tum tenebant, tamen, quum spatium intercessisset, auxilia ex proximis oppidis eo venire. Hoc ubi Serinus animadvertit, timens, ne in dubium rem devocaret, irrito incepto domum repetere non dubitavit. Sub idem tempus Coppium cohortis Præfectum re infecta Varadino discedere Pannoniorum aviditas coegit. Nam invictatus rei bene gerendæ occasione, quod ob multitudinem, quæ mundinas eo tempore frequentabat, suum adventum occultari posse sibi persuaserat, cum Germanis septingentis, Pannoniisque tercentis Varadinum ire contendit. Confesto sub lucem itinere, Pannonios sigillatim, ne militum speciem præberent, præmittit, ipse cum Germanis mille ab oppido passus subsistit. Pannonii ubi in oppidum ingressi sunt, neque occupaverunt portas, ut aditus venienti Coppio pateret, neque prope arcem consistere, ut de improvviso Turcas, qui in statione pro portis erant, opprimentes arce potiri possent, sed prædam agitare cœperunt. Turcæ primo improvisare perturbati, in eos impetum facere non audebant, solum arcem retinere exoptantes, portas subito obiciunt. Tandem, simul primum paucos numero Pannonios in prædando occupatos nihil esse negotii opprimere animadverterunt, in eos se eiciunt, ac nonnullos interficiunt; reliqui, velut quid inopinatum accidisset, timere, negotio deficere, fugere. Sed opportunissimo tempore Coppius cum reliquis perveniens, fugam suorum comprimit, Turcasque in arcem repellit. His rebus actis, quoniam iis Indigebat, quæ ad arcis oppugnationem pertinebant, arcem nequaquam adoriendam constituit; sed unum diem moratus, ut oppidum diriperet, eodem itinere sese Zatmariam, cui urbi præerat, recipit. Hæc omnia quum non processissent, tamen nec diutina molestia Germanis relicta est. Nam paulo quietiorem postea Pannoniam, Cæsar habuit, adeo ut Veselinus quoque Suchlum in itinere conveniret, atque se de superioris temporis consilio excusans frumento exercitum juvare polliceretur. Suchio ut inopinata res acciderat,

rat, in incerto habuit, quid ageret. Nam quum parum verisimile esse videretur, ejus mentem ab superiore consilio rescidisse, ne sui fallendi causa id ageret, verebatur. Tandem, quum reliqui Pannonii opibus, & animo bello servire paratos esse profiterentur, propere in Leventium castra movet. Quo simulatque pervenit, ad oppidi Præfectum legatos mittit, qui cum hortarentur, ut potius suam indulgentiam se dedendo, quam vim experiri velit. Peruaserat sibi Suchius tormenta contra oppidum disponere non oportere, quum deditione sibi prospecturum præsidium confideret. At ubi legati omnia ad defensionem parata esse renunciarunt, castra munit, opera in oppidum instituit, tormenta disponit. His tantum muri eversum est, ut Turcæ, oppidi defensione desperata, in arcem se reciperent. Hac re sublatus Suchius, hoc majore conatu oppugnare arcem instituit. Tum Turcæ sibi præmetuentes, legatos ad Suchium mittunt, qui, quacunque conditione ab ipso ferretur, se contentos esse dicerent. Suchius satis ad gloriam perfectum existimans, quum sex dierum spatio sine vulnere oppidi potitus esset, æquissimas eis dedit conditiones. Turcæ Germanorum præsidio, quibus Casimirus Ferdinandus Metternicus cohortis Præfectus præerat, Strigonium incolumes perveniunt. Metternico ut gratiam referret, qui Leventio præfuerat, eum insigni donat equo. His rebus factis, Suchius tempus terere turpe ducens, oppido Joachimum Neunutum præficit. Cui, oppidi ut munitio- nes reficeret, negotium dat; ipse quia fama Turcarum exercitus præcurrebat, qua brevissimum iter esse cognoscit, ad ea castra, quibus, recepta Nitria, se tenuerat, occupanda contendit. Magno tamen circuitu ponte Granum flumen transire ei opus fuit, quia vado propter aquæ altitudinem non potuit. Acmetes quum de Suchii victoria, postea de Leventii oppugnatione accepisset, ad Præfectos omnes scripserat, suam amularentur gloriam, ac omnibus, qui bello inutiles non essent, coactis contra Suchium proficiscerentur. Idem præterea, ut Moldaviæ, Valachiæque Principes faciant, præceperat. Budæ, Agriæque Præfecti, subito contractis copiis, auxiliorum expectant adventum. Interim Clemium castellum circumcidunt. Pannonii, qui ibi in præsidio erant, etsi ducenti numero, animo non se demiserant. Sed quum nullam subsidii spem restare cognoscerent, itemque munitiones parum firmas esse non ignorarent, salutis spem in deditione reponunt. Itaque quum vitam, ac libertatem pacti essent, eis portas aperiunt. At Turcæ contra jurisjurandi religionem ad unum omnes interficiunt, castellumque direptum incendunt. Hoc facto, Moldavi, Valachi- que

An. 1664 que perveniunt. Coniunctis ergo copiis, fiducia pleni Danubium ponte ad Strigonium transeunt, quum non modo amissa se recuperaturos, sed Suchii etiam exercitum deleturos confiderent. His rebus cognitis, Suchius, etsi ad paucitatem militum rem pervenisse sciebat, quod partem morbus absumpisset, pars pugnis, & oppugnationibus, quod accidere necesse erat, interisset, omnia tamen parabat, ut victoriam adipisceretur. At erat magni periculi res; quoniam quum valetudine afficeretur, ne nocturnum quidem tempus ad quietem sibi relinquebat. Ob eam causam, ne naturæ concederet, ingens timor erat. Quod quidem summo cum exercitus periculo futurum omnes non ignorabant. Propterea Præfecti eum adeunt, ac orant, *ut, quoniam exercitus salus in ipsius salute posita sit, sibi parcat, donec commodiorem in statum pervenisset.* Idem ab eo Billottus medicus, qui in castra Cæsaris jussu venerat, petens, ut se curari Suchius pateretur, obtinuit. Paucis post diebus Comes Traunius Cæsaris Consiliarius in castra venit. Huic, quum fama percrebuisse, rem in angusto esse, quum quod exigua in spe Suchius animam traheret, tum ob Turcarum multitudinem, quia ad oppugnanda castra venissent, Cæsar mandaverat, ut Præfectos hortaretur, ne prælio rem committerent. At Traunius ubi rem aliter se habere coram perspexit, & ab Suchio accepit, *non dubitare se, quin hostes esset deleturus, si sibi supplementum mitteretur,* Suchium monet, *ut, quoniam magnopere communis salutis inter sit, ipsum convalescere, Tirnaviam se reciperet.* Cui ut mox gerat Suchius, subito eo petit. Discedens Præfectis mandat, ut postridie castra moverent, & Neoselio appropinquare contenderent, ne, quum longius absint, timoris suspensionem darent. Præfecti jussa effecerunt, & ad Vagum opportuno loco castra posuerunt. Dum Tirnavia moratur, turpe sibi Suchius ducens belli rationum oblivisci, Eisteri mandat, ut copias, quibus præsit, in castra ad Granum ducat; Buseinum vero, ut exploratores circummitteret, orat. Buseinus ubi Turcas Leventium magno impetu oppugnare comperit, subito de hac re Suchium docet. Qui magna sollicitudine afficitur, quoniam, ne sua cunctatione oppidum amitteretur, timebat. Ob hanc rem subito, ut convalesceret, ad exercitum venit, ut omnino suis auxilium ferret. Igitur quum unumquemque militem sex dierum panem sibi efferre jussisset, illico Leventium petere cupiebat. Dum parum ab profectione aberat, præmissi exploratores revertuntur, ac ad duo Turcarum millia ad se iter habere demonstrant. Suchius antecursores adesse, cæterum exercitum adventare ratus, iter dif-

differens, magnam equitatus partem in venientes mittit. Equites pleni animorum contra eos profisciscuntur. Sed ubi propius ventum est, insignibus, armisque Germanos esse animadverterunt. Quumque ad eos læti accessissent, Eisterem cum hominum millibus duobus adesse, cæterum tria veteranorum millia, quibus Comes Quintinus Ermesteinus præsit, quinque dierum iter abesse cognoscunt. His rebus statim per equites in castra perlatis, ubi Suchius sub meridiem auxilia ad se recepit, consilium Præfectorum omnium habet. Quorum pars expectandum auxiliorum adventum censere, alii, *quum victoria spem sibi præcisam viderent, quod pares hostibus numero non essent, nequaquam fortunam tentandam existimare.* Horum increpant ignaviam reliqui, ac illico suis opem ferendam esse demonstrant. Quorum sententiam Suchius probat. Itaque præmissis de tertia vigilia impedimentis, ipse cum exercitu multo jam die profectus, decima diei parte reliqua, mille passus a Sanbenedicto consistit. Postridie, instructa acie, paulatim procedebat, quum mille Scythas Granum transisse, ac prælium cum antecursoribus commisisse cognoscit. Sed ignoranti, utrum sui, an hostes superiores discessissent, equites tria militaria signa referentes interveniunt. Qui ducentos ex Scythis primo congressu cecidisse, ex suis vero triginta interiisse demonstrarunt, ubi incautius confectati eos essent, qui dedita opera pedes referebant. Hæc res eam lætitiæ causam omnibus præbuit, quod, quum tercenti mille fudissent, virtute Turcas sibi pares non esse arbitrantur. Hoc die quum sub cuiusdam montis radicibus confedissent Germani, hostes eos montes tenere conspiciunt, unde ad flumen Granum pervenire, ac nullo negotio ripas occupare possent. Hoc ne accideret, quum magnopere sibi præcavendum Suchius existimaret, Eisterem cum compluribus equitum turmis, ut Turcis impedimento sit, præmittit, seque cum omnibus copiis subsecuturum polliceretur. Hostes tamen eisdem locis se tenent, & Suchius locum castris prope flumen deligi jubet. Quum hoc statu res esset, Joannellus cum quingentis militibus in castra pervenit, qui ut magnis impedimentis venerant, Turcas perterruerunt, quum ampliores copias Suchio auxilio venisse arbitrantur. Itaque convocato concilio, optimum esse constituerunt, obsidione abstinere, ut, Suchii exercitu deleta, sine contentione oppida reciperent, quæ nunc expugnare magni periculi res esset. Hac constituta re, ut militum animos Budæ Præfectus, ad quem summa imperii respiciebat, confirmaret, *Etsi, inquit, vobis mirum videri non ignoro, me ad illud consilium descendisse, ut negotio infecto*

di-

An. 1664

discedam, tamen quo ampliore animo sitis, simulque ut monerem, vos advocavi, me meam, ac omnium opinionem fallere velitis, quum dimicandi facultaserit. Nam hoc vobis persuasum habeatis, velim, quod victoribus omnia parent, eoque, si victoriam adipiscemur, sine contentione non Leventium modo, verum Nitriam etiam, atque alia oppida, missis ultro legationibus, recipiamus oportet. Non igitur ignominia loco ferendum est, oppugnationem relinqui, sed patius consilium laudibus concelebrandum, quod maxima hostibus inferretur calamitas. Jam victoria in manibus est; quid dubitatis eam exercere? Jam hostem tenetis; quid cunctamini, quin digna fortissimis viris audeatis? An nescitis, Suchium tantos sibi sumpsisse spiritus, praelio secundo facto, ut, quasi explorata victoria, alieno loco praelio dimicare non dubitaverit. Spernant Germani, quos secum virtute exaquare non posse judicant. Quum ipsis unius praelii secundas fortuna fuisset, virtute se vicisse, & virtute se victuros existimant. Non cum Betasio Temesvaria Praefecto, sed mecum Suchio negotium nunc erit. Nunquam committam, ut locus fraudi contra me sit. Omnia summa ratione acta fortuna sequatur, oportet. Confidant audacia Germani, confidant peritia belli; praestent, quam poterint, audaciam. Contemnant nostram virtutem: nam ego quoque, timoris praebendo opinionem, eorum amentiam augebo, quo rem summo consilio administrare negligentes partum antea decus amittant. His dictis, cupidissimis omnibus, oppugnatio dimissa est; nec erat quisquam omnium, qui de eventu dubitaret, si manus conferendae copia foret. Spes tamen subito minuitur, quum propter obsessorum audaciam, qui novissimum carpere agmen ausi sunt, tum quod tantum animi quibusdam ex Germanis esse cognoverunt, ut flumen transire, & magna verborum contumelia se ad praelium evocare non dubitarent. Postero die dum lux adventaret, ventus cooritur, quo quum arbores offensae levius streperent, agminis iter facientis tumultum esse rati vigiles, rem ad Suchium, perferunt. Qui subito milites se expedire jubet, aciemque instruit, ut vel transire flumen conantes prohibeat, vel, si praelii committendi imposita esset necessitas, negotio non deesset. At ubi orientis sole omnia superiora loca praemultitudine hostium vix cerni posse cognovit, fortunam rei bene gerendae occasionem dare velle existimans, exercitum flumen traducere constituit. Sic enim vel pugnae facultatem futuram, vel, hostibus praelium detrectantibus, suos alacriores se facturum confidebat. Igitur ubi, ad concilium re delata, omnes Praefecti non expectandum censuere, dum initium transeundi ab Turcis feret, ut impeditos flumine opprimerent, quan-

quando cunctando minima sibi confidere hostes demonstravissent, humilicemodi verba fecit. Quam nunc tentare fortunam oporteat, iis persuadere difficile non est; qui nihil fortuito accidere persuasum sibi habent. Omnia Deo auctore fieri jam constas, adeo ut non semel expertum sit, levi de causa maximarum rerum commutationem esse factam. Hæc de re in religionem vertendum existimavi, si, quæ ventus copere arma cœpisset, ponere vos ego jaberem. Non ergo expectandum statui, dum flumen transire consentur Turcæ, ut vestram experiar virtutem. Repræsentō jam Deo auctore diem. Nunc gloriam, nunc decas deleti exercitus vestrum fieri oportet. Satis est, usq; adhuc vos tempus consumpsisse. Satis suum timorem significavere hostes, quum Budæ Præfectus, suis ab oppugnatione reductis, in montes se recepit. Satis Ducis imperitia apparet, quando ripas fluminis occupare primo neglexit. Fluminis quum minima sit altitudo, quid veremini opportunitate uti? Planities ista trans Granum palmam vobis victoribus parat. Trans flumen locus est, qui Turcarum clade nobilitabitur: Ferax gloriæ seges est, si virtutem præstare parati estis, quia quos montes nunc complere conspiciatis, eos brevi dissipatos fugere videbitis. Desiderata enim multitudo ea est, non veterani milites, quæ quumvis belli imperita sit, si e castris egredi audebit, nequaquam in acie consistet. Postremo illos eosdem esse, scia- tis, velim, quos sine contentione fudistis, falsoque consecrati estis. Non animus eis, sed Dux est mutatus, qui nunquam timidus virtutem addere valet. Agitedum ad laudem, ad prædam properate. Vestræ enim præda est, & vobis reservatur; quidquid videtis. Hæc oratione ita permoventur milites, ut tyrones etiam, non veterani solum inter se cohortarentur, ne, quum fortuna præclari facinoris casum daret, ipsi negotio defint. Quorum alacritatem quum cognovisset Suchius, confestim tribus locis omnes transire flumen jubet. Qui tantam adhibuerunt diligentiam, ut, quum prope temporis momento major pars trans flumen esset, reliquos prohibere desperans Budæ Præfectus castris eo consilio se teneret, ut cursu exanimatos nullo negotio opprimeret, si castra adoriri cōstitissent. Eo audaciæ Germanos processuros quum verisimillimum judicaret, illico omnes se lavare jubet. Hæc Turcarum more gravissima ceremonia est, quod criminum maculas hac ratione aboleri putant. Hoc facto, Dux omnes hortari, ut temeritatis Germanos pænitere cogant, obsecrari, triplicem instruere aciem, ac omnia trepidanter administrare. Dum hæc agebantur, Germani jam flumen transierant. Quumque non amplius prælio superfedendum, Suchius existimaret, Covario, & Capraræ cohortium Præfectis

An. 1664 mille attribuit equites, qui prælium inirent; ipse cum reliquis copiis lentius subsequitur. Ne tum quidem Budæ Præfectus castris egredi voluit, solum versus fluentem, qua transire Germanis nupus esse cognoscebat, mille & quingentos mittit equites, qui iter Germanorum morarentur, quoad e sylvis Valachi se eicientes ab tergo eos adorirentur. Quod nulla ratione factum est. Nam, quum de improvviso in occupatos in ascendendo omnibus copiis impetum facere statuisset, partem copiarum ad eorum demorandum iter mittere nihil opus erat, ne, priusquam ipse subsidio suis veniret, missi equites funderentur, ut accidit. Ubi ergo Suchius Valacos per sylvam missos animadvertit, Eisterem cum hominum millibus binis eo mittit, qui Valacorum sustineret impetum. Quod non solum præstitit Eister, verum etiam, postquam acriter utrinque pugnatum est, eos in fugam coniecit. Eodem tempore, quum fortiter ab equitibus, quos Caprara ducebat, pugnaretur, Budæ Præfectus quatuor Prætorianorum millia, & equitum millia duo subsidio suis mittit. Quorum adventu tantum Turcis innascitur studii, ut impetum ferre Germani non potuissent, nisi Suchius cum hominum millibus duobus eis adfuisset. Hi etiam, postquam prælium restituerunt, tanto impetu in Turcas feruntur, ut paulatim pedes referentes in eum locum digrederentur, ubi Suchius insidiarum causa Blochium cum tercentis veteranis collocaverat. Sic Suchii consilium fortuna comprobavit, quia, quum hi ab tergo de improvviso sese ostenderent, omnem pene exercitum instare Turcæ arbitrabantur, eoque se fugæ mandabant. Hoc acrius Caprara instat, ac jam omnes certiores capebant fugam, quum recentes copię a Budæ Præfecto missæ pugnam redintegrant. Atrox adest prælium, ac unusquisque pro viribus suam probare operam enititur, donec mille pedites cum bellicis tormentis defatigatis submittit Suchius. Nam tum primum Turcarum strage repletis campis, Matio virtutem duo equitum millia, & mille attribuit pedites Suchius valuit, ut Moldavos, Scythasque adoriretur, & funderet. Nihil enim actum ad Pannoniæ salutem existimabat, nisi exercitum omnem ad internecionem redigeret. Matio virtutem rem suscipiens, milites, *ut gloriam confecti negotii ferre velint*, hortatur. *Intervisse quidquid roboris fuisset, ignavos, inertesque superesse. Eniteantur ergo in cruenta victoria potiri.* His vocibus alacriores facti milites, magno animo in hostes irrumpunt. Moldavi, Scythæque quum incursionibus, quam præliis meliores essent, tamen sive quia nullam in fuga salutem perspiciebant, sive quia mille Prætoriani suo exemplo eos alacres fecissent, sive Budæ Præfecti vocibus per-

permoti, diutius, quam quis credidisset, Matio virtutis impetum, tulerunt. *Maximam ipsorum gloriam fore demonstrabat Budæ Præfectus, si acceptum aliorum ignavia detrimentum sua virtute sarcirent. In ipsorum animi magnitudine Turcarum nominis decus positum esse. Præstarent maximam audaciam, quoniam tutior ipsis ea esset, quam fuga.* Itaque nec Matio virtutis extremum auxilium experiri cupientes propellere facile fuisset, nisi tormentis Cniges Scythas perterruiisset. Hi ante omnes fugæ se mandantes, ut reliqui ab inermis pedibus auxilium peterent, effecerunt. Sic Neoielii, & Budæ Præfecti destituti interficiuntur. Quum tribus locis hostem superatum Suchius vidisset, spe conficiendi negotii fugientes persequi constituit. Igitur milites, etsi continenti labore defessos, hortatur, ut, *quoniam ad finem laborum esset perventum, equo animo nunc suam præstarent operam. Periculosum esse, spatium perterritis sui confirmandi dare.* Milites ad omnia parati imperio parent. Ubi via, quæ Leventium ferebat, paululum progressi, hostes loca superiora capere, ac munire conari animadverterunt, ne sui colligendi facultatem eis relinquerent, eo contendunt. Tum, desperatis rebus, omnes fugæ se mandant. Hos, quantum viribus efficere potuerunt, consecuti pedites, magnum numerum eorum conciderunt. In iis Agriæ, ac Leventii quondam Præfectos. Dum hæc administrarentur, Eistur cum cohortibus duabus in castra irrupit. Hic inermes etiam, non repugnantes solum interfecti. Præda parta ingens. Turcarum amplius septem millia cæsa. Ex Germanis, ratione habita, quingenti desiderati, totidemque vulneribus effecti. Moldavi, Valachique omnes, ac Scytharum magna pars ex fuga domum contenderunt, reliqui ad sex millium numerum ponte Danubium transeuntes, ad Acmetem pervenerunt. Suchius noctem exercitui ad quietem dat; postridie Leventium petens, primo Tempia adit, ac magna omnium lætitia gratias Deo agit, deinde sigillatim illos, quorum egregiam fuisse virtutem, animadverterat, & generatim Pannonios, Germanosque collaudat. Præterea nuncium ad Cæsarem mittit, qui se decem hominum milibus paulo minus Turcarum millia triginta vicisse nunciaret. Cui munificentissime Cæsar præmia tribuit. Atque plurium dierum supplicatione indicta, litteras ad Suchium remittit, *se semper ipsius fidem, virtutemque probavisse, at nunc maximi consilium facere.* Quibus litteris permotus Suchius, militaria signa, ad centum numero, quibus erat potitus, ad Cæsarem Viennam referri iussit. Consilium item Præfectorum habuit: quid tamen agendum videretur, convenire non potuit, quum duæ sententiæ concilium disti-

An. 1664

nerent, una eorum, qui Neoselium oppugnandum censebant, quia, quum gravis pestilentia præsidiū magnam partem consumpsisset, ac rerum omnium inopia esset, vel per vim, vel per conditiones oppido potiri posse sperabant; maxime quod Acmetes ab Montecucculo, quominus eis opem ferat, impediatur. Altera nonnullorum, qui quum, rebus sic stantibus, muuitissimam oppugnare urbem magnæ contentionis negotium esse arbitrarentur, exercitui jam laboribus confecto omni frustra non in iungendum existimabant. Igitur quum unusquisque ab sua sententia discedere se posse negaret, res disputatione diltrahebatur, nisi Suchius errare eos demonstravisset, qui dissensionum, & non victoriæ exercendæ tempus esse existimarent. Sibi contentionibus opportunitates corrumpere nunquam placuisse: ideoque, ne controversia diutius alatur, quod de profectiōe in sextum diem collocaturus fuisset, nunc representaturum. Postridie ergo Sanbenedictum petit, ibique citra Granum flumen castra ponit. Hic nocte eum animo suo reputans Neoselium recipere suarum virium non esse, ne tempus defles consumeret, Barcanium e regione Strigonii castellum occupare decernit. Rem hanc nullius periculi esse existimabat, quum quod non magnis munitionibus sciebat firmatum esse castellum, tum quod exiguas copias ibi in præsidio esse cognoverat. Castellumque ea maxime ratione sibi opportunum fore non ignorabat, quod, si subsidia postea sibi mitterentur, Strigonium posset expugnare. Quod si accideret, maximo cum periculo oppidorum citra Danubium positorum esse intelligebat, quum, qua Turcæ subsidio suis venirent, non esset. Si semel maximi periculi hoc negotium esse cognosceret, posse tum Neoselium aggredi. Igitur ubi nuncium ad Cæsarem oratum misit, ut sibi auxilia mitteret, si victoriam exerceri cuperet, Kalendis sextilis maximo usus militum studio Barcanium venit. Duplicique instructa acie, Mansfeldio imperat; ut cum octingentis peditibus ad muros succederet; quo animus ei amplior esset, lentius quingentos alios subsequi iubet. Interim ipse pedites, equitesque alios alio itinere per hortos, qui castellum cingebant, propius fossam sine periculo ducit, cujus externum labrum palis in terram defixis muniabatur. Quod opus subito Germani scindunt. Conati sunt Turcæ hos eruptione propellere. Quæ quidem res Germanis salutem attulit, quieos in castellum sine vulnere rejecerunt, quando magnum accipere potuissent detrimentum, si se in Mansfeldium eiecissent, qui temere spatium, quod inter hortos, & fossam intercedit, occupaverat. Nam, eo superato, ab tergo alios adoriri poterant. Et licet pauci postea se in Mansfeldium eiecissent, tamen tantum

tum opportunitas e loci, & tormentis proficiunt, ut, Mansfeldio vulnerato, milites jam initium fugæ facerent. Quod nisi in his angustiis rem esse Suchius cognoscens integros contra Turcas duxisset, haud dubie calamitas accepta esset. Vix enim centum terga non vertisse, & ex eis ægerrime quintum quemque sine vulnere relictum esse constabat. Itaque quum terra, farmentis, virgultisque ad hostes obiectis se munivissent Germani, tum omnibus copiis eruptionem nullo consilio Turcæ faciunt. Sub idem tempus tormenta contra pontem disposita ita ei nocuerunt, ut, sex navibus depressis, Turcæ locum retinere diffiderent. Tormenta item in murorum perniciem collocata tantum detrimenti Turcis inferunt, ut, quum nullam restare spem viderent, fuga ad salutem contendere constituerent. Igitur noctu igne domibus illato, lintribus, navibusque perfugiant. Suchius ubi ab igne pontem quoque haustum, vidit, ad Comaram pluribus de causis castra movet, quarum altera erat, ut exercitum ex laboribus reficeret, altera, ut citius auxilia ad se reciperet. Ibi quum frustra diu expectavisset, Cæsarem convenire statuit, atque orare, *ne rei bene gerendæ facultatem dimitteret, quum, nullo hoste prohibente, oppida trans Danubium sine periculo posset expugnare.* Cæsar, ut in eam spem venerat, Turcas discedere ab armis posse, si valido exercitu ab ea parte urgerentur, non alienum suis rationibus putabat, ampliores Suchio attribuire copias. Optimum tamen consilium omittit, quod præstare cuncti dixerunt Montecucculo, ut fines tegat, quam Suchio, ut alienum occupet, auxilia decernere. Nicolaus Serinus quoque quam hac de re, tum aliis de causis, ut exercitus sibi permitteretur, non obtinuit, tamen aliorum culpa Canisiam se non expugnasse dicebat. *Se exiguis copiis asperiora & aggredi ausum esse, & conficere valuisse. Non esse dubitandum, quin, si sibi, quod petat, non negetur, magnam Turcis inferat calamitatem. Acmetem, quod propugnaculum cepisset, præsidiumque trucidasset, Montecucculo acceptum referre debere, quum, si locum ipse defendisset, nunquam ejus conatus locus fuisset.* Hac oratione complures criminando effecit, ut prope omnes contra ipsum pro sua existimatione niterentur. Serinum propugnaculum nullius usus ad Muram excitando Turcas ad bellum incitavisse demonstrabant. Serinum Canisiam contra aliorum opinionem oppugnando milites frustra labori objecisse, & pecuniam nequicquam profudisse. Serinum eadem re coegisse Acmetem citius, quam Turcarum consuetudo ferret, exercitum in Pannonia, & fursum in Germania perniciem ducere. Hominem esse arrogantem, temerarium, ac nullius consilii. Non esse dubitandum, quin, si ei exerci-

ci-

An. 1664

citis tradatur, rem in periculum deducat, quum alios contemnendo, & sibi plus agnosciendo impossibilia esset suscepturus. Non inverisimile praterea esse, eum Casarem proditorem, quum privatim externorum amicitiam colat. Jam constare, Franciscum Barberinum Cardinalem, ac Venetos eum re pecuniaria juvare. Jam non abesse suspicionem, quin in gratiam cum Ludovico Gallia Rege venisset. Igitur vel, ut ei morem gerat, consulto male se gesturum, vel excursionibus, quibus nihil ad summam rerum proficitur, Turcas ita lacesiturum esse, ut nunquam omittere bellum velint. Hæc, & hujuscemodi sæpe dicentes, Cæsari, ut paci studeret, persuadent, ac in bellum eo consilio animum intenderet, ut sibi parere pacem posset. Cæsar vero ne Serium ab se alienaret, cujus maximam inter Pannonios, Croatosque esse authoritatem cognoverat, ei satisfacturum pollicetur, ubi Montecucculum eo rem deduxisse cognovisset, ut Turcæ in Germaniam contendere nequeant. Hæc enim res omnium curarum caput erat; quia id Acmetem summopere cupere sciebant. Re vera Acmetes, ubi propugnaculum, quod nullo usui esse cognoverat, incendit, Muram flumen transire vehementer exoptabat. Et quia apertam vim non procedere expertus erat, fraude rem obtinere constituit. Itaque de improvviso castra movet, & Pannoniæ fines populari sibi in animo esse simulat, ut, si sibi prohibendi causa custodes ex ripis Montecucculus deduceret, ipse de improvviso iter convertens sine periculo exercitum flumen traduceret. Hoc vero fore suspicatus Montecucculus, omnes suis locis se continere jubens, tria equitum millia exploratum mittit. Hæc ubi visa esse Acmeti enunciatum est, Montecucculum jam fraude captum ratus, illico eo redire, unde profectus erat, exercitum jubet. At simul contra tam peritum Ducem fraudi locum non fuisse coram perspexit, tantus dolor incessit, ut, alienata mente, in quam belli rationem insisteret, diu in incerto haberet. Tandem castra juxta Montecucculum ponit, adeo ut alter alteri exercitui nocere tormentis posset. Nocte tamen, ne majorem æstatis partem consummeret, consilium discedendi, ac Danubium ponte transeundi capit, ut vel Montecucculum eandem fraudem timentem falleret, ubi Suchii exercitum deleret, vel cum eo ad insequendum parato æquo loco signa conferret. Montecucculus quum ex tumultu de Turcarum profectioe sensisset, fraudem veritus, firmiore præsidio ripam teneri jubet. Majorem tamen equitatus partem ad novissimum agmen carpendum mittit. Equites longo spatio persecuti Turcas, ubi ad quingentos occiderunt, nonnullosque cæperunt, se in castra recipiunt. Ex his alio iter Acmetem habere Montecucculus cognoscens,

con-

concilium convocare statuit, maxime quod Badenius, qui auxiliorum ab Germaniæ Regulis, Civitatibusque missorum imperii summam obtinebat, in castra eo die pervenisset. Omnium, qui concilium interfuere, una fuit sententia, quæ, ubi trium dierum, spatio Acmetem iter ad Muram non convertisse cognovissent, moram ad eum insequendum non inferendam censebat. Montecucculus tamen magna afficitur sollicitudine, quod frustra magnis itineribus se effet extensurus, ut plurium dierum iter progressos consequeretur, quum illi altissima flumina sine contentione transire, &, quo placeret, se vertere possent. Sed quum diu dubitatione æstuasset, tandem Nadastio tria Pannoniorum millia, & equitum millia duo attribuit, ut illico ad Arrabonem flumen contendat, ripasque occupet, &, quum opus sit, transitu Turcas prohibeat. Hoc enim magnopere sibi præcavendum existimabat, quum nullo negotio in Austriam pervenire Turcæ possent, ubi hoc transissent flumen. At, si ad sinistram flecterent, & Jaurinum obsiderent, aut si ad dextram Volceas paludes versus iter retorquerent, tempus ad suis subveniendum intercessurum sperabat. Optimum consilium fortuna comprobavit, quia Nadastius ad Arrabonem perveniens, subito custodias disposuit, adeo ut Acmeti magno impedimento esset, ubi depulsus ab consilio Suchii opprimendi (in itinere copias, quæ ex cæde superfueraut, recipiens æstus cognovit) iter eo convertit. Non multo post Montecucculus, ubi quum Germanorum, tum Ludovici auxilia, quibus Comes Collignius præerat, ad se recepit, accopias omnes recensuit, ut, quid roboris esset, perspiceret, ad Nadastium pervenit. Dum omnia in Germanorum castris gratulatione plena essent, quod eo tempore, quo Acmetis consiliis officere possent, venissent, res accidit, quæ salutem ipsis attulit. Tria equitum millia permotam famam, quod duo Turcarum millia non procul inde pabularentur, ad ea opprimenda subito contendunt. In itinere quum ex agrestibus ampliores ibi esse copias cognovissent, Chermendum iter convertunt. Cui castello dum appropinquarent, in iacutos Scythas incidunt: qui unam salutis spem in fuga esse rati, in proximam sylvam se recipiunt. Germani ubi nonnullos interfecerunt, & perosque cœperunt, longius succedere non audentes, quam quem ad finem loca aperta intercederent, se in castra conferre statuant. Igitur quum lentius progredierentur, ut ex locis superioribus in flumen prospectus erat, cognoscunt Pannoniorum maximam partem multitudine Turcarum perterritam ripas dimisisse, nec procul abesse, quin Turcæ transcant, nisi eos ipsi prohibere in-

An. 1664 insituerent. Obstant causam inter se cohortati, ut tam opportuno tempore suam probarent operam, nulla interposita mora, eo contendunt. Horum adventu nequaquam perturbantur Turcæ, sed utpote illi, qui partam jam victoriam retinere enituntur, maxima utebantur contentione. Germani vero quum unum illud esse tempus intelligerent, quo maxime contentione opus esset, tantum vi in eosferuntur, ut omnes terga vertere cogerentur. Hoc die ostingenti ex Turcis conciderunt. Germanorum vero circiter ducenti desiderati; in his Eques Santagnanus, ac Marchio Castrinovi, nobilissimi Galli. Qui alios virtute præcedere cupientes, ante omnes cum aliis ex Gallia nobilibus progressi sunt, ut fortissimos ex Turcis ad singulare certamen evocarent. Sed quum ex Turcis nemo repertus esset, qui, se plurimum virtute posse, demonstrare ausus esset, ne rei militaris gloria amitteretur, plures in eos impetum faciunt. Paululum se defendunt Galli, tandem circumventi duo interficiuntur, duo auxilio aliorum, qui, cognita Turcarum perfidia, venerant, vulneribus affecti inter manus in castra afferuntur. Postero die Acmetes iterum, si rem obtinere posset, tentare constituit: sed Montecucculi diligentia repulsus secundum flumen iter agere cœpit, ut vel occasionem nactus alio loco exercitum transduceret, vel, si Montecucculus sui insequendi studio de custodiis eo loco remitteret, de improvviso iter convertens transiret. At ubi omnes suo loco se tenere animadvertit, perveniens Zacanium, quem locum tyronibus obvenisse per captivos cognoverat, subito magno sublato clamore suos, fluminis vadum tentarent, hortatur. Germanis quia Duces adsum, fortiter se gerunt. Tum Acmetes omnia loca diligenter ab hostibus teneri animadvertens, magna difficultate afficitur, qua ratione eis detrimentum inferret. Incertusque agitabatur, si, hoc deposito consilio, novum quæreretur: postremo regionis peritos ad se vocari jubens, ex eis, an alio itinere in Germaniam ire possit, quærit. Illi itinera campestria, quæ inter Arrabonem, & Muram flumina intercedant, haudquaquam difficilia, ac angusta ad Stiriam pertinere, quibus ex locis in Austriam pervenire nihil negotii esse respondent. Hac de re magna lætitia Acmetes afficitur, &, veluti jam parta victoria, magnis præmiis eos afficit, atque palam collaudat, quod eorum opera periculum vitaret, in quod venire necesse erat, ubi Arrabonem transire periclitatus esset. Sub vespere ergo concilium cogit; magis ut pro novo consilio laudem ferret, quam ut de rebus consultaret. Jam eam se iniisse rationem pronunciat, qua sine vulnere Viennam quoque posset oppugnare. Quod quum
 ef-

essent nonnulli admirati, *Quid admiratione afficerentur*, inquit, *quum nihil suæ virtuti, ac diligentia, quibus omnia sibi peperisset, esset infectum.* Alia adhæc addit, ut majora de se prædicaret. At ubi Caplanus, qui ob eximiam virtutem magni habebatur, consilii rationem accepit, in hunc modum locutus fuisse dicitur. *Nunquam tibi, Acmetes, repugnare audeam, nisi boni publici, ac communis gloriæ studium me ad audacter dicendum impelleret. Hæc est publicæ salutis cbaritas, ut pro ea ne temeritatis quidem notam subire timeam, quum ei resistere non dubitem, cui egregia gesta summum magistratum conciliarunt. Quæ quidem quum tanta sint, de iis silere potius, quam pauca dicere præstat. Tamen, ut ingenue fatear, in dubium devocari res potest, quum periculum sit, ne fames victorem consumat exercitum. Quid profici posse speras longius procedendo, quando de re frumentaria provisum non est? An hostes necessariis rebus exercitum esse juvatuos speras? & non dubitabis potius, quin omnia ex agris in oppida conferant, atque pecora longius removeant, ut omnia ad usum nobis desint? An frumentum ex horreis avebi flumine posse confidis? & non potius timebis, ne omnia Montecucculus intercipiat? Quid ergo in periculum venire exoptas, quando hostium delendorum facultatem nancisci nullo negotio poteris? His auditis, ab sua sententia discedere Acmetem non puduit. Quod etsi cuncti laudibus ferebant, tamen timens, ne Caplani autoritas augeretur, suæque minueretur, aliquo fortiter facto maculam delere statuit. Hæc cogitanti nihil accidere gratius posse visum est, quam si per vim flumen transiret, & perterritos hostes in fugam coniiceret. Igitur quum prope Sangottardum flumen non nimis in latitudinem pateret, eo loco fortunam tentare decernit. Tantaque cupiditate pugnandi ardet, ut nullum spatium ad consilium ineundum sibi relinquens subito milites in flumen se demittere juberet. At, ubi suos ægre Germanorum vim sustinere cognovit, id fieri arbitratus, quod itineris labore confectos periculo objecisset, perpaucis amissis, receptui cani jubet. Reliquum diei consulendo consumit, non quemadmodum flumen transiret, & victoriam adipisceretur, sed quomodo victoria uteretur. Nunquam Turcas ab Germanis sustineri posse confidebat, quando ex omnibus viginti hominum millia legisset, quæ eodem loco eos adorirentur. Constitutum præterea ex omnium sententia est, simulatque victoria potiti essent, quam minimum spatii ad se colligendum hostibus relinquere non oportere, sed eos primo ad internecionem persequi, deinde oppida expugnare, ac Germaniam perdomere. Hæc non in animis solum, sed in*

AN. 1664 oculis Præfectorum ita esse videbantur, ut, velut jam parta victoria, Budæ Præfecto Acmetes mandaret, ut majora bellica tormenta, atque alia, quæ ad oppugnationem usui essent, subito mittat. Nec minorem rerum suarum fiduciam gregarii habebant, quum ne oculorum quidem suorum aciem Germanos laturos sibi persuasisent. Consulitur quoque de locis, quæ quisque obtinere debeat. De qua re quum esset pluribus ab nonnullis disceptatum, Acmetes Ismaelem Bolsenæ Præfectum, qui Regis sororem uxorem duxerat, mediæ aciei præponit; Haliuni Prætorianorum Præfectum sinistrum cornu; Caplanum dextrum obtinere jubet. Mehemetis Aleppi Præfecti copias inter cornua dispertit, quæ, quos laborantes cognoscerent, eos confirmarent. Simulachium cum equitum millibus tribus paulo supra, Curcum vero cum equitum millibus quatuor paulo infra eum locum, ubi ipse cum exercitu esset, transire flumen, & ab tergo circumvenire hostes jubet. Multa præterea, quæ memoriæ prodenda non videntur, constituta sunt. Ad occasum solis concilium dimittens Acmetes, ut se quieti darent, quo majore alacritate sequentis diei laborem ferre possent, milites hortatur. At mane quum consilium perficere exoptaret, animadversum est, Baldasarem Gallum Pistoriensem ad Germanos transivisse. Huic quod ad dissimulanda omnia altitudo ingenii erat, captus ab Turcis ita Acmetem familiari amicitia sibi conjunxerat, ut, quum in ejus familiarium numero esset, omnium esset consiliorum particeps. Quumque Turcarum consuetudinis tædio affectus jamdiu fugæ occasionem quæreretur, opportunissimo tempore inter Turcarum lætitiā, ac negligentiam nocte meditata perficiendi facultatem nactus, ad Montecucculum transit, ac se Pistoriensem esse demonstrat: Acmeti adeo acceptum fuisse, ut omnia ejus consilia manifesta haberet. Quæ omnia, quum utile etiam, non gratum solum ipsi esse intelligeret, ennuciare paratum esse. Montecucculus opportune id sibi accidisse ratus, eum omnia aperire jubet. Qui subito, quæ supra dicta sunt, ordine exponit; simul quid roboris in Turcarum exercitu sit addit, quas cohortes firmissimas Acmetes habeat, quem numerum omnes expleant, quid uniuscujusque Præfecti natura, aut studium ferat, quique magni consilii, aut virtutis habebantur. Certamini sequentem esse dictum diem, ac eo loco flumen transire Acmetem velle confirmat. Hæc ubi Montecucculus audivit, quod pluribus præsentibus agitari nolebat, id quærit ex solo. Magnaque lætitia afficitur, quod Acmetes de Sangottardo castello expugnando ne cogitavisset quidem, licet ea sine contentione transire flumen ponte posset. Huic rei quum maxime

xime præmetueret Montecucculus, locum secreto muniendum curabat, ne res in suspensionem veniret. Acmetes ergo hostibus consilia enunciata suspicatus, magna afficitur difficultate, si in eandem belli rationem insisteret. Dum rei militaris peritissimos consulenti, quid ageret, non constabat, idem Caplanus, *Quid de belli ratione commutanda cogitas*, inquit. *Non is Turca est, qui solum inopinantem hostem vincere audeat: efferatam etiam ira, atque odio per virtutem superabit. Ne animo deficias. Quæ Germanorum animi virtus primo inerat, ea solum, patefactis consiliis, in pugna patebit: non animus, non audacia eis crevit. Ne dubites fortunæ beneficio uti.* Quibus verbis confirmatus Acmetes, de omnium consilio paulo supra eum locum postero die copias flumen transducere, & cum Germanis congredi constituit. At Montecucculus animo victoriam providebat, quia Turcas alieno loco prælium committere audentes temeritatis pœnas daturus confidebat. Cæterum aciem ad hunc modum instructam esse voluit, ut ipse cum veteranis Cæsaribus militibus lævum cornu, Olachius cum militibus, quibus præerat, atque Colignius cum Gallis dextrum cornu, Badenius cum auxiliariis cohortibus mediam aciem teneret. Hoc ea maxime ratione fecit, quod, quum cohortes, quas Germaniæ Reguli, Civitatesque contulerant, minus firmas haberet Montecucculus, ab lateribus facilius subsidia mitti posse sciebat. Itaque quum uterque exercitus utrique esset in conspectu, ac tormentis pugnaretur, paucis Montecucculus milites ad virtutem accendit. Reliquum diei, quia prælium expectabat, in armis omnes essent, præcipit. At ubi noctem adesse, nec ullam in partem ab Turcis fieri significationem cognovit, ut nocturna quiete membra levent, monet. Ubi illuxit, Acmetes secundum flumen iter agere, & uno tempore in itinere, invento vado, copias flumen transducere conari. At Germani tanta vi utuntur, ut Acmetes de secundo eventu desperans suos revocaret, & paululum ex eo loco procederet. Noctu tormenta bellica prope flumen, sic animo paratus, disponit, ut oriente sole fortunam omnino periclitaretur. Nam, quum semel, atque iterum repulsus esset, si conatu desisteret, timidiore suos, confirmatiorem hostium exercitum fieri iudicabat. Montecucculus nocte etiam progreditur, ut juxta Acmetem castra poneret; iterumque suos monet, ut in posterum magnum animum gererent, quum Acmetes prælio non esset superseksurus. Postero die ubi plura equitum millia ex hostium castris emissa cognovit, timens, ne alio loco transire vellent, Comiti Joanni Sporchio imperat, ut eorum rationes exploret. Sporchius ut paulatim loci regionem,

AN. 1664 hostes superare animadvertit, non dubitandum sibi existimat, quin
 pabulatum irent. Proinde, quid sui, quid Turcæ virtute possent,
 periclitari cupiens, flumen tranantes tanta vi aggreditur, ut ne-
 minimam quidem temporis partem impetum ferre possent, sed in-
 citati fuga in castra se recipere. Dum hæc geruntur, Acmetes
 paulo infra eum locum, versus vicum Chiesalum, iter habet. Eo
 loco suorum virtutem experiri optimum ducebat, propterea quod
 ibi ad decem passus flumen in latitudinem patere arbitrabatur. In
 itinere paucis milites (tantam in eorum virtute spem habebat) ad
 dimicandum confirmat. *Flumen facili transitu esse: hostes perter-
 ritos, quum nunquam lacessiti extra munitiones egredi ausi essent.
 Nunc rem eo ductam, ut locus non magno prasidio eis sit. Deberent
 indignari, quod in tanta vicinitate pauci inertes conspectum tot for-
 tissimorum militum ferrent. Jam victoriam, jam gloriam, jam
 ante omnia prædam in ipsorum manu esse. Forti igitur, alacrique
 animo essent, & sibi, fortunæque gratias agerent.* Hæc quum di-
 xisset, Scythis, ut primi se in flumen demitterent, imperat. Scy-
 thæ unis excursionibus, latrociniiisque nati in acie rem committe-
 re timebant; ideo iniquo animo lentius progrediebantur. Quod ubi
 vidit Ismael, ipse prælium inire decernit. Sicenim egregie rei ge-
 stæ gloria invidiam, qua æstuabat Acmetes, vincere posse ar-
 bitrabatur. Eodem tempore Caplanus, Mehemetesque aliis locis
 suos transducere flumen conantur. Horum tamen alacritatem non
 ita fortuna comprobavit, ut Ismaelis audaciam: qui ut in locum
 minime munitum, quem custodiebant tyrones, impetum fecerat,
 ad sex hominum millia flumen traducere, & rei militaris imperitos
 in fugam dare valuit. Cujus rei eventu magnos spiritus sibi sumunt
 Turcæ. Et quum Comes Fucherus hominum millia quatuor contra
 eos duxisset, tamen pars in loco muniendo erant occupati, pars
 fortiter pugnabant, adeo ut initium fugæ facerent Germani, ubi
 Fucherus inter primos agens occidit. Itaque res summis erat in an-
 gustiis, quum quidquid adderetur subsidii, id fugientium timore
 periculum auget. Namne duæ quidem cohortes, quarum alte-
 ræ Smigdius, alteræ Nafsovius præerat, hostem insolentem sup-
 primere valuerunt, quin pars loco cederent, pars, Nafsovio
 mortuo, armis abjectis, ut sibi ignosceretur, orarent. Sed ira
 exulceratos Prætorianos ab inermibus non abstinere non puduit.
 Hujus scivitæ pœnas Princeps Carolus a Lotharingia ab eis repetit,
 quum equites, quibus præerat, confortis turmis in eos impetum
 facere jussit. & ipse, ubi plurimum laboris, ac periculi esse
 cognoscebat, eo processit. Venientis humerum hasta ex Turcarum
 Præ-

Præfectis unus appetit. At Carolus, citato equo, & periculum vitat, & gladio eum confodit. Tantæ audaciæ miraculum obstupefactos Turcas tenet, donec Montecucculus cum tribus veteranorum millibus pervenit. Tum primum dispersi colliguntur, & pugnantes Germani firmanentur. Tum primum acriter utrinque pugnatur, quum Germani Ducem, qui se in mediam dimicationem intulerat, imitari conarentur, & Turcæ audaciam calones, quos spes prædæ ad confectandos perterritos evocabat, non adæquare turpe sibi ducerent. Germanis vero animus crescit, ubi calones, animadversa contentione, præcipites se fugæ mandantes effecerunt, ut reliqui Turcæ paulisper intermitterent prælium. Quod ubi cognovit Acmetes, calones detestatus, suos hortatur, *ne inertium fuga perterrerentur: levem esse timoris causam, quando iidem Germani instarent, qui ne primum quidem impetum sustinere potuissent.* At ubi cohortationes non audiri animadvertit, sex Prætorianorum millia contra illos, qui in sinistro cornu constiterant, mittit. Item Curcum quingentis passibus supra, & Hibraimum, passibus septingentis infra eum locum, ubi res gerebatur, transire flumen, & circumvenire inopinantes jubet. Magnum usum habere Acmetes judicabat, hostes tot locis distingere, ut, quum alter alteri auxilio esse non posset, aliquo loco victoriæ initium fieret. Ad hos vero casus omnes (ut manifestum Acmetis consilium ex Gallo habuerat) hæc subsidia comparaverat Montecucculus, ut Carolus a Lotaringia, cum mille, & quingentis equitibus Curco officeret, & Sporchius cum equitum millibus binis Hibraimum repelleret. His locis primum tanti periculi res non fuit, quantum terroris Prætorianorum millia sex fecere, quæ levum cornu circumvenire conabantur. Olachium sinistro cornu ab Montecucculo præpositum supra demonstratum est. Hic ut rei militaris non satis peritus erat, ab confertis minus detrimenti accipi posse arbitratus, aciem arcte statuit. Sic custodes ex ripa, & palude, quæ ab tergo erat, deducere necesse fuit. Quod vitium ab hostibus non fuisse animadversum magnæ fortunæ fuit, quum difficulter eo loco depelli potuissent, quem nullo cœpissent negotio. Nec facile Montecucculo tum fuisset binis cohortibus, quas subsidio suis duxit. ferociorum hostium impetum retardare, quando, etsi locus illis præsidio non erat, tantam præstiterunt virtutem, ut diu varia fortuna pugnaretur. Quæ obrem erat in magnis difficultatibus Germanorum res, maxime quod, crescente hostium numero, Carolus, & Sporchius vix loco non cesserunt, quando tyronum cohortes, Turcas negotium confecisse, exclamando, fugam capefunt. Ex his nonnulli Gratium adeunt,

quo

An. 1664 quo jam Turcarum victoriæ fama per eos, qui primo fugerant, pervenerat, Montecucculum victum confirmant, Acmetemque, ne hora quidem ad quietem exercitui data, ulteriores in regiones iter habere addunt. Quum inter omnes sermo hic congrueret, ita multiplicatur terror, ut pars in sylvas, pars in paludes, alii alios in locos, qui salutis spem offerebant, se reciperent. Neque fama Germaniæ finibus se tenet, quin Itali communem dolerent casum, & maximo afficerentur metu. Fugientium quoque voces minus peritos impellunt Præfectos, ut ad Montecucculum accurrerent, & omnibus orarent precibus, *ne suis subveniendi studio exercitum in periculum deduceret. Non ignorare se, excellentissimam esse ipsius virtutem, tamen contra tantas difficultates humano consilio provideri non posse.* Montecucculus sibi maxime mirum videri demonstrat, quod alii, *plusquam se, de eventu verum præsentire arbitrantur. Sequimini me,* clariore voce inquit; *& extrema experiri conamini. Victoria baud dubia est, quando veterani supersunt. Pugna nunc, non concilii tempus est.* His dictis, citato equo acies circuire, atque omnes confirmare incipiebat, quum ei Badenius occurrit, atque rem in angustio esse dicit. *Præstare reliquis consulere copiis, quam spe prælii restituendi exercitum amittere. Sperare se, exercitus summa salva, alias rei bene gerendæ occasiones nancisci Germanos posse.* Hac oratione permotus Montecucculus, ut consultatio haberetur, consensit, ne collegæ in imperio prope paris animum offensus disensionis causa oriretur, & sic maxima fortuna e manibus dimitteretur. Brevis vero, ut instans postulabat periculum, consultatio fuit, quoniam etsi non minima Præfectorum pars exercitum omnem in periculum deducere summæ dementiae esse profitebatur, quia, *quum integri primos transitu prohibere non potuissent, nunc perculsi novissimos ferociores impedire non valerent,* Montecucculus tamen, *ipsorum iudicii rem non esse demonstrat, ea re terri, quare recreari maxime deberent. Ab Turcis eos, qui in re militari usum habeant nullum, fusos esse; non esse dubitandum, quin, si recentes, si integros, si veteranos adducat, & omnibus copiis labore confectos hostes aggrediatur, Turcarum nomen prope deleatur. Alacri, fortique animo essent, quia aliis consiliis locus non sit, quum in fuga nulla sit salutis spes. Nam præter periculum, in quod venire possent, ubi illico se Turcæ confectentur, timendum etiam esse, ne ab Germania eos prohibendi facultas sit.* Probant, ac ad cælum ferunt consilium Galli, nec se itineris laborem suscepisse confirmant, ut partem jam belli gloriam amittant, sed ut maiorem sibi pariant laudem. Hæc ubi superat sententiâ, Montecucculus in eam partem,

tem, quam fors obtulit, ad suos ad virtutem excitandos contendit. Idem faciunt reliqui Præfecti. Sic subito Germani ad sex millium numerum ad eam partem, ubi plurimum periculi erat, perveniunt. Atrox certamen adest, quia Turcas gloria, & prædandi studium, Germanos salutis spes ad virtutem excitat. Et haud dubie inclinari Turcarum acies posse videbatur, si Galli eodem tempore instarent: idcirco ad Colignium Montecucculus Præfectum mittit oratum, ne moram inferret. Colignius ex ripis custodes deducere nolebat, ne ea flumen Turcæ transeuntes se aliis intentum rebus circumvenirent. Inque eo perseverasset, nisi Fuilladius, qui equitatus præerat, vir non minoris audaciæ, quam virtutis, eum docuisset, *extremis rebus medendum extraordinariis consiliis: nec considerati hominis esse magis saturi, quam præsentis periculi rationem habere. Si Germanos Turcæ superaverint, nullam restare salutis spem. Eniteretur igitur una cum eis vel vincere, vel mori.* His impulsus vocibus Colignius, acriter pugnantes Turcas omnibus aggreditur copiis. Inter hæc Montecucculus mille, & quingentos Carolo, totidem Sporchio submittit pedites. Quorum adventu confirmati Germani equites, tanta vi in Turcas feruntur, ut puncto temporis eos funderent, fusosque confectarentur. Plures in fuga interficiuntur, reliqui vel vi fluminis abrepti, vel a suis oppressi pereunt. Ab his initium victoriæ factum est, quoniam alio loco quamvis ab Germanis, & Gallis Turcæ premerentur, tamen, quum in Acmetis conspectu suam probare operam exoptarent, negotio non desisteabant. Hortatur quoque eos Acmetes, *ne subito terrentur: virtute, & patientia omnia vincei. Cum iisdem rem esse, quos primo adventu sudissent. Summa rei discrimen ex timidis fortes eos fecisse; sed non ita, ut diu contra consistere audeant, ubi eosdem esse Turcas cognoverint. Nihil referre, utrum primo, an nunquam se viros esse demonstravissent, quando victoria penes hostes remaneat.* His vocibus instinctos Turcas quum Montecucculus in nixos stare videret, licet atrox cædes circa eorum signa esset, suos monet, *ne se obstinatione ab Turcis superari paterentur. Virtute ipsos resistuisse prælium, virtute victoria potiuntur, oportet. Si nunc contentionem non præstarent omnem, nequicquam ad conundum aliud expectaturi tempus essent. Actum de salute, de religione, de patria esse, nisi Turcas repellerent.* His, & aliis excitati Germani, etiam extrema tentabant, tamen adhuc ancipiti pugnabatur prælio. Quod ubi cognovit Montecucculus, Pium, & Fuilladium cum hominum millibus tribus magno circuitu per sylvestres locos ad hostes

cir-

An. 1664 circumveniendos mittit. Qui ubi pervenerunt, ac de improvviso hostes adorti sunt, tantum profecerunt, ut si nullius magis rei, quam fugæ memores arma abicerent. Conatur tamen Acmetes recentes defessis submittere, atque precibus, & præmiorum spe percussos confirmare. Quæ ubi frustra esse animadvertit, precibus ad minas versus, prælium restituere adnititur. At ab hac quoque spe repulsus, nominatim aliquos ex Præfectis appellat, & se sequi jubet. Qui quum versari in media pugnæ mole nollent, imperio non parent, etsi eum in flumen se demississe cognoscebant. Tum Acmetes in maximum venit periculum, quoniam ex infimis quidam ordinibus Germanus miles eum consecutus est. Quamobrem, desperatis rebus, conatu desistit, & quia, ne illico flumen transirent victores, timebat, tormenta, impedimenta, ac sarcinaria jumenta relinquens, ut fugæ similis discessus videretur, effecit. Quum horæ iter processisset, & Montecucculum ne equitatum quidem ad se, consecutandum misisse cognosceret, loco admodum natura munito subsistit. Quum tantus Acmetem invasisset timor, tamen metus ne, an dolor apud eum plus valuisset, facile judicari non potuit, quum complures ipse gladio interfecisset, viginti Præfectos capitis damnaisset, & quadraginta loco movisset, & gregarios, quos fortiter se gessisse cognoverat, in eorum locum traduxisset. Misit præterea ad Montecucculum legatos oratum, *ut quos haberet in potestate Præfectos, eos liberaliter habeat, donec vel eos pecuniâ redimeret, vel per conditiones sibi restituerentur*. Maximo igitur dolore afficitur, quod omnes, quorum mentionem supra fecimus, eandem tulisse fortunam, atque Emirum tulerat: qui quum vexillum Mehemeti sacrum unus gestare per leges posset, quod ab Mehemete prognatus esset, in flumine deprehensus interfectus est. Præter vexillum militaria signa centum quinque & viginti quoque amissa. In acie millia Turcarum septena; millia autem novem in flumine periisse fama divulgavit. Præfecti propter virtutem notiores desiderati sunt omnes. Unus Caplanus primum pro occiso sublatus, deinde magna diligentia curatus convaluit, & suæ audaciæ fructum tulit, quum officio maritimo ab Rege præficeretur. Ex Germanis, Gallisque circiter mille conciderunt: supra vero mille vulnerati. Qui dubiis rebus in fuga spem omnem posuerant, in vincula coniecti sunt. Quæ de regratulatio inter eos fit, qui paulo ante perterriti ad vota, Divosque multis cum lacrymis se converterant. Non minori lætitia afficitur Cæsar, ubi per Mascherium, cohortis Præfectum fortiter omnium acta, ac summum Montecucculi

culi consilium cognovit. Propterea templum D. Dominico sacrum, Deo gratias agendi causa, adit. Atque ut optime de se meritis militibus gratiam referret, celeriter frumenti vim in castra mitti, stipendiumque omnibus dari jubet. Plerosque, quos virtute reliquos præcelsisse acceperat, militaribus donis, ac pecunia donat: Præfectis nonnullis, in iis Pio, & Tasso ipsorum virtutis memorem fore scribit. Montecucculo majore cum imperio belli summam permittit: Sporchium, Schedinavium, Pium, Spaarum ad superiores ordines pro merito traducit. Præterea quatuor peditum millia, ac equitum millia bina Altemburgo ad Montecucculum contendere jubet, ut majore vi victoriam exercere posset. In castris ubi Cæsarem tam gratum se præbuisse, ac ita fortia facta probasse compertum est, multo major alacritas negotii conficiendi omnibus innascitur. Proinde ad Montecucculum concursus fiebat, ac nunquam super consilium, ac diligentiam fortunam fuisse palam dicebant. Alia ratione bellum administrari potuisse negabant. Galli præcipue, qui sub peritissimis Ducibus militiæ operam dederant, maximum esse Ducem Montecucculum confirmant. Nec aliam opinionem de tanto viro Acmetes habebat; quoniam cum unum suis consiliis officisse expertus erat. Non defuerunt tamen alterius gloriæ invidi, qui ejus dici exitum potius Acmetis imperitiæ, ac temeritati, quam Montecucculi consilio, ac virtuti tribuendum existimarent; propterea quod nulla ratione veteranos Germanos, Gallosque ille ita despexerat, ut ad iniquam pugnandi rationem, descendere non dubitavisset, quando rem consequi potuisset, ubi Sangottardum expugnasset. Acmetem ergo in tanto suorum metu unum recreabat, quod, imbre coorto, aqua Arrabonis fluminis ripas superavisset, ut hostem ad se insequendum tardaret. Nam magnam accipere calamitatem expectabat, (tantum Germanos, Gallosque recentis victoriæ opinione, & virtute posse arbitrabatur) si pugnae eis copia foret. Quumque Præfecti omnes infamiæ notam delere exoptarent, ac obeam rem peterent, *ne dubitaret aliquod oppidum aggredi, ut suam experiretur virtutem*, tamen summæ dementiæ se accusandum esse Acmetes profitetur, si, fortibus viris amissis, fortunam periclitari exoptaret. Ob hanc rem, & aliis de causis ad Albam Regalem castra movet. In itinere cum copiis, quæ ab Asia veniebant, se conjungere sperabat. At tantus erat omnium timor, ut semper Germanos adventare arbitrantur. Nec dubium erat, quin calamitatem acceperant, si reliqui Duces Montecucculo auscultare voluissent. Demonstrabat Montecucculus, *surpe esse percussis hostibus parcere: & quoniam adfi-*

An. 1664 *nem laborum pervenissent, ne gravarentur itineris incommodo victoriam confirmare. At il, quibus Cæsarem dominatu auctiorem esse non placebat, rei frumentariæ angustias, ac exercitus defessi pericula vereri simulantes, insudati jam laboris fructum percipere impediabant; quia neque cum omnibus copiis consequi Acmetem, voluerunt, neque equitatum ad novissimum agmen carpendum, ac ad explorandum mittere optimum ducebant. Montecucculus tamen Nadaßium, qui hostium exploraret rationes, cum Croatis, Pannoniisque mittit, ipse postero die castra movet. Ubi Sopronium minoribus itineribus pervenit, Sulzbachiũ ad Cæsarem mittit, qui diceret, ne mirum videatur, si iter a proposito diversum habendo rei benè gerendæ occasionem dimitteret, propterea quod aliqui privata consilia in difficultates viarum, atque in rei frumentariæ angustiarum simulationem conferant. Præciperet, quid agendum in tanta diffensione putaret: se omnia facere paratum fore. Sub idem tempus Bernardus Calenus Monasteriensium Episcopus, & Badenus Durlachius Marchio in castra perveniunt. Hos, ut supra demonstravimus, Germaniæ Reguli mittunt specie continendarum copiarum in officio, re autem ipsa, ut Cæsarem uti victoria impediant. Idcirco non immerito quidam dixit, eo tantum tempore experientia compertum esse, dilationem aliquid commodi attulisse: nam si citius, quid in mandatis eis darent, convenisset, haud dubium, erat, quin prius in castra pervenissent, & sic adipisci victoriam impedivissent. Simul primum Calenus, Durlachius ad munus evocati fuere, de iis rebus, quæ eis in mandatis darent, disceptari cœptum est. Sed magno temporis spatio consumpto, Kalendis Junii Joannes Philippus Scenbornius, & Guido Ubaldus Tunnius, Maguntinorum alter, alter Salisburgensium Archiepiscopus Ratisbona discedunt. Interim, qui remanserant, de aliis discernunt controversiis. Comes Valdechius, qui Olachio adjutor submissus erat, equites ut circum se custodiæ causa haberet, petebat. Discesserunt in duas partes omnes. Pars petenti adesse, pars ei morem gerendum negare. Tandem etsi majori parti placuit, ut ex iis, quos circum se haberet Olachius, quinque & viginti Valdechio attribueret equites, tamen, contradicentibus nonnullis, re infecta Valdechius discedit. Sexto Kalendas Sextilis Tunnius Ratisbonam repetit. Eodem biduo post Scenbornius venit. Qui, quantum auctoritate valent, enituntur, ut controversiis finis fieret; sic communi consensu, quid ex usu Germaniæ esset, decerni posse cognoscebant. Horum auctoritate cuncti permoti, nonnulla mandata Caleno, collegæque dare contenti fuere. Quorum hæc erat sum-*

summa . Curæ ipsis esset , ut omnes in eadem permanerent libertate , utque Cæsar auxiliis solum contra innatos Christianorum , hostes uteretur . Caverent , ne ad dissensionem res deducatur , ex quibus omnia oriri mala necesse est . Stipendium militibus reddendum curarent . Darent operam , ne pabuli , ac frumenti inopia , esset . In officio omnes continerent , ne injurias milites cumulantes Pannonios ab Cæsare alienarent . Moldaviæ , Valachiæque Principes ab Turcarum amicitia averterent , & eos , aliosque Cæsari , si possent , conciliarent . Consilia soli haberent ; nec quidquam , aliis enunciarent . Monerent Duces , ut omnem diligentiam , quam necessitas requirat , adhiberent . Bellum , nisi de communis totius Germaniæ concilii sententia , non componerent . Maguntinorum Archiepiscopum de omnibus , quæ in castris gerantur , certiorerem facerent . Hæc scripta mandata eis dederunt . Cæterum , alia addiderunt , quæ nunquam divulgata dicuntur , quum , ut penitissimo pectore ea absconderent , eos monuissent . Hæc omnia Cæsari sunt enunciata , ut ea probaret . Qui consulto tempus primo traxit , deinde iis rebus se esse contentum confirmavit . Sed ne tunc quidem ad exercitum contendere Calenus , Durlachiusque valuerunt , quia , quum Cæsarem vellent adire , petebant , *ut litteræ ad eum communi nomine , quæ numeris testimonio essent , mitterentur* . Sed controversia orta , Calenus subito discedit , Durlachius frustra aliquot expectavit dies . Idem facere decreverant illi , quos consilii causa delegerant : sed , quum ex eis duo sacramento cavere negarent , se nihil , nisi quod ex usu totius Germaniæ esset , acturos , omnes maxime perturbantur , & *haudquam discedendi potestatem se ipsis facturos , nisi jurarent* , profitentur . Hi rem ad Cæsarem deferunt , qui , concilio convocato , rem distrahit . Quod ubi Calenus , Durlachiusque cognoverunt , ad exercitum eo tempore contendunt , quo omnes gloriæ , & prædæ studio Albam Regalem petere cupiebant . Quum pervenire , profectioem in posterum transferunt . Interim concilio habito , *summæ se iniquitatis accusandos dicunt , si majoribus obicere laboribus milites vellent* . Nec aliud obtinere ii valuerunt , qui *tarpe esse demonstrabant , ipsorum adventum exploratam interpellavisse victoriam* , quam ut , viginti diebus ad quietem exercitui datis , hostem consequerentur . Hæc sententia ea de causa etiam superat , quod Sulzbachius Vienna reversus , Cæsarem ad Duces rem omnem rejecisse confirmavit . Plura alia demonstravit Sulzbachius , quæ memoriæ prodenda non existimo . Quibus responsis acceptis , Montecucculus eo Cæsarem nihil mandavisse suspicatur , quod pax fa-

AN. 1664 Ita esset. Hæc exierat superioribus diebus fama, quod magnis itineribus nuncios ab Reningherio missus Viennam petierat, sed rei fides non fuerat, quod Cæsar summo studio ab Ferdinando Maria Bavaricæ Duce, & ab aliis, quorum summam in se voluntatem perspexerat, auxilia accerferet, & ab Germaniæ Regulis rei pecuniariæ subsidia peteret. Sed Montecucculus, alique omnia occulta habebant, quamvis quotidie Viennæ consultationes de pace haberentur. Jam Acmetes diffusus bellum trahere sine veteranis, quos jam superioribus amiserat pugnis, fractus calamitatibus ab Suchio, & Montecucculo illatis, dejectus spe auxiliorum Abbassi, & haudquaquam Pannonios se cum Turcis conjungere velle existimans, item Provincias magno, ac diutino bello confectas de omnibus abnuere cognoscens, firmare pacem optimum judicabat: porro in spem veniebat, si in hyemem bellum duceret, tempus ad omnia paranda intercessurum, ut insequente æstate amissam recuperaret gloriam. His de rebus vagus, incertusque agitabatur. Erant in castris Mehemetes, & Hassan, quibus familiarissime Acmetes utebatur, quod eos magni consilii viros esse existimabat. At hi, utpote Christiani, qui vanam superstitionem amplexi erant, timebant, ne Acmetes crederet, se Baldassaris Galli vestigiis insistere velle. Ob hanc rem nequaquam ejus abditos sensus elicere, enitebantur, sed solum, ut suspicionem omnem vitarent, simulque in familiariorem usum se ei insinuarent, sermones illos ferebant, quos aptos ad depellendas animi molestias arbitrabantur. Acmeti enim post pugnam nox quieta nulla erat. Igitur quum media nocte requiescere non posset, Hassanem, Mehemetemque ad se vocat, atque omnia, quæ superius retulimus, exponens, eorum sciscitatur sententiam. Tum Hassan, nescire se dicit, *utrum majores nunquam se novo onerare bello voluissent, quia Deo magnam aviditatem cordi non esse judicavissent, an quod solos ad omnia sufficere non posse cognovissent. Non ignorare tamen, eos id instituisse, & magno cum periculo alios eorum sprevisse exempla. Nec alia de causa superiore anno, licet inopinantes Germanos deprehendisset, ipsum minus opinione profecisse, & hoc anno calamitatem accepisse. Haud dubium esse, in majora mala Turcas precipitatos, nisi in majorum vestigiis ponere pedes velint, quum invitati præda, gloriæque occasione Christiani Reges jungere arma possint. Præstare expugnati Citæi laudem sine periculo suam facere, quam Pannonia perdomenda studio in periculum venire. Se libere, audacterque locutum, quia, quum ipsius gloriam primam habeat, non sue maximo dolore rem non succcessisse cognosceret.* Vera Hassanem locutum confirmat Mehemete-

hemetes, & in una pace periculi vitandi rationem constare docet. His rebus magna sollicitudine afficitur Acmetes, quia, ne pacem petendo suum metum significaret, & Germanos ferociores efficeret, verebatur. Quam hæc diu secum voluisset, commodissimum iudicavit, in bellicos apparatus ingenii, animique vires profunderet omnes. Sic Reningherio, sic Cæsari, sic Christianis omnibus terrorem inferre posse sperabat, adeo ut ab eis mentio pacis inferretur. Hæc spectans, quotidie ad se Reningherium vocabat, sermonesque compositioni aptos ferebat. Quod quum præter consuetudinem fieri Reningherius animadvertisset, ab armis Acmetem discedere velle coniecit. Quamobrem, quid propositi haberet, cognoscere exoptans, in eum sermonem ingredi optimum iudicavit. Acmetes quum nihil aliud expectaret, quam ut ab ipso initium de pace agendi nasceretur, subito *se pacem Cæsari dare paratum esse demonstrat, quando aquas accipere conditiones non respueret.* Reningherius nihil certi respondens, noctis spatium ad consilium capiendum postulat. Quod ubi obtinuit, magna difficultate ad liberandum afficiebatur: nam si bellum non componeret, quum Acmetis, quia explorandi causa eam instituisse orationem, suspicari poterat, tum maxime Cæsaris iram verebatur, quod optatam pacem, quum posset, non firmaret: porro si pacem faceret, in maximum periculum se venturum arbitrabatur, si probare conditiones Cæsar negaret. Hoc accidere verosimilius posse, iudicabat, quum, commutatione rerum facta, voluntatis quoque commutatio fieri posset, eo magis quod vel exercere victoriam, vel æquiores obtinere conditiones res daret. His difficultatibus circumvento consilia cum Casanova, quem Cæsar sibi adiutorem submiserat, communicare optimum visum est. Res disputatione ad primam lucem perducitur, tandem, ut iis conditionibus, quas antea Cæsar proposuerat, rem ad otium deduceret, convenit, quia si Cæsar se revocavisset, enunciandam ipsis rem curavisset. Hic omnia commemorant, quare Cæsari pacem firmare oporteret, quæ ut superius recensui, & infra proponenda sunt, nunc libenter omitto. Mane igitur Reningherio Acmetem conveniente, conditiones convenire omnes: solum controversia extitit, quod, *ut alii Transylvania Principatum adjudicare liceret*, Acmetes petebat. *Abbasum ingratum Turcis fuisse: idcirco non pertinere ad Turcarum gloriam magis, quam ad Regum omnium securitatem hoc institui exemplum, ut ab tanto vitio mortales deterreantur.* Sed quum hoc probare se posse Reningherius negaret, viginti annorum inducias æquis conditionibus paciscitur: quarum hæc erat summa.

AN. 1664 *ma.* Michael Abbassus Transylvaniæ Principatum obtineret; qui sexies centena nummorum aureorum millia Turcarum Regi solvere debeat. Abbasso mortuo, Transylvanorum suffragio Princeps crearetur. Eisdem legibus, ac institutis Transylvani uterentur, ac in eadem libertate, atque ante bellum, permanerent. Zatmariensem, ac Bihoriensem pagos Cæsar obtineret. Turcæ Varadinum, Neoselium, aliaque Transylvaniæ oppida, quæ recepissent, retinerent. Cæsari Nitriam, aliaque oppida munitionibus firmare liceret: Turcis vero hæc potestas non esset. Zechelidis arx, ne alicui officeret, solo æquaretur. Hæc omnia latinis, ac Turcicis litteris conscriberentur, ac exempla ad Cæsarem, & Mehemetem mitterentur. Utque fides dari, & accipi posset, utrinque legati cum donis mitterentur. His rebus actis, suam familiarem Acmetes ad Regem mittit, qui doceret, *se ad hoc descendisse consilium, quod nullam usus belli peritiam, ac virtutem militibus esse cognovisset: æquissimis conditionibus cavisse, ne rerum egregie ab majoribus gestarum gloriam ignavissimi homines suis tarpiter factis amitterent. Ne igitur dare fidem magno cum periculo abnueret. Tanta pacis cupido Acmetem tenebat, ut non immerito nonnulli opinati essent, eum Varadinum, Neoseliumque iterum Christianorum fieri passurum fuisse, si eam unam compositionis conditionem esse Reningherius professus esset. At Reningherius timens, ne Cæsaris animum offenderet, si alias conditiones proponendo, ut a compositione Acmetes abhorreret, efficeret, solum illis contentus fuit. His constitutis rebus, Cæsarem de omnibus facit certiorum: qui Consiliariorum suffragiis rem permisit. Inter quos quum controversia existeret, res diutius ducta est, ita tamen, ut nunquam in vulgus allata fuerit. Et quia consultationibus Viennæ habitis, nihil convenerat, Eberstorffum venandi causa se Cæsar confert; ibique quotidie, quos idoneos ducebat, ad concilium convocabat. Tamen, quia non una omnium sententia erat, ex die dies ducebatur. Tandem, quum esset amplius quadraginta diebus disputatum, Lubcovitius in hunc modum disseruisse dicitur. *Si quis nunquam in longiorem diem conferre rem adhuc velit, quod prudentis viri esse sibi persuasisset, recte æstimare rem, in qua omnium salus posita est, haud dubie eum errare confirmo. Nam non semper, quæ prudentia appellatur, ea est, sed plerunque timor, & rerum imperitia. Eo non tantum contendo, ut mea obtineat sententia, quantum peto, ut, quod injuri consilium debeat, illud opportune ineatur. Aut arma parare, aut ab armis discedere oportet. Quid ergo, quasi uno consilio opus sit, utrisque curam omittitis? Non*
in-*

incipias eo, priusquam res aggrediaris, consulere oportere, sed consultando opportunitates dimittere optimum esse nego. Nam quem ex Christianis esse putatis, qui istam consilii rationem non detestetur, quum nos uti victoria nolle intelligunt? An omnes ita rerum imperitos esse putatis, ut occidione occidi perterritos Turcas, oppida expugnari, aut saltem amissa recuperari potuisse non cognoscant? Non idcirco mei consilii est bellum trahere, sed iniquissimis conditionibus minime ab exercitibus discedere, quando equioribus componi res potest. Nunquam me legisse, aut audivisse recordor, ea parte aliquem fuisse contentum, qua, priusquam victoriam adipisceretur, contentus erat, nisi in supplices, & subiectos misericordia se usum esse demonstrare voluisset. Videte igitur, si infestissimo, ac potentissimo hosti parcere deceat, ab quo non injuria modo, sed calamitates nobis illatae sunt. An ab injuria hujus beneficii memoria Turcas temperaturos in reliquum tempus existimatis, quando, ut libera facultas sit in Pannoniam exercitus introducendi, Varadinum, Neoseliamque retinere enituntur? Nulla ratione ei parcitur, quem non solum aliis nunquam pepercisse compertum est, verum, quum facultas sit, minime ignoscere in animo habere conjectas. Dementia est, misericordia nti, quando in miseriam converti potest. Nunc tanta potentia imminuenda tempus est. Nunc in multas atates belli differendi occasio videtur, quam, deletis exercitibus, opportunissima oppida in potestatem redigere possumus. Et hoc non difficile esset, quum quod omnes Germani auxilia, & pecuniam conferre parati sunt, tum quod Alexandrum Pontificem Maximum Christianorum Regum unum consilium effecturum sperare licet. Quae si non procederent omnia, tamen Montecucculo optimo Duci, fortissimisque Germanis ignavissimos adversus rebus exterritos delere facile erit. Quod si hanc accipere sententiam nolitis, (neque, ut vos in eam traham, tendo) saltem respiciatis, oro, utrum induciae insidiarum quidquam babeant, nec ne. Nam dulci compositionis nomine nunc capi non modo turpe, sed nefas sapientissimis viris est, propterea quod periculum est, ne Pannonii frequentibus excursionibus vexati Tatarum fidei se permittant. An eos, qui per se parum fidi sunt, hac impulsos occasione id consilii non esse inituros confiditis? An omnia belli fortuna committere, quae varios asferre solet casus, periculosum non ducitis, quia, quum longe viris, armis, pecunia opulentissimus Turca, quam Caesar sit, rem secundam non cessaturam judicatis? Et cur potius non respicitis, quid accidere nobis possit, quando, paratis de integro omnibus, ingentem exercitum ad Germaniam oppugnandam ducent, quum hoc tempore, quo Turcarum res in-

ex-

An. 1664

extremo sita est, vobis diffidatis. Nec consuetis, nec extraordinariis remediis tunc sibi poteris: actum de Pannonia, Germanique eris. At rem non ita se habere ex eo potissimum cognosco, quod, quum, florantibus suis rebus, magno rerum omnium apparatu contra nos incautos venissent, tamen victi nunc pacem petunt, quam irritam fecerant. Lubcovitio, ubi finem dicendi fecit, nonnulli assentiebantur, quod nimis durum videbatur, victores iis conditionibus uti, quæ ab victis latæ essent. At Portia rogatus sententiam ita locutus fuit. Etsi præter omnium opinionem accidit, ut victoria penes nos remaneret, tamen magis mirandum visum est, Acmetem paci studere. Nam sicut nemo ignorabat, Turcis in tanto imperio neque pecuniam, neque alia, quæ ad bellum pertinent, deesse posse, ita exercitum ex variis hominum generibus constantem, cui plures præstant Duces, victoria difficile potiri posse cuncti arbitrabantur. Sed Deus, cui Christiana Reipublica excidium cordi non est, eam dedit Acmeti mentem, ut ad iniquam pugnandi conditionem descendere non dubitaret, licet summum Ducem Germanis adesse intelligeret. Qui quum nihil intentatum relinqueret, & loci aequitati consideret, non tamen procul fuit, quin auxilium cohortium ignavia maxima acciperetur calamitas. Quum ergo & aliis ex rebus, & ex ejus diei eventu fortunam sæpe fallere expectationem omnium consuevisse cognitum sit, cur omnia ei committere pulcherrimum ducitis? Sed hæc, & his similia libenter omitto, quia, si multum hæc cogitatio apud omnes posset, qui bellum gerere vellet, non reperiretur. Propterea de iis potissimum dicam, quæ inclinare ad compositionem nunc animos possunt. Bene, & pro sua dignitate Lubcovitius de omnibus disseruit: quæ ut referam, satis causa non videtur, quum ea neque ut probem, neque ut refellam, inclinat animus. Quis enim non esse æquum non intelligit, eandem accipere conditiones victorem, atque dubiis in rebus accepisset? Quis victoriam non provideret, si summo sociorum studio Cæsar uteretur? Haud dubium esset, quin veniri in certiorum profectus spem possit. Sed quum suspecta Cæsari Germanorum etiam, non Gallorum solum auxilia sint, atque tantam belli molem sustinere solas non possit, quis, bellum irabendo rem in discrimen deduci, probare potest? Eo res ducta est, ut magis Germani nunc, quam Turcæ sint pertimescendi. Nam his armatis resistitur armis, at illis, dum Cæsari invident, & occulte dolo nituntur, quando melius officii potest, quam in otio? Non enim abest suspicio, quin nonnulli, ut Cæsarem ad bellum incitent, auxilia mittant, quæ utilia non sunt. Hac ratione eum, imminutis opibus, infirmiores redigi posse confidunt. At hæc opinio certo ipsos falsos habebit; quoniam

veneno illitum esse manus cognitum est, quam non pecuniam, sed milites illos conferre voluerunt, qui initium fugæ faciendæ rem in dubium devocarunt. At hoc satis non fuit, quin operam darent, ne partem victoriam Cæsar exerceret. Quod si hæc omnia in unum congruentia baud dubiam eorum non facerent voluntatem, nonne novis rebus studere Germaniæ Regulos illos apparet, qui contra omnia vetustatis exempla fœdus cum Ludovico Galliæ Rege fecerunt? Nonne alta nimis cupere Ludovicum ex eadem re cognoscitis? An incerto auctore rumor exiit, Ludovicum conciliare sibi velle Germanorum animos eo consilio, ut in Romanorum Regem eligi possit. Ad hanc rem suscipiendam adjuvat adolescentia, adjuvat animi magnitudo, adjuvat summa potentia. Videte igitur figerere bellam expediat, quando ex Turcis victoriam parere nequimus, & in aliam partem mens trabatur, oportet. At dicunt vel bello, vel æquiore pace opus est, ne Pannonii destituti sibi diffidant. An inita ratio non est, quæ Turcas a Pannoniæ nostræ finibus prohibere possumus, quum urbes muniendi, propugnacula opportunis locis excitandi nobis ex conditionibus facultas sit? Quid igitur alias proponendo conditiones Turcis iterum bellum, & arma spectandi occasionem dabimus, quum nunc omnibus ex partibus metus sese ostendat, & alio tempore, Germanis animum sentientibus, certiore spe victoriam adipisci poterimus? Hac oratione cuncti permoti, non esse cunctandum censent, quin negotium perficiant, maxime quod Philippi Hispaniæ Regis legatus Cæsarem hortabatur, ut, quibus posset conditionibus, rem ad otium deduceret, quia Philippus ipsi auxilio esse non posset alius belli timore. His de causis jam belli componendi cupido Cæsarem cœperat, sed ne Germaniæ Regulorum animos offenderet verebatur, si, ipsis inconsultis, fidem daret. Igitur quum, alius aliud diceret, Avesperghius baudquaquam dici posse confirmat, inscientibus eis ab armis discedi, quando quum Goefio, tum Renningherio conciliandæ pacis facultatem permissam omnibus enunciatum esset. Non ingrata Cæsari hæc ratio fuit; propterea ubi hæc omnia eis scripsit, immortales omnibus agit gratias, quod communis periculi rationem habuissent. Docet æquissimas esse conditiones, quia non amplius Tibiscus flumen suum imperium finiret, & Pannoniæ, Germaniæque novis munitionibus consulere posset. Hæc litteræ Germaniæ Regulis voluptatem non attulerunt, etsi tributo se vacaturos intelligebant; sed pars se spreto querebantur, quod, inscientibus omnibus, transacta res sit, pars occasionem rei bene gerendæ omisam esse dolebant, alii alia privata causa consilium improbabant. Dum hæc agebantur, etsi castra pervase-

An. 1664 rat rumor, esse pacem factam, tamen, quia Acmetem castra, ad Strigonium movisse intelligebant, de ratione belli administrandi consultare necessarium ducebant, maxime quod non aberat suspicio, quin pontem ibi reficere Acmetes vellet. Eaque Montecucculo confirmatur opinio, ubi postridie per speculatores cognovit pontem efferefectum. Propterea de Præfectorum consilio Rodolphum quendam, qui navibus longis præerat, naves cum mille & quingentis conscendere, & Strigonium pontis interrumpendi gratia contendere jubet. Cui ut animus amplior esset, ut Zeises cohortis Præfectus cum armatorum millibus binis eodem proficiscatur, præcipit. Quæ ut prospere cederet res, Rodolphus, Zeisesque tempus definiunt, quo rem susciperent. At quum Zeises in parandis rebus ad pontem interrumpendum aptis paululum moratus esset, ad noctem præstitutam non venit. Rodolphus ubi pervenit, negotio deficere nolens, ignem navibus pontis infert. Jam quatuor conflagraverant naves, quum Turcæ certiores de periculo per vigiles facti, arma sumunt. Tum Rodolphus, ad viginti amissis, se Comaram recipit. Zeises mane per captivos Rodolphum discessisse cognoscens, iter Nitriam convertit. Quod ubi ad Montecucculum perlatum est, quum jam, concilio convocato, fere omnium sententia fuisset, ne, diminutis copiis hostem persequendo, rem in discrimen deduceret, optimum esse judicavit iterum ad Arrabonem contendere, ibique auxiliorum adventum expectare. Interim nuncius ab Cæsare ad Montecucculum venit, qui Traunium, & Suchium tum ipsius, tum Caleni, Durlachiique adventum Pofonii expectare docuit. Montecucculus subito Pofonium contendens, cum Suchio agit, ut copias, quibus ipse præsit, educi ex Cituorum insula, & Altemburgum iter dirigere jubeat, ut alter Strigonium oppugnaret, alter venienti subsidio suis Acmeti officeret. Paulo post Calenus, Durlachiusque veniunt: qui consilium non probavere. Ea spe lapsus Montecucculus, ut saltem perterritum hostem aggredi liceat, petit; quoniam, conjunctis exercitibus, periculum non esset, ne militum paucitate calamitatem acciperent. Hoc fieri oportere Suchius, Trauniusque confirmant. At Durlachio, quid labori, ac inopiæ optime de Cæsare meritis milites obliicerent, rogitante, quum Turcæ in manus essent venturi, Calenus ad *Vagum flumen exercitum rapere optimum esse demonstrat, propterea quod eo loco Pannoniam, Germaniamque juxta tegerent, & quacumque iter haberentibus Turcis occurrere possent, ac flumen perrumpere conantibus certa spe officere valerent. Usque flectere, qua placeret, possent,*
daos

duos esse instituendos pontes proponis, alterum prope Comaram, alterum prope Guttam. Hæc vicit sententia, etsi Montecucculus acerrime repugnavit, adeo ut postea nonnulli existimarent, Cæsaris ad eum mandata fuisse delata, ut in aciem rem illico committeret. Nam, si Turcarum exercitum deleret, fidem dare nolebat, si vero æquo prælio discederet, sublata proficiendi spe, bellum componere exoptabat. Sed hanc vanam fuisse suspicionem mihi constat. Consilio inito, Calenus Comaram, Jaurinumque petit, ut munitiones coram perspiceret; Durlachius Viennam proficiscitur; Montecucculus vero ad exercitum contendit. Qui vix eo pervenerat, quum per exploratores cognoscit, Turcas stativa non procul Strigonio habere, & primum agmen trans Danubium stare, majorem vero exercitus partem citra flumen reliquam esse. Huic rei etsi fidem præstare non poterat, quod non tam rerum imperitum Acmetem existimabat, ut primum agmen ab reliquis seclusum deleri nullo negotio posse non cognosceret, tamen hostium rationes explorare sua magni referre ratus, Buseino Comaræ Præfecto negotium dat, ut Turcarum exploraret consilia, & ad se perferret. Buseinus Rodulphum cum navibus, qui omnia cognosceret, mittit. Rodolphus rem suscipit, & ubi Turcas prope ripas conspiciatur, e navibus fortissimos ex militibus egredi, & ad eos interceptiendos contendere jubet. Qui omnes etsi constanter non aliter Turcarum, agminis ordinem se habere dicebant, tamen, ut certiora perferret, ulterius procedit. At Turcæ sive ab exploratoribus, sive ab iis, qui Germanorum manus effugerant, docti, opportuna loca occulte occupant, & in utraque ripa tormenta disponunt. Ubi insidias naves intrarunt, tum ex omnibus partibus tormentis eis nocere Turcæ incipiunt. Erat magni periculi res, quum neque procedi, neque retrocedi sine periculo posset: &, ab omnibus remigandi labore suscepto, in majus Rodolphus periculum venerat, quia Danubius in duas disfluens partes insulam efficit; eoque majus accipiebatur detrimentum, quum non nimis in latitudinem pateret. Tum necessario in insulam expositis militibus, Rodolphus desperata ope humana, ad Deum, Divosque, ad vota se convertit. Hic videre licuit subitam rerum commutationem. quum, adverso vento in secundum se vertente, omnes conscenderent naves, & inter medios hostes, non magno accepto detrimento, evadere potuissent. Rodolphus ubi ad Buseinum pervenit, non magis necessarium de suo periculo eum docere existimavit, quam vera ea comperisse nunciare, quæ ad Montecucculum allata essent, quum sermonem inter omnes captivos congruere cognovisset. Bu-

An. 1664 seinus subito omnia Montecucculo enuncianda curat: qui inopinantes Turcas ab aliis seclusos opprimere nullo negotio posse ratus, spe eo incitatus ferebatur. At quum in itinere omnes flumen transisse, comperisset, consilium, iterque commutat. Duobus castris Meutinum castellum, quod non procul Vago flumine est, venit. Ibi quum propter inopiam frumenti, tum quod, interrupto ponte, tempus intercedere necesse erat, quo refici posset, plures ibi dies stativa habet. Quum esset jam de re frumentaria provisum, Acmetem primo ad Barcanium, postea ad Neoselium castra movisse cognoscit. Tum consultandi gratia consilium habet. Plerique igitur, *se magnopere mirari dicebant, cur in turpissimis non haberent rebus, tempus intra vallum terere, & percussis hostibus parcere, quum sua inscitia, vel inertia id fieri per orbem terrarum fama percrebuisse, maxime quod conjunctis copiis, quibus Sucbius præerat, cum exercitu nunc nulla ratione vitare suspicionem possent.* Horum verbis tantum studium negotii perficiendi omnibus injectum est, ut contra hostem eundum statuerent, simul primum cum copiis Nadaastius rediisset, qui explorandi causa discesserat. Nadaastius non ita multum moratus, in castra perveniens, *rem magni esse periculi docet: Acmetem vacuum ab hoste esse; propterea oppida expugnandi facultatem ei non deesse.* Quibus rebus permotus Montecucculus, quia, nondum resecto ponte, omnibus copiis proficisci nequibat, tres cohortes, quæ præsidio essent, Nitriam, Leventiumque mittit. Sed Acmetis consilium non eo pertinebat, ut oppida oppugnaret: sed satis habebat eo tempore hominum opinionem tenere, quo fortuna se inclinavisset, quum sua prudentia fieri videretur, ne victores Germani secum congregi auderent. Persecto ponte, iterum de professione agitur; at, quum milites biduo pane caruissent, in majores rei frumentariæ angustias incidere posse arbitrabantur, si ultra progredirentur. Propterea *se Ducis dicto audientes non fore dicebant, quum castra moveri juberet, nisi saltem dierum quindecim cibum secum ducerent.* Hoc impossibile omnibus videbatur: nam etsi frumentum eo anno angustius non provenerat, & horrea certis locis constituta erant, tamen indiligentiâ eorum, qui iis negotiis præerant, frumentum deficiebat. Præterea ne carrorum quidem magnus numerus suppetebat: proinde Galli, quibus decem carri erant attributi, Montecucculum adeunt, ac summa inopia se affici queruntur: utque consulere sibi possent, viginti alios carros deposcunt. Hos Montecucculus consolatus, ad eos, qui negotio præerant, severius scribit, & Cæsarem ab ipsis pœnas esse repetitum minatur, nisi carrorum vim compararent, & de

re frumentaria providerent. His litteris perterriti, eam rem sibi cogitandam suscipiunt, adeo ut aliquo studio frumentum in castra, subvehendum curarent, carrosque summa diligentia conquirent, & ad exercitum mitterent. His expeditis rebus, nemo dubitabat, quin contra hostes tanta ira omnes ferrentur, ut temporis puncto omnia ea perficerent, quæ magno temporis spatio alias fuissent perfecturi. Sed Christianos plus irarum adversus se, quam audaciæ adversus Turcas habere apparuit, quum dissensionis causa inter Donevalium cohortis Præfectum, & Pium oriretur, qui ab verborum contumeliis ad vim, & ad arma descenderunt. Quæ fuit causa, quare castra movere Montecucculus non potuit. Hac re composita, nec castra moventur. Sic aliæ ex aliis dissensionis causæ oriebantur. Consultationes tamen quotidie habebantur: sed eo tempore magis factò, quam consulto opus erat. Montecucculus unus, qui hostem e manibus dimitti turpe ducebat, quum per pavidos agrestes quatuor Turcarum millia non procul abesse cognovisset, subito quatuor equitum millia, quæ vado flumen transirent, contra eos mittit. Germani lentius progrediebantur, ne itineris labore confecti, quum prælium iniretur, minus acriter instarent. At ubi Turcas infestis signis ad se venire, & ampliorum copiarum, quam arbitrati erant, speciem præbere animadvertunt, non mediocriter perturbantur, quod parum fidis authoribus fidem fecissent. At quum intelligerent eo maxime tempore salutis spem in animi magnitudine, & audacia ponendam, inter se cohortati, locum capiunt superiorem: & orbe factò, ad omnes casus se parant, adeo ut fortiter Turcarum exciperent impetum, donec æquo prælio discesserunt. Turcæ ubi in castra pervenerunt, constanter Acmeti omnes renunciant, Montecucculum ingenti cum exercitu adesse. Hoc faciunt, ne inertes viderentur, quod victores in castra non redissent. Ob ea tanta Turcarum perturbatio facta est, ut confestim castra propius Neoselium locari Acmetes juberet, ut, si usus adesset, oppidi muris se defenderet. Terror vero abiit, ubi per exploratores cognitum est, Montecucculum, eisdem ad Vagum flumen castris se tenere. Et timor in iram vertit, ubi ne septena quidem Turcarum millia Germanorum millia quatuor vincere potuisse animadvertit. Igitur in eam cogitationem Acmetes venit, se nullo prælio victorem discedere posse, quando neque suorum numero, neque suorum virtuti confidere posset: propterea magna sollicitudine afficitur, quando exploratores enuntiatio veniunt, Montecucculum Vagum transisse: timebat enim, ne bellum Cæsar trahere vellet, quando Montecucculus itine-

AN. 1664 itineris laborem suscepisset. Eadem de causa Turcæ sibi præmetuere, non necessarij belli authorem detestari. *Consulto ab Acmete bellum susceptum dicebant, ut fortissimos viros periculis obiectaret. Ipsum etiam, non alios solum non esse prospere celsurum bellum sciuisse. Jam cometam fuisse maximi periculi pronunciam. Jam lunæ defectionem calamitatem portendisse. Jam Dei iram in Turcas omnes Acmetem armasse, quum contra, atque Solimannus sacramento confirmavisset, Arrabonem flumen transire conatus esset. Non satis pænorum Turcas luisse eum arbitrari, quia exitium ab ipsis arceret nollet. Se sibi consilium capturos, quandoquidem unius morte sibi prospicere possent.* Acmetes igitur, quum quod occulta hæc non habebat, tum quia ex eis, quæ acceperat, Cæsarem ab armis discedere nolle conjectabat, diversus agitur: nam, quum alienum suis rationibus esse arbitraretur omnibus aperire, induciarum conditiones convenisse, in suorum favorem venire non posse judicabat. Libenter igitur ab exploratoribus cognoscebat, Montecucculum septem passuum millia ab Arrabone confedissee. Quod, ut suis animus cresceret, ab timore nasci palam dicebat. Re vera Montecucculus ulterius progredi non poterat, propterea quod ii, qui rei frumentariæ præerant, satis habuerunt operam dare, ne paucorum dierum spatio frumentum deficeret. Igitur, quum horum indiligentia occasionem nonnullis tribuisset privatam causam in hujus rei timorem conferendi, profectiois consilium in Kalendas Octobris translatus est. Interim nuncius ab Cæsare ad Reningherium venit, qui eum conditiones probavisse demonstravit. Ob hanc rem Acmetes ad lætitiā excitatur, quia Regem etiam conditionibus contentum esse cognoverat, proinde Montecucculo captivos tradi jubet, suosque, *ne quid Germanorum, Pannoniorumque violarent*, monet. Simili ratione jussu Cæsar's Montecucculus facit. Fit ergo gratulatio inter Turcas: qui Acmeti gratias agunt, quod omnium habuisset rationem. Ad horum gaudium etsi accessio nulla esse posse videbatur, tamen incredibile memoratu est, quanto majore lætitiā afficerentur, quum Ismaelis, quem fortissime pugnantem cecidisse demonstravimus, bona publicat, & pro rata parte militibus, Præfectisque distribuit. Tum lætitiæ signa omnes mittere: tum Acmetem summum esse Ducem dicere: tum Ismaelis ignaviā detestari. Tanta commutatio pecuniæ studio omnibus injecta est. In Germanorum castris nihil simile Turcis erat: hostem enim ex manibus ereptum dolebant plerique; paucis tyronibus nuncius gratus fuit: cæterum ne auxiliaribus quidem Ducibus, qui imperio delectabantur, voluptatem attulit. Calenus subito Ger-

Germaniæ Regulos de omnibus certiores facit. Qui jam ex Cæsaris litteris, ut supra dictum est, rem cognoverant. Pannonii ubi illis conditionibus inducias firmatas acceperunt, concilium indicunt: & qui antea, tanquam nihil contra se ageretur, minime de defensione cogitabant, nunc mente, animoque in hanc rem incumbentes, de Cæsaris consilio queruntur, quod ex composito Neoselium hostium esse passus esset, ut, quum perpetuo se in armis Turcæ haberent, de suis commodis agere non possint. Se tamen suæ salutis rationem habere, nec inultam tantam injuriam relinquere velle. Nihil aliud in re esse, quum contra, atque legibus cautum sit, inscientibus omnibus, induciæ sint firmatæ, quam quod servorum loco se Germani habere vellent. Omnino rationem servitutis grave jugum demendi quærendam. Quum omnes maxima ira flagrare Cæsar acciperet, Pannoniorum primores Viennam ad se vocat. Qui simulatque ad diem venerunt, Lubcovitius eadem cum ipsis agit, quæ Cæsarem ad Germaniæ Regulos scripsisse retulimus: addit præterea Cæsarem rei non defuisse, quum, si ipsi pro magnitudine periculi bellostudiuissent, Neoselium recuperari potuisset, quamvis illud oppidum Pannoniorum perfidia amissum esset. Proinde sibi mirum videri, cur publico consilio fidem dare nollent, ut pace frui possent, ubi Acmetes Turcas, & Cæsar Germanos ex ipsorum finibus deduci jubeat. Ad hæc nihil respondere ipsis visum est, propterea quod, aliis inconsultis, nullum inire consilium possent: eo temporis spatium postulant, ut cum aliis rem communicent. Conditionem non respuit Lubcovitius, etsi rem distrahi non parum ei displicebat. Ob hanc rem nihil certi responsum legato est, qui ab Mehemete Rege ad Cæsarem venit. Solum non mediocri lætitia Cæsarem affectum esse demonstrat ei Lubcovitius, quod induciæ factæ sint: quumque nonnisi laceffitus spectare arma Cæsar consuecat, sperare perpetuam amicitiam ei cum Rege fore. Idem Lubcovitius Reningherio Cæsaris verbis mandavit, ut Acmeti persuaderet, summa ope Cæsarem eniti, ut, fide ab Pannoniis quoque data, induciæ exirent. Dum hæc geruntur, copiæ jam in Aultriam pervenerant, nec, ubi in hybernis collocarentur, convenerat. Idcirco in concilio Cæsar agit, si eas dimitti expediret. Utque in duas omnes discesserant partes, alii, se iniquos fore dicunt, si, quum assus exercitus non sit, sublevare provinciarum inopiam nollent, alii Montecucculi autoritate permoti non prius dimittendum exercitum censebant, quam idem ab Acmete factum cognovissent. Non defuit vero, qui considerati hominis esse dixit, alicujus rei specie exercitum in armis habere, ut tam Pannoniis, quam Germanis esse

im.

An. 1665 *impedimento possit, quominus novis rebus studeant. Hæc ut superabat sententia, consilium in vulgus edendi cæperunt, Cæsarem hanc optime de se meritis militibus gratiam referre turpe sibi ducere, ut, confecto bello, hyemis tempore eos dimitteret. Ex hac re factum est, ut Cæsar exercitus retinendo nullam Acmeti, nullam Pannoniis, nullam Germaniæ Regulis suspicionem daret. Placuit etiam in plures locos cohortes distribuere, ut, quam minimo possent provinciarum incommodo, militum commoditati prospicerent. Gal-
lis, ubi placeret, hyemandi optio est facta. Jamque Colignius, ut sibi Boemia ad hyemandum concederetur, petierat, quum Ludovicæ litteræ ei redduntur, in Alsatiæ iter confestim haberet, ne diutino bello confectis civitatibus, quæ sub Cæsaris ditione sint, incommodi quidquam ferret. Hæc res simul optimæ Ludovici in Cæsarem voluntatis, simul maximi in Christianam Rempublicam studii indicio fuit. Cæsar vero, ut gratus in referenda gratia videretur, oppidorum Præfectis imperat, ut Gallos in itinere liberaliter habeant, rebusque omnibus juvent, & tertium quemque diem ad quietem eis darent: Colignium amplissime donat, & quoniam Viennam non venerat, (quam rem in superbiam nonnulli vertebant) litteras ad eum misit, se neque ipsius maximæ virtutis ignarum esse, neque immemorem fore. Alia præterea misit, quæ eis dono daret, quorum egregiam cognovisset virtutem. Re vera omnes Galli egregiam Christianæ Reipublicæ operam dederunt, at Fuilladius tam fortiter se gessit, quum plura signa manu cepit, atque plurimos ex Turcarum Præfectis interfecit, ut sine laude tanta virtus prætermittenda non videatur. Hic neque Ludovici Galliæ Regis animi altitudo præteriri potest: qui militaria signa, quibus, prælio ad Arrabonem facto, potiti erant Galli, quæque ad se Colignius miserat, ad Cæsarem per Germovillium deferenda curavit. Qui demonstravit, Ludovicum auxilia mittendo solum egregiam in Cæsarem voluntatem, ac summum in religionem studium videri cupivisse: proinde alium ex ea re ferre fructum turpe sibi ducere. Quibus rebus Cæsar permotus, nihil se tam anxie querere respondet, quam occasione Ludovico suam præstandi operam. Signa ea lege se accipere, ut in templis donofixa & egregia Gallorum virtutis, & Ludovici in se, atque in Christianam Rempublicam beneficii testimonio essent. His expeditis rebus, Cæsari cura omnis in sanandas Pannoniorum mentes intenta est: nam illi; quos Viennam venisse demonstratum est, de concilii sententia ad Lubcovitium litteras miserunt, quarum ea sententia erat: se, quod Cæsaris consilii participes non fuissent, jure dolere posse: nam nulla*

ratione eo tempore, quo Goefius Halium convenisset, se has posuisse probare conditiones, quum non esset tum Neoselium totius Pannonia arx amissum. Se igitur lacrymas tenere non posse, quando rem ad extremum perductam casum cogitarent, quum, si cuncta ex parte novis munitionibus comprimere Turcarum excursiones possent, baudquaquam se ab Germanorum injuriis, qui propugnaculis praesidio essent, prohibere valerent. Obviam saltem huic rei ire cogitaret. Cognita Pannoniorum voluntate, Lubcovitio in hunc modum eis rescribere necessarium visum est; sibi occultam non esse, Casari inteuotiorem curam Pannonios ab injuria prohibendi esse, quam aliis, quum non alio consilio tantam belli molem sustinuisset. Et non alia ratione ab exercitibus nunc discessisset, quam ut ipsos ex periculo eriperet. Hujus rei causa locis opportunis propugnacula de ipsorum consilio instituere vehementer cupere. Ad extremum etiam, ipiorum animos confirmavit, quia Germanos non esse ipsis detrimentum illaturos demonstravit, quum stipendium eis reddere statuisset. Litteris permoti Pannoniorum principes, eidem Lubcovitio se paratos esse Casari satisfacere demonstrant, dummodo copiarum imperium alicui ex Pannoniis permitteret, & oppidis trans Danubium positis itidem Pannonios praeficeret: praeterea facitiosos Pannonios apud se dicere sacramentum juberet, ne ad Turcas transeuntes omnia sibi infesta redderent. Si bi urbibus praesidio essent, Germanorum opera opus non fore. Durum Lubcovitio, durum Caesari, aliisque videbatur, hæc eis concedere, quos non mitiores, sed asperiores in se fore suspicabantur: tamen, quia iis de causis, quas supra memoravi, bellum gerere ex usu non esse cognoscebant, satisfaciendum eis censuere. Quod ubi est ad Pannonios allatum, nullum interposuerunt moram, quin fidem darent. Qua re Caesar contentus, Lubcovitio mandat, ut Acmeti scriberet, jam Pannonios ratas habuisse inducias: & Casarem, confecta hyeme, legatum ad Mehemetem Regem cum donis esse missurum. Libentissime de his omnibus Acmetes accepit, quia summo cum suo dolore, haud dubia belli consilia ab Germanis iniri rumor exierat. Ubi igitur ad Lubcovitium litteras remisit, brevi legatum ab Rege Vienne venturum, qui rem perficiat, maximam exercitus partem dimittit. Quod quum accepisset Caesar, idem facit. Sic Christiani, qui Pannoniæ verebantur, eo magis de Cretæ periculo timere coeperunt, quo minus Turcarum vires distineri intelligebant.

F I N I S.

Pp

IN;



INDEX

A

A Catus Berclajus Turcis amicus 39. ab Chiuperlio Transylvaniæ Princeps creatur 41. Lugam, & Cheresbenium Turcistradit 44. Transylvanis infensus 61. pacem ab Ragotio petit 62. Devam profugit 63. Cibinium se recipit 71. Georgenium profugit 99. Principatu abijt 102. interficitur 104.

Acmetes Mehemetis Chiuperlii filius summum magistratum adipsit 122. pacem cum Cæsare facere velle simulat 123. 207. 228. Belgradum veluti triumphaturus ingreditur 137. iniquas condiciones Cæsari proponit 160. captivos interfici jubet 169. Neofelium oppugnat 169. consilium oppugnandi castra Montecucculi mutat 171. suos ad virtutem hortatur 176. 279. Neofelium recipit 179. Pannonios conciliare sibi studet 180. Leventium recipit 186. Schinta irritio incepto discedit 187. bellum maxima diligentia parat 215. Canisæ Præfectum interfici jubet 228. ad suos oblatione eximendos contendit 238. conatur Muram flumen transire 252. 270. propugnaculo positus 258. ad Arrabonem contendit 271. frustra conatur exercitum Arrabonem transducere 272. profugit 280. in suos animadvertit ibid. bellum componere exorat 284. timet, ne bellum Cæsar trahere velit 293. gaudet, quod induciarum condiciones Cæsar probavisset 294. Ismaelis bona publicata militibus distribuit 294. exercitum dimittit 297.

Adamus Forgatius temere contra Turcas proficiscitur 166. Præfe-

ctos consulit 167. suos ad virtutem accendit ib. victus Neofelium se recipit 169. Pannonios ad sanitatem reducere conatur 178. legatos ad Acmetem deditum Urbem mittit 179. in vincula coniicitur 180.

Alexander P. M. Ragotio auxilia mittere noluit 25. Cæsari auxilia decernit 106. 202. Christianos Reges ad Cæsaris auxilium concitat 106. Ludovicum placare studet 139. 141. exercitum dimittit 142. Cælarem, Philippum, & Venetos ad suum auxilium concitare conatur 194. pacem cum Ludovico facit 198.

Alexander Schiffer moritur 114.

Amurates Reningherii consilium non probat 53. Majembergium hortatur, Ragotium interficiendum curet 57. Acmeti suspectus 160.

Amurates triginta nummorum aureorum millia Serino pollicetur 189.

Andreas Nejerregius Pannonios ad furorem impellit 126.

Annibal Gonzaga castra in Cituorum Insula locat 20.

Avagherius Propugnaculi Præfectus milites de periculo docet 254. eruptione pugnans interficitur 255.

Avenionensis Ludovici fideles permittunt 194.

Augustinus Majembergus Mehemetem Regem Prusiam convenit 57. Ragotii filium adit 82. imperat, quæ ab eo petit ibid. ad Szædium, & Suchium se ibit ibid.

Aviditas, & mala disciplina Pannoniorum 112.

INDEX

B

B Aldassar Gallus omnia Acmetis
cooffilia Montecucculo enunciat

274.

Barcanium expugnatur 269.

Beroardus Calenus in castra perve-
nit 287. Montecucculum uti victo-
ria impedit 283. 290.

C

C Anisia oppugnatur 271.

Cairi Praefectus contra Seli-
mum proficiscitur 56.

Caplanus Novigradum recipit 186.

Carolia Lotaringia audacia, & vir-
tus 277.

Carolus Britannoiae Rex 136.

Carolus Gustaus Sveciae Rex Rago-
rium sibi socium asciscit 6. Turca-
rum Regem contra Caesarem ac-
cendere studet 9. Sarmatia excedit,
&, idem faciat, Ragotium hor-
tatur ib.

Capraræ virtus 266.

Causa, quare Turcae Jenum pete-
rent 31. quare Caesar auxilio Trao-
sylvanis esse noller 46. quare po-
stea eisdem adesse statuisset 106.
quare Germani Caesari inviderent
150.

Caesar Raspoous Lugduno excludi-
tur 195. in Allobroges se recipit
196. infecta pace domum repetit
ib. Pisas perit 197.

Chinan consilium Hassani dedit 44.

Chior in Asia rebellat 56. viocitur ib.

Chiuperlius V. Mehemetes.

Christina Alexandra Sveciae Regi-
na Crechium placare adniritur
139. ad Ludovicum scribit 140.

Cibinium hycmis tempore oblidetur
72.

Cisforcaus Centurio interficitur
255.

Claudiopolis oblidetur 125.

Clemens Radoldus Ragotio Cæsa-

ris mandata exponit 18. Ragotii
matrem convenit 59. litteras ad
Berciajum mittit ib. Sigismundum
Budajum alloquitur 60. responsa
Berciaii expectat ib.

Colignius contra Turcas Gallos se
elicere jubet 279.

Colloquia de pace habita Temesua-
riæ 153. habita in Allobrogibus
196. Pius 197.

Conciliario Ragotii, & Berciaii 54.

Concilium Ratisbooræ habitum 146.
& seq. 282.

Conditiones, quibus Ragorius Prin-
cipatum deposuit 17. pacis inter
P. M., & Galliarum Regem 197. in-
duciarum 286.

Confilium Mehemetis Chiuperlii
27. 36.

Constantinus Serbanus in Transyl-
vaniam se recipit 18.

Coppius Zatmariz Praefectus Ger-
manos ad sanitatem reducit 221.

Crechius Romam venit 137. de Chi-
sio queritur 137. Roma discedit
139. quas conditiones pacis dare
volebat 140.

Cussein Niriæ recipit 186.

Cutichiucius Vasadioi Praefectus
contra Chiminianum proficiscitur
123. eum vincit 124. Saogiorgium
in vincula coniici jubet 134.

Cyrnei Gallos persequuntur 138.

Crechii domum aggrediuntur, a-
liaque audent ib. puniuntur 139.

D

David Retanus Claudiopolis
Praefectus oppidanos ex Urbe
expellit 125. suos monet, obsidio-
nem feroat 133. frumenti copiam
nanciscitur ib. moritur 135.

Decebalus Daciae Regis historia 47.

Decurio Germanus de munitionum
vitiis Turcas docet 255. ab Turcis
necatur 257.

Defectio Germanorum 217. 220.

Diepebal Zechelidis Praefectus op-
pi-

INDEX

pidanos armis exiit [216](#).
 Discordia inter Sevastum, & Teme-
 suariæ Præfectum [31](#). inter Pæto-
 rianos, & equites [30](#). inter Su-
 chium, & Veselinum [98](#). inter
 Pannonios hæreticos, & Catho-
 licos [130](#). inter Galios, & Hispa-
 nos Londini [136](#). inter Legatos
 Germaniæ Civitatum, & Regu-
 lorum [147](#). inter Petrum Serinum,
 & Avesperghium [190](#). inter Nico-
 laum Serinum, & Olachium [226](#).
 inter Strotium, Serinum, & Oia-
 chium [237](#).
 Dominicus Ligoes e Societate Jesu
 caprus ab Scythis Valachiae Prin-
 cipem ab Turcarum amicitia aver-
 titi [172](#).
 Dionysius Bamphius Ragotii volun-
 tatem aperit [21](#).

E

Ester ad Suchil exercitum redit
[261](#).
 Elogium Berciali [104](#). Chiminiani
[124](#). Chiuperlii [120](#). Halli [70](#). Ra-
 gotii [80](#). Strotii [252](#).
 Emericus Balassa Comes Pannonios
 adversus Germanos concitat [127](#).
 Esteradefii familiares ab Hispanis
 male habiti [136](#).

F

Ferdinandus III. auxilla Sarmatis
 mittere decrevit [8](#). moctur ibid.
 Ferdinandus Magnus Dux Etruriæ
 pacem inter P. M., & Ludovicum
 conciliare studet [197](#).
 Flavius Chisius Cardinalis contro-
 versias componit [136](#). Crechium
 convenit [139](#). Alexandrum ad pa-
 cem hortatur [196](#). in Galliam pro-
 ficiscitur [198](#).
 Fœderati octo armatorum millia
 conferre promittunt [115](#).
 Fœdus inter Catholicos Reges inire
 Alexander Romæ studet [116](#).

Fogaratii oppugnationem Turcæ re-
 linquunt [115](#).
 Franciscus Barberinus Cardinalis rei
 pecuniariæ subsidia Serino mittebat
 270. legatos ad fœdus ineundum
 hortatur [116](#).
 Franciscus Redajus Ragotii opera
 Transylvaniæ Princeps creatur
[17](#). Principatu se abdicat [23](#).
 Franciscus Sangiorgius Vacciæ Epi-
 scopus magna impudentia Retano
 imperat, Claudiopoliim Turcis tra-
 dat [132](#). in vincula conicitur [14](#).
 Francisci Veselini perfidia [241](#). is
 Suchio adesse pollicetur [269](#).
 Franciscus Vimeſius Jaurinum, &
 Papam oppida munienda curat [192](#).
 Fulladias Colignio perfusdet, in
 Turcas Gallos elicere juberet [279](#).
 In Turcas se incitat [280](#). fortiter le-
 gerit [286](#).

G

Gabor quidam Halium monet,
 ne Gœsio aures præbeat [154](#).
 Galli Romæ Cyrneos conviciis exa-
 gitant [137](#). Crechii domum se reci-
 piunt [138](#). duo nobilissimi prælio
 ad Arrabonem interficiuntur [272](#).
 Gentes, quæ Transylvaniam habue-
 runt [48](#).
 Georgius Cevalius fortiter se gerit
[79](#). Amutatem interficit ibid.
 Georgius Lazarius Acatium Rago-
 tio conciliat [54](#).
 Georgius Ragotius Valachiae, &
 Moldaviæ Principibus amicis 5.
 cum Carolo Gustavo se conjungit
[2](#). loca parum munita in Sarmatia
 expugnat [8](#) quinque Sarmatarum
 millia fundit ib. Gracopoli Betto-
 lenium præficit ibid. opportuno
 tempore Sarmatia excedere no-
 luit [10](#). ab Sarmatis conditiones
 accipit ib. profugit ib. fons ab Sey-
 this captos redimere velie simu-
 lat [11](#). bellum parat [14](#). [49](#). 35.
 Principatu se abdicat. [17](#). quieti
 Pp 3 flu.

INDEX

studere simulat 18. Transylvanos sollicitat 18 in eorum favorem venit 19. 22 61 69. Principatum Inlt 22. Turcarum legatum in vincula conicit 25. Transylvanos increpat 26 eos ad bellum hortatur 22. 55. contra Sevastum proficiscitur 33. Aradium oppugnat ib. Solimanum Jeni Præfectum sibi conciliat 51 causas interponit, ut Zalmariam Cæsari non daret, 58. 59. 61. 63. contra Berciajum proficiscitur 62 contra Szedium 65. 75. Cæsarem ad bellum hortatur 64. Varadinum occupat 66. cum Szedio signa confert 66. 79. suos ad virtutem accendit 75. vulneratus equo decidit 80 moritur ibid.
Germani auxilia Cæsari decernunt 152. 200. Pannonios ab Turcis avertere nituntur 215. Zeche lidem Abbasso tradunt 219. Clausemburgum etiam 220.
Guido Ubaldus Tunnus Salisburgensium Archiepiscopus Ratisbonam venit 145. Germanos Cæsari conciliare studet 147. 149.

H

HAidones Megium armati veniunt 20 re infecta discedunt 21. Imperii summam Julalo, & Barconio permittunt 72. se Szedio committunt 74.
Halus in Transylvaniam iter habet 81. in Szedium invehitur ib. Varadinum oppugnat 87. recipit 94. Szedium proditoris infirmulat 95. Claudiopolim ab Transylvanis petit 96. Suchium detertere enititur 97. Temesvariam se recipit ibid. & 115. Michaelen Abbassum Principem creat 111. Ciculorum oppida expugnat 114. invidia permotus Acmetem de pace hortatur 156 Acmeti suspectus b. & 160.
Hassan Aleppi Præfectus ab Rege deficit 41. in Regia pecunia conti-

nentissimus 42. interficitur 44.
Hassanis Canis Præfecti diligentia, & virtus 232 233 237. suos increpat ib. ad fereendam inopiam hortatur 235.
Hassan quidam Acmeti persuadet, bellum componat 284.
Hæretici Pannonii, in viro Cæsare, Ponso discedunt 130. Germani Imperii exercitus summam Brandenburgi Duci permittere expiāt 201.
Hibraimus Turcarum Rex omnibus invisus 2. interficitur 3.

I

Induciæ firmantur 286. 294.
Inopia Germanorum 114.
Insolentia Pannoniorum 131.
Joannes Aloysius Zannius obfessos ad virtutem excitat 132.
Joannellus Suchio persuadet, Leventium oppugnet 244. Germanos frumento juvat 245.
Joannes Bettelenius Chiminianum prodit 122.
Joannes Chiminianus Ragotio persuadet, ut bellum Sarmatis inferat 6. ab Scythis capitur 10. a Berciajo missus conditiones Ragotio proponit 62. Principatum occipere statuit 99. Joannem, & Acantium Berciajum vincit ib. Transylvaniæ Princeps creatur 102. Acatii litteras intercipit 103. Berciajum interficiendum curat 104. Transylvanis persuadet, ut Cæsari oppida tradant 105. Segetusa potiri statuit 114. Germanorum auxilia recipit 123. cum Cuschiucio signa confert 124 moritur ib.
Joannes Goefius Temesvariam petit 135. de pace agit cum Hallo 152. Acmetem convenit, & plura ei proponit 159. Viennam redit 190.
Joannes Gregorius Giga amicitiam cum Serino instituit 172. Scythis persuadet, iterum Germaniam populeatur, & quare ib. Turcarum con-

I N D E X

303

- confilia Germanis enunciat [173](#).
188.
Joannes Philippus Peresius Constantinopoli Temesuariam discedit [135](#). Cæsarem de Acmetis consilio docet [161](#).
Joannes Philippus Scenbornius Maguntinorum Archiepiscopus Ratisbonam venit [145](#). Germanos hortatur, Cæsari adfuit [147](#). [148](#).
Joannes Riccardus Staremburgius moritur [114](#).
Joannes Rotalius Pannonios ad sanitatem reducit [109](#). eisdem ad virtutem hortatur [184](#). frustra Pannonios monet, Suchio adfuit [241](#). infirma auxilia ab Pannoniis impetrat [259](#).
Joannes Sagredus Cæsarem ad bellum hortatur [24](#). [Ragotium](#) confirmat ib.
Joannes Velcardus Avesperghius Nadallii consilium probat [91](#). Cæsari consilium dat [289](#).
Ismael Budæ Præfectus Megii oppugnationem relinquit [109](#).

L

- L** Adislai Vilachii perfidia [39](#).
Læritia Turcarum [158](#).
Lambachius Suchii mandata Halio exponit [87](#).
Laurentium Imperialem Cardinalem excusat Alexander P. M. [141](#).
Cardinales etiam [142](#). liberaliter Ludovicum in Gallia habet [198](#).
Legati Ragotii in vincula ab Scythis conliciuntur [11](#). ab Turcis ib. & [27](#). [55](#). Sagredum conveniunt [24](#).
Legatio Berciali ad Chiuperlium [51](#).
Chiuperlii ad Transylvanos ib. & [23](#).
Pannoniorum ad Cæsarem [58](#).
Ragotii ad Scythiarum Regem [10](#).
ad Turcarum Regem [12](#).
ad Transylvanos [22](#).
ad Leopoldum [14](#). [24](#).
ad Alexandrum P. M. [25](#).
Transylvanorum ad Ragotium [21](#). [22](#).
ad Chiuperlium [36](#). [40](#).

- Leopoldus Badenius auxiliis præficatur [201](#). Montecucculum monet ne prælio rem committat [278](#).
Leopoldus Cæsar auxilia Sarmatis mittit [8](#). Buseinum cum exercitu in Pannoniam mittit [15](#). postea Gonzagam [29](#). [timet](#), ne Berciajus Varadinum Turcis tradat [46](#). Pannonios consulit [46](#). [88](#). Zitzmariam in potestate habere studet [58](#). [63](#).
Vienna discedit [88](#). Varadinensibus adesse constituit [91](#). Metigerem ad Mehemetem, Fischerem ad Halium mittit [107](#). Polonium venit [129](#). ad Mehemetem Regem Peresium legatum mittit [131](#). Sanguiorgium ad Abbassum Claudopolim mittit [132](#). bellum parare studet [162](#). templa hæreticis Pannoniis restituit [163](#). Pannonios ad defendendum bellum hortatur ib. legatos mittit ad Christianos Reges [191](#). Ratisbonam petit [193](#). Præfectos, militesque donat [281](#). suos consulit, an bellum componat [286](#). inducias firmare statuit [289](#). Gallos liberaliter habet [296](#). exercitum dimittit [297](#).
Litteræ Berciali ad Chiuperlium [65](#).
ad Cæsarem [60](#). Abbassi ad Cæsarem [221](#). [Serini](#) ad eisdem [252](#). Cæsar ad Reningherium [13](#). [53](#).
ad Montecucculum [115](#). [164](#).
Chiuperlii ad Præfectos [13](#).
ad Portiam [14](#). [37](#).
ad Ragotium [35](#).
Transylvanorum ad Chiuperlium [17](#).
Ragotii ad Serbanum, & Georgitiam [19](#).
ad Transylvanos [21](#).
ad Chiuperlium [27](#). [32](#).
ad Leopoldum [28](#). [35](#).
ad Turcarum Regem [65](#).
Redalli ad Leopoldum [20](#).
Buduanii ad Ragotium [66](#).
Montecucculi ad Cæsarem [114](#). [127](#). [164](#). [191](#).
Ludovicus Burlemontius Regis Galliarum legatus [197](#).
Ludovicus Galliarum Rex satisfactionem ab Philippo accipit [136](#).
P. M. legatum Gallia excedere cogit [139](#). bellum parat [140](#). suis præcipit,

INDEX

pit, ne Germanis quid incommodi offerant 296. signa ad Cæsarem mittit ibid.
Ludovicus Suchius Pannonios hortatur 83. Tochæum pervenit ibid. in plura oppida præsidia introducit 83. 84. 97. trans Tibiscum castra vocat 85. oppida munit 86. Varadinenses auxiliis confirmare vult 86. Varadinum exercitum ducere noluit 91. Cassovia excluditur 97. Turcarum fines populatur 111. plura castella recipit ibid. hyberna in citiore Pannonia constituit 113. Veselinum, & Pannonios de supportando comœatu hortatur 240. Nitrium recipit 243. locum opportunum castris capit 245. 247. Cutislire, & B:stasium vincit 248. Leventium recipit 261. vale tudine afficitur 262. Budæ, Agriæ que Præfectos vincit 267. Barcanium expugnat, & pontem ibi incendit 269. Cæsarem orat, ut sibi auxilia mittat 269.

M

Mansfeldii temeritas 268.
Martinus Balduelis ab Transsylvania, rogatum auxilium, ad Cæsarem venit 87.
Massius Hassanem deserit 43.
Matthæus Marchio Cæsaris legatus 115. Roma discedit 118.
Matthias Bolochius Varadini Præfectus quid Hælio respondit 93.
Mehemetis historia 207.
Mehemetes Chiuperlius neque Prætorianos dimittendos, neque eorum animos molliendos censet 4. Ragotium a bello Sarmatis inferendo deterret 7. pacem cum Venetis facere vult 11. bellum parat 12. 103. Bettelenio Principatum adjudicare velle pronunciat 13. adjudicat Berciajo 41. Jenum petit 17. Solimantum Viennam exploratum mittit 27. Tassium interfici

jubet 56. Jenum proficiscitur, & recipit 37. 38. 39. Constantinopolim redit 41. Regem orat, ut se disensionem semen interficiat 42. cum Zaima agit, ne contra Hassanem Rex proficisceretur 42. quatre id 43. moritur 119.
Mehemetes IV. Turcarum Rex creatur 3. contra Hassanem contendere statuit 42. Reningherium alloquitur 57. Prulam petit ib.
Metiger J. C. ad Sevasium venit 31.
Michael Abbasius Princeps Transsylvaniae creatur 113. Georgenium recipit 124. Semolovarii oppugnationem relinquit 125. Fogaratium recipit ibid. Claudiopolim obsidet ibid. amicitiam cum Cæsare instituere cupit 221. Acmetis spectus 222.
Michael Michesius prælium ineundum censet 76. strenue pugnat 79.
Michael Radulus subsidia ab Leopoldo, & P. M. non obinet 92.
Montecucculus V Raimundus.
Mores Transylvanorum 48. Pannoniorum 183. Turcarum 208.
Mulieres a Varadini mœnibus Turcas prohibent 94.
Mustafus Posegæ Præfectus Sevasium ad bellum hortatur 31. suos accendit 34. vulneratur ib.
Mustafus quidam contra Hassanem mittitur 45. Hassani veniam dare simulans, eum interficiendum curat 44.

N

Neofelium obsidetur 169.
Nicolai Bavaroſii Schintz Præfecti virtus 187. 192.
Nicolaus Serinus Turcas in fugam coniecit 192. Turcarum fines populatur 227. 229. plura castella expugnat 233. 224. quique Ecclesias expugnat 235. pontem ad Dardam incendit 225. Cæsari persuadet, Canisiam oppugnari jubeat 227. oppugnationem relinquere abnuat 238.

INDEX

305

238. Canisia discedit 240 de Montecuculo questus domum discedit 256. Cæsarem orat, ut sibi exercitum permittat 262.

Nicolaus Zoloinius Turcas contra Chiminianum incendit 103. frumento Cutchiucii exercitum iuvat 126.

Nitria capitur 186. 243.

Nitrienses Suchium fallere exoptant 242.

O

Olachius copiis, quas fœderati conferunt, præest 201. ad Canisiam pervenit 231. oppugnationem dimittebam censet 238. rem in periculum deducit 277.

Oppugnatio Canisæ 231. Clausemburgi 133. Jeni 38. Leventii 261. Nitriæ 243. Neofelii 169. 174. pro-
pugnaculi ad Muram 255. Varadi-
ni 92.

Oratio Chioperlii ad Zaimam 4. Berclail ad Ragotium 6. Julail ad Lubcovitum 14. Legati Ragotii ad Transylvanos 23. Michaelis Micheffii ad Cæsaris Consiliarios 45. Ragotii ad milites 77. Nadattii ad Cæsarem 88. Portizæ ad eundem 90. eisdem ad Cæsaris Consiliarios 288. Francisci Barberini Cardinalis 116. nonnullorum Germanorum 147. 148. Forgatii ad suos 167. Petri Serini ad Cæsarem 190. Muschil 204. Ismaelis 205. sediciosi 218. Haisanis ad suos 235. Budæ Præfecti ad suos 264. Suchii ad suos 265. Caplani ad Acmerem 273. Lubcovitii ad Cæsaris Consiliarios 287.

Ordo agminis Turcarum 274. agminis Germanorum 275.

P

Pannoniæ situs 18r.
Pannonius quidam præmiis ille-

ctus Serino insidias tendens interficitur 227.

Pannonii Cæsari adesse promittunt 163. Neofelium Turcis tradere voluerunt 177. queruntur, quod bellum Cæsar composuisset 295. 297. tandem inducias ratas habent 297.

Pannoniorum perfidia 217. 243.

Perfugæ Ragotium decipiunt 74.

Petrus Serinus Ismaelis incepto occurrit 188. Amuratem capit 189. Ismaelem repellit 4b. contra Turcas profectus, vado flumen transire non valens se domum recipit 260.

Petrus Strotius Posoniatibus persuadet, intra urbem præsidium accipiant 185. ad Ludovicum legatus mittitur 191. Gallia rediens, maxima auxilia Ludovicum Cæsari mittere velle renunciat 202. Turcas repellit 253. interficitur ib.

Philippus Hispaniæ Rex Ludovico satisfacit 137.

Pius Pannonios Neofelii ad sanitatem reducere conatur 178 in Turcas se eiecit 280.

Posoniatæ præsidium oppido recipere nolunt 170.

Prætoriani Spahiorum motus comprimunt 26.

Pugna Transylvanorum, & Turcarum ad Lippam 32. ad Segetusam 127. alia Turcarum Duce Szedio 67. alia 79. ad Granum 248. ad Sanbenedictum 266. ad Arrabonem 276.

R

Ragotius V Georgius.
Raimundus Montecuculus Cæsari persuadet, ut in Pannoniam ulteriorem exercitum ducere liceat 108. dolore afficitur, quod consilium non perficiat 108. Turcis terrorem incutit 109. prælio decertare noluit 110. in ceteriore Pannonia exercitum collocat 129.
Po-

I N D E X

Pofonium tegit 174. bello præfici-
tur 251. ad Ariabonem pervenit
271. fortiter fe gerit 277. Turcas
magna cæde repellit 280. castra
tandem movet 293.
Rainurius Farnesius Gallis oppidis
recipit 142. Principi Pamphilio
fcribit 195.
Redajus V. Franciscus.
Reguli Germaniæ plures Ratisbo-
nam non veniunt 200. Calenum,
Durlachiumque in castra summa
cum authoritate mittere decer-
nunt 202.
Reningherius V. Simeon.
Rodolphus pontem ad Sirigonium
interfeindere conatur 290. iteram
cum navibus Sirigonium petens, in
periculum venit 291.

S

S Armatae legatum ad Ragotium
mittunt, ne Carolo addit 2. ab
Germanis auxilia accerfunt 8. Ra-
gotium circumfiftunt 10.
Saxones Abaffum fequuntur 114.
Schedinavius Retanum obfifione e-
ximit 134.
Scythæ Ragotii exercitum confe-
ctantur 10. eum vincunt ib. Chi-
minianum, omnesque capiunt ib.
Transylvaniam populantur 17.
40 contra Serbanum, & Georgi-
tiam proficifcuntur 18. Germa-
niam populantur 171 172.
Sedirio Pannoniorum 127.
Selimus Giffæ Præfectus, ab Rege
deficit 56 occiditur ib.
Sententia Avesperghii 52. Monte-
cucculi 107. 192. Cæfaris Confilia-
riorum de bello adminiftrando
162. Acmeris 206.
Sinaufius de feditionis, & Valida fu-
plicium funit 3.
Simeon Reningherius pro Georgio
deprecatur 26 per Amuratem addit
53. Cæfariem de ludificatione do-
cet 143. de pace cum Acmete agit

285. Cafanovam confulens, indu-
cias firmat 286.
Situs propugnaculi ad Muram 153.
Solimanus Jeni Præfectus Chiuper-
lio acceptus 51. Ragotii patrocini-
um fufcipit ib.
Spaar ad Muram cum copiis pæve-
nit 255.
Stephanus Georgitia in Transylva-
niam fe recipit 18 68.
Stephanus Lazarius Berciajuni ad
Transylvanos criminatur 98.
Suchius V. Ludovicus.
Sureus Commendator Ludovico ac-
ceptus 197.
Szedius Acmetes Budæ Præfectus
Chiuperlii juffu Pannoniam inva-
dit 65. Ragotium vincit 67. 79. in-
terficitur 107.

T

T Affus propugnaculi Præfectus in
castra pervenit 258.
Temefuarie Præfectus Sevaſium
prodicionis inſimulat 29. difcedit
30. partem copiatum Lippam mit-
tit ib.
Trajanus Cæſar Decebalum vincit
47. pontem miro artificio in liſſo
facit ibid. urbes in Dacia condit
ibid.
Transylvaniæ ſitus 46. diviſio 48.
Transylvani Ragotio ſuccenſent 10.
ad Berciaii amiciriam accedunt
68. Chiminianum fequuntur 101.
ab Cæſare petunt, ut Claudiopo-
lim Abbaſſo tradat 131.
Turcæ Neofellii menibus repellun-
tur 176. pluribus levibus præliis
vincuntur 187.

V

V Alachi ab Romanis originem
ducunt 48.
Valida in Regni procuratore eſt 3.
contra Mehemetem nepotem con-
jurat ib. interficitur ib.

Va-

I N D E X

307

Varadini situs 91.
Veneti propositas ab Chiuperlio
conditiones respuant 12. laudantur
118.

Verba Redafi ad Transylvanos 20.
unius ex Haidonibus ib. Ragotii
ad Transylvanos 23. 49. 69. Vene-
torum legati ad P. M. 25. Chi-
uperlii ad Reningherli 36. 27. 52. 54.
Reningherli ad Chiuperlium 27.
95. Szedit ad suos 79. Lazaril ad
Ciculos 98. Philippi Hispanie Re-
gis 136. Seditiosi Pannonii 128.
nonnullorum in Serinum 265.

Vincislaus Lubcovitius Ragotii le-
gatum alloquitur 7. Pannonios ad

firmandas inducias hortatur 295.
Vociferationes in Ragotium 21.
Transylvanorum in Turcas 21. in
Berciajum 61. in Germanos 216.
Armeni in Turcas 31. Turcarum
in Chiuperlium 36. 41. militum in
Acmetem 294.

Z

Z Aima Mehemetis Regis Mater
Siausium ad summum magistra-
tum evocandum curat 3. Chi-
uperlium consulit, an Prætorianos
dimitti expediret 4.

ER-

ERRATA

PAg. 19. vers. 14. uno, *lege* uni. P. 20. v. 18. profuisse *l.* profudisse. P. 21. v. 16. utranque *l.* utramque. P. 26. v. 10. conjectari *l.* conjectare. P. 27. v. 8. revocare *l.* devocare. P. 34. v. 23. quas *l.* quæ. P. 40. v. 18. consuerat *l.* censuerat. P. 50. v. 4. præsentiam *l.* præsentia. P. 51. v. 15. simultatem intercedere *l.* simultatem non intercedere. P. 58. v. 30. præstavisset *l.* præstitisset. P. 74. v. 27. Constantinopolim *l.* Constantinopolim. P. 79. v. 2. aboliretur *l.* aboleretur. v. 22. præstaveritis *l.* præstiteritis. P. 123. v. 41. instituendum *l.* instruendum. P. 135. v. 40. sufferret *l.* tolleret. P. 140. v. 41. Clomacum *l.* Comaculum. P. 150. v. 2. opulentem *l.* opulentum. v. 30. potuerunt *l.* potuerint. P. 151. v. 36. Philippi Gulielmi *l.* Ferdinandi Mariæ. P. 155. v. 39. sententia *l.* sententiam. P. 159. v. 26. accerserit *l.* accersiverit. P. 162. v. 36. minuturum *l.* minuturam. v. 37. aucturum *l.* aucturam. P. 167. v. 2. comperierit *l.* compererit. P. 188. v. 27. hi *l.* hæc. P. 202. Ferdinandi Mariæ *l.* Caroli Ludovici. P. 205. v. 1. timebant *l.* timerent. P. 211. v. 35. reperiit *l.* reperit. P. 215. v. 20. conspicamus *l.* conspicamur. P. 221. v. 38. falsandi *l.* fallendi. v. 39. Cæleris *l.* Cæsaris. P. 249. v. 5. constavisset *l.* constitisset. P. 252. v. 39. sylvestre *l.* sylvestrem. P. 259. v. 17. collocaturos *l.* collaturos. P. 262. v. 38. efferre *l.* afferre. P. 278. v. 24. offendens *l.* offendendo. P. 280. v. 26. tulisse *l.* tulisset. P. 282. v. 25. quæ *l.* quas. P. 292. v. 7. plures ibi dies *l.* plures dies.

005644020



